

სამეცნიერო-საზოგადოებრივი ჟურნალი

სამი საუნჯე




3

სექტემბერი, 2012


SUMMARY
РЕЗЮМЕ

სამეცნიერო-საზოგადოებრივი ჟურნალი
კვარტალური გამოცემა



სამი საუნჯე


№3(5), 2012



თბილისი
სექტემბერი, 2012

სარედაქციო საბჭო

**ბონდო არველაძე, გიორგი გოგოლაშვილი, ანზორ თოთაძე,
გვანცა კოპლატაძე (რედაქტორის მოადგილე), ნოდარ ლომოური,
გრიგოლ რუხაძე (რედაქტორი), გრანი ქავთარია.**



დაიბეჭდა საქველმოქმედო ორგანიზაცია
„სინერჯის“ ფინანსური მხარდაჭერით.

გამომცემელი შპს „სამი საუნჯე“.

სარჩევი

მიმართვა საქართველოს ხელისუფლებისადმი.
„სამი საუნჯის“ სარედაქციო საბჭო 4

განათლება
ზურაბ ცუცქერიძე, საქართველოში სასკოლო რეფორმის
დეფორმაციული ასპექტები 5
გიორგი გოგოლაშვილი, განათლება — ჩვენი ბედისწერა 12
თენგიზ ქაძუშაძე, „მეგობრებს ყველაფერი, დანარჩენს — კანონი“ 23

ოფიციალური მიმართვა
თეიმურაზ მირიანაშვილი, ღია წერილი ამერიკის შეერთებული
შტატების ელჩს, ბატონ რიჩარდ ნორლანდს 29

ქართლის ცხოვრება
გვანცა კოპლატაძე, „ვისაც რომ სამშობლო უყვარს,
სიცოცხლე მისთვის ომია“ 34
ანზორ თოთაძე, „ჟამი ჩემია და ჟამისა მე ვარ იმედი“ 42
თინა იველაშვილი, ცოტა რამ ახალციხის „მეჩეთის“ შესახებ 54
იუზა ვეკენიძე, XIX საუკუნის ქართველი მწერლები
კავკასიის ხალხთა შესახებ 65
ბონდო არველაძე, „Армяне – в последний вагон“ 85
ნოდარ ლომოური, შიდა ქართლი — ჩვენი სამშობლო
და ჩვენი ტკივილი 110
ზურაბ ცუცქერიძე, სამშობლო საფრთხეშია 115
თემურ არბოლიშვილი, იძულებით გადაადგილებულ პირთა
პრობლემების ზოგადი ანალიზი 121
ზურაბ ჯორბენაძე, სასამართლოს რეფორმა და
მართლმსაჯულების პრობლემები 130
მამუკა ცუხიშვილი, ხელისუფლების 10 უდიდესი დანაშაული 138

ანტიკურობა
გრანი ქავთარია, რომის იმპერიის დემონები. კალიგულა 146

იკონოგრაფია
გრიგოლ რუხაძე, ვენახის სახისმეტყველება 159

დოკუმენტური მოთხრობა
ნუგზარ ძნელაძე, საგანგებო მდგომარეობა 167

ახალი წიგნი
წინათქმა თეიმურაზ ფანჯიკიძისა,
გურამ ქერაშვილი, ხევი და მოხევეები, თბ., 2012 173

ჩვენი ავტორები 177

PE3IOME (რეზიუმე რუსულ ენაზე) 181
SUMMARY (რეზიუმე ინგლისურ ენაზე) 189

მიმართვა


საქართველოს პრეზიდენტს მ. სააკაშვილს,
საკანონმდებლო და აღმასრულებელ ხელისუფლებას

დადგა ჟამი, როცა ქართლის ბედი თვით ქართველმა უნდა გადაწყვიტოს. ამა წლის 1 ოქტომბრის საპარლამენტო არჩევნები ჩვენს ერს ისტორიულ პასუხისმგებლობას აკისრებს. ამიტომ, ვიცით რა განწყობა შეგნებულ საზოგადოებისა და მისი მზაობა სამშობლოს ღირსების დაცვისათვის, მოგმართავთ თხოვნით, უზრუნველყოთ სამართლიანი არჩევნების ჩატარება და არ გახდეთ სამოქალაქო დაპირისპირების მიზეზი.

გთხოვთ გაითვალისწინოთ, ქართველ ხალხს აღარაფრის ეშინია. მას უკან დასახვევი გზა აღარ აქვს, რადგან, წინააღმდეგ შემთხვევაში, იგი შთამომავლობისთვის მამულის, ენისა და სარწმუნოების შენახვას ვეღარ შეძლებს.

ფაქტი სახეზეა: „ვარდების რევოლუციის“, ანუ ქვეყნის სათავეში თქვენი გუნდის მოსვლის შემდეგ მოქალაქეთა უფლებები და ეკონომიკური შესაძლებლობები კატასტროფულად შეიზღუდა, ხოლო, რაც მთავარია, აღზრდისა და სწავლების თქვენეულმა მეთოდებმა იმდენად შემაძრწუნებელი სახე მიიღო, რომ ახალგაზრდობის მომავალს საფრთხე ემუქრება. ამ და კიდევ სხვა მრავალი მიზეზის გამო, ჩვენი ხალხის უდიდესი ნაწილის განწყობა საიდუმლო აღარავისთვის აღარაა. ამიტომ თავს მოვალედ ვრაცხთ, კიდევ ერთხელ შეგახსენოთ, რომ, მიუხედავად ამ ბოლო წლების არჩევნებში თქვენი საეჭვო გამარჯვებებისა, ამჯერად თქვენი დამარცხება არ გამორიცხვით. ადამიანს მოეთხოვება ცოდნა იმისა, რომ პატრიოტული რეობიდან სასოწარკვეთამდე ერთი ნაბიჯია და არც ამქვეყნიურ დიდებას ამორებს დაცემისაგან უფრო ღიდი მანძილი.

„სამი საუნივერსიტეტო“ სარემდაქციო საბჭო.



ზურაბ ცუცქერიძე

**საქართველოში სასკოლო რეფორმის
დეფორმაციული ასპექტები**

მკითხველმა რომ არ იფიქროს, ეს კაცი მდგრადი (!) კონსერვატორია და ამიტომ აპირებს ჩვენში განხორციელებული სასკოლო რეფორმის კრიტიკასო (კრიტიკას რომ ვაპირებ, სათაურშივეა გაცხადებული!), ყოველგვარი ყალბი მოკრძალების გარეშე ამთავითვე ვაცხადებ: მე და ჩემი თანამოაზრეები საბჭოური განათლების სისტემის რეფორმის აუცილებლობას რომ ვქადაგებდით, მაშინ ეს ჩვენი რეფორმატორები (უფრო კი — დეფორმატორები!) ჯერ კიდევ საბავშვო ბაღის ასაკისანი იყვნენ. მაშინ ჩვენს პედაგოგიკაში დისიდენტის იარლიყიც მოგვაკერეს და არაერთი უსიამოვნებაც გვაწვევინეს.

ჩვენი ჟურნალის მკითხველმა იცის, რომ კონსერვატორობა და ნოვატორობა (იგივე რეფორმატორობა) თავისთავად არც კარგია და არც ცუდი. საქმე ის არის, როდის ხარ კონსერვატორი და როდის ნოვატორი. როდესაც ნოვატორობა და კონსერვატიზმი ერთად არიან, მაშინ გაწესრიგებულია საქმე და განვითარებაც უზრუნველყოფილია. ავტომობილს მხოლოდ მუხრუჭი რომ ჰქონდეს, ადგილიდან ვერ დაიძვრება, მაგრამ მხოლოდ აქსელერატორი თუ ექნა, მტრისას და ავისას, აუცილებლად გადაიჩხება. ასეა საზოგადოებაც.

საქართველოში ე. წ. განათლების ამჟამინდელი რეფორმის დაწყებისას, მისმა ერთ-ერთმა „თორეტიკოსმა“ გვაუწყა, სკოლაში აბსოლუტურად ყველაფერი უნდა შეიცვალოსო.

ყველაფერი როგორ უნდა შეიცვალოს, შე ჭკუის კოლოფო-მეთქი, ვუთხარი (ცოტა სხვა სიტყვებით, რა თქმა უნდა!), გაკვეთილის დაწყება და დამთავრება ზუსტად განსაზღვრული არ იქნება, მასწავლებლები და მოსწავლეები ფუნქციებს გაცვლიან, მოსწავლეთა კონტინგენტი კლასებად აღარ იქნება დიფერენცირებული თუ რა-მეთქი. შენ ქრონიკული ოპოზიციონერი ხარო, მიპასუხა.

მაღე გამოჩნდა, რომ საქმე ბევრად უფრო ცუდად იყო, ვიდრე მეგონა.

გულწრფელად უნდა გამოვტყდეთ, „ლიტერატურული საქართველოს“ ხმამაღალი ძახილი და მოწოდება, არიქა, ერისა და ქვეყნის მტრებით აივსო სახელმწიფო, განსაკუთრებით ხელისუფლებათ, ერთობ გადაჭარბებულად მეჩვენებოდა. არ ყოფილა გადაჭარბებული! განსაკუთრებული დაკვირვებაც აღარ არის საჭირო, რომ დაინახო კარგად ორგანიზებული, მასირებული, თუმცა ერთგვარად შენიღბული შეტევა ეროვნულ ცნობიერებაზე. ამავე დროს, „შეუიარაღებელი“ თვალისათვისაც აშკარაა ეროვნული ცნობიერების ფორპოსტზე, განათლების სისტემაზე გამიზნული შეტევა, რომელიც უკვე შენიღბულიც კი აღარ არის.

ვითომ მართლა ასეაო, იტყვის საქმეში ღრმად ჩაუხედავი მკითხველი. კეთილი, ჩემო ბატონო, თქვენი ეჭვი ლეგიტიმურია. საგანმანათლებლო რეფორმას, რომლის აუცილებლობაზე (ვიმეორებ!) დიდი ხნის განმავლობაში პრინციპულად ვმსჯელობდით, მართლაც, მტრები ხომ არ ატარებენ? ბუნებრივია ასეთი კითხვის გაჩენა.

მოდით, ერთად გადავვლოთ თვალი რეფორმის სტრატეგიის განხორციელების პროცესსა და მის მეცნიერულ საფუძვლებს, მაშინ დავინახავთ რას თესავენ და როგორი მოსავლის აღებას ვარაუდობენ ჩვენი რეფორმატორები.

როგორც საზოგადოებისათვის ცნობილია, საქართველოში სასკოლო რეფორმის განხორციელების ხელშეწყობის მიზნით აშშ-მ 60 მილიონი დოლარი გამოჰყო, რომელიც ეტაპობრივად გადმოურიცხა საქართველოს განათლების სამინისტროს. მე იმის ცოდნას ნუ მომთხოვთ, ეს 60 მილიონი სესხი იყო თუ დახმარება. ასეა თუ ისე, კაცი რომ გაჭირვებაში ხელს გაგიმართავს, მაღლობის მეტი რა გეთქმის.

ეს ფული რომ გამოგვიგზავნეს, თან ღირექტივაც მოაყოლე, თითოეული ცენტრი ამასა და ამას მოახმარეთო. თუ ეს ფული საჩუქარია, მაშინ ვერც ამაზე შეედავები. კაცი თუ ფულს გჩუქნის და გეუბნება, ამით შარვალი იყიდე და არა პურიო, რას ემართლები, მაღლობელი არ ხარ? ხომ არ გართმევს, გჩუქნის! (ისე კი, ღმერთო შეგცოდე და, ეჭვი მღრღნის, რაღა ჩვენი ხალხის სიყვარულის ქოთანს გაუსკდა ამ ამერიკას, — შეერთებულ შტატებზე ვამბობ, — ამ სიშორეზე მცხორებ ხალხზე რამ აუჩუყა გული? იქვე არ ჰყავს ახლო მეზობლები: ნიკარაგუა თუ პუერტორიკო, ბოლიფია თუ ჰონდურასი, პანამა თუ მანამა? გაუნათლებლობისა და სიდუხჭირის ჭაობში რომ იხრჩობიან!).

სარეფორმო სტრატეგიულ გეგმაში ერთ-ერთ მთავარ ამოცანად პედაგოგთა კვალიფიკაციის ამაღლების ამოცანა იყო დასმული. კეთილი. ამაში ცუდი რა არის? პირიქით! საქმე ის არის, რომ ამ ორი ათეული წლის წინ „პედაგოგიურ მექად“ აღიარებულ თბილისში (აშშ-ს განათლების მუშაკთა დელეგაციის მეთაურის ნათქვამია ეს, თბილისში ყოფნისას 1984 წელს) და

მთელ საქართველოში კვალიფიკაცია რომ აუმაღლო პედაგოგებს, სრულიად თანამედროვე ნოვატორული თეორიები და ტექნოლოგიები უნდა მიაწოდო მათ.

ჩვენი რეფორმატორები როგორ იქცეოდნენ და რაში ხარჯავდნენ უცხოურ გრანტებსა თუ კრედიტებს?

უცხოელ სპეციალისტებს იწვევდნენ (იმ ქვეყნებიდან, რომლებმაც ფული გვასესხეს!) და ლექცია-სემინარებს ატარებინებდნენ იმ აქტივისტი მეთოდისტებისათვის, რომლებსაც შემდგომში სხვებისთვის უნდა გადაეცათ უცხოელების მიერ ნასწავლები „პედაგოგიური სიბრძნე“.

მე არ ვიცი, რა დონის სემინარებს ატარებდნენ ის უცხოელები და რა სიბრძნის სალარო იხსნებოდა მათს ლექციებზე, ამიტომ მხოლოდ სხვათა მონათხრობით ვერ ვიმსჯელებ. სამაგიეროდ, აგერ მაქვს 200 გვერდიანი წიგნი, რომელსაც ყდაზე ძალიან დიდი ასოებით აწერია „აქტიური სწავლების მეთოდების სახელმძღვანელო“ და იქვე, ცოტა უფრო მცირე ზომის ასოებით — „გაეროს ბავშვთა ფონდი“. ყდაზე მეტი არაფერი წერია.

ამ წიგნს შემთხვევით კი არ ვასახელებ, იგი განათლების სამინისტრომ გაავრცელა, როგორც სარეფორმო სტრატეგიის ძირითადი თეორიული დოკუმენტი, ჯერ კიდევ რეფორმის დასაწყისში.

სად მომზადდა და ვინ არიან ავტორები წიგნისა, რომლითაც კვალიფიკაცია უნდა აიმაღლონ ჩვენმა პედაგოგებმა?

წიგნის მეორე გვერდზე ირკვევა, რომ ეს სახელმძღვანელო სერბიისა და მონტენეგროს რესპუბლიკების განათლების სამინისტროების ხელთდასწმით მოუზადებიათ ივან ივიჩს, ანა პესიკანს, სლობოდან იანოვიჩს, სვეტლანა კიევკანინს. მათ შესახებ სხვა ცნობები აღნიშნული არ არის, ხოლო ვეროპულ პედაგოგიკაში, რამდენადაც ვიცი, მათი სახელები უცნობია.

არავის დამცირებას არ ვაპირებ (ღმერთმა დამიფაროს!), მაგრამ, სხვათა შორის, ცნობისათვის ვიტყვი: გასული საუკუნის 70-იანი წლებიდან 90-იანი წლების არეულობამდე, იუგოსლავიის შეიდევე რესპუბლიკის დელეგაციები თვეში ორჯერ ჩამოდიოდნენ იაკობ გოგებაშვილის პედაგოგიის სამენციერო-კვლევით ინსტიტუტში მოწინავე პედაგოგიური ტექნოლოგიების შესასწავლად (შემდეგში, სლოვენისთან ხელშეკრულებაც გაფორმდა).

სახელმძღვანელოს ქართული თარგმანი ნათლად მეტყველებს მთარგმნელთა პედაგოგიურ „კვალიფიკაციაზე“. მთარგმნელებმა და მათმა დამკვეთებმა (თუ ისინი ერთი და იგივენი არ არიან!) ანაგებადაც არ იციან პედაგოგიკა და ფსიქოლოგია. ასეთი ცოდნა-გამოცდილებით რა თეორიულ საფუძვლებსაც შეუქმნიდნენ რეფორმას, ძნელი გასაგები არ არის.

სახელმძღვანელოს ეპიგრაფით აქვს წამძღვარებული ამონარიდი: ვი-

დაც ა. მ. და მ. ნ.-ს წერილიდან, რაც, სავარაუდოდ, ავტორთა პედაგოგიურ კრედიტს გამოხატავს. „ადამიანს, რომელსაც სურს გავლენა მოახდინოს მეორე ადამიანის განვითარებაზე, მხოლოდ ერთი რამის გაკეთება შეუძლია: განავითაროს ამ ადამიანის განსჯის სიმტკიცე, ასწავლოს მას საკუთარი გონებით ფაქტებზე დაკვირვება და ლოგიკური დასკვნების გამოტანა დამოუკიდებლად“ (ხაზგასმა ჩემია — ზ. ც.).

აი, ასე იწყებენ ჩვენს „განათლებას“ სახელმძღვანელოს პირველივე გვერდიდან.

მართლაც, თუ კაცს მტკიცე მსჯელობის უნარს ჩამოუყალიბებ, საკუთარი „გონებით ფაქტებზე“ დაკვირვებასა და დასკვნების გამოტანას ასწავლი, ამაში ცუდი რა უნდა იყოს, მაგრამ რა შუაშია აქ „მხოლოდ“? რატომ გვაფრთხილებენ, რომ ეს გააკეთეთ და სხვა არაფერიო. როგორ, ცოტა მზამზარეული ცოდნაც რომ მიეცე, რა დაშავდება? აბა, იმას ვუცადო, „საკუთარი გონებით ფაქტებზე დაკვირვებითა და ლოგიკური დასკვნებით“ როდის მოახერხებს იგი მექანიკის კანონების, ან თუნდაც ელექტრობის თავისებურებების აღმოჩენასა და დადგენას? არაო, გვეუბნებიან, არაფერი ასწავლოთო, მეტიც, გვემუქებიან: „ვინც ამ გზას არ გაჰყვება და მოისურვებს საკუთარი გეგმებითა და რჩევით “ნამცხვარივით გაავსოს“ მეორე ადამიანი, მას შეიძლება ამოძრავებდეს ნებისმიერი რამ, ამ ადამიანისათვის განვითარებაში დახმარების გარეშე“.

რა დაგეგმართათ თქვე დედამაცხონებულეხო (წიგნის ავტორებსა და მთარგმნელებს მივმართავ!), აქსიომატურობის პრინციპის შესახებ არაფერი გსმენიათ? ამას არ ეფუძნება ბავშვის სწავლა-განვითარება დღემდე? არც სწავლების განმავითარებელი ფუნქციის შესახებ გაგიგიათ რაიმე? რაც შეეხება მხოლოდ ცოდნის დაგროვებაზე ორიენტირებულ განათლებას, მას განაჩენი ჯერ კიდევ ოთხი საუკუნის წინ გამოუტანა იან ამოს კომენსკიმ და ბავშვის გონებრივი განვითარების კლასიკური ფორმულაც ჩამოაყალიბა: „ბავშვის გონება ჭურჭელი კი არ არის, რომელიც უნდა აავსო, არამედ ჩირაღდანია, რომელიც უნდა აანთო!“ ეს რომ გაგონილი ჰქონოდათ ამ წიგნის ავტორებს, იმას როგორ იტყოდნენ „ნამცხვარივით გაავსოს“ მეორე ადამიანიო. ამგვარი შედარება არა მარტო პედაგოგიურ პროცესთან დაკავშირებით, არამედ საერთოდ არ მსმენია. ხოლო, რადგან წიგნის გამოცემლები მას გვთავაზობენ, ალბათ, სმენიათ კიდევ და მოსწონთ კიდევ. ღმერთმა შეარგოთ! იქვე, ყოველი შემთხვევისათვის, მკითხველს აკვალანებენ (უფრო სწორი იქნება, თუ ვიტყვი, ლანძღავენ-მეთქი); „ისეთი მასწავლებელი, რომელიც ჩვენ მიერ მოწოდებულ მცნებას არ მიჰყვება, ან უპასუხისმგებლო ბავშვია, რომელსაც საკუთარი ამბიციების დაკმაყოფილება სურს საკუთარი „ცოდნით“ თავის მოწონებითა და ახალი „მეგობრების“ შექმნით, ან თაღლითია, რომელსაც თავისი წვრილმანი მიზნების

მიღწევის სურვილი ამოძრავებს“ (სტილი დაცულია — ზ. ც.).

უბოდიშოდ უნდა განვაცხადო: ასეთი უაზრობა და, მეტიც, სისულელე სამეცნიერო-მეთოდოლოგიურ ლიტერატურაში კი არა, „კაცების შოუშიც“ არ გამოგონია. სერიოზულ მეცნიერებაზე პრეტენზიის მქონე კაცი ამ ბჟუტურზე აზრის გამოთქმას როგორ იკადრებდა, მაგრამ ეს ბჟუტური სარეფორმო სტრატეგიის ნაწილი რომ არის? რეფორმა კი ჩვენს სკოლებში ხორციელდება, სადაც საქართველოს მომავალი იზრდება.

მაშ, რა გამოდის? მასწავლებელი თუ რაიმე ცოდნას გადასცემს მოსწავლეებს, მაშინ იგი უპასუხისმგებლო და ამბიციური ბავშვია? ასეა?

ამგვარ მოსაზრებას არანირი კავშირი არ აქვს სწავლების თეორიასთან. პედაგოგიკასა და პედაგოგიურ ფსიქოლოგიაში, ჩვენშიც და უცხოეთშიც, მიჩნეულია, რომ სწავლება არის ცოდნა-გამოცდილების გადაცემა-ათვისების პროცესი. ამასთან, ცოდნა-გამოცდილების გადაცემა-ათვისების მხოლოდ ორი გზა არსებობს — ინფორმაციული და ძიებითი. პირველი ირიბად უკავშირდება შემეცნების პროცესს, მეორე პირდაპირ ეყრდნობა მას. სხვა რამ გზა ბუნებაში არ არსებობს!

ესენი ანუ დეფორმატორები (არ შემშლია!) რა მიზანსაც უსახავენ სკოლას, ის არა სწავლება-აღზრდას, არამედ წვრთნა-აღზრდას გულისხმობს. აღზრდის მთლიან სისტემაში წვრთნა-აღზრდას მნიშვნელოვანი ადგილი უკავია, მაგრამ მთავარი ორიენტირი, რა თქმა უნდა, სწავლება-აღზრდაა. ეს ბუნებრივია, რადგან სკოლის გენერალური ფუნქცია განათლებაა, ხოლო განათლება სწავლების გარეშე ჯანსაღი გონებისთვის წარმოუდგენელია.

დიდი სიბრძნე არ არის საჭირო იმის მისახვედრად, რომ ჩვენს სკოლას მიზნად უსახავენ მხოლოდ მომსახურე პერსონალის აღზრდას!

ტურიზმი თუ განვითარდება ჩვენში (ცხადია, უნდა განვითარდეს!), ბუნებრივად იქნება, სასტუმროებსა თუ რესტორნებში, კემპინგებსა თუ ავტოგასამართ სადგურებში, სხვაგან და სხვაგან მათ ჩვენი მოქალაქეები მოემსახურონ, მაგრამ სხვათა მოსამსახურებლად მთელი ერის ტოტალური მომზადება საგანმანათლებლო სისტემის გენერალურ ამოცანად უნდა დავისახოთ? ეს ეკადრება სამიათწლიანი ბრძოლისა და შემოქმედებითი შრომის ისტორიის მქონე ხალხს?

ჩვენი დეფორმატორები განათლების სფეროში ამა თუ იმ ნოვაციას ისე გამოახვევენ ხოლმე დემოკრატიისა და ჰუმანიზმის საფარველში, რომ კარგად თუ არ დაფიქრდი, გული აგიჩუყდება უთუოდ, ასეა ინკლუზიური სწავლების დანერგვის პროცესშიც.

ცოლო არ არის გონებრივად ჩამორჩენილი ბავშვი, მასობრივ სკოლაში რომ არ ღუბულობენო. ისიც ხომ ადამიანის (უფრო კი — ღვთის) შვილიაო. რაც უნდა უნიჭო იყოს (დებილი, იბეცილი!), საზოგადოებასთან

ადაპტაცია მასაც ხომ სჭირდებაო. კლასში რომ ერთი-ორი გონებაჩამორჩენილი თანატოლი ეყოლებათ, ნორმალური ინტელექტის ბავშვებში მათი მდგომარეობა სიბრაღულს გამოიწვევს და ისინი სხვაზე ზრუნვას ისწავლიანო, — დაგვანამუსეს ღეფორმატორებმა.

საზოგადოებასთან ადაპტაცია ის არის, როცა პიროვნება არასრულფასოვნების კომპლექსისაგან გათავისუფლდება საზოგადოებასთან სოციალური ურთიერთობის პროცესში. როდის უფრო ნათლად გააცნობიერებს და დააფიქსირებს მოზარდი თავისი გონებრივი შესაძლებლობების დეფიციტს — მასობრივ სკოლაში, თუ სპეციალურ სასწავლო დაწესებულებაში, სადაც დაახლოებით ერთნაირი განვითარების ბავშვები სწავლობენ მათი ინტელექტის თავისებურებებთან მისადაგებელი პროგრამებითა და სახელმძღვანელოებით. სად უფრო აქვთ წარმატების შანსი, რაც განვითარების ყველაზე ქმედითი სტიმულია?

სპეციალურ სკოლაში გონებრივად ჩამორჩენილი ბავშვების აზროვნების ტემპისა და თავისებურებების შესაბამისად არის ორგანიზებული სწავლების პროცესი. ამიტომ იქ თითოეულ ბავშვს აქვს წარმატების შანსი და მათი განვითარება უსათუოდ მივა გარკვეულ სოციალურად ღირებულ კონდიციამდე. მასობრივ სკოლაში ამის შანსი ნულის ტოლია!

ერთ-ერთი სოცილოგიური გამოკითხვისას ერთმა მეოთხეკლასელმა კითხვაზე — რამდენი მოსწავლეა თქვენს კლასში? ასე უპასუხა: ოცდამეოთხეტი მოსწავლე და ერთი ინკლუზიური ბავშვიო.

სრული ადაპტაცია მომხდარა! ე. წ. ინკლუზიური ბავშვს თანაკლასელები მოსწავლედ არ თვლიან. მეტი სოციალური გაუცხოება რაღა გინდა?

ძალიან კარგად იციან რეფორმის იდეოლოგებმა, რომ მასობრივ სკოლაში ე. წ. ინკლუზიური ბავშვები ნორმალური ინტელექტის ბავშვების ღონეზე ვერ მივლენ, აი, ნორმალურების გამოთავანება კი შესაძლებლად მიაჩნიათ. სატელევიზიო გადაცემას, „ქალურ ლოგიკას“ რომ ვუცქერი ხოლმე, ვრწმუნდები, რომ ჩვენი განათლების სისტემა მოსწავლეთა გამოთავანების ამოცანას წარმატებით წყვეტს. ამას წინათ ამ ე. წ. შოუში ორ გამომწვევად, ფეხიფეხზე გადადებულ ახალგაზრდა ქალს (რომელთაგან ერთმა გიდი ვარო, თქვა, მეორემ კი ბიზნესის მენეჯერობა დაიბრაღა) კითხვა დაუსვეს: რამდენი ნულია მილიარდშიო. იმ ორმა კარგა ხანს იდავა: ერთი ამტკიცებდა მილიარდში მილიარდი ნულიაო, მეორე კი დარწმუნებული იყო, რომ მილიარდში ნული საერთოდ არ არის. საბოლოოდ იმაზე შეთანხმდნენ, რომ მილიარდს ნული არ აქვსო.


სასკოლო რეფორმის ანტიეროვნული მიზნები აშკარად გამოჩნდა საქართველოში უცხოური ენის ორი ათასი ე. წ. პედაგოგის ჩამოყვანით. უცხოური ენის ცოდნა რომ ძალიან კარგია, ეს ჩვენი პაპის პაპის პაპის პაპამაც კარგად იცოდა და იცოდნენ კიდევ უცხოური ენები ჩვენმა წინა-

პრებმა, მაგრამ ეს ორი ათასი კაცი მართლა უცხოური ენის სწავლების მიზნით ჩამოვიდა, თუ ჩამოიყვანეს?

მესტიის რაიონის სოფელ უშგულში, ხარაგაულის რაიონის სოფელ სალანძილეში, თუ თელავის რაიონის სოფელ ვანთაში ქართული ენის აბსოლუტურად უცოდინარ ამერიკელს რომ გააგზავნი, ქართულ ოჯახში ჩაასახლებ, ის ასწავლის ადგილობრივ ბავშვებს ინგლისურს, თუ, პირიქით, ისინი ასწავლიან მას ქართულს. ეს ცუდი არ არის, მაგრამ მასაც შეუძლია აქაურებს ასწავლოს... ამერიკული ცხოვრების წესი. ის წესი კი არა, რომლითაც ობიექტული ამერიკელი ცხოვრობს — სწავლობს, შრომობს, შეილეს ზრდის, იღვწის; არა! ცხოვრების ის წესი, რომელიც ჩვენი ცხოვრების წესისაგან რადიკალურად განსხვავებულია და მოზარდის თვალსა და ყურს სწორედ ამ განსხვავებულობით იტაცებს. ამიტომ ჭარბობდნენ იმ მისიონერ „პედაგოგებში“ ფლექტერები და არა როჯერისა და დიუის პედაგოგიკის მიმდევრები.

საქართველოში სასკოლო რეფორმის ღეფორმაციულ ასპექტებზე ძალიან დიდხანს შეიძლება საუბარი და არც საილუსტრაციო მაგალითების მოძიებაა ძნელი, მაგრამ ამჯერად აქ დაესვამ წერტილს. მე მგონია, მკითხველს ასე თუ ისე მივანიშნე იმ ტენდენციას, რომელიც აშკარად მეტყველებს იმაზე, თუ როგორ მეთოდურად მივდივართ საყოველთაო წიგნიერების დამკვიდრების ეროვნული სისტემიდან, საყოველთაო უწიგნურობის ანტიეროვნული სისტემისაკენ.





გიორგი გომოლაშვილი

განათლება – ჩვენი პედაგოგია

„*ვინ არ იცის, რომ ჩვენი ბედის წერა მხოლოდ სწავლა-განათლებასზედ არის დამოკიდებული?*“, — ეს კითხვა აკაკი წერეთელმა დიდი ხნის წინათ დასვა... ვითომ დღეს კი ვიცით, რომ ჩვენი ბედისწერა მხოლოდ სწავლა-განათლებასზე არის დამოკიდებული? და თუკი ვიცით, რას ვაკეთებთ საიმისოდ, რომ სწორ გზაზე დავაყენოთ სწავლა-განათლების საქმე? — ვისაუბროთ ამ თემაზე.

მოდით, ჯერ იაკობ გოგებაშვილს მოვუსმინოთ: „*ხალხის განათლება დედა ბოძია, მთავარი ბურჯი ქვეყნის კეთილდღეობისა, ბედნიერებისა*“... რა დღეშია დღეს ეს დედაბოძი, მთავარი ბურჯი ქვეყნის კეთილდღეობისა? — მარტივად შეიძლება ვუპასუხოთ: მორყეულია, ძირგამოთხრილია...

დღეს — ამ გააფთრებულ წინასაარჩევნო კამპანიაში — სიტყვა „განათლება“ სხვათა შორის თუ გაიჟღერებს, ისიც ზოგადად; ეს ენება როგორც პოზიციას, ისე ოპოზიციას. ხელისუფლება ზოგჯერ წარმატებულ საგანმანათლებლო რეფორმასზეც კი საუბრობს, აქაც უფრო მეტად ზოგადად. ყველაზე წარმატებული (მათი აზრით) ეროვნული გამოცდები იყო და მომავალი წლიდან აღარ იქნებაო (აკი ძალიან წარმატებულიაო?)... ასე რომ, განათლება უკანა პლანზე გადაწეულ საკითხთა რიგში დგას...

სამინისტროს დონეზე დააწყვილეს განათლება და მეცნიერება. ეს ალბათ სწორი ნაბიჯი იყო: რეალურად ასეც არის — მეცნიერების საფუძველი განათლებაა, განათლების საფუძველი — მეცნიერება. უერთმანეთოდ ვერცერთი ვერ იხეირებს. თუ აკაკი და იაკობი მხოლოდ განათლებაზე ამახვილებენ ყურადღებას, იმ დროისათვის ეს რეალობა იყო — ქართული მეცნიერება ფაქტობრივ არ არსებობდა; იაკობი სხვათა (კომენსკის, უშინსკის, ლომონოსოვის, პესტალოცის...) მეცნიერულ ნააზრევს (და პრაქტიკულ გამოცდილებას) ემყარებოდა და ავითარებდა. თუმცა იაკობს ძალიან კარგად ესმოდა მეცნიერების როლი და მნიშვნელობა: „*ენა, რომელზედაც მეცნიერება არ არსებობს, დიდხანს ვერ იცოცხლებს, თუნდაც ბლომად ჰქონდეს ლექსები და მოთხრობები. ხოლო მეცნიერება მაშინ იბადება და*

იზრდება რომელისამე ენაზე, როცა ამ ენაზე მიმდინარეობს საგნების სწავლება ყოველს გვარს სასწავლებელში“ (ეს არსებითია!).

XX საუკუნემ — ქართული უნივერსიტეტისა და ეროვნული მეცნიერებათა აკადემიის შექმნამ — ქართული მეცნიერება საერთაშორისო ასპარეზზე ანგარიშგასაწევ ძალად აქცია...

დღეს? XXI საუკუნემ რატომ უღალატა ქართულ განათლებასა და მეცნიერებას? — ამგვარ კითხვას თავის დროზე ილიამ უპასუხა: „*დაუდევრელები ვართ ქართველები და კიდევაც ეს მოგვიღებს ბოლოს, თუ ჩვენ საუბედუროდ არ გავსწორდებით როდისმე*“... ეს რომ თქვა ილიამ, მერე ცოტა გავსწორდით და... შემდეგ გასწორებული მაინც გავამრუდეთ...

თუმცა მივყვეთ უფრო თანმიმდევრულად.

განათლება უწყვეტი პროცესია: სკოლამდელი აღზრდა — ზოგადსაგანმანათლებლო სკოლა — უმაღლესი სასწავლებელი. რა ხდება თითოეულ ამ საფეხურზე?

პრინციპული მნიშვნელობა აქვს (განსაკუთრებით პირველ ორ საფეხურზე) ენის სწავლების საკითხს; კერძოდ, დედაენაზე განათლების მიღების საკითხს. გაეხანავეთ — მშობლიურ ენაზე, როგორც ქართველთათვის, ისე — არაქართველთათვის.

ერთზეც შევთანხმდეთ: დედაენაზე აღზრდის მნიშვნელობა სწორად გვესმის თუ არა; ეს მხოლოდ პატრიოტული საქმეა, თუ არა მხოლოდ და უფრო არსებითი მნიშვნელობაც აქვს. ანუ: რა მნიშვნელობა აქვს, სწავლების ენა მშობლიური იქნება თუ უცხო ენა.

აქაც იაკობ გოგებაშვილი უნდა მოვიშველიოთ; მის პუბლიცისტურ მემკვიდრეობაში ერთ-ერთი მთავარი თემა დედაენისა და უცხო ენის სწავლების ურთიერთმიმართების საკითხია. ძირითადი თეზისი ასე შეიძლება წარმოვადგინოთ: „*ბავშვმა მას უკან უნდა იწყოს უცხო ენის შესწავლა, როცა უკვე კარგად აქვს შეთვისებული თავისი დედა-ენა*“. იაკობი მოგვიწოდებს: „*საჭიროა საქართველოს ეროვნულ ეტლში შევებათ ძირში ქართული ენა და კევრად მივუბათ რუსული ენა და სხვა ენები*“. და ეს არა იმიტომ, რომ „*მხოლოდ დედა-ენა არის ენა სულისა და გულისა. ყველა უცხო ენანი კი არის ენანი მესხიერებისა*“; დიას, არა მხოლოდ ამიტომ. იაკობი განმარტავს: „*დედა-ენის გაცვლა უცხო ენაზედ ადაბლებს კაცის გონებასა და უსუსტებს ზნობრივ ძალასა... ამ შემთხვევაში იბადება წინააღმდეგობა კაცის ეროვნული აკებულებისა და მის მეტყველების შუა და ამ წინააღმდეგობის წყალობით ეს პირი რამდენიმე ხარისხით ძირს ჩამოდის სულიერად. თუ იგი გენიოსად იყო დაბადებული, გამოვა მხოლოდ შესანიშნავი ნიჭის პატრონი; თუ ნიჭიერად იყო გაჩენილი, საშუალო ნიჭის ადამიანი შეიქმნება და თუ ბუნებისაგან დაყოლილი ჰქონდა უბადლო ნიჭი, მტკნარ სიტუტუცეზე ჩამოხტება*“... ანუ: ბავშვის ბუნებითი შესაძლებლობა ერთი

საფეხურით ჩამოქვეითდება... როგორც ვთქვით, ეს ერთ-ერთი ძირითადი თემაა იაკობისათვის; ეს არ არის „XIX საუკუნის აზროვნება“...

როგორ უყურებენ ამ საკითხს დღეს? რამდენიმე ამონარიდს მოვიყვან გამოჩენილი ფსიქოლოგის, აკადემიკოს შოთა ნადირაშვილის წერილიდან: „პიროვნების განვითარებისა და ჩამოყალიბებისათვის უდიდესი მნიშვნელობა აქვს მშობლიური ენის სიღრმისეულ შესწავლას. უცხო ენის სწავლების დაწყება კი შეიძლება მხოლოდ მაშინ, როდესაც ბავშვმა კარგად იცის წერა-კითხვა, თვლა-ანგარიში და აზროვნება მშობლიურ ენაზე. წინააღმდეგ შემთხვევაში, უცხო ენის შესწავლა მავნე ზემოქმედებას მოახდენს მოზარდის ფსიქიკაზე და შეაფერხებს მის გონებრივ განვითარებას“. დღეს, როცა დადგა საკითხი ქართულ სკოლაში უცხო ენის პირველი კლასიდანვე სწავლებისა (დედაენის პარალელურად!), ფსიქოლოგი გვაფრთხილებს: „თუ ინგლისური ენა მშობლიური ენის კონკურენტად აქციეს, ეს ძალიან ცუდად იმოქმედებს ბავშვების ფსიქიკაზე და მათი აზროვნების მოლიანობაზე“... ასე რომ, ის, რასაც იაკობი ქადაგებდა XIX საუკუნეში, უტყუარი ჭეშმარიტებაა დღესაც, მეტიც — სასიცოცხლო აუცილებლობა ერისათვის...

იგონებენ: თედო სახოკია ძველ თბილისურ ეზოში ცხოვრობდაო — ეზოში, სადაც სხვადასხვა ეროვნების ადამიანი სახლობდა. სანამ ბატონი თედოს შვილიშვილი 6 წლის გახდებოდა, პაპა სთხოვდა მეზობლებს, ბავშვთან მხოლოდ ქართულად ესაუბრათ, ხოლო 6 წლის შემდეგ სთხოვდა, მასთან რუსულად ესაუბრათ. ჰოდა ის ბავშვი გახდა შესანიშნავი მოქართულე და მორუსულე. თ. სახოკია ვეროპაში განათლებამიღებული კაცი იყო და იცნობდა ვეროპელ მეცნიერთა აზრს ამ თემაზე...

ვიცი თუ ჩვენ, დღეს რა ხდება სკოლამდელ დაწესებულებებში? განათლების სამინისტრო აკონტროლებს კი „სწავლების“ ენის საკითხს სკოლამდელ დაწესებულებაში? როგორც მითხრეს, ამის კონტროლი დღეს არ ხდება; ამ პრობლემას თითქოს არც განიხილავენ... მაგრამ უფრო რთული ვითარებაა კერძო საბავშვო ბაღებში; განათლების სამინისტროს მათთან არანაირი კავშირი არა აქვს. ახლა არ ვიცი, საერთოდ კონტროლს დაქვემდებარებული არის თუ არა ამგვარი ბაღების არსებობა; წლების წინათ სასამართლოს გადაწყვეტილება იყო საჭირო ამგვარი ბაღის გასახსნელად. რას ასწავლიდნენ, როგორ და ვინ, ამას მხოლოდ ბაღის მებატრონე წყვეტდა. კერძო ბაღებში აღსაზრდელთა მოზიდვის ერთ-ერთი ძირითადი საშუალება უცხო ენის სწავლებაა... და ახალენაადგმულ ქართველ ბავშვს „ასწავლიან“ ინგლისურად... და ამავობენ ვაიმშობლებიც... ერთი მეგობარი მიყვებოდა, როგორ იწონებდა თავს ბებია: „ენაცვალოს ბებო, ჩემი შვილიშვილი ფრანგულად აზროვნებს; თქვა, დედა კარგად თამაშობს პიანინოზეო“... ამბობენ, რომ ასე აღზრდილ ბავშვს არც ფრანგული ეცოდინება კარგად და არც ქართულიო... დიახ, ამგვარი აღზრდის შედეგი

რომ სავალალო იქნება, სადავო არ უნდა იყოს. ეს ბავშვის გონებრივი განვითარების მუხრუჭია და არა წინსვლის ფაქტორი... იმაზე აღარაა საუბარი, უცხო ენათა შესწავლის თვალსაზრისით რა მიღწევები ექნება ასეთ ბავშვს... ეს ძალზე სერიოზული თემაა და აუცილებელია სერიოზული დაფიქრება და მსჯელობა...

დასკვნა: სკოლამდელი აღზრდის პრობლემები მოსაგვარებელია...

უფრო სერიოზული ვითარებაა ზოგადსაგანმანათლებლო სკოლაში.

დავიწყეთ პირველ კლასში ინგლისური ენის სწავლების თემით: 2010 წელს განათლების სამინისტრომ ახალი სტანდარტები შეიმუშავა. ერთ-ერთი მთავარი სიახლე ის იყო, რომ I კლასიდან 5 წლის ბავშვისათვის მშობლიურ ენასთან ერთად სავალდებულო გახდა ინგლისური ენის შესწავლა. ტელევიზიით ასეთი ფაქტის მნახველიც გავხდი: ქვეყნის უმაღლესი პირი ერთ-ერთი სკოლის პირველკლასელებთან იყო სტუმრად. იქვე მყოფ ამერიკიდან ჩამოსულ ინგლისური ენის პედაგოგს შეეკითხა, ჩიკაგოში თუ სწავლობენ პირველკლასელები უცხო ენასა და კომპიუტერსო; როცა ამერიკელმა უპასუხა „არაო“, სახეგანათლებლმა პირველმა პირმა სიამაყით თქვა: „აი, ჩვენ გაუუსწართ ჩიკაგოსო“... გაუუსწართ ვითომ? არა მგონია...

ვიმსჯელოთ ფაქტებით:

რამდენიმე წლის წინათ ინგლისში აქტიურად განიხილებოდა საკითხი, ბავშვებს 8 წლის ნაცვლად 9 წლისას დაეწყეთ უცხო ენის შესწავლა. და საკითხი 9 წლის სასარგებლოდ გადაწყდა!.. თურმე ჰოლანდიაში უცხო ენის (ინგლისურის) შესწავლას 10 წლის ასაკში იწყებენ; და, თქვენ წარმოიდგინეთ, ინგლისური ყველამ იცისო...

განათლების ყოფილმა მინისტრმა (დ. შაშკინმა) ჩვენი სამინისტროს გადაწყვეტილების გამართლება იმით მოისურვა, რომ თქვა, ასე იყო საბჭოთა პერიოდშიცო (რუსული ენის სწავლება იგულისხმებოდა). არ ახსოვს მინისტრს, თორემ რუსული ენა, ჯერ ერთი, მეორე კლასიდან ისწავლებოდა და, მეორეც, მეორე კლასში რვა წლის ბავშვი სწავლობდა...

ჩვენში ამავე ხელისუფლებამ წინა სტანდარტები 2006 წელს ამოქმედა. უცხო ენათა სწავლების თაობაზე ასეთი ნორმა იყო: „პირველი უცხოური ენის სწავლას მოსწავლე იწყებს მე-3 კლასში, მეორისას კი — მე-7 კლასში. მეათე კლასიდან ნებადართულია პირველი უცხო ენის სწავლისათვის თავის დანებება და მესამე უცხო ენის სწავლის დაწყება (მე-10–12 კლასებში). ეს არ გამორიცხავს იმას, რომ მესამე კლასამდე დაიწყონ სკოლებმა უცხო ენის სწავლება, ან მეშვიდე კლასამდე ასწავლონ ორი უცხოური ენა. თუ სკოლა გადაწყვეტს, რომ მას აქვს ამის საშუალება და ხელავს ამ საგნების შეთავაზების მნიშვნელობას. თუცა პირველ ორ კლასში უცხოური ენის სწავლება არ არის რეკომენდებული“ (ხაზგასმა ჩვენი — გ. გ.). ეს არის სწორედ ვეროპულ გამოცდილებაზე დაფუძნებული

ლი სტანდარტი, თუმცა „ქართული დაზუსტება“ აქაც გვაქვს: ხაზგასმული წინადადება ფაქტობრივ ეწინააღმდეგება ძირითადს და ჩანს, ისეთი კერძო სკოლების „გასაპრავებლად“ ჩაიწერა, როგორცაა იტალიური სკოლა, ეგზიუპერის სკოლა, დემირელის კოლეჯი და ა. შ. მაგრამ ძირითადად მაინც მისაღები სტანდარტი იყო.

და ხელისუფლებამ 2006 წელს მის მიერვე მიღებული სტანდარტი 2010 წელს შეცვალა. არანაირი დასაბუთება, არანაირი არგუმენტაცია; მხოლოდ და მხოლოდ ახირება ერთი კაცისა... გავიხსენოთ: ზემოთ იაკობისა და აკადემიკოს შ. ნადირაშვილის მოსაზრებანი მოვიყვანეთ, ამ თემას რომ ეხებოდა... და გავწირეთ თაობები ერთი კაცის საამებლად... როდემდე?..

დასკვნა: ყოვლად დაუშვებელია პირველ კლასში დედაენის ხარჯზე (და მასთან ერთად) უცხო ენის სწავლება.

რამდენი უცხო ენა შეიძლება ვასწავლოთ ერთდროულად მოსწავლეს? საერთაშორისო ნორმებზე დამყარებულ 2006 წლის სტანდარტებში ეწერა: „პირველი უცხოური ენის სწავლას მოსწავლე იწყებს მე-3 კლასში, მეორისას კი მე-7 კლასში. მეათე კლასიდან ნებადართულია პირველი უცხო ენის სწავლისათვის თავის დანებება და მესამე უცხო ენის სწავლის დაწყება (მე-10-12 კლასებში)“. იმასაც მივაქციოთ ყურადღება, რომ ერთდროულად შეიძლება მხოლოდ ორი უცხო ენის სწავლება; ისიც მეშვიდე კლასიდან. მოგეხსენებათ, სტანდარტი ბავშვის გონებრივ შესაძლებლობებს ემყარება (თითო-ორი ვუნდერკინდის მაგალითის მოყვანა არ ღირს)... ჩვენში რა ხდება? (ამ თემაზე დაწვრილებით შეიძლება იხილოთ: გ. გოგოლაშვილი, „ქართული სალიტერატურო ენა — ისტორია და თანამედროვეობა“, 2009, გვ. 160-168; მონაცემები აღებულია 2006-2007 სასწავლო წლის მიხედვით. რა თქმა უნდა, სურათი დღეს სხვა იქნება, მაგრამ არა გვაქვს იმედი, რომ — უკეთესი).

იყო შემთხვევები, როცა IX-X კლასებში ერთდროულად ისწავლებოდა სამი უცხო ენა (რუსული, ინგლისური, ესპანური).

იყო შემთხვევა, როცა სამი უცხო ენა (რუსული, ინგლისური, იტალიური) ერთდროულად ისწავლებოდა III-X კლასებში. იტალიური იწყებოდა I კლასში, ინგლისური — II-ში, რუსული — III-ში; XI კლასში ისწავლებოდა ინგლისური და იტალიური.

იყო შემთხვევა, როცა სამი უცხო ენა ისწავლებოდა III-XI კლასებში (რუსული, ფრანგული, ინგლისური ან გერმანული); აქ ინგლისური (ან გერმანული) იწყებოდა I კლასში, ფრანგული — II-ში, რუსული — III-ში. სამივე ისწავლებოდა ბოლომდე.

იყო შემთხვევა, როცა სამი უცხო ენა ისწავლებოდა VI-IX კლასებში (რუსული, ფრანგული, ინგლისური), X-XI კლასებში ემატებოდა იტალიურიც (სენტ-ეგზიუპერის სკოლა).

როცა ასეთ სურათს ვხედავთ, უცილობლად უნდა დავფიქრდეთ შედეგებზე. პედაგოგიკის სპეციალისტების, ფსიქოლოგებისა და პრაქტიკოსი მასწავლებლების აზრის გათვალისწინება არის აუცილებელი — რამდენად სასარგებლო და შედეგიანია ასეთი მიდგომა ენათა სწავლებისადმი.

დასკვნა: **მდგომარეობა აქაც საფალალოა.**

რას ვასწავლით, რით და როგორ?

ეს ძალზე ვრცელი თემაა. ჩვენ ზოგად საკითხებს დავსვამთ, ზოგად შენიშვნებს გავაკეთებთ რამდენიმე კონკრეტული მაგალითით..

საგანგებოდ მინდა მივაპყროთ ყურადღება I კლასის სახელმძღვანელოს. საერთოდ სახელმძღვანელოს ავტორობა პრესტიჟული და შემოსავლიანი საქმე გახდა; როგორც იაკობი იტყვოდა, „სახსრის ტრფიალი“ და „კუჭის პრინციპი“ ჭეშმარიტებისათვის და სიმართლისათვის ალაღატებინებს მეთავისეს. ამიტომაცაა, სკოლა და ბავშვი არ ადარდებთ, მთავარია გაინაღდონ ავტორობა და შემოსავალი, თუნდაც ეს იაკობის წიგნის ხარჯზე და, რაც მთავარია, ქართველი ბავშვის ბედის ხარჯზე მოხდეს.

მოვისმინოთ: 2009 წელს ჩატარდა კონკურსი I კლასის ქართული ენის სახელმძღვანელოზე. 10 წიგნი იქნა წარდგენილი კონკურსზე — 10 „დედაენა“! მათ შორის იაკობ გოგებაშვილის „დედაენაც“ (იაკობის პრინციპების მიხედვით გადაამუშავა „იაკობ გოგებაშვილის საზოგადოებამ“, რედაქტორი დეკანოზი კონსტანტინე გიორგაძე). სწორედ ამ წიგნმა მიიღო უმაღლესი შეფასება — 98 ქულა (100-დან). ერთ-ერთმა კონკურსანტმა 17 ქულა მიიღო. სამინისტრომ 10-ვე სახელმძღვანელოს მიანიჭა გრიფი და 10-ვემ მიიღო უფლება სკოლაში შესვლისა. არჩევანი სკოლას უნდა გაეკეთებინა... და ზოგ სკოლაში იაკობის წიგნით ასწავლიდნენ (98 ქულა რომ მიიღო) და ზოგან 17-ქულიანი წიგნით! იზრუნეს „ავტორებმა“, აჯობეს იაკობს და აივსო ეროვნული სკოლა უვარგისი სახელმძღვანელოებით..

ეს არ არის უმნიშვნელო საკითხი: როგორი იქნება ქართველი ბავშვის მშობლიური ენის პირველი სახელმძღვანელო, ეს დიდად განსაზღვრავს ამ ბავშვის დამოკიდებულებას სწავლისადმი, სკოლისადმი, ქართული ენისადმი, საქართველოსადმი და საერთოდ ყოველივე ქართულისადმი... ამ თემაზე ბევრი ითქვა და ითქმება... ეს ქართული განათლების სერიოზული პრობლემაა..

2010 წელს ისევ ჩაატარეს კონკურსი ქართული ენისა და ლიტერატურის სახელმძღვანელოებისა (I-VI კლასებისა) და მოხდა ის, რაც ხდება ჩვეულებრივ „ჩვენებურ“ კონკურსებში: სამ სახელმძღვანელოს უნდა მისცემოდა გრიფი, მათ შორის იყო იაკობის „დედაენაც“ (ის კომპლექტი, რომელშიც ეს წიგნი შედიოდა) — ასეთი იყო თავდაპირველი გადაწყვეტილება ჟიურისა; ჰოდა „იყოჩაღა“ „ბაკურ სულაკაურის გამომცემლობამ“ და გამარჯვებულად იაკობის ნაცვლად მისი სახელმძღვანელო

გამოაცხადეს! ერთი წლის წინათ უმაღლესი ქულებით გამარჯვებულმა იაკობის „დედაენამ“ ისევ დატოვა სკოლა... რა თქმა უნდა, მოვინდომეთ გვეპოვა სამართალი, მაგრამ უსამართლო ქვეყანაში სამართალი არ იპოვების... ატეხილი ხმაურის გამო ტელევიზიით გამოდის მინისტრის მოადგილე (კ. სეფერთულაძე) და ურცხვად აცხადებს: „იაკობ გოგებაშვილის „დედაენა“ ჩვენ დავაბრუნეთ სკოლაში“ (ერთი ქუთაისელი სათვის უთქვამთ, რას აკეთებ, სირცხვილიაო და — მე თუ არ მრცხვენია, მაინც სირცხვილიაო?...). ამ კონკურსში გამარჯვებული „დედაენების“ ავ-კარგზე საუბარი შორს წაგვიყვანს, ამის დროც მოვა...

არადა ამბობენ, მომდევნო კონკურსი 6 წლის შემდეგ გაიმართებაო... იაკობის „დედაენის“ საანბანე ნაწილი მაინც დავაბრუნოთ სკოლაში იაკობის სახელით!.. თუ ქართველი ბავშვის სიკეთე გვინდა, ასე უნდა მოვიქცეთ...

უამრავი შენიშვნა გვაქვს ჩვენც და სხვასაც სხვა სახელმძღვანელოთა მიმართ. მაგრამ მართლის მთქმელს მომსმენი სჭირდება...

ერთი ტიპური მაგალითიც: XII კლასის სახელმძღვანელოს დაარქვეს „ქართული“; რა არის ეს ქართული — ენა, ლიტერატურა თუ სხვა რამ, წიგნში თუ არ ჩაიხედე, ვერ გაიგებ; ჩაიხედავ წიგნში და მაინც ვერ გაიგებ: სახელმძღვანელოში შესულ ლიტერატურულ ნაწარმოებთა ავტორების დიდი ნაწილი, თითქმის ნახევარი, უცხოელები არიან (კაფკა, ჯოისი, ფრიში და სხვა). ასეთ შემთხვევაში რას ნიშნავს ქართული? ესეც პრობლემაა ჩვენი სკოლისა...

და სხვა...

კოლეგები საუბრობენ სხვა საგანთა სახელმძღვანელოების პრობლემებზეც. ერთ კურორტულ მაგალითსაც გავიხსენებ. X კლასის ქიმიის სახელმძღვანელო მაჩვენებს. იონების შესწავლის დროს მოსწავლეს საშინაო დავალებად აძლევდნენ: იონები შეადარეთ დონ კიხოტსა და სანჩო პანსასო; რომელი იონი გახსენებთ დონ კიხოტს და რომელი — სანჩო პანსასო? ჯერ ერთი, რა შუაშია და რომც იყოს, X კლასელს წაკითხული თუ არ აქვს „დონ კიხოტი“ (პროგრამით არ ევალდება), მომდევნო გაკვეთილისთვის უნდა წაიკითხოს და უპასუხოს... ასე ესმით საგანთმშორისი კავშირი...

როგორ ვასწავლით? — ბევრი ვიბრძოლეთ, მაგრამ ვერას გავხდით: მაღალ კლასებში ქართული ენისა და ლიტერატურის საათები რომ გაეყოთ; ცხრილში ცალ-ცალკე საგნებად რომ შეიტანონ ენა და ლიტერატურა, ვერც ამას მივაღწიეთ. ახლა ერთ გაკვეთილზე ერთსა და იმავე სახელმძღვანელოში იჩაგრება ორივე — ენაც და ლიტერატურაც, უფრო — ქართული ენა!

ასე რომ, პრობლემაურია, რით და როგორ ვასწავლით...

რას ვასწავლით? ქიმიის, ფიზიკის და სხვა საგნების სპეციალისტებისათვის მომისმენია, რომ სასკოლო პროგრამებში პრობლემებია. საერთოდ სასკოლო და საგამოცდო (ეროვნული თუ გამოსაშვები) პროგრამები, მათი

ურთიერთმიმართება არაერთგზის ყოფილა მსჯელობის თემა. ვწუხდით და ვდავობდით პროგრამების გამარტივების გამო; წელს კი ქართული ლიტერატურის საკითხები საერთოდ ამოიღეს საგამოცდო ტესტებიდან... არადა მარტივი ჭეშმარიტებაა: მოსწავლე სწავლობს იმ საგნებს და იმ საკითხებს, რაც შეიძლება მოეკითხოს გამოცდებზე... ქართული ლიტერატურის ცოდნის აუცილებლობა აღარ უდგას ქართველ ბავშვს... მეტიც, გამოსაშვები თუ ეროვნული გამოცდების პროგრამიდან სანახევროდ ამოიღეს „ვეფხისტყაოსანი“. ე. ი. რუსთაველის პოემის ცოდნასაც აღარ ავალდებულებენ ქართველ ბავშვს...

ამ თემაზე დაუსრულებლად შეიძლება საუბარი. დასკვნა: ჩვენი განათლების **სისტემაში პრობლემაურია რას ვასწავლით, რით და როგორ!**

გაკვივრებელდა მსჯელობა. საკითხებს ჩამოვთვლით შედარებით მოკლედ, თითქმის თეზისურად:

სასწავლო პროცესი ამოვარდა სერიოზული კალაპოტიდან. ერთ-ერთი მიზეზი ამისა არის მასწავლებლის მოტივაციის უქონლობა როგორც მატერიალურად, ისე მორალურად; მატერიალურად — იგულისხმება ის, რომ მასწავლებლის ხელფასი მეფხოვისა თუ პრესტიჟული დაწესებულების დამლაგებლის ჯამაგირზე ნაკლებია; საარსებო მინიმუმზე ნაკლები; მორალურად — ის, რომ პედაგოგზე მეტი „ავტორიტეტი“ სკოლაში უწიგნურ და გაუნათლებელ მანდატურს აქვს, როცა პედაგოგს დანაშაულისათვის ვერ დაუტუქსავს მოსწავლე იმის შიშით, რომ ამის გამო მანდატურმა არ მოხსნას; — ეს ერთ-ერთი მთავარი პრობლემაა დღევანდელი სკოლისა...

მოსწავლეს თავისი პრობლემა აქვს — მას არა აქვს მოტივაცია სწავლის აუცილებლობისა; მან იცის, რომ უსწავლელობისათვის ის არ დაისჯება; არც კლასში დატოვებენ და ატესტატსაც მიიღებს (გავიხსენოთ: გასულ წელს გამოსაშვებ გამოცდებზე ჩაჭრილი მოსწავლეებისათვისაც კი მიუციათ ატესტატი და უმაღლეს სასწავლებელში ჩაბარების უფლება; მინისტრი ამ გადაწყვეტილებას ამართლებდა კიდევ...).

რა სასწავლო პროცესზეა საუბარი, როცა სასწავლო საგანში ეროვნულ გამოცდებზე აბიტურიენტთა დიდმა ნაწილმა ვერ გადალახა მინიმალური ზღვარიც კი და მერე რაო... როცა მთელი სიმძიმე აბიტურიენტთა მომზადებისა რეპეტიტორზეა გადატანილი... და სხვა... და სხვა...

სასწავლო პროცესის სერიოზულობა სერიოზული პრობლემაა.

პოლიტიკა მძიმედ და სავალალოდ ჩაერთო განათლების საქმეში. ფაქტობრივად პოლიტიზირებულია სასწავლებლები (ფორმალურად თითქოს არა; კანონიც კი არსებობს საამისო, პოლიტიკა განათლებაში არ უნდა ჩაერიოს...). ეს ეხება სკოლასაც და უმაღლეს სასწავლებელსაც (მით უმეტეს საბავშვო ბაღებს!). ბოლო თვეების მანძილზე უამრავი მასწავლებელი გაათავისუფლეს სკოლიდან, რატომ არ თანაუგრძნობ მმართველ

პარტიასო. ერთ-ერთი მაღალჩინოსანი სერიოზულად ამტკიცებდა, ასეთი ადამიანების ადგილი სახელმწიფო სამსახურში არ არისო... ასეთი უცნაური შემთხვევაც იყო — სკოლის შენობაში დარაჯი ოპოზიციური პარტიის გაზეთს კითხულობდა და მოხსენებდა...

სკოლის მოსწავლეები რომ მიჰყავთ და პირველი კაცის სახელს აყვირებენ ხალხმრავალ აქციებზე, ეს მოსწავლეთა ზნეობრივი აღზრდის მეთოდად მიაჩნიათ... ხელვაჩაურის რაიონის სკოლა აჩვენებს; ქართული ლიტერატურის კაბინეტში სურათები იყო გამოფენილი: შოთა, ილია, აკაკი... მიშა... და გალაკტიონი... და სხვა... და სხვა...

სტუდენტური თვითმმართველობა კომკავშირად რომ აქციეს და დააპირისპირეს თანატოლებთან, ფაქტია... სტუდენტურ თვითმმართველობაში აქტიურობას (უზნეო ქცევას) სტაჟად უთვლიან და იქიდან გუებრნატორის ან მინისტრის მოადგილედ ნიშნავენ... პატრიოტული ბანაკებით მოსყიდული ათასობით ახალგაზრდა... საარჩევნო სტუდენტური დასაქმება... და მისთანანი, ერთია, არ წაადგება სასიკეთოდ განათლების სისტემას და მეორეა — ზნეობრივი დაცემის ხელშეწყობა...

უმაღლეს სასწავლებელში მიმდინარე კონკურსები — ისევ პოლიტიკური ნიშნით მომხდარი შერჩევა; ჩემს თავზე გამომიცდია, კომისიის თავმჯდომარემ თითქოს მოიბოდიშა, შენი კონკურენტი ხელისუფლებასთან დაახლოებული პირია და რა უნდა გვექნაო... არადა, სხვა მხრივ აშკარა იყო კონკურენტის უპირატესობა გამარჯვებულთან... ჩემი შემთხვევა რომ ერთეული შემთხვევა იყოს, არც გავიხსენებდი... და ყოველივე ამას ეწირება პროფესიონალიზმი... ის, რაც 2006 წელს მოხდა თბილისის სახელმწიფო უნივერსიტეტში — პროფესიულმა კადრებმა მასობრივად რომ დატოვა უნივერსიტეტი, ძალიან დიდხანს ვერ ანაზღაურდება (თუ ანაზღაურდა საერთოდ). პროფესიონალიზმი არც აინტერესებთ. სიტყვამ მოიტანა და არაპროფესიონალიზმის ერთი უცნაური მაგალითიც მინდა მოვიყვანო: მითხრეს, აკადემიურ წერას (ლინგვისტური საგანია) თბილისის სახელმწიფო უნივერსიტეტში ისტორიკოსები ასწავლიანო; გამიკვირდა, სამისო რა სჭირს ი. ჯავახიშვილის სახელობის უნივერსიტეტს-მეთქი და ჰუმანიტარული ფაკულტეტის დეკანთან ვცადე ინფორმაციის დაზუსტება; საოცარი პასუხი მივიღე: ისტორიკოსებს საათები არ ჰყოფნიდათ და ამიტომ მივეცით წერის საათები! გამიგია, მეორე მსოფლიო ომის დროს, აგრეთვე, უფრო გვიან მაღალმთიან სოფლებში სპეციალისტთა ნაკლებობის გამო ერთი საგნის მასწავლებელი სხვა საგანსაც ასწავლიდა, მაგრამ თბილისის უნივერსიტეტში ისტორიკოსმა წერა ასწავლოს? ეს დღევანდელი სამწუხარო რეალობაა...

ახლახან ილიას უნივერსიტეტში სტუდენტებმა უნივერსიტეტიდან გაშვებულ ლექტორთა მხარდასაჭერი აქცია გამართეს და ხელისუფლები-

საგან უნივერსიტეტის შიდა საქმეებში ჩაურევლობა მოითხოვს... რატომ უნდა სჭირდებოდეს ამას სტუდენტების აქციები? და სხვა... და სხვა...

გინახავთ ან გსმენიათ, ვინმეს ვინმესთვის საყვედური ეთქვას ამგვარი პოლიტიზირებული გადაწყვეტილებებისათვის? ვინმეს გაეპროტესტებინოს არაპროფესიონალიზმი?.. **საბოლოოდ დაღუპავს ეს განათლების სისტემას...**

მოდით, ერთ საკითხსაც შევეხოთ: ზნეობრივი აღზრდის პრობლემას.

იაკობი გვასწავლის: „კარგად მოგეხსენებათ, რომ *ეკლესია და სკოლა არის სათავე ხალხის ზნეობისა, ეთიკისა, ხოლო თვითონ ეთიკა, სპეტაკი ზნე საძირკველია ხალხის არსებობისა, სიმტკიცისა, კეთილდღეობისა, წარმატებისა. ზნედაცემული ხალხი მაშინაც-კი წააგებს ბრძოლას არსებობისათვის, როდესაც იგი ცოდნას არ არის მოკლებული“.*

დღეს აქცევს ვინმე ყურადღებას თაობათა ზნეობრივ აღზრდას? ერთმანეთის დასმენა, „ჩაშვება“, „გადაგდება“ ცხოვრების წესად უქციეს მოზარდს; პედაგოგს მოსწავლის ეშინია, მანდატურთან არ დამაბეზლოსო. მოსწავლეთაგან სიცრუის, უზნეო გამონაგონის მსხვერპლი არაერთი მასწავლებელი ყოფილა. ავალებენ, ტყუილი თქვას მოსწავლემ და მერე ასეთ მოსწავლეს „დავალების პირნათლად შესრულებისათვის“ წახალისებენ... თუ ვერ შეძლეს მოსწავლის აყოლიება უზნეობაში, სხვადასხვა პრობლემას უქმნიან; ასეთი მოწაფეების მშობლებსაც კი ურთულეებენ ცხოვრებას... არადა, „*სპეტაკი ზნე საძირკველია ხალხის არსებობისა, სიმტკიცისა, კეთილდღეობისა, წარმატებისაო*“, გვითხრეს, მაგრამ ვის ესმის?

გავიხსენოთ იაკობის შეგონება — ეკლესია და სკოლა არის ხალხის ზნეობის სათავეო. ბოლშევიკებმაც იცოდნენ ეს და ამიტომაც ლენინის მიერ გამოცემული ერთ-ერთი პირველი დეკრეტი ის იყო, რომ ეკლესია გამოყოფოდა სახელმწიფოს და სკოლა — ეკლესიას. გასული საუკუნის 90-იანი წლების ბოლოს სკოლა ეკლესიას დაუახლოვდა: სკოლებში სამლოცველო კუთხეები გაკეთდა, მოძღვარი შევიდა სკოლაში, მაგრამ ამ ბოლო წლებში მოძღვარიც განდევნეს სკოლიდან და სამლოცველოებიც გააუქმეს... ბოლშევიზმისკენ მივდივართ სრული სვლით!

და ეს არის ერთი დიდი პრობლემა დღევანდელი განათლების სისტემისა...

რა დღეშია მეცნიერება?

ეს ცალკე საუბრის თემა შეიძლება იყოს, ვრცელი საუბრისა. მეცნიერებაც საგალალო მდგომარეობაშია. დაიშალა ეროვნული აკადემია. გათითოკაცებული სისტემა იოლად დაიმორჩილეს, შეამცირეს და... ესეც ერთ დიდ პრობლემად გვიქციეს...

მეცნიერებათა კვლევის შედეგების ცხოვრებაში დანერგვა მათი პუბლიკაციებით ხდება. ეს საქმე უაღრესად გართულებული და გაძნელებუ-

ლია დღეს. გაცილებით უკეთესი მდგომარეობა იყო 15-20 წლის წინათ და მეცნიერებაც მიდიოდა წინ...

საგანგაშო სტატისტიკა: მეცნიერებათა ეროვნული აკადემიის წევრთა საშუალო ასაკი 80 წელზე მეტია! გაიყინა მეცნიერება თუ ქვეყანას აღარ აინტერესებს ეს სფერო? ის ფაქტი, რომ ქართულ ენასა და ქართულ ლიტერატურას არ ჰყავთ არცერთი აკადემიკოსი, როგორ იხსნება ეროვნული აკადემიის მესვეურთაგან და, საერთოდ, იმათგან, ვისაც ამ კითხვაზე პასუხის გაცემა ევალება? ვითომ არა გვეყავს ქართული ენისა და ლიტერატურის ისეთი სპეციალისტები, ვინც ამის ღირსია?...


უდიდესი პრობლემა მეცნიერებაში თაობათა ცვლის საკითხი. ახალგაზრდობისათვის მეცნიერება მიმზიდველი აღარაა. მიზეზი იოლი ასახსნელია: მაგისტრატურა და დოქტორანტურა ფასიანია. გაღარიბებულ ქართველობას არ შესწევს უნარი, ასწავლოს შვილს მაგისტრატურასა და დოქტორანტურაში... ვთქვათ და, შეძლო და დაამთავრებინა დოქტორანტურა მშობელმა ნიჭიერ შვილს; მერე რა პერსპექტივა აქვს? არავითარი — 120 ან 150 ლარის იმედად უნდა იყოს ათეული წლების განმავლობაში. დიახ, სამეცნიერო დაწესებულებაში დიდად დამსახურებული, მრავალტიტულიანი, მრავალი მონოგრაფიის ავტორი მეცნიერის ხელფასი 200 ლარზე მეტი არ არის; დამწყები მეცნიერისა — გაცილებით ნაკლები! ან რომელი მშობელი გაწირავს შვილს სამუდამო შიმშილისათვის, ანდა რომელი ნიჭიერი ახალგაზრდა მოისურვებს სამუდამო სიღარიბეში ცხოვრებას „მეცნიერების ინტერესებიდან გამომდინარე“, როცა მასზე გაცილებით დაბალი შესაძლებლობის თანატოლი ათჯერ და მეტჯერ დიდ ჯამაგირს მიიღებს რომელიმე ფირმაში...

გინახავთ ან გაგიგონიათ პოლიტიკოსისაგან საქართველოს მომავალზე საუბრისას ამ თემაზე რომ გაემახვილებინა ყურადღება? მე — არა!

დასკვნა: ამ მდგომარეობაში ჩავარდნილ მეცნიერებას აქვს რაიმე სამომავლო პერსპექტივა? არანაირი, თუ ასე გაგრძელდა საქმე!

და სხვა... და სხვა... ჯერჯერობით ეს ვიკმაროთ...

წერილის დასაწყისში აკაკი წერეთლის მიერ დასმულ კითხვას ასე შეიძლება ვუპასუხოთ: ჩვენ ვიცით, დიღო წინაპარო, მაგრამ, სამწუხაროდ, ვინც ჩვენში განათლებისა და მეცნიერების ბედს წარმართავს, მან ან არ იცის, რომ „*ჩვენი ბედისწერა მხოლოდ სწავლა-განათლებაზედ არის დამოკიდებული*“, ანდა იცის და მაინც „გაღმა გასვლისა მსურველთა უკუღმა მიგვეყავს ბორანი“ (ვაჟა).



თინათინა ქაშუაძე

„მეგობრებს ყველაფერი, დანარჩენს — კანონი“

ეს ფრთიანი გამონათქვამი იყო დაუწერელი სლოგანი ბენიტო მუსოლინის ტოტალიტალური და მაქსიმალურად კორუმპირებული მთავრობისა. ანალოგიური დამოკიდებულება დაამკვიდრა თავის მმართველობაში ვარდების რევოლუციით მოსულმა საქართველოს ახალგაზრდულმა ხელისუფლებამ. მაგრამ ვინ იყო ამ ხელისუფლებისათვის მეგობარი და ვინ დანარჩენი?

2003 წლის ნოემბრის რევოლუციურ ბატალიებში მონაწილეობდა, გაუზვიადებლად შეიძლება ითქვას, სრულიად საქართველო. დღისით თუ ღამით, წვიმაში თუ ქარში თითქმის მთელი საქართველო იდგა თბილისში მთავრობის სახლის წინ გამართულ საპროტესტო აქციებზე. მასმედიით ზომბირებული ქართული საზოგადოება ნდობას უცხადებდა ახალგაზრდა პოლიტიკოსთა მისწრაფებას, ბოლო მოეღოთ შევარდნაძის უმოქმედო ხელისუფლებისათვის და საქართველო გამოეყვანათ პოლიტიკურ-ეკონომიკური კრიზისიდან. და აი, ეს ახალგაზრდული გუნდი მოვიდა ხელისუფლებაში. ამ დროს მისი „მეგობარი“ იყო თითქმის მთელი საქართველო. მაგრამ გამართლდა ქართული საზოგადოების იმედები?

„ვარდების“ ხელისუფლებამ გადაწყვიტა რომ იგი ერთადერთი და შეუცდომელი ძალა იყო და ამიტომ ისინი, ვინც მისი ქმედებების კრიტიკას გაბედავდა, უნდა დასჯილიყვნენ, თანაც სამაგალითოდ, რათა სხვებს იგივე ვეღარ გაებედათ. პირველი სლოგანი, რომელიც მთავრობის შიდა პოლიტიკას განსაზღვრავდა იყო „ნულოვანი ტოლერანტობა“. ამას მოჰყვა რეპრესიული მანქანის ამუშავება. სახელმწიფო ტელევიზიებით ყოველდღე ცოცხალ ეთერში ხორციელდებოდა ავტორიტეტის მქონე ქართველების, „ძველი ბიჭების“, რეკეთორების აყვანის ან ლიკვიდაციის რეპორტაჟები.

საზოგადოება დაიბნა. ის ძალა, რომელიც მისი დიდი მხარდაჭერით მოვიდა ხელისუფლებაში, სრულიად უცხო აღმოჩნდა ქართული ცნობიერებისათვის. ბუნებრივია, დაიწყო გამოსავლის ძიება, რაც ხიფათს

უქმნიდა ვარდისფერ ხელისუფლებას. ამიტომ მან საზოგადოების მაკონსოლიდირებელი ყველა ინსტიტუციის დისკრედიტაცია გადაწყვიტა. ერთ-ერთ ასეთ ძალას წარმოადგენდა თეთრ ტაძრად შერაცხული თბილისის სახელმწიფო უნივერსიტეტი. თეთრი ტაძარი რომ დამოუკიდებელი, თავისუფალი აზრის მატარებელი იყო, ეს ხელისუფლებაში მოსვლის შემდეგ ძალიან ჩქარა გააცნობიერა ქვეყნის პრეზიდენტმა. უნივერსიტეტის სტუდენტებთან შეხვედრისას მან ჩვეული შემართებით გალანძლა „კორუფციაში ჩაფლული“ უნივერსიტეტის პროფესორა. უკადრისმა გამონათქვამებმა მათი მასწავლებლების მიმართ გამოიწვია სტუდენტთა გასაგები აღმფოთება. მათ შეძახილებით შეახსენეს ბატონ პრეზიდენტს, რომ უნივერსიტეტი ავტონომიის უფლებებით სარგებლობდა და არ დაუშვებდნენ მის საქმეებში გარედან უხეშ ჩარევებს. მასწავლებლების დასაცავად სტუდენტთა ასეთმა სოლიდარობამ განარისხა პრეზიდენტი, მათ კორუფციის გზით უნივერსიტეტში ჩარიცხულები უწოდა და დაჰპირდა, რომ საჭიროების შემთხვევაში ხვალვე უნივერსიტეტის ბაღში (სადაც ეს შეხვედრა ტარდებოდა) მოიყვანდა ათჯერ და ასჯერ მეტ მისი იდეების გამზიარებელ ახალგაზრდას და, როგორც ჩვევია, სწრაფად განერიდა მისადმი კრიტიკულად განწყობილ საზოგადოებას.

უმაღლესი ხელისუფალი მიხვდა, რომ განზრახული საეჭვო რეფორმების გატარებისას თბილისის სახელმწიფო უნივერსიტეტი მისი მუდმივი და საზოგადოების მხარდაჭერით აღჭურვილი სერიოზული მოწინააღმდეგე ძალა იქნებოდა. ამიტომ მაშინვე დაიწყო მის წინააღმდეგ „ჯვაროსნული“ ლაშქრობა. ჯერ „კმარას“ ჯარისკაცები შეუსია თეთრ ტაძარს. ყველას ახსოვს ახალგაზრდა კმარელების მიერ ჭავჭავაძის გამზირზე გამართული დემონსტრაციები, რომელთა მოთხოვნა იყო თბილისის სახელმწიფო უნივერსიტეტში მისაღები და სემესტრული აკადემიური გამოცდების აკრძალვა. კმარელები შედიოდნენ აუდიტორიუმში და მოუწოდებდნენ სტუდენტებს ლექციების ბოიკოტირებისაკენ, შეურაცხყოფდნენ ღვაწლმოსილ პედაგოგებს, საჯაროდ თავხედურად ლანძღავდნენ და ამცირებდნენ მათივე სტუდენტთა თვალში და ა.შ. თბილისის სახელმწიფო უნივერსიტეტის მაშინდელ ადმინისტრაციას არ ეყო პოლიტიკური ნება და სიმტკიცე წინ აღდგომოდა ამ უხეშ ძალას, რომელიც ხელისუფლების წაქეზებით და ყოველგვარი ხელშეწყობით სარგებლობდა, და გადადგა. ამით მან თავი გადაირჩინა უშუალო ფიზიკური რეპრესიისგან, მაგრამ კარი გაუღო იმ აღვირაზნებლობას, რომელიც შემდგომში გამეფდა თეთრ ტაძარში.

ჯერ საჭირო იყო ხელისუფლებისათვის სანდო პროფესორის მიღება-დაწინაურება სხვადასხვა ფაკულტეტზე. ამისათვის მოეწყო გაუგებარი კონკურსების კასკადი უნივერსიტეტის ადმინისტრაციულ და სამეცნიერო-პედაგოგიური თანამდებობების დასაკავებლად. ამ მხრივ უნიკალურ

მაგალითს წარმოადგენს იურიდიული ფაკულტეტი, სადაც შექმნილმა „საკონკურსო კომისიამ“ თერთმეტი სრული პროფესორი თავის რიგებში „მონახა“. ასეთი რამ, ალბათ, მსოფლიოში არსად მომხდარა. ამ კომისიის თავჯდომარე, ვინმე გია ჟორას ძე ხუბუა საქართველოს განათლების მაშინდელმა „ძღვეამოსილმა“ მინისტრმა კახა ლომიაძემ უნივერსიტეტის საზოგადოებას წარუდგინა როგორც საქართველოს იურისპრუდენციის ამომავალი ვარსკვლავი. მას თურმე სამი თვის განმავლობაში უმოღვაწი გერმანიის ოცზე მეტ უნივერსიტეტში (გაუგებარია, როგორ მოასწრო) და თავისი ცოდნით და ინტელექტუალური შესაძლებლობებით აღუფრთოვანებია იქაური იურისტები. საქართველოს პრეზიდენტმა მალე სწორედ ეს კაცი დანიშნა უნივერსიტეტის რექტორად. როგორც ჩანს, ხუბუა და მისთანები მისი მეგობრები, ან მეგობრის მეგობრები იყვნენ.

მოვლენების ასეთი განვითარებით შემოფოთებულმა უნივერსიტეტის დიდმა საბჭომ სასწრაფოდ მოიწვია სხდომა, რექტორად აირჩია პროფესორი ჯემალ მეხონია და დაავალა პროფესორთა და მეცნიერთა 20 კაციან ჯგუფს, მიეტანა ეს გადაწყვეტილება ხუბუამდე და დიდი საბჭოს სახელით მოეთხოვა მისგან გადადგომა. რა თქმა უნდა, ხუბუა არ გადადგა, გაიპარა კაბინეტიდან და იქ დარჩენილ თანამშრომლებს გარედან პოლიცია მიუსია. პროფესორ-მასწავლებელთა ეს ჯგუფი, რომელიც პოლიციის უხეში ძალით იქნა დაშლილი, საქართველოს პრეზიდენტმა შემდგომში „ხული-გან პროფესორებად“ „მონათლა“ და მათი საქმე სასამართლოს გადასცა. როგორც ჩანს, ისინი ახლა უკვე „დანარჩენი“ იყვნენ.

დიდ საბჭოს შემდეგშიც შექმლო სიმნელებების წარმოქმნა, ამიტომ გადაწყდა მისი დაშლა, ხოლო ახალი საბჭო შეიქმნა ზემოთ მოყვანილი წესით „არჩეული“ პროფესორებისგან, რამაც საბოლოოდ გადაწყვიტა უნივერსიტეტის რეფორმირება-ლიკვიდაციის საკითხი. ხელისუფლების ასეთ დამოკიდებულებას „თეთრი ტაძრის“ მიმართ მოჰყვა უნივერსიტეტის აკადემიურ და სამეცნიერო სფეროს თანამშრომელთა საპროტესტო აქციები. ღვაწლმოსილი პროფესორები უნივერსიტეტის ბაღში მისი დამაარსებლების ძეგლებთან დამეებს ათენებდნენ. ქვეყანამ ვერ გაითავისა ამ აქციების ძირითადი ლოზუნგი „გადაარჩინე უნივერსიტეტი და გადარჩება საქართველო“. ხალხს მაშინ რომ ადეკვატური რეაქცია მოეხდინა შექმნილ კრიზისზე, იქნებ ქვეყნისათვის თავიდან აგვეცილებინა შემდგომში განვითარებული უბედურებები.

თეთრი ტაძრის დასათრგუნად განხორციელებული რეპრესიები შენიღბული იყო რეფორმების აუცილებლობით, რომელიც თურმე უნდა ჩატარებულიყო ჩვენი უნივერსიტეტის დასავლურ სტანდარტებთან დასაახლოებლად. პარალელურად მიმდინარეობდა ფაკულტეტების მოსპობა (მათი გაერთიანების ნიღბით). ასე, მაგალითად, ისეთი ფუნდამენტური

ფაკულტეტები, როგორცაა ფიზიკის, ქიმიის, მათემატიკის, ბიოლოგიის, გეოგრაფიის, გეოლოგიის, გაერთიანდნენ ზუსტსა და საბუნებისმეტყველო მეცნიერებათა ფაკულტეტში. უცნაურია ის, რომ ჯერ კიდევ ძველ ბერძნებს მეცნიერების ყველა დარგი მართო ფილოსოფიაში ჰქონდათ გაერთიანებული. შემდეგ, როცა ცალკეულმა მეცნიერებებმა იმდენად დიდი განვითარება ჰპოვეს, რომ ფილოსოფია ამდენ ცოდნას ვეღარ დაიტევდა, მოხდა მათი დანაწევრება და დაყოფა ცალკეულ მეცნიერებებად. ჩვენ კი 21-ე საუკუნეში მოვახდინეთ შებრუნებული პროცესი. განა ესაა განათლების დასავლური სტანდარტები?

რეფორმების სახელით მოხდა თბილისის სახელმწიფო უნივერსიტეტის სამეცნიერო ნაწილის ლიკვიდაცია. 2006 წ. გ. ხუბუას ერთი ბრძანებით ერთდროულად დათხოვნილ იქნა 1500 მეცნიერ-თანამშრომელი, რომელთა უდიდეს ნაწილს კონკურსის წესით ჰქონდა დაკავებული შესაბამისი თანამდებობა 2004 წლის იანვარში 5 წლის ვადით.

როდესაც კათედრები გააუქმეს და მის ნაცვლად რაღაც მიმართულებების ინსტიტუტი შემოიღეს, სრულიად დაიკარგა ფიზიკის ისეთი დარგები, როგორცაა დედამიწის ფიზიკა, სეისმოლოგია (ასე აქტუალური საქართველოსთვის), მყარი სხეულების, ნახევარგამტარების და დიელექტრიკების ფიზიკა, მიკროელექტრონიკა და ა.შ.

ავილოთ, მაგ., ნახევარგამტარები და მიკროელექტრონიკა. ფიზიკის ამ დარგებმა, გაუზვიადებლად შეიძლება ითქვას, „ამოქაჩა“ დღეს ისეთი მაღალგანვითარებული ქვეყნების ეკონომიკა, როგორცაა იაპონია და სამხრეთ კორეა. ჩვენ ამ დარგებში გაგვანდა უზარმაზარი ინტელექტუალური შესაძლებლობები — 100-მდე მეცნიერებათა კანდიდატი და დოქტორი. გარდა ამისა, არსებობდა მატერიალურ-ტექნიკური ბაზაც გაერთიანება „მიონის“ სახით, რომელშიც მომსახურე პერსონალი მიკრო და ოპტოელექტრონიკის საუკეთესო სპეციალისტები იყვნენ. ახალ უნივერსიტეტში კი ამ მიმართულებისათვის ადგილი არ მოიძებნა. უფრო მეტიც, როცა ერთ-ერთ კონკურსგავლილ სრულ პროფესორს ჰკითხეს, რატომ დასამარდა ეს დარგები, მან სრული სერიოზულობით განაცხადა, რომ თუ ფაკულტეტზე გაჩნდება ამ სპეციალობის მოთხოვნილება, ნებისმიერი პროფესორი წაიკითხავს შესაბამის ლექციებს, ჩვენ ხომ ფიზიკოსები ვართო. დიმილის მომგვრელია ეს სიტყვები და გვაგონებს ღუმბამის მიერ აღწერილ გურიის ერთ-ერთი მივარდნილი სოფლის სკოლას, სადაც პირველიდან მეხუთე კლასამდე ბავშვები ერთ კლასში იხსდნენ და ერთი მასწავლებელი უტარებდა მათ გაკვეთილებს ყველა დისციპლინაში. ასე ვუახლოვდებით ჩვენ განათლების დასავლურ სტანდარტებს?!

იმ მოტივით, რომ ფიზიკისა და ქიმიის სპეციალობებზე სტუდენტების ნაკლებობაა, დაიწყეს ამ დარგების გეგმაზომიერი განდევნა უნი-

ვერსიტეტიდან და გამოთავისუფლებულ ფართზე განალაგეს იურიდიული ფაკულტეტის წარმოდგენლად გაზრდილი ინფრასტრუქტურა. ავილოთ თუნდაც მეორე კორპუსი. აქ განთავსებულ ფიზიკის, ქიმიის, ფილოსოფიის, ფსიქოლოგიის და იურიდიულ ფაკულტეტებს ემსახურებოდა ერთი საპროფესორო. დღეს კი იმავე კორპუსში განლაგებულ მხოლოდ იურიდიულ ფაკულტეტს რამდენიმე საპროფესორო ემსახურება. გაიხსნა უამრავი გაუგებარი სტრუქტურული ერთეული გაბერილი საშტატო განრიგით. უნდა აღინიშნოს, რომ ასეთ განსაკუთრებულ სასათბურო პირობებში მხოლოდ იურიდიული ფაკულტეტი (მეგობრები) აღმოჩნდა, თორემ ყველა სხვა ფაკულტეტი (დანარჩენი), ერთად აღებული, ასეთი სიკეთების მეთაღსაც ვერ იღებდა. თანდათან უნივერსიტეტი იურიდიულ კოლეჯს ემსგავსებოდა. აღნიშნული უხერხული სიტუაციიდან გამოსასვლელად უნივერსიტეტის ადმინისტრაცია ათასგვარ ხერხს მიმართავდა. მაგალითად, ხუბუამ განაცხადა, რომ იურიდიულ ფაკულტეტზე ყველაზე მეტი სტუდენტი სწავლობსო. მართლაც, აბიტურიენტთა უდიდესი ნაწილი ამ ფაკულტეტისკენ მიისწრაფოდა, რასაც თავისი გამართლებაც ჰქონდა. ერთ-ერთი მიზეზთაგანია შემდეგი. „ღია კარის“ დღეებში უნივერსიტეტში მისული აბიტურიენტები დასათვალისწინებლად მიჰყავდათ იურიდიული ფაკულტეტის (მეგობრების) ახლად გარემონტებულ სუფთა კაბინეტებსა და ბიბლიოთეკებში, სადაც ყველაფერი ბრწყინავდა და შემდეგ აჩვენებდნენ უნივერსიტეტის „გეტოებს“, ფიზიკისა და ქიმიის (დანარჩენის) გაურემონტებელ ლაბორატორიებსა და კაბინეტებს, რომლებსაც განზრახ დამლაგებლებიც კი არ ჰყავდათ მიჩენილი. აბიტურიენტები, ცხადია, არჩევდნენ ნათელსა და სუფთა გარემოს და ამიტომაც საოცრად შემცირდა ფიზიკისა და ქიმიის მიმართულებებზე სწავლის გაგრძელების მსურველთა რიცხვი.

იურიდიული ფაკულტეტისათვის ასიმეტრიულად დიდი დაფინანსების გამოყოფას ადმინისტრაცია იმითაც ხსნიდა, რომ ამ ფაკულტეტს უნივერსიტეტის ბიუჯეტში ყველაზე მეტი სახსრები შემოაქვს სტუდენტთა მიერ გადახდილი სწავლის საფასურის სახითო. სხვათა შორის, ამ არგუმენტის უსუსურობაზე ჯერ კიდევ 2006 წელს მიუთითეს ფიზიკის ფაკულტეტის უკვე „ჩარეცხილმა“ პროფესორებმა და მეცნიერ-თანამშრომლებმა უბრალო არითმეტიკული გათვლებით. მათ დაანახეს რექტორ ხუბუას, რომ სულ ერთი წლის წინ მართო ფიზიკის ფაკულტეტის მეცნიერ თანამშრომლებს საერთაშორისო გრანტების შესრულების პროცესში უნივერსიტეტის ბიუჯეტში ერთი რიგით მეტი ფულადი სახსრები ჰქონდათ შეტანილი, ვიდრე იურიდიულ ფაკულტეტს.


მაგრამ არა, ფიზიკის ფაკულტეტის განადგურების გეგმა ბოლომდე უნდა მიეყვანათ და ამიტომ მათ ვერავითარი არგუმენტი ვერ შეაჩერებდათ. მეორე კორპუსში იყო განთავსებული ფიზიკის ფაკულტეტის სამეც-

ნიერო ბიბლიოთეკა, სადაც თავმოყრილი იყო მრავალი უნიკალური წიგნი და პერიოდული გამოცემა. იმ მოტივით, რომ უნივერსიტეტში ერთი ცენტრალური ბიბლიოთეკა უნდა ყოფილიყო, უნივერსიტეტის ადმინისტრაციამ გადაწყვიტა ამ სამეცნიერო ბიბლიოთეკის მეორე კორპუსიდან გატანა. სამეცნიერო ბიბლიოთეკის თანამშრომლები ორი კვირის განმავლობაში ამზადებდნენ წიგნებს და ჟურნალებს გადასატანად, კრავდნენ კარტოთეკის მიხედვით, ნომრავდნენ, წლების მიხედვით აჯგუფებდნენ პერიოდულ გამოცემებს და ა.შ. და აი, საოცრება, თავდაპირველად რამდენიმე შეკვრა ამ წიგნებისა დაქირავებულ მუშებს ხელით ჩამოჰქონდათ და საბარგო მანქანის ძარაზე აწყობდნენ, შემდეგ ჩათვალეს, რომ ასე საქმე ძალიან გაიჭიმებოდა დროში და ამიტომ საბარგო მანქანები ბიბლიოთეკის ფანჯრების ქვეშ დააყენეს და მესამე სართულიდან (დაახლოებით 15-20 მ-ის სიმაღლიდან) დაიწვეს შემდგომი შეკვრების გადმოყრა. ყველა შეკვრა გასკდა, რუდუნებით დაწყობილი წიგნები გაიშალა. და ეს ყველაფერი ხდებოდა დღისით-მზისით, ადმინისტრაციის თვალწინ.

ცხადია, ეს წიგნები არავითარ ცენტრალურ ბიბლიოთეკაში გადასატანად არ იყო განსაზღვრული, თორემ ასე ვანდალურად მათ არ მოეპყრობოდნენ, ისინი, ალბათ, უბრალოდ სადღაც გადაყარეს.

საქართველოს პრეზიდენტმა 2011 წლიდან დაიწყო წუხილი იმაზე, რომ განათლების სისტემის რეფორმებისას ფუნდამენტურ მეცნიერებებს სათანადო ყურადღება ვერ მიაქციეს და ეს იყო დიდი შეცდომა, რომ ფიზიკას, ქიმიას, ბიოლოგიას და ა.შ. უდიდესი მნიშვნელობა აქვს ქვეყნის განვითარებისათვის. ჩვენც გვეგონა, რომ პრეზიდენტის ეს პათოსი აისახებოდა ადგილობრივი სამეცნიერო გრანტების დაფინანსებისას, მაგრამ მოხდა საპირისპირო რამ: 2012 წელს შოთა რუსთაველის სამეცნიერო ფონდის მიერ მართო ფიზიკის დარგში წარმოდგენილი 100-ზე მეტი საგრანტო პროექტიდან მხოლოდ სამი დაფინანსდა, ისიც მათი ბიუჯეტების 30%-იანი შეკვეცით. ასე გაიზარდა ქვეყნის მზრუნველობა ფუნდამენტურ მეცნიერებებზე!

„ვარდების“ ხელისუფლება განსაკუთრებით ამაყობს განათლების სისტემაში გატარებული რეფორმებით. სხვათა შორის, მაშინ ხელისუფლებაში და ახლა ოპოზიციაში მყოფი ამ რეფორმების ზოგიერთი ავტორი მიუთითებს, რომ რეფორმებმა ზოგ ნაწილში გაამართლა, ზოგში ვერა. მაგრამ ყველას თავისი წილი პასუხისმგებლობა მიუძღვის შედეგებზე. შედეგი კი ის არის, რომ განათლების სისტემა როგორც სასკოლო, ასევე უმაღლესის დონეზე სრულიად მოშლილია, თანდათანობით კვდება ისეთი უმნიშვნელოვანესი სამეცნიერო მიმართულებები, როგორცაა ფიზიკა, ქიმია, ბიოლოგია და ა.შ. თუ ასე გაგრძელდა, უკვე უახლოვეს მომავალში ამ დისციპლინათა მასწავლებლებიც კი აღარ გვეყოლება, არც სასკოლო და არც უმაღლეს დონეზე.



თენგიზი პირიანაშვილი

ლია წერილი ამერიკის შეერთებული შტატების ელჩს ბატონ რიჩარდ ნორლანდს

ბატონო რიჩარდ,

დამერწმუნეთ, უკიდურესად იშვიათად ხდება ხალხის კოლექტიურ განწყობაში ისეთი კარდინალური ცვლილება, თანაც იმდენად მოკლე დროში, როგორც ქართველების ამერიკის შეერთებული შტატებისადმი დამოკიდებულებაში მოხდა ბოლო შვიდი-ათი წლის მანძილზე.

ქართველები თითქმის ვალდებულად ამერიკას. მიგვაჩნდა იგი დემოკრატიის, პროგრესის, საერთოდ ყოველივე საუკეთესოს მცველად მთელს მსოფლიოში; ყოველივე საუკეთესოს სიმბოლოდ.

დღეს კი მე ამერიკის მიერ საქართველოს თავს დატეხილი კატასტროფის თაობაზე გწერთ და ვბედავ, გთხოვოთ, ამიხსნათ, როგორ უნდა ვაფასებდეთ ქართველები ამერიკის პოლიტიკას, თუ არა როგორც გამოვლინებას გარეგნული მეგობრობისა, ხოლო სინამდვილეში კი ნეოკოლონიალიზმისა, ქართველების არასრულფასოვან ადამიანებად ჩათვლისა?..

ცხადია, არ მაქვს იმედი, რომ თქვენ, ბატონო რიჩარდ, მოიცლით პასუხის გასაცემად. თუმცა ამ ღია წერილში არა მხოლოდ პირადად ჩემი პრეტენზიებია გამოთქმული ამერიკული პოლიტიკისადმი; რასაც მე გწერთ, ამაზე ქართველთა უმრავლესობა ლაპარაკობს — თითქმის ყველა ქართველი, ამერიკის მიერ გაწვრთნილი მეხუთე კოლონიის გარდა.

მაშ ასე, მიუხედავად იმისა, რომ დარწმუნებული ვარ, პასუხს თქვენგან ვერ ვეღირსები, მაინც მოგახსენებთ, რა არ მოგვწონს ქართველებს ამერიკის დამოკიდებულებაში ჩვენი ქვეყნისადმი. რა იწვევს ჩვენს აღშფოთებას. თქმა ნამდვილად სჯობს ართქმას. ამასაც ხომ თქვენ შთაგვაგონებთ. სხვა საქმეა, რომ თქვენ თვითონ არ ითვალისწინებთ ამ შთაგონებას და ყოველნაირად უკეტავთ გზას იმ აზრს, რომელიც არ მოგწონთ, რომელიც მიუღებელია თქვენთვის და თქვენს პოლიტიკურ-პროპაგანდისტულ კონცეფციას არ შეესაბამება.

1. ამერიკა მთელს მსოფლიოში ხმამაღლა ქადაგებს დემოკრატიის პრინციპით უპირატესობას. დემოკრატიის ერთ-ერთი უმთავრესი პრინციპი კი, თქვენივე აზრით, ისაა, რომ ნებისმიერი სახელმწიფოს უპირველეს პოსტზე პიროვნება შეიძლება დარჩეს მხოლოდ და მხოლოდ განსაზღვრული დროით — ორი ვადით. მაშ, რატომ უშვებთ გამონაკლისს საქართველოსთვის? როგორც მოგეხსენებათ, მ. სააკაშვილს უკვე უმთავრდება პრეზიდენტობის მეორე ვადა, მაგრამ იგი არაცმოთუ არ აპირებს გადადგომას, არამედ სრულიად დაუფარავად აცხადებს, რომ არც არასოდეს გადადგება; მას სურს სიკვდილამდე იყოს საქართველოს მმართველი. რატომ დუმს ამ აღმაშფოთებელ ფაქტზე ამერიკა? ყველას კარგად გვახსოვს, როგორი ხმაური ატეხეს ამერიკამ და მიერ მიერ მხარდაჭერილმა პოლიტიკურმა ძალებმა 2008 წელს, როცა ვლადიმერ პუტინმა პრეზიდენტის პოსტიდან პრემიერ-მინისტრის პოსტზე გადაინაცვლა. მაშინ პუტინს რუსეთის კონსტიტუციის არცერთი მუხლი არ დაურღვევია. სააკაშვილმა კი კონსტიტუცია მთლიანად თავის ნებაზე მოიგო, შეიტანა მასში ყველა ცვლილება, რაც კი მოესურვებოდა, მაგრამ „დემოკრატიის ქომაგი“ აშშ დუმს. უფრო სწორად, ყველანაირად მხარს უჭერს სააკაშვილს და „დემოკრატიის შუქურად“ აცხადებს მას.

2. 2008 წელს საპრეზიდენტო არჩევნები საქართველოში პოლიტიკური ვითარების უაღრესი დაძაბვით აღინიშნა. სააკაშვილი წინასაარჩევნო პერიოდში ყველაფერს კადრულობდა, ყველანაირ უკანონობაზე მიდიოდა. მოსახლეობის დიდ ნაწილში იმხანად ჯერ კიდევ იყო ნდობა ამერიკისადმი და ჩვენი ხალხი იმედოვნებდა, რომ აშშ არ დაუშვებდა აღვირახსნილი სააკაშვილის თავნებობას. მაგრამ რა მოხდა სინამდვილეში? არჩევნების დღეს სადამო ხანს, როცა საარჩევნო უბნებზე ჯერ კიდევ ამომრჩეველთა რიგები იდგა, ამერიკის მაშინდელმა პრეზიდენტმა ჯ. ბუშმა დაურეკა სააკაშვილს და... გამარჯვება მიულოცა. გეკითხებით, ბატონო რიჩარდ, როგორ უნდა აეხსნა ქართველ ხალხს თქვენი ქვეყნის პრეზიდენტისა და ხელისუფლების ეს საქციელი, თუ არა როგორც შეუფარავი, გაუმართლებელი მხარდაჭერა სააკაშვილისადმი?

3. უკვე 2008 წლის არჩევნების პერიოდში სააკაშვილი, ქართველი ხალხის თვალში, უკიდურესად იყო დისკრედიტირებული. მას უკვე იმ დროისთვის დაუმკვიდრდა იმიჯი გონებრივი და ზნეობრივი ხეიბრისა. ელექტორატში სააკაშვილს თითქმის არავითარი მხარდაჭერა აღარ ჰქონდა. არჩევნების წინა თვეების განმავლობაში თბილისის ქუჩებში მის წინააღმდეგ მრავალი დემონსტრაცია და მიტინგი გაიმართა. თბილისს და მთელს საქართველოს მანამდე არასოდეს უნახავს ხალხის ესოდენი მოზღვაება. რამდენჯერმე ქუჩებში გამოვიდა სამასი ათასი ადამიანი, რაც იმას ნიშნავს, ამერიკაში მიტინგ-დემონსტრაციებზე 25-30 მილიონი რომ გამოვიდეს. როგორი იყო თქვენი ქვეყნის რეაქცია ქართველი ხალხის

ამ სასოწარკვეთილ ქმედებაზე? — სრული დუმილი. ამერიკამ, ზოგადად დასავლეთმა, ანუ „ცივილიზებულმა სამყარომ“ „ვერ შენიშნა“ ის აქციები. დასავლურ მედიას ისინი საერთოდ არ გაუშუქებია ისევე, როგორც დღეს „ვერ ამჩნევს“ „ცივილიზებული დასავლეთი“ საქართველოს მოქალაქეთა გრანდიოზულ აქციებს ბიძინა ივანიშვილის მხარდასაჭერად. ბ. ივანიშვილის მხარდამჭერმა აქციებმა 4-5 წლის წინანდლებს გადააჭარბა. ა. წ. 27 მაისს დემონსტრაციაში სულ ცოტა ნახევარი მილიონი ადამიანი მონაწილეობდა. მაგრამ დასავლეთმა, რომელიც ერთ ამბავს ტეხს მოსკოვში ას ორმოცდაათკაციანი ანტიპუტინური გამოსვლის გამო, თბილისში სააკაშვილის წინააღმდეგ გამოსული ნახევარი მილიონი „ვერ შენიშნა“. დასავლურ მედიას არც ეს დემონსტრაცია უჩვენებია არცერთხელ.

4. ყველა, ვინც დღეს საქართველოში ცხოვრობს, ხედავს, რომ ქვეყნის ახლანდელ პრეზიდენტს პრაქტიკულად თითქმის არავინ უჭერს მხარს. გამონაკლისს შეადგენენ მისი გარემოცვა, ოჯახის წევრები და ნათესავეები, აგრეთვე, სააკაშვილისგან „ხელთდასხმული“ — უკიდურესად ვიწრო ფენა ფულისმკეთებლებისა, დღევანდელი ხელისუფლების ხელისმეწყობით და მასთან კავშირით. სოციოლოგიური გამოკვლევები კი ფანტასტიკურ, პირდაპირ ჭკუაზე-შემშლელ ციფრებს აქვეყნებენ; თურმე სააკაშვილს და მის პარტიას საქართველოს მოსახლეობის ორი მესამედი უჭერს მხარს. გამოკვლევებს, რა თქმა უნდა, „ავტორიტეტული“ ამერიკული ორგანიზაციები ატარებენ... ნუთუ ვერ ხვდება ამერიკის ხელისუფლება, რომ, ამგვარი მანიპულაციები, სპობს ამერიკის სახელმწიფოს ავტორიტეტს?! და არა მხოლოდ საქართველოში. საქართველო დღეს მთელი ჩვენი რეგიონის და უფრო ფართო სიერციის ყურადღების ცენტრშია. ჩვენი ქვეყნის მწარე გამოცდილების ცოდნამ ჩრდილოკავკასიელებს უჩვეულო ნაბიჯი გადაადგმევინა: გასული წლის დეკემბერს რუსეთში გამართულ საპარლამენტო და 2012 წლის მარტის საპრეზიდენტო არჩევნებზე ჩრდილოეთ კავკასიის რესპუბლიკებში ვ. პუტინმა ხმათა თითქმის 100 პროცენტი მიიღო. პუტინი და რუსეთი ამერიკისგან თავის დახსნის იმედად იქცნენ ჩვენი რეგიონის ხალხებისათვის.

5. ახლანდელ წინასაარჩევნო პერიოდში სააკაშვილი ისე მოქმედებს, როგორც მუდამ — ყველაფერს კადრულობს — ცრუპენტელობს, თაღლითობს, ყაჩაღობს, ხალხს არბევს... ბიძინა ივანიშვილმა მთელი თავისი ცხოვრებით დაიმსახურა ქართველი ხალხის ნდობა და პატივისცემა. მის წინააღმდეგ ბრძოლაში სააკაშვილს, ცხადია, არავითარი შანსი არ აქვს. ამიტომ იგი სწადის აბსოლუტურად ყოველგვარ უკანონობას. მე არ დავიწყებ მის კრიმინალურ ქმედებათა ჩამოთვლას. თუ თქვენ, ბატონო რიჩარდ, მიგაჩნიათ, რომ „ცივილიზებული დასავლეთის“ მიერ დეკლარირებულ დემოკრატიულ ნორმათაგან არსებობს თუნდაც ერთი, რომელსაც სააკაშვილი არ არღვევდეს, დაგვისახელეთ. ამასთანავე, იქნებ ისიც აგვიხსნათ, რატომ დუმს ჩვენი პრეზიდენტის

ბოროტმოქმედებებზე ამერიკის შეერთებული შტატები?

თქვენი პასუხის იმედი, კიდევ ერთხელ ვიმეორებ, არ მაქვს. „ცივი-ლიზებულ სამყაროს“ წესად აქვს მისთვის არასასურველ საკითხებზე წყრუება. თუმცა იმის დაფარვას კი ვეღარ ახერხებთ, რომ „ცივილიზებული სამყაროს“ და, განსაკუთრებით, ამერიკის შეერთებული შტატების ავტორიტეტი მეტიმეტად შეილახა მთელს დანარჩენ მსოფლიოში. დაფიქრდით, იქნებ, ამის ერთი უმთავრესი მიზეზი ის არის, რომ ცდილობთ, დემოკრატიული რიტორიკით გააბრუოთ ადამიანები და რეალურად სააკაშვილის მსგავსი გონებრივი და ზნეობრივი ხეობები წამოასვით თავზე. თანაც უვადოდ, სიკვდილამდე, სიკვდილის შემდეგ კი მისნაირით ან მასზე უარესით შეცვალოთ.

უკვე ოცი წელია, რაც საქართველო აშშ-ის მეგობრად და მისი განსაკუთრებული ზრუნვის ობიექტად გამოაცხადეთ. ამ ოცი წლის განმავლობაში ჩვენმა ქვეყანამ და ხალხმა დაკარგა აბსოლუტურად ყველაფერი, რაც გააჩნდა. ქართველები მსოფლიოში, ყველა თვალსაზრისით, ერთ-ერთი ყველაზე მოწინავე ხალხიდან ერთ-ერთ ყველაზე ჩამორჩენილ ხალხად გადავიქცით. ოც წელიწადში განადგურდა ჩვენი მაღალგანვითარებული მრეწველობა და სოფლის მეურნეობა, მოგვესპო მეცნიერება, ლიტერატურა, ხელოვნება. დაგვისახინჩა განათლების სისტემა...

ქართველები ერთ-ერთი უძველესი ქრისტიანი ერი ვართ. როდესაც კონსტანტინე დიდმა რომის იმპერიის სახელმწიფო რელიგიად გამოაცხადა ქრისტიანობა, თითქმის იმავედროულად ქართველმა მეფემ, მირიანმა თავის ქვეყანაში დააკანონა ქრისტეს რჯული. მაგრამ უკვე მეოთხედი საუკუნეა, რაც დასავლეთიდან შემოგვესივნენ „მისიონერები“, სექტანტები, ვიღაც გაურკვეველი ადამიანები და ჩვენს სარწმუნოებას ისტორიაში ერთ-ერთი ყველაზე შავბნელი ჟამი დაუყენეს.

ხალხის ცნობიერებაში უკუქცევის პროცესი დაიწყო. სულ უფრო და უფრო ძლიერდება კომუნისტური ეპოქის ნოსტალგია. ყოველ ნაბიჯზე გაიგონებ საუბარს იმის თაობაზე, რომ თურმე მართლნი ყოფილან კომუნისტები, რასაც კაპიტალისტებსა და დასავლეთის სამყაროზე ამბობდნენ. საბჭოთა დროის მომსწრე ადამიანებს დღეს კომუნისტებში ნაცხოვრებთ ეძახიან. ასევე დასავლეთის მიერ აგორებული ანტირუსული ისტერია შეიცვალა პრორუსული განწყობით, საქართველოს მოსახლეობის სულ ცოტა ოთხმოცდაათი პროცენტი მომხრეა იმისა, რომ რამენაირად თავი დაუღწიოთ ამერიკას, დასავლეთს და აღვადგინოთ მეგობრული ურთიერთობა რუსეთთან.

ყოველ ნაბიჯზე გაიგონებ საუბარს იმის თაობაზეც, რომ ამერიკა ქართველებს იმას გვიშადებს, რაც თავის დროზე ინდიელებს და ზანგებს დამართა. და რომ ეს პროცესი დაწყებულია — ამერიკასთან „მეგობრობის“ ოცი წელი ჩვენი ერისთვის დემოგრაფიული კატასტროფის წლები-


ცაა, მაშინ, როცა რუსეთის იმპერიასა და საბჭოთა კავშირში ყოფნის 190 წლის მანძილზე ქართველთა რიცხვი რვაჯერ გაიზარდა.

იყო დრო, როცა ადამიანებს საქართველოშიც, მთელს პოსტსაბჭოურ სივრცეშიც სჯეროდა თქვენი ყოვლისწამლეკი ანტიკომუნისტური პროპაგანდის. მაგრამ დღეს, ამ თვალსაზრისითაც, გარდატეხა მოხდა. უძრავლესობას აღარ სჯერა, რომ კომუნისტები „ისტორიაში ყველაზე საშინელი დამნაშავეები“ იყვნენ. სულ უფრო ხშირად გაიგონებ, რომ ყველაფერი, რასაც დასავლეთი და მისი მეზუთე კოლონები საბჭოთა ისტორიაში ჩადენილ დანაშაულებზე ლაპარაკობენ, ცილისწამებაა, ასე რომ არ იყოსო, ამბობს ხალხი, რა უშლის დასავლეთს ხელს, რომ მოაწყოს მეორე ნიურნბერგი, ნიურნბერგი კომუნისტების წინააღმდეგ?!

რაც შეეხება ისტორიაში ყველაზე საშინელ დანაშაულებს, გაიხსენეთ, ბატონო რიჩარდ, თქვენი ქვეყნის ისტორია: ამერიკის მკვიდრი მოსახლეობის გენოციდი, ზანგების სამნახევარ საუკუნოვანი მონობა და შემდეგ კიდევ საუკუნოვანი სეგრეგაციის პოლიტიკა, გაიხსენეთ მშვიდობიან ქალაქებში ჩამოყრილი ატომური ბომბები, ამერიკის მიერ ატეხილი უთვალავი ომი, რომელთა უსამართლო ხასიათს დღეს ამერიკული პროპაგანდაც კი ვეღარ უარყოფს. გაიხსენეთ მარტო მეოცე საუკუნეში ამერიკის მიერ სხვადასხვა ქვეყანაში მოწყობილი ასზე მეტი სახელმწიფო გადატრიალება...

ქართველები ვხედავთ, რომ ჩვენს ქვეყანაში მზადდება მორიგი სახელმწიფო გადატრიალება (არჩვენების შედეგების კიდევ ერთი გაყალბება). თუ გამარჯვება 1 ოქტომბერსაც სააკაშვილს დარჩა, საქართველოს მოქალაქეები, დარწმუნებული ვარ, მასობრივად გამოვლენ ქუჩებში. ჩვენი ხალხი ვეღარ აიტანს სააკაშვილის ტირანიას! თუ ცნებებმა: სამართლიანობამ, დემოკრატიამ, მეგობრობამ შინაარსი დაკარგა და ცარიელ სიტყვებად იქცა, მის წილხვედრილ ქვეყანას ყოვლადწმინდა ღმრთისმშობელი არ მიატოვებს და იხსნის ჩვენს ისტორიაში ერთი ყველაზე უარესი მძართველისაგან.





გვანცა კოპლატაძე

«ვისაც რომ საფშოგლო უყვარს,
სიცოცხლე მისთვის ომი»

მე-19 საუკუნის მიწურულს, როცა მსოფლიოს პოლიტიკურ-ეკონომიკურად დაწინაურებულ ქვეყნებში აშკარად გამოიკვეთა ტენდენცია ზნეობისა და სამართლიანობის ფულზე დამყარებული მძლავრობით ჩანაცვლებისა, ილია ჭავჭავაძემ პირველმა იგრძნო ის საფრთხე, რომელიც ახალმა ვითარებამ მისი პატარა სამშობლოს არსებობას შეუქმნა. ამჯერად ქართველობას იარაღიანი მტრისაგან ფიზიკური განადგურება კი არ ეშუქებოდა, არამედ სულიერი გადაგვარება, რასაც ბუნებრივად მისი ფიზიკური სიკვდილიც მოჰყვებოდა. ამგვარი ომის საწარმოებლად მტერს შესაფერისი იარაღიც შერჩეული ჰქონდა — ცოდნა-მოხერხება და ფული, რომლითაც, ადამიანის დაცემული ბუნებიდან გამომდინარე, ყველაფრის ყიდვა შეიძლება, მათ შორის — სინდისისაც. ამ დროს, რადგან ქვეყანას არც მეფე ჰყავდა და არც საკუთარი საერო და საეკლესიო ხელისუფლება, ერის ბედზე ზრუნვა უწინარესად მის მოაზროვნე ნაწილს, ინტელიგენციას უნდა ეკისრა, მას უნდა გაეანალიზებინა შექმნილი ვითარება და ხალხისთვის განემარტა, რაც მის თავს ზღებოდა; თვითონაც იმ იარაღით უნდა შეიარაღებულიყო და ხალხიც იმავე იარაღით აღეჭურვა, რითაც მტერი მოდიოდა, ანუ ცოდნისათვის ცოდნა უნდა დაეპირისპირებინა, ხერხისთვის — ხერხი და ფულისთვის თავაუღებელი ჯაფა და გარჯა, რათა ქვეყანას საკუთარი შემოსავალი ჰქონოდა და სამათხოვროდ ხელი სხვისთვის არ გაეწვდინა.

ყოველმა ერმა, რომელსაც თავის გადარჩენა სურს, უნდა იცოდეს მოცემულ კონკრეტულ დროში რისი გაკეთება ჰმართებს. ილიას აზრით, ჩვენი პატარა ქვეყნის გადარჩენის ერთი ძირითადი მიზეზთაგანი სწორედ ის იყო, რომ ჩვენმა წინაპრებმა კარგად იცოდნენ, რომელ „დროს რა უნდოდა, რა იყო მისი ციხე-სიმაგრე, მისი ფარ-ხმალი. ვაჟკაცობა უნდოდა, ვაჟკაცი ვიყავით, ხმალი უნდოდა, ხმლის ჭედვა ვიცოდით, ომის საქმეთა ცოდნა უნდოდა, ომის საქმენი ვიცოდით. აი, რამ შეგვამძლებინა, რამ გვიხსნა, რამ

შემოგვინახა!... იმ დროთა ჩარხზე გაჩარხულნი ვიყავით, იმ დროთა ქარცეცხლში გამოფოლადებულნი, იმ დროთა სამჭედურში ნაჭედნი. „სილბო გვქონდა ნაქსოვისა — ვით ქრისტიანებს და სიმტკიცე ნაჭედისა“ — ვით მეომრებსა და მამულიშვილებს. ამით გავიტანეთ თავი, დროთა შესაფერი ღონე ვიცოდით, დროთა შესაფერი ხერხი, დროთა შესაფერი ცოდნა გვქონდა, დროთა შესაფერი მხნეობა და გამრჯელობა“.¹

ხელადა რა საზოგადოების უმოქმედობას კარს მომდგარი საფრთხის წინაშე, წმ. ილია მართალი მას სამართლიანად საყვედურობდა: „არ ვიცით — რანი ვყოფილვართ, არ ვხედავთ — რანი ვართ, ვერ გამოგვისახია — რანი ვიქნებით“.² ამიტომ თვითონ განმარტავდა იმასაც, რა მოთხოვნებს უყენებდა ახალი დრო მის სამშობლოს და იმასაც, როგორი პასუხი უნდა გაეცათ ამ მოთხოვნებისათვის: „ეხლა ხმალი თაროზე უნდა შეედგათ, აღარაფრის მაქნისია; ეხლა ან ადლი უნდა გვეჭიროს ხელში, ან გუთანი, ან ჩარხი ქარხნისა, ან მართულები მანქანისა. ეხლა ვაჟკაცობა კი არ უნდა, რომ სისხლსა ჰღვრიდეს, ვაჟკაცობა უნდა შრომისა, რომ ოფლი ჰღვაროს. კიდევ ვიტყვით, ქვეყანა იმისია, ვინც ირჯება და ვინც იცის წესი და ხერხი გარჯისა, ვინც უფრო უფროთხილდება ნაშრომს, ვინც ზოგაჯს ნაღვაწს. დღეს მძლეუთა-მძლეა მარტო ის, ვინც მცველია და ბეჯითია სულითა, ცოდნითა და მარჯვენითა“.³

სამწუხაროდ, ილიას ეჭვი ეპარებოდა, რომ მის თანამედროვე ქართველობას რომელიმე ეს დროთა შესაფერი სიკეთე სჭირდა, ამიტომ ახალი წლის მისალოცად დაწერილ წერილში „რა ვითხრათ? რით გაგახაროთ?“ (1897 წ.) გონიერი და მამულის ბედზე დაფიქრებული მკითხველებისათვის სასიხარულო სათქმელი არც არაფერი ჰქონდა. სამაგიეროდ იგი საზოგადოებას აფრთხილებდა, რომ, რაც „ხმლიანმა მტერმა“ ვერ შეძლო — სამშობლო ვერ წაგვართვა, — იმას „შრომითა და გარჯით, ცოდნით და ხერხით მოსეული“ მტერი შეძლებდა — თან გაგვიტანდა, ფეხქვეშ მიწას გამოგვაცლიდა, სახელს გაგვიქრობდა და ჩვენს მშვენიერ ქვეყანას, როგორც უპატრონო საყდარს, დაეპატრონებოდა, თუ მას წინ ჩვენი მხრიდანაც შრომასა და გარჯას, ცოდნასა და ხერხს არ მივაგებებდით და არ დაუახვედრებდით.

გასაოცრად ემთხვევა ილია ჭავჭავაძის მიერ აღწერილი ვითარება იმ ვითარებას, რომელშიც დაახლოებით ერთი საუკუნის შემდეგ, მე-20 საუკუნის 90-იანი წლების დასაწყისში აღმოჩნდით და დღემდე ვიმყოფებით, ოღონდ მდგომარეობა ბევრად უფრო დამძიმებულია, იმ გარემოებით, რომ დღეს ამ ფარული ომის მწარმოებელნი ადამიანთა ფსიქიკაზე შემოქმედების ბევრად უფრო მრავალფეროვანი იარაღით არიან აღჭურვილნი და

¹ ი. ჭავჭავაძე, თხზულებათა სრული კრებული, ტ. V, თბ., 1955. გვ. 12.

² იქვე, გვ. 14.

³ იქვე, გვ. 13-14.

ბევრად უფრო დახვეწილი ტექნოლოგიებით მოქმედებენ. ამიტომ დღეს კიდევ უფრო ღრმა და უძირა ის თხრილი, რომელზეც ი. ჭავჭავაძე წერდა და რომელიც ქართველი ერის დასამარხად იყო გათხრილი, დღესაც ერთი ხელის კვრას საჭირო, რომ „შიგ დედაბუდიანად გადავიჩქოთ“, ისე რომ ჩვენი ძვლები ორბმა და არწივმაც კი ვერ იპოვოს. ხოლო ჩვენ ნაცვლად იმისა, რომ ჩვენი მდგომარეობა საფუძვლიანად გაგანალიზოთ, დროის შესაფერისი ცოდნით ადვიტურვით და თავის გადასარჩენად მისი შესაფერისი ხერხი და ღონე მოუძებნოთ, ისევე როგორც ილიას დროს, ამ თხრილის პირას „ვდგევართ და უღონოდა ვბზუით „მე ვარ და ჩემი ნაბადიო“ და ამ ბზუილიდამ არა გამოდის რა“.

თავი და თავი ჩვენი ყოფნა-არყოფნის ზღვარზე დგომისა, რომელიც ლამის უკვე მეოთხედი საუკუნეა გრძელდება, ისაა, რომ გასული საუკუნის 80-იანი წლების ბოლოდან, როცა საბჭოთა იმპერიის რღვევის პროცესი ინტენსიურად წარიმართა, ერი ფაქტობრივად უწინამძღვროდ დარჩა. ინტელიგენციას, რომელსაც, როგორც საზოგადოების მოაზროვნე ნაწილს, დროის შესაფერისი ცოდნის გამოძვლავნება და გადარჩენის ხერხებისა და ღონის მოძიება ყველაზე მეტად მოეთხოვებოდა, ამისთვის არც ძალა ეყო და არც გაბედულება. რა თქმა უნდა, ყველაზე ამის თქმა არ შეიძლება, მაგრამ ისინი, რომელთაც გაბედულებაც ჰქონდათ სიმართლის სათქმელად და გონიერებაც ჰყოფნიდათ შექმნილი ქაოსური მდგომარეობიდან გამოსავლის მოსაძებნად, იმდენად მცირერიცხოვანი აღმოჩნდნენ, რომ მათი ხმა ადვილად გადაფარეს ნაწვიმარზე სოკოებით მომრავლებულმა პოლიტიკური პარტიების ლიდერებმა, რომელნიც, სრულიად გაუგებარი იყო, ერთბაშად რა დამსახურებით იქცნენ ჭკუის საკითხავ პიროვნებებად და ერის ბედის გამგებლებად. სინამდვილეში ასეთებად ისინი საინფორმაციო საშუალებებმა — ტელე-რადიო არხებმა და ჟურნალ-გაზეთებმა აქციეს, რომელთაც, მათი ლამის ყოველდღიური მიწვევითა და ქვეყანაში განვითარებულ მოვლენებზე გამართული „სჯა-ბაასით“, რაც უმეტესწილად უმეცრებისა, და შესაბამისად, ამპარტაუნობის ზეიმს წარმოადგენდა, მათ პოპულარიზაციაში გადამწყვეტი როლი შეასრულეს.

სამწუხაროდ, ეს პროცესი დღესაც წარმატებით გრძელდება, რადგან პოლიტიკური პარტიების ლიდერებს ე.წ. ექსპერტები, თეოლოგები, ფილოსოფოსები თუ საზოგადო მოღვაწეებიც შეემატნენ, რომელთაც ეს როლები სრულიად დაუმსახურებლად მოიარგეს და ელექტრონული თუ ბეჭდური მედიის საშუალებით, შესაბამისად საკუთარი არჩევანისა თუ სუბიექტური შეხედულებებისა, მენტორული ტონით ჩვენს ხალხს დაუსრულებლად მოძღვრავენ.

უკიდურესი ეკონომიკური შეჭირვების გამო, არსებობისათვის ყოველდღიური ბრძოლით დაქანცულ ადამიანებს უკვე უჭირს ამ აზრებისა და

შეხედულებების კორიანტელში გარჩევა იმისა, ვინ ეუბნება სიმართლეს და ვინ ატყუებს, ვინაა ჭეშმარიტი გულშემატკივარი ქვეყნისა და ერისა და ვინ მხოლოდ საკუთარი პრივილიგიებული მდგომარეობის შენარჩუნებაზე ზრუნავს. ურცხვად ნათქვამ ტყუილებზე მეტად ხალხს სანახევროდ მხილებული სიმართლე აბნევს, რომელშიც ძირითადად ე. წ. ოპოზიციური პარტიების ლიდერები არიან გაწაფულნი.

ამგვარი შეგნებულად და წინასწარგანზრახულად აბურღულ-დაბურღული და ქაოსური მდგომარეობიდან თავის დაღწევისათვის მხოლოდ ერთი ორიენტირი არსებობს — ზნეობრივი კრიტიკერიუმები, რომელიც თეთრისა და შავის, სიკეთისა და ბოროტების, სათნოებისა და ცოდვის ერთმანეთისაგან გარჩევასა და, შესაბამისად, არჩევანის სწორად გაკეთებაში დაგვეხმარება.

ამ ორიენტირის არსებობა მხედველობიდან არც მტერს გამორჩა და მისი სრული წაშლისათვის უკვე კარგა ხანია იბრძვის, განსაკუთრებით ხელოვნების ცალკეული დარგების იმგვარი „შედევრების“ შექმნით, რომელნიც ბოროტებასა და ცოდვას ადამიანის ისეთივე ბუნებრივ მდგომარეობად მიიჩნევენ, როგორც სიკეთესა და სათნოებას და, აქედან გამომდინარე, მათ არსებობას ყოველგვარი გამყოფი ზღვარის გარეშე წარმოადგენენ. სამწუხაროდ, ამ ზღვარის უარყოფით მათ მიზანს ნაწილობრივ უკვე მიაღწიეს, რადგან პიროვნების საქმიანობის შეფასებისას თუ მოვლენების ანალიზისას დასკვნების გამოტანა ზნეობრივი კრიტიკერიუმების გამოყენებით თანდათან უფრო კლებულობს და იშვიათი ხდება. დღეს სიკეთისა და ბოროტების, სათნოებისა და ცოდვის ერთმანეთისაგან გარჩევისა და, აქედან გამომდინარე, ზნეობრივ ღირებულებათა დაცვისაკენ მხოლოდ მართლმადიდებელი ეკლესია მოგვიწოდებს. ამას ყბადაღებული ლიბერალიზმის დამცველებიც კარგად ხედავენ და რამდენადაც თვითონ პიროვნების თავისუფლებას მისი ყველაზე მდაბალი და ცხოველური ინსტიქტებისათვის გასაქანის მიცემასთან აიგივებენ, თავიანთი გზიდან ეკლესიის — ამ უკანასკნელი დაბრკოლების, ჩამოსაცილებლად არცერთ ხერხსა და საშუალებას არ თაკილობენ, რაც მათი მრწამსიდან ბუნებრივად გამომდინარეობს.

თუ უახლოეს წარსულშიც კი, ჯერ კიდევ შესაძლებელი იყო, რომ ადამიანის ზნეობის ძირითადი პრინციპები ღმრთისაგან შესაქმეშივე ბოძებული მხოლოდ ბუნებითი სჯულით — სინდისით დაეცვა, ჩვენს დროში ზნეობრივი იდეალების ერთგულება და მათი მიხედვით ცხოვრება მართლმადიდებელი ეკლესიის წევრობის გარეშე, უკვე შეუძლებელი ხდება. აქვე შევნიშნავთ, რომ ეკლესიის გაიგივება მის რომელიმე მართლაც უდიდეს მსახურთან, უდიდეს შეცდომას წარმოადგენს, რადგანაც იგი ზომალდია, რომლითაც ადამიანმა ცხოვრების აბობოქრებული ზღვა უნდა გადალახოს და თუ ამ დროს რომელიმე მენიხზე ნიჩაბს უკუღმა მოუსვამს ან საერთოდ ხელიდან გააგდებს, ეს ზომალდის მიმართულებას ვერავითარ შემთხვევაში

ვერ შეცვლის, რადგან მისი მესაჯე თავად უფალი იესო ქრისტეა.

ეკლესიური ცხოვრების სწორად წარმართვა არა მხოლოდ მღვდელმსახურებზე, არამედ ჩვენზეც, მის წევრებზეცაა დამოკიდებული. მართალია, სამ ათეულ წელზე მეტია ჩვენი პატრიარქის, უწმიდესისა და უნეტარესის ილია II-ის თავდადებულმა სულიერმა მოღვაწეობამ ერის ცხოვრებაში გარდატეხა მოახდინა და წინაპრებისაგან ნაცად, ჭეშმარიტებისაკენ მიმავალ გზაზე მრავალი მოაქცია, მაგრამ რამდენადაც ყველაზე მეტად ქრისტესგან ბოძებული იმ ორი ძირითადი მცნების შესრულება გვიჭირს, რომელიც ჩვენს ეკლესიურ ცხოვრებას უნდა დაუდოთ საფუძვლად: 1. შეიყვარე უფალი ღმერთი შენი მთელი შენი არსებით და 2. შეიყვარე მოყვასი ვითარცა თავი შენი, — ამდენად ჩვენი მორწმუნეობაც უფრო ფასადური და ზედაპირულია, ვიდრე სულსა და გულში ღრმად ფესვებგადგმული, რადგან, როგორც კი მას ცხოვრება გამოცდას მოუწყობს, მაშინვე გარედან წასმული საღებავით ადვილად ჩამოგვერეცხება ხოლმე (წმ. გრიგოლ ღმრთისმეტყველი).

რაც შეეხება პირველ მცნებას, ჯერჯერობით ჩვენ მხოლოდ ის დავამტკიცეთ, რომ უფრო დიდი მიდრეკილება კერპების თავყანისცემისაკენ გვაქვს, რაც სარწმუნოებით გვეკრძალება, ვიდრე ღმრთის მთელი არსებით შეყვარებისკენ. აქვე მინდა შევნიშნო, რომ სიყვარული და გაკერპება, როგორც ამას წმ. წერილი გვასწავლის არსებითად განსხვავებული ცნებებია. მაცხოვარმა ადამიანის სიყვარული, მიუხედავად მისი ღირსეულობა-უღირსობისა და ჩვენთან დამოკიდებულებისა — მტერია თუ მოყვარე, იმ მცნებად დაგვიდო, რომლის შესრულების გარეშე ვერც რჯულს აღვასრულებთ: **ხოლო მე გეტყვ თქვენ: გიყვარდეთ მტერნი თქუნნი და აკურთხედით მწყევართა თქუნთა და კთილსა უყოფდით მოძულეთა თქუნთა და ულოცვედით მათ, რომელნი გმძლავრობდენ თქვენ და გდვენიდენ თქვენ** (მთ. V, 44). ხოლო იმ ათი მცნებიდან, რომელიც მოსეს სინას მთაზე მისცა, ერთ-ერთით ყოველგვარი ქმნილების, და მათ შორისაა ადამიანიც, თავყანისცემა აკვიკრძალა: **არა ჰქმნე თავისა შენისა კერპი, არცა ყოველი მსგავსებაჲ, რაოდენი ცათა შინა-ზე და რაოდენი ქუეყანასა ზედა-ქუე და რაოდენნი წყალთა ქუეშეთ ქუეყანისა. არა თავყანის-სცე მათ, არცა ჰმსახურო მათ** (გამს. XX, 4-5).

როგორ უნდა გავარჩიოთ სიყვარული გაკერპებისაგან? სიყვარული არ გულისხმობს ადამიანის ნაკლოვან მხარეებზე თვალის დახუჭვას, მის გაიდევალებას, ჩვენ გვიყვარს იგი ისეთი, როგორიც სინამდვილეშია — თავისი დადებითი და უარყოფითი თვისებებით, რადგან ქმნილება არ შეიძლება სრულყოფილი იყოს, სრულყოფილება მხოლოდ ღმრთის თვისებაა. ადამიანს ოდენ სრულყოფის დაუსრულებელი კიბის საფეხურებზე სიკეთის სამსახურით თანდათანობით ამადლება და სრულყოფასთან, რაც შეიძლება, მეტად მიახლოება ხელეწიფება.

გაკერპება კი ნიშნავს, რომ არა მხოლოდ ჩვენ ვერ ვხედავთ, ან არ გვინდა დავინახოთ ადამიანის ნაკლოვანი მხარეები, არამედ სხვებისგანაც იმავეს მოვითხოვთ, ქმნილებას შემოქმედის თვისებას — სრულყოფილებას ვანიჭებთ და ამდენად, ვაყენებთ რა ღმერთის ადგილას, თავყანს-ვცემთ და ვემსახურებით.

ზემოთქმულიდან გამომდინარე, კერპთაყვანისმცემლობა უკვე თავისთავად გამორიცხავს ღმრთის მთელი არსებით შეყვარებას და მის თავყანისცემას, რადგან, როგორც სახარება გვასწავლის, ორი ბატონის სამსახური არავის შეუძლია.

ისევ და ისევ ჩვენდა სამწუხაროდ და სავალალოდ, ერის გაძლიერების ინიციატივა, ინტელიგენციის უსუსურობის გამო, რა თქმა უნდა, გარეშე და შინაური მტრების ხელშეწყობითაც, თავიდანვე კერპთაყვანისმცემლებმა იგდეს ხელთ და მის დათმობას არც დღეს აპირებენ. მაშინაც კი, როცა მათი კერპები ღმრთისა და ეკლესიის სწავლებას სიტყვითაც და საქმითაც ამკარად უპირისპირდებოდნენ და უპირისპირდებიან, არა მხოლოდ თვითონ აკეთებენ არჩევანს ღმერთისა და გაკერპებულ პიროვნებას შორის, ამ უკანასკნელის სასარგებლოდ, არამედ საზოგადოების მორწმუნე და გონიერი ნაწილისაგანაც კატეგორიულად იმავეს მოითხოვენ. ამ მოთხოვნის კატეგორიულობაზე მეტყველებს არა მხოლოდ ფსიქოლოგიური ზემოქმედება სხვაგვარად მოაზროვნეებზე (ქართული სახელმწიფოს მტრად და მოღალატედ გამოცხადება), არამედ ხშირად მათი ფიზიკურად ღვეწა-შევიწროვებაც.

კერპთაყვანისმცემლობაა სწორედ მიზეზი მეორე ძირითადი მცნების, რომელიც ჩვენგან ზოგადად კაცთმოყვარეობას, ადამიანის სიყვარულს მოითხოვს, შეუსრულებლობისა. მისი მიმღვერებისთვის, რომელნიც საზოგადოების ყველაზე აქტიურ ნაწილს შეადგენენ, ის ადამიანები, რომელთაც ღმრთისა და მოყვასის სიყვარულით ცხოვრება სურთ, არა სიყვარულის, არამედ სიძულვილისა და მტრობის ობიექტები ხდებიან. ყველაზე საშიში ისაა, რომ ეს სენი, სხვაგვარად მოაზროვნის მტრად მიჩნევისა, თანდათანობით ფეხს ერშიც იკიდებს. ადამიანები, რომელნიც პოლიტიკურ საქმიანობას არ ეწევიან, მაგრამ ამა თუ იმ მიზეზის გამო, რომელიმე პოლიტიკური ძალის მხარდამჭერნი არიან, ხშირად აგრესიულად ესხმიან თავს მათ, რომელნიც კეთილგანწყობას სხვა ძალების მიმართ ამჟღავნებენ. კიდევ უფრო სამწუხარო ისაა, რომ ახალგაზრდობაც ამ მაგალითზე იზრდება და თვითონაც კატეგორიულ აზროვნებას ეჩვევა. გამოდის, რომ ჩვენი სიყვარული და პატივისცემა საქართველოს კათოლიკოს-პატრიარქისა, რის გამოხატავაშიც ხშირად ერთმანეთს ვეჯიბრებით, მხოლოდ გარეგნული ყოფილა და არა ჭეშმარიტი, რადგან არც მას ვუგდებთ ყურს, როცა შეგვაგონებს, რომ მორწმუნესა და გონიერ ადამიანს კატეგორიული აზროვნება

არა მხოლოდ არ შეშვენის, არამედ საშიშიცაა.

ჩვენი ჟურნალის ორმა ახალგაზრდა ავტორმა, რომელთა წიგნიერება და სარწმუნოებისადმი პატივისცემა იმედს იძლეოდა, რომ სერიოზულ მკვლევარებად, ერისა და ქვეყნის ერთგულ მსახურებად ჩამოყალიბდებოდნენ, და ამიტომ რედაქციაც შეძლებისდაგვარად ცდილობდა ხელი შეეწყო მათთვის, წერილობით გეაცნობეს, რომ ჟურნალთან თანამშრომლობას ვეღარ გააგრძელებდნენ, რადგან ერთ-ერთი გარდაცვლილი სასულიერო პირის მოღვაწეობის შესახებ მათგან განსხვავებული თვალსაზრისი აღმოგვაჩნდა. ნიშანდობლივია, რომ მათ ურთიერთობა ისე გაწყვიტეს, რომ გარკვევაც კი არ მოისურვეს იმისა, რა მიზეზები ჰქონდა ჩვენს შეხედულებას. აი, მრავლისმეტყველი მაგალითი ერთი ჩვეულებრივი სასულიერო პირის (იგი წმინდანთა დასში არ ირიცხება) გაკერპებისა და მისგან გამომდინარე, კატეგორიული შეუწყნარებლობა არა მარტო სხვაგვარი აზრისა, არამედ იმ ადამიანებისაც, რომელთაც ეს აზრი აქვთ.


ბუნებრივად ჩნდება კითხვა, რა უფლებით ვდებთ ბრალს კომუნისტებს თავისუფალი აზროვნების შეზღუდვაში, თუ ჩვენც ზუსტად მათსავით ვიქცევით, როცა სხვა აზრი ჩვენსას არ ემთხვევა და ჩვენს ინტერესებს ეწინააღმდეგება. სხვათა შორის ისინიც სხვაგვარად მოაზროვნებს ავიწროებდნენ და არა თანამოაზრებს.

დღევანდელი ტერიტორიებწართმეული, ეკონომიკურად გაჩანაგებული, კულტურის დაბალ დონეზე მდგომი, თითქმის უწიგნური საქართველოს „შემოქმედნი“ როგორც კი ვინმე ამ მტკივნეულ პრობლემებზე ლაპარაკს გაბედავს, პროტესტის გამომხატველს მაშინვე წარსულში დაბრუნებით აშინებენ (როცა საქართველო ტერიტორიულად მთლიანი, ხოლო ეკონომიკურად და კულტურულად აყვავებული იყო, განსაკუთრებით დღევანდელთან შედარებით) და შეასხენებენ, რომ მაშინ პიროვნებასაც და ქვეყანასაც თავისუფლება წართმეული ჰქონდა. მინდა ვიკითხო: დღეს თავისუფალნი ვართ? თუ თავისუფლებას ადამიანის ყველაზე მდაბალი და ცხოველური ინსტიქტებისთვის გასაქანის მიცემასთან გაფიცივებთ, ალბათ, კი. შეიძლება ვინმემ მიპასუხოს, კომუნისტურ ეპოქაში ხელისუფლების ასე მწარედ გაკრიტიკების უფლებას არაუინ მოგვცემდაო. მაგრამ ისიც ვიკითხოთ, რა აზრი აქვს კრიტიკას, თუკი მას ხელისუფლება პასუხობს ანდაზით: „ძალი ყვეს, ქარაუანი კი მიდის“. ამგვარ ვითარებაში კრიტიკას მხოლოდ „გულის მოფხანის“ ფუნქციად რჩება, მაგრამ როგორც დიდი ილია გვასწავლის, ფხანა ქეცმა იცის, ჩვენ კი არა გულის გაქეციანება, არამედ საკუთარი ცოდვების აღიარებით მისი გაწმენდა გვჭირდება, რათა სულიერი თვალი აგვეხილოს და ისიც სწორად გავიაზროთ „რანი ვყოფილვართ“, ისიც, „რანი ვართ“ და ისიც, როგორი მომავალი გვინდა რომ გვექონდეს.

„ვისაც რომ ქვეყანა უყვარს, სიცოცხლე მისთვის ომია“, — ბრძანა

ვაჟა-ფშაველამ. ადვილი მისახვედრია, რომ ჩვენი სახელოვანი პოეტი აქ იარაღით ხელში ბრძოლას არ გულისხმობს. ამ ომში, რომელიც ჭეშმარიტი მამულიშვილისათვის მთელი ცხოვრების განმავლობაში გრძელდება, ქვეყანაში განვითარებული მოვლენებისათვის ფხიზლად თვალ-ყურის დევნება, გარეშე და შინაური მტრებისათვის საკადრისი პასუხის გაცემა, დროთა შესაფერისი ცოდნის შეძენა, ავის მსურველთაგან თავისა და ეროვნული ინტერესების დასაცავად ყოველდღიურად გაწეული ჯაფა და შრომა იგულისხმება. როგორც წმ. ილია მართალი იტყოდა, დღეს ჩვენი საბრძოლო ასპარეზი ესაა, რომელზეც გამართული ომი, თუ საქართველოს სიცოცხლე გვსურს, აუცილებლად უნდა მოვიგოთ.





ანზორ თოთაძე

„შაბი ჩაბია და შაბისა მე ვარ იმელი“

საქართველოს ყოფნა-არყოფნის დღეები უდგას. ასეთ მძიმე მდგომარეობაში იგი თავისი ისტორიის განმავლობაში არასოდეს ყოფილა. პოლიტიკური ვითარება აბსოლუტურად ბურუსით არის მოცული. რუსეთთან ომის დროს სულ რაღაც დღენახევარში დაკარგეთ ქვეყნის ტერიტორიის თითქმის მესხეთი. განადგურდა 150-მდე ქართული სოფელი. მეტად სათუო გახდა ტერიტორიული მთლიანობის აღდგენა. ქვეყნის ეკონომიკა ოდნავადაც ვერ გაიმართა წელში. ქვეყნის ერთ-ერთი ძირითადი დარგი — სოფლის მეურნეობა გაჩანაგებულა. ხალხს მოესპო არსებობის საშუალება. 2003 წლიდან, ე. წ. ვარდების რევოლუციის შემდეგ ისედაც უაღრესად შემცირებული ნათესი ფართობები და სოფლის მეურნეობის პროდუქტის წარმოება თითქმის განახევრდა. მოსახლეობის საკმაო ნაწილი, მილიონზე მეტი ადამიანი ქალაქებიდან და სოფლებიდან თითქმის სამუდამოდ აიყარა და ლუკმა-პურის საშოვნელად უცხოეთის ქვეყნებში გადასახლდა, ბევრიც მონური შრომის ფასად მუშობელ სახელმწიფოში სეზონურ სამუშაოებზე დასაქმებული. დემოკრატიული ინსტიტუტები მოჩვენებითია, სასამართლო სისტემა მთლიანად ხელისუფლების წარმომადგენელთა უსიტყვო მსახურია. სულ რაღაც განვლილ რვა წელიწადში პატიმართა რაოდენობა ხუთი ათასიდან 30 ათასამდე გაიზარდა, ხოლო პრობაციონერთა რიცხვმა 300 ათას მიაღწია. თუ გავითვალისწინებთ, რომ სახლვარგარეთ წასული მილიონზე მეტი ადამიანი ძირითადად 20-50 წლის ასაკისანი არიან, დანაშაული მნიშვნელოვნად უნდა შემცირებულიყო, რადგან ქვეყანაში ძირითადად შედარებით ხანდაზმულები და ბავშვები დარჩნენ, რომელთა შორის დაბალია დანაშაულის ჩამდენთა მაჩვენებელი. ეს იმაზეც მიუთითებს, რომ ხელისუფლებას სურს, თავის ნებაზე მართოს და სრულ მორჩილებაში იყოლიოს აქ დარჩენილი მოსახლეობა.

ხალხი დაიღალა მოჩვენებითი კეთილდღეობის პროპაგანდით. მმართველი პარტიის ჯიბის ტელევიზიები ტაშ-ფანდურით, უაზრო გასართობი პროგრამებით, სრულიად უცხო ცხოვრების წესის სერიალების პროპა-

განდით არის დაკავებული და სურს ეროვნულ ნიადაგს მოაცილოს ახალგაზრდობა, რათა ქართველი ქართველად არ დარჩეს. განსაკუთრებით ინტიმური ცხოვრების, სექსუალური აღვირახსნილობისა და უკუღმართობის სცენებს უჩვენებენ, სადაც მიწასთან არის გასწორებული ადამიანური მისწრაფებები, ზნეობა, სულიერება. დაგროვილ საკაცობრიო ფასეულობებს გვერდს უვლიან და პრიმიტიულ აზროვნებას უნერგავენ ადამიანებს. გამოჩენილ ფილოსოფოსთა და მოაზროვნეთა შეხედულებები დრომოჭმულად გამოაცხადეს. ჯერ კიდევ ლეონარდო და ვინჩი ამბობდა: ადამიანებს რომ შეეძლოთ თავიანთი თავის დანახვა უდიდესი აღტყინების ჟამს, ადამიანთა მოდგმა დაილუპებოდაო. ახალგაზრდებს ჩასჩინებენ, რომ ისინი თავისუფლები და დამოუკიდებლები არიან, მაგრამ ავიწყდებათ, რომ ამ, მართლაც, უაღრესად ფასეულ კატეგორიებს თან ახლავს უფლებები და მოვალეობები. რომელი მოაზროვნის, იმპერატორ მარკუს ავრელიუსის აზრით, „ისევე როგორც შენ საზოგადოების წევრი ხარ და მისი ნაწილი, ყოველი შენი მოქმედებაც საზოგადოებრივი ცხოვრების ნაწილი უნდა იყოს. რადგან შენი ნებისმიერი მოქმედება, რომელიც უმეშვეოდ თუ რისამე მეშვეობით არ ამტკიცებს საზოგადო სიკეთეს, ანაწევრებს ცხოვრების მთლიანობას, არღვევს მის ერთობას და შინააშლილობას იწვევს“.¹ ვაჟა-ფშაველას აზრით, „თავისუფლება ამას არ გვიქადაგებს, რომ ყოველი ჩვენი სურვილი, გრძნობა, ყოველი ჩვენი ვნება დაუკამყოფილოთ წინდაუხედავად“.²

მთლიანად მოიშალა განათლების სისტემა. ახალგაზრდები ვერ იღებენ შესაბამის ცოდნას ვერც სკოლაში და ვერც უმაღლეს სასწავლებლებში, მიუხედავად იმისა, რომ ცოდნაში დაბანდებული კაპიტალი ყველაზე ეფექტურია. განათლების სამინისტრო ექსპერიმენტების საცდელ ბაზად იქცა, საბოლოოდ კი ვიღებთ ტელევიზორსა და კომპიუტერში ჩაშტერებულ ახალგაზრდობას. რაც მთავარია, ხელისუფლებამ მიაღწია იმას, რომ დაირღვა კავშირი ახალგაზრდობასა და უფროს თაობას შორის.

ჩვენს თაობას, უდრო სწორად, თაობებს, უაღრესად რთულ და წინააღმდეგობებით სავსე ეპოქაში მოუწია ცხოვრება; ეპოქაში, როდესაც ფეხქვეშ იქნა გათელილი ადამიანური უფლებები, რასაც მოჰყვა უზნეობის ზეიმი — გაკულაკება, დაჭერები, დახვრეტები, ომები, ყველაფრისადმი შიში და ყოველივე ამის კანონზომიერი შედეგი — იდეოლოგიურად დაშტამბული ადამიანები. ყოველივე ეს სხვა, მაგრამ არანაკლებ საშიში ფორმით ახლაც გრძელდება. როგორც ჩანს, წლები გვჭირდება, რომ ქართველი კაცი ნორმალურ ცხოვრებას ეღირსოს. არადა მუდგად ცას არავინ გამოეკვრება. მართლაც, გასაცოდავდა ქართველი კაცი და ესეც რომ არ იყოს, განა ისიც არა კმარა, რაც ერთ ძველ ქართულ ლიტერატურულ ძეგლშია აღნიშნული: „ვისცა მტერი არ ესვას, რა გაიცადოს, მტერად თვით საწუთრო

¹ მარკუს ავრელიუსი, ფიქრები, თბ., 1972. გვ. 223.
² ვაჟა-ფშაველა, თხზულებათა სრული კრებული ხუთ ტომად, ტ. V, თბ., 1961. გვ. 418.

ეყოფის. საწუთრო რაზომცა კაცისათვის კარგობდეს, ბოლოსა ვერცა მას იქმს, რომელსა მტერი ვერ უზამს“.³ ასე რომ, „დროის ცელი მოქნეული, ყველას გათიბავს“ (უილიამ შექსპირი). ამიტომაც აქვს უდიდესი მნიშვნელობა იმას, რომ სახელმწიფო ზრუნავდეს ადამიანის კეთილდღეობაზე, მისი შესაძლებლობების სრული გამოვლენის რეალიზაციისათვის სათანადო პირობების შექმნაზე, იმაზე, რომ ადამიანი ცხოვრების განმავლობაში თვითონვე იყოს თავისი თავის უფალი, რათა მას წუთისოფლის სტუმრობა შეუმსუბუქდეს.

სულ მალე, 1 ოქტომბერს დანიშნულ საპარლამენტო არჩევნებზე გადაწყდება საქართველოს ბედისწერა. ადამიანები წლების განმავლობაში იმდენად იყვნენ დათრგუნვილნი ხელისუფლების სათავესო მოღვაწეობით, ქართველების გადაკეთებით, მათი მენტალიტეტის შეცვლით, რომ ყველაფერზე ხელჩაქნეულები იყვნენ. ამ დროს გამოჩნდა კაცი, ქართულ ეროვნულ ნიადაგზე აღზრდილი მილიარდელი ბიზნესმენი ბატონი ბიძინა ივანიშვილი, რომელმაც ითავა საქართველოს ბედისწერის სასიკეთოდ შემობრუნება. ხალხს ერის მომავლის დიდი იმედი გაუჩნდა და საპარლამენტო არჩევნებში მისი მონაწილეობა საქართველოს გადარჩენის ტოლფასად მიიჩნია. არც ერთ ბიზნესმენს მსოფლიოში, ალბათ, თავის შემოსავლებთან შედარებით იმდენი სახსრები არ გაუღია, რამდენიც მან თავისი ქვეყნის კეთილდღეობას სრულიად უხმაუროდ და უანგაროდ მოახმარა. ძველი საბერძნეთის უდიდესი მოაზროვნის ეპიკურეს აზრით, „ქველმოქმედი ის კი არაა, ვისაც სარგებლობა აინტერესებს, არამედ ის, ვინც უანგაროდ მოქმედებს“.⁴

დღეს მთელი საქართველო მის გვერდით დგას და დღის სინათლეს ელოდება. ბატონი ბიძინა არის ადამიანი, რომლისთვისაც პირადი ბედნიერება სამშობლოს ბედნიერების გარეშე არაფერს ნიშნავს, იგი არის ადამიანი, რომელსაც შეუძლია „სხვისი გახარებით გახარება“. მისი სიტყვებია: „ისიც კარგად ვიცი, რომ ერთი ადამიანი ვერ იქნები ბედნიერი, რაც არ უნდა წარმატებული იყო, თუ შენს სამშობლოს მრავალი გასაჭირი ადგას“.⁵ სახელისუფლო ძალების მიერ ჩატარებული გაყალბებული სოციალური გამოკვლევების მონაცემებით უკვე შეუძლებელია ბედის ბორბლის უკუღმა დატრიალება. მთელმა საქართველომ დაინახა, მმართველი პარტია როგორი წარმოუდგენელი, არაკეთილსინდისიერი გზით ებრძვის ბატონ ბიძინას, მაგრამ უკვე, თუ ისევ მარკუს ავრელიუსის მიერ ეპიქტეტეს ნაშრომიდან ციტირებულ სიტყვებს მოვიშველიებთ, „არ არსებობს ძალადობა, რომელსაც შეეძლოს არჩევანის თავისუფლება წაგვართვას ჩვენ“.⁶ თავისთავად, ბატონ ბიძინა ივანიშვილის აქციებზე ათი და

³ ჩენი საუნჯე, ტ. II, თბ., 1960, გვ. 279.

⁴ დემოკრიტე, ეპიკურე. ფრაგმენტები, წერილები. თბ., 1959, გვ. 145.

⁵ გაზ. „ასაფალ-დასაფალი“, 28 მაისი — 3 ივნისი, 2012.

⁶ მარკუს ავრელიუსი, დასხ. ნაშრომი, გვ. 272.

ასი ათასობით მოსული ადამიანის რაოდენობა, ყველა სოციოლოგიური გამოკვლევის საეჭვო შედეგებს გადაფარავს.

საქართველო უკვე, კარგა ხანია, არჩევნების რეჟიმში ცხოვრობს. თითქმის ყოველწლიურად ტარდება არჩევნები. ჯერ იყო და თვითმმართველობის არჩევნები ჩავატარეთ, ამჟამად საპარლამენტო არჩევნებს ვატარებთ, მომავალ წელს კიდევ საპრეზიდენტო არჩევნები გველოდება. ნორმალურ საზოგადოებაში, სადაც კანონი კანონობს და ძალა აღმართს არ ხნავს, არჩევნები არ არღვევს ცხოვრების ჩვეულ რიტმს. ჩვენთან კი არჩევნები ათასი სისაძაგლის თანხლებით ტარდება, იხარჯება თუ მილიარდობით არა, ასეული მილიონობით ლარი, რომელიც ამ გაძვალტყავებულ ქვეყანას მძიმე ტვირთად აწევს.

მმართველ, ნაციონალურ პარტიას და მის ლიდერს თავისი საქმიანობის ვადა ეწურებათ, ესეც რომ არ იყოს, მათ ყავლი გაუვიდათ და იმის მაგივრად, რომ მშვიდობიანად დატოვონ მმართველობის სარბიელი, გამჩენი არ ასვენებთ: ათასგვარ, გაუგონარ, „უმიზეზო მიზეზებს“ ეძებენ, რათა ხელი შეუშალონ სხვა პარტიებს და, პირველ რიგში, ქართულ ოცნებას. განათლებული საქართველო შესანიშნავად ხედავს შექმნილ ვითარებას, მაგრამ ავტორიტარული რეჟიმის პირობებში სამართლიანი გზით სიარულს არ განებებენ. ამასთან, მმართველმა პარტიამ იმდენად მოშალა ქვეყნის პოლიტიკური, სოციალურ-ეკონომიკური და სულიერი ცხოვრება, რომ საარჩევნო დებატების გამართვის აზრიც იკარგება. ამჟამად შექმნილი საზოგადოებრივი განწყობის მიხედვით თუ ვიმსჯელებთ, ნაციონალებს არჩევნებში გამარჯვების არანაირი შანსი არ რჩებათ, მიუხედავად ამისა, მათ არ სურთ ხელისუფლების მშვიდობიანი გზით გადაცემა და მეტად სახიფათო დაპირისპირებისკენ დგამენ ნაბიჯებს. ეს მით უფრო საგულისხმოა, რომ ბატონ ბიძინა ივანიშვილის მიერ ჩატარებულ აქციაზე ნათლად გამოჩნდა, რომ ქართველი ხალხისთვის ნაციონალების წასვლა ნამდვილად არ იქნება ნაციონალური დანაკარგი.

წინასაარჩევნო დაპირებებს ნაციონალები ისე გულუხვად არიგებენ, რომ მეტი დასაპირებელი“ აღარაფერი დარჩა. ყვარყვარე თუთაბერისა არ იყოს, ოქროს „სარაიების“ აშენებასაც კი შეჰპირდნენ ამომრჩევლებს, ოღონდაც თავისას რომ აიშენებენ — შემდეგ. ისე, კაცმა რომ თქვას, სჯობდა ეს დაპირება შეებრუნებინათ. აბა, გავიხსენოთ, რამდენი არჩევნები ჩატარდა და წინასაარჩევნოდ რამდენი დაპირება გაიცა თამასუქის სახით, მაგრამ ეს დაპირება შემდეგში არავის გახსენებია. **ჩვენმა ამომრჩეველმა თავისი წინა-მძღოლი უნდა აირჩიოს და არა წინა-მძღოლი.** როგორც აკაკი წერეთელი ამბობდა, „ჩვენში ხშირად არჩეულ წინა-მძღოლს, წინა-მძღომს ეძახიან... წინა-მძღოლელი ნიშნავს იმას, ვინც ხალხს წინ უძღვის და წინა-მძღომელი კი ის, ვინც იმათ წინდაწინ გააძღვებს ხოლმე — ამომირჩი-

ეთო... ჩვენ ყოველთვის წინამძღოლები გვეყოლია?“ (გავიხსენოთ კახეთში მწვადზე დაპატიჟებული ხალხი). ამიტომაც, რომ არჩევნებში მიცემული ერთი სერიოზული დაპირებაც არ შესრულებულა. ბევრი მხოლოდ თავის კეთილდღეობაზე, თავის ჯიბეზე ზრუნავს და ბევრსაც მსუქანი ჯამაგირის ცდუნება სჭირს.

ახლაც ბატონმა ვანო მერაბიშვილმა დანიშნვის მეორე დღესვე დაპირებებით გააბრუნა მოსახლეობა, თუმცა, ამჯერად დაპირებების შესრულების შემთხვევაშიც კი დიდ სარგებელს ვერაფერს მიიღებს ხალხი. ამ დაპირებების გამო ერთი გურული ანეკდოტი მახსენდება: გურულმა, რომელიც მეფის დროს გაზიან წყალს ყიდდა, რევოლუციაში დიდი მონაწილეობა მიიღო. რევოლუციის შემდეგ ისევ გაზიანი წყლის გაყიდვა დაიწყო. ერთხელაც მეგობარმა უთხრა: ძამა, ნიკოლოზი გიშლიდა წყლის გაყიდვასო? ასეა ნაციონალების საქმეც — ვინმე უშლიდა მათ ხელს სოფლის მეურნეობაში სათანადო სახსრები დაეხმარებინათ და ჩვენი ქვეყნის მოწინავე დარგი მთლიანად არ დაენგრიათ?

ამჟამად მთავარი ის არის, რომ ნაციონალები ყოველგვარი წინასწარი განხილვისა და მსჯელობის გარეშე აპირებენ სოფლის მეურნეობაში მეტად მნიშვნელოვანი ღონისძიებების განხორციელებას და ჰგონიათ, რომ მათ შედეგი მოყვება. კონკრეტული გეგმა მათ არ გააჩნიათ. მაგალითად, ბატონმა ვანო მერაბიშვილმა აღნიშნა, რომ მომავალ წელს 2000 ტრაქტორს შეიძენენ სოფლის მეურნეობისთვის, მაგრამ თუ ვინმე დაფიქრდა იმაზე, რომ საქართველოში 3 668 სოფელია და 2000 ტრაქტორი არაფერს ნიშნავს? ძველი ტრაქტორები კი აღარ არსებობს — ისინი გაცვდა. 2000 ტრაქტორის შეძენის შემთხვევაში ჩვენ ტრაქტორებით უზრუნველყოფის მხრივ დაახლოებით 1936 წლის დონეზე ვიქნებით, მაგრამ მაშინ გლეხებს გუთან და ხარებიც ჰყავდათ. უნდა ითქვას იმის შესახებაც, რომ ჯერ კიდევ 1977 წელს საქართველოში სატრაქტორო პარკი 22 860 ტრაქტორს ითვლიდა და 1970-იან წლებში ყოველწლიურად სოფელს საშუალოდ 3200 ტრაქტორი მიეწოდებოდა. ამავე 1977 წელს 1563 მარცვალასადები კომბაინი და 20 606 სატვირთო ავტომობილი გვექონდა, 1988 წლის საქართველოში უკვე 28 ათასზე მეტი ტრაქტორი იყო.⁷

აღსანიშნავია ისიც, რომ 1980-იანი წლების დასაწყისში კოლმეურნეობებისა და საბჭოთა მეურნეობების მიწები 2779 ათას ჰექტარს, ხოლო პირადი დამხმარე საკარმიდამო ნაკვეთების ფართობი 183 ათას ჰექტარს შეადგენდა. პირად დამხმარე მეურნეობებში წარმოებული პროდუქციის წილი სოფლის მეურნეობის საერთო პროდუქციაში შესამჩნევად მაღალი იყო და იგი 41 პროცენტს უდრიდა. ყოველივე ეს იმის შედეგად იყო, რომ პირადი დამხმარე მეურნეობები სარგებლობდნენ საზოგადოებრივი სექტორ-

⁷ Народное хозяйство Грузинской ССР, Тбилиси, 1977. С. 94-95.

რის დახმარებითა და ხელშეწყობით, მათ შორის ტრაქტორებითა და სხვა სასოფლო-სამეურნეო მანქანებით. ამჟამად კი, როდესაც უკვე სოფლად გლეხებს არა სარგებლობაში, არამედ პირად საკუთრებაში აქვთ გაცილებით მეტი მიწის ფართობები, მათი დიდი ნაწილი დაუხვნიელი და დაუმუშავებელია სათანადო ტექნიკის უქონლობის გამო.

აუცილებელია, სტიქიური ბუნებრივი მოვლენების შესახებაც აღინიშნოს, რომელმაც ახლახან ასე დააზარალა კახეთი. ნაწილობრივ ეს იმის შედეგად არის, რომ აღარ ტარდება ვენახების სეტყვისაგან დაცვის ღონისძიებები, მდინარეთა ნაპირგასამაგრი სამუშაოები და სხვ. ჯერ კიდევ 1961 წლიდან კახეთის რაიონებში ფუნქციონირებდა სეტყვასთან ბრძოლის სამსახური. მისი წლიური ბიუჯეტი 8 მილიონ 500 ათას მანეთს შეადგენდა, ხოლო თანამშრომელთა რაოდენობა — 850 კაცს. ამასთან, პირველად საბჭოთა კავშირში კახეთის რამდენიმე რაიონის — ახმეტის, თელავის, გურჯაანისა და ყვარლის მეურნეობებში 1976 წელს და შემდეგ წლებში ჩატარდა სეტყვის საწინააღმდეგო კაპრონის ბადეებით ვენახების საცდელი გადახურვა.

სრულ გაუგებრობაზე აგებული ბატონ ვანო მერაბიშვილის მსჯელობა თითოეულ ოჯახზე 1000-ლარიანი დახმარების შესახებ, რომელიც ოთხ წელზეა გაწერილი. როგორც ბატონმა ვანომ აღნიშნა, წელიწადში 250 ლარით შეიძლება გადავიხადოთ დენისა და გაზის გადასახადები, ვიყიდოთ წამლები, ბავშვებს შევუძინოთ სასკოლო ლიტერატურა და სხვ. ამდენ ხანს კიდევ გულუბრყვილოდ მჯეროდა, რომ თუ ოჯახს სკოლის ასაკის ორი ბავშვი ჰყავს, ეს თანხა ძლივს გაწვდება მხოლოდ სასწავლო ლიტერატურისა და ნივთების შეძენას.

ბევრი პრობლემა არჩევნებიდან არჩევნებამდე გადაუწყვეტელი რჩება, თუმცა მათი სამართლიანი გადაწყვეტა სიძნელეს არ წარმოადგენს. კერძოდ, ყოველი არჩევნების დროს ისმება საკითხი ტელეარხების „კავკასიისა“ და „მაესტროს“ გადაცემების შესახებ, რომ ქვეყნის ყველა მცხოვრებს შეეძლოს ამ გადაცემების ნახვა. ვერა და ვერ დგინდება ამომრჩეველთა რაოდენობა. ამ საკითხის მოგვარება მამუკა კაციტაძის კომისიას დაევალა. **მ. კაციტაძემ კიდევ მოსახლეობას სახეაბადრულმა ამცნო: საქართველოში არც მეტი, არც ნაკლები 3 621 256 ამომრჩეველიაო.** „დაგვიჯერებენ მხოლოდ იმას, რაც თვითონ გვეჯერა“ და რადგან შინაგანად ეს არც მ. კაციტაძეს სჯერა, ამ საკითხზე შემდეგი უნდა ითქვას.

მ. კაციტაძის კომისია ამ საკითხის გასარკვევად 5 მილიონი ლარით დაფინანსდა. მოსახლეობის უკანასკნელი აღწერა კი 8 047 300 ლარი დაჯდა. აქედან ღონორმა ქვეყნებმა 2 229 100 ლარი გაიღეს, ხოლო დანარჩენი ხარჯები — 5 818 200 ლარი სახელმწიფო ბიუჯეტმა გაიღო. ერთ მცხოვრებზე გაანგარიშებით, მოსახლეობის აღწერის მომზადებისა და ჩატ-

არებისთვის გაწეულმა მთლიანმა ხარჯმა 1 ლარი და 84 თეთრი შეადგინა, ხოლო ერთ ამომრჩეველზე გაანგარიშებით მ. კაციტაძის კომისიამ 1 ლარი და 38 თეთრი დახარჯა. ამასთან, მოსახლეობის აღწერა შეუდარებლად უფრო შრომატევადი, უამრავი კითხვის შემცველი და ძვირადღირებული ღონისძიებაა, ვიდრე ამომრჩეველთა დადგენა. საკმარისია ითქვას, რომ ქვეყნები მოსახლეობის აღწერისთვის მზადებას 7-8 წლით ადრე იწყებენ. ჩვენთან 2002 წლის აღწერის ჩატარებისათვის მოსამზადებელი სამუშაოები 7 წლით ადრე დაიწყო. ეს ფაქტი უკვე მეტად არასასურველ ეჭვს ბადებს ამომრჩეველთა სიების დადგენის სისწორეზე. ჩვენ არაფერს ვამბობთ იმის შესახებ, თუ რატომ არ ჩატარდა პრეზიდენტის ბრძანებულების შესაბამისად მოსახლეობის აღწერა 2009 წელს (ისე როგორც ეს ჩატარდა მეზობელ ქვეყნებში), რა მიზეზით გადაიდო ან კიდევ როდის ჩატარდება აღწერა? მოსახლეობის აღწერის ჩატარების შემთხვევაში, ჩვენ, შეიძლება ითქვას, ზედმინებით სწორად გვეცოდინებოდა როგორც ქვეყნის მასშტაბით, ისე რეგიონების მიხედვით მოსახლეობის ასაკობრივი შემადგენლობა, მიგრაციის მასშტაბები, უმუშევართა რაოდენობა და მასთან დაკავშირებული პრობლემები, რაც საშუალებას მოგვცემდა, სწორად განგვესაზღვრა ამომრჩეველთა რაოდენობა გაცილებით ნაკლები დანახარჯებით და იმ ზედმეტ ხარჯებსაც ავცდებოდით, რის გაღებასაც აპირებს ბატონ პაატა ტრაპაიძის დასაქმების სამინისტრო უმუშევართა რაოდენობის დადგენისა და მასთან დაკავშირებული პრობლემების შესწავლისათვის. მოსახლეობის აღწერა გადაიდო მხოლოდ ერთი მიზეზით: ქვეყანაში დემოგრაფიული ვითარება უადრესად მძიმეა და შესაბამისი მონაცემების გამოქვეყნება ხელისუფლებას ხელს არ აძლევს.

ახლა ის საკითხიც გავარკვიოთ, მართლა გვყავს თუ არა 3 621 256 ამომრჩეველი. გაანგარიშება ჯერ ოფიციალური სტატისტიკური მონაცემების საფუძველზე გავაკეთოთ. 2011 წლის 1 იანვრისთვის (დაახლოებით იგივე მდგომარეობაა 2012 წლის 1 იანვრისთვისაც) საქართველოს მოსახლეობა 4 469 200 კაცს უდრიდა.⁸ აქედან 18 წლამდე ახალგაზრდები, რომლებიც არჩევნებში არ მონაწილეობენ, არის 953 000. ამრიგად, საქართველოში 3 516 000 ადამიანია საარჩევნო ხმის უფლების მქონე, 105 ათასით ნაკლები მ. კაციტაძის მაჩვენებელთან შედარებით. მოვლენა რომ უფრო ნათელი გახდეს, შემდეგიც უნდა ითქვას. საქართველოს მუდმივ მოსახლეობად ითვლება ის ადამიანებიც, რომლებიც ერთ წელზე ნაკლები ვადით არიან გასული საზღვარგარეთ. როგორც ცნობილია, ბევრი ჩვენი თანამემამულე გასულია სამუშაოდ, მათ შორის, სეზონურ სამუშაოზე, საზღვარგარეთ, განსაკუთრებით მეზობელ ქვეყნებში. მონაცემები იმის შესახებ, თუ რა ვადით არიან ისინი გასული საზღვარგარეთ (3 თვით,

⁸ საქართველოს დემოგრაფიული წელიწდეული, 2010. თბ., 2011, გვ. 22.

6 თვით, 1 წლით) ჩვენთვის უცნობია — მიგრაციული პროცესების აღრიცხვა არასრულყოფილია. ზოგიერთი შეფასებით მათი რაოდენობა 400 ათასი კაციტაძე კი განისაზღვრება. ჩვენი ვარაუდით, საქართველოდან ერთ წელზე ნაკლები ვადით წასულთა რაოდენობა ნაკლები უნდა იყოს. თუ ამ მსჯელობას სრულყოფილად მივიჩნევთ, რაც, ვფიქრობთ, რეალობას არ არის მოწყვეტილი, მაშინ საქართველოში 3 100 000 — 3 300 000 ათასი ამომრჩეველია.

გაერთიანებული ერების ორგანიზაციის ხალხთმოსახლეობის ფონდის მიერ გამოქვეყნებული მონაცემებით, საქართველოს მოსახლეობა 2050 წლისათვის მნიშვნელოვნად შემცირდება. კერძოდ, სომხეთის მოსახლეობა 7 პროცენტით გაიზარდება, აზერბაიჯანისა — 37 პროცენტით, ხოლო საქართველოს მოსახლეობა 28 პროცენტით შემცირდება.⁹ ეს პროცესი კარგა ხნის დაწყებულია, რაც განპირობებულია შობადობის ღონის შემცირების, მოკვდაობის ღონის გადიდებისა და გარე მიგრაციის უარყოფითი სალდოთი. ამიტომ არის, რომ ქართველი დემოგრაფების, თვით ილიას უნივერსიტეტის პროფესორების გ. წულაძისა და ნ. მაღლაფერიძის გამოანგარიშებით, საქართველოს მოსახლეობა 2011 წელს 3 785 900 კაცს უდრიდა, ხოლო 18 წლამდე ასაკის ახალგაზრდების რაოდენობა — დაახლოებით 892 400 კაცს.¹⁰ ამრიგად, ამომრჩეველთა რაოდენობა 2 893 500 კაცს შეადგენდა. თუ მხედველობაში მივიღებთ 1 წლამდე ვადით საქართველოდან გასულ მოქალაქეებს და არალეგალ მიგრანტებსაც, მაშინ საქართველოში 2,5 მილიონზე ცოტათი მეტი ამომრჩეველი გვყავს. სხვა საქმეა, როგორ შეძლებენ საზღვარგარეთ მყოფი ჩვენი მოქალაქეები საპარლამენტო არჩევნებში მონაწილეობას, ისიც სამუშაო დღეს. **რა თქმა უნდა, ამომრჩეველთა რიცხვის გაზრდით ხელისუფლება არჩევნების გასაყალბებლად ემზადება.**

ასეთ ვითარებაში განსაკუთრებული მნიშვნელობა ენიჭება ერთობის მიღწევას. მაგრამ ისევ მოგვანახა ჩვენმა უკუერებელმა სენმა. როგორც შუა საუკუნეების ერთი დოკუმენტის მინაწერი გვამცნობს: „საქართველოს დარბაისელნი... არც ერთმანეთს ასვენებდნენ და არც ქვეყანას და ამით მტერმა უფრო ძალა წამოატანა და დაჩაგრა, თორემ თუ ამათ ერთი პირი ჰქონოდათ, ვერცარას უზამდნენ, ვერც არას მტერი წართმევდა რასმე, ამათი საქმე ნიადაგ ასე ერთმანეთის მესისხლეობით გათავებულა და წამხდარა, მაგრამ ამ საქმეს არც მოკლებიან და არც მოუშლიათ“.¹¹ ისტორიკოსი ფარსადან გორგიჯანიძე კი აღნიშნავს: „საქართველო თავად ცოტა იყო და მერე მრავალთ გაყოფილი და ერთმანეთის ურჩნი და ქიშპნი მტერნი,

⁹ Обзор достижений в области охраны материнства в странах Восточной Европы и Центральной Азии, 2010. С. 28, 36, 59.

¹⁰ საქართველოს დემოგრაფიული წელიწდეული, თბ., 2010, გვ. 27.

¹¹ ციტირებულია: მ. რეზიაშვილი. იმერეთის სამეფო (1462-1810 წწ.), თბ., 1989. გვ. 3.

ერთმანეთისა მარბუნენ და მაწყინარნი“.¹² ამ დიდი საფრთხის ჟამს, როდესაც წყდება საქართველოს ბედისწერა, ისევ ცალ-ცალკე გვინდა ავისრულოთ სანუკვარი ოცნება. ზოგმა ეშმაკს მიჰყიდა სული და ხელისუფლებას გაურიგდა, თან თავს მამა აბრამის ბატკნად გვიჩვენებს, ზოგს კიდევ პირველობის კვიმატი არ ასვენებს. სხვას ვერაფერს მივაწეროთ ამდენი პარტიის დარეგისტრირებას საარჩევნო კომისიაში.

ვაჟა-ფშაველა ბრძანებდა: „ათადან-ბაბადან ესეა მიღებული, რომ სუფრის თავში ხშირად ის წამოსკუბდება ხოლმე, ვინც უფრო ფენმარდია, გამრომ-გამოდრომა ეხერხება“. ვაჟა-ფშაველას ეს ნათქვამი ზედგამოჭრილია ქრისტიან-დემოკრატებზე და უპირველესად მათ ლიდერებზე, რომელთა ეგზალტირებულ გამოსვლას აქციებზე და თავის კანტურსაც ყავლი გაუვიდა. ამასთან, საკითხავია, რატომ ფიქრობენ ქრისტიან-დემოკრატები, რომ ჩვენს ხალხს მოკლე მესხიერება აქვს. ადგილობრივი თვითმმართველობის არჩევნების დროს მათი დევიზი იყო: უფასო წყალი, გაზი 5 თეთრი და დენი 10 თეთრი. მათი მერობის კანდიდატი კი პირდაპირ აცხადებდა: „ვიდრე პირში სული მიღვას, იმისათვის ვიბრძოლებ, რომ ტარიფები დაიწიოს“. არჩევნების დამთავრების შემდეგ კრინტიც არ დაუძრავთ ამ მტკივნეულ პრობლემაზე. ამჟამად თვალები ისევ გამოჭყიტეს და ისევ ტარიფების დაწვევაზე დაიწყეს ლაპარაკი. ეს უფრო მომგებიანი თემაა და ამ გზით ცდილობენ კვლავინდებურად ხალხის მოტყუებას.

ნაციონალებმა იმდენი აუგი საქმე ჩაიდინეს ქვეყნისა და ხალხის წინაშე, რომ ძნელია ყველას ჩამოთვლა, მაგრამ მთავარ პრობლემას მაინც შევუხები. მათ ხალხი ორ ნაწილად გაყვეს: ერთნი არიან ხალხის მტრები, ქვეყნის დამატყვევარნი, მეორენი კი სოფლის ამშენებლები, რომლებშიც თავიანთ თავს მოიაზრებენ. „სოფლის შენებას რა უნდას“ პრინციპით მართავენ ისინი ქვეყანას და შედეგიც სახეზე გვაქვს. არ ინდობენ არავის ნაციონალების გარდა. თუ მათ დაყნოსეს, რომ, მაგალითად, ვინმე ქართულ ოცნებას თანაუგრძობს, მაშინვე სამსახურიდან ათავისუფლებენ არა მარტო მას, არამედ მისი ოჯახის წევრებს, ნათესავებს, მეგობრებს... მეტად საშიშია, რომ მათ ქართველი ხალხი გახლიჩეს და თვითონ ქართველები ერთმანეთს სამკვდრო-სასიცოცხლოდ დააპირისპირეს. ამ მხრივ საზოგადოებისთვის საინტერესო იქნება კოტე გაბაშვილის ინტერვიუ გაზეთ „ახალი ვერსიის“ (№60, 2002) კორესპონდენტთან, რომელიც ვარდების რევოლუციამდე 10 თვით ადრეა გაკეთებული. ამ ინტერვიუში კ. გაბაშვილი ე. შევარდნაძის შესახებ აღნიშნავს: შევარდნაძეს „ვალდებული ვარ მხარში ვედგე. ჩვენ ერთად ვიყავით აფხაზეთში და ყუმბარებით გვბომბადნენ. ერთხელ ყუმბარა ჩვენს საწოლებს შორის აფეთქდა და შემთხვევით გადაურჩით. ბევრჯერ ვყოფილვართ სნაიპერების მიზანში ამოღებული.

¹² იქვე.

ჩემთვის ედუარდ შევარდნაძის აღქმა, გარდა იმისა, რომ იგი პრეზიდენტი და პალსტუხით ზის კაბინეტში, სხვაგვარიც არის — ის არის ცოცხალი ადამიანი, მოვლენა, თავისი ძლიერი ემოციებით და გეგმებით, რომ ქვეყანა გადაარჩინოს. მინდა კარგად გამიგოთ. ერთად ვისხედით თვითმფრინავში და ვხედავდით, როგორ მოფრინავდა რაკეტა და ჩვენგან ასორმოდებათ მეტრში აფეთქდა“.

ფრიად საინტერესოა ისიც, რომ კორესპონდენტის კითხვაზე „თქვენსა და პრეზიდენტის ურთიერთობას თქვენი შვილის — გოკას ჟვანიას გუნდში ყოფნა ჩრდილს არ აყენებს?“ კოტე გაბაშვილმა უპასუხა: „ჩვენ ამ თემაზე ვისაუბრეთ. მან აბსოლუტურად დემოკრატიული პასუხი გამცა. ახალგაზრდა კაცს აქვს თავისი უფლება და ვის გაუგია, მამა შვილის აზრზე პასუხისმგებელი იყოს და პირიქითო“. თქვენ კიდევ, მამა-შვილ გაბაშვილებს და თქვენი გუნდის წევრებს დღეს რა კვიმატი შეგიჯდათ ისეთი, რომ მზად ხართ განსხვავებული აზრის მქონე ადამიანები ჩაქოლოთ, ჩარეცხოთ და არსებობის საშუალება მოუსპოთ.

ხშირად მმართველი პარტიის წარმომადგენლები მიუთითებენ იმის შესახებ, რომ პენსიები ადრე არსებული 14 ლარის ნაცვლად 6-7-ჯერ გაიზარდა, მაგრამ „ავიწყდებათ“ იმის თქმა, რომ მსყიდველობითი უნარიანობის თვალსაზრისით ბევრი არაფერი შეცვლილა. მათ ისიც „ავიწყდებათ“, რომ ათიოდე წლის წინათ საქართველოში პენსიების რაოდენობა მეტი იყო, ვიდრე სომხეთში და ოდნავ ჩამორჩებოდა აზერბაიჯანში პენსიების რაოდენობას. ამჟამად კი პენსიების რაოდენობით მკვეთრად ჩამოვებით არა მარტო სომხეთსა და აზერბაიჯანს, არამედ პოსტსაბჭოთა სფეროს თითქმის ყველა ქვეყანას.

ყოველდღიურად ტელევიზიის არხები გადმოსცემენ განცხადებებს ავადმყოფი ბავშვებისა და მოზარდების მკურნალობის დახმარების შესახებ. მრავალჯერ ითქვა, რომ ჩვენთან მაღალია ჩვილთა და ბავშვთა მოკვდაობის მაჩვენებლები. ცნობილი ფრანგი დემოგრაფი ა. სოვი აღნიშნავს: „ვერც ერთი ფინანსისტი, როგორი მკაცრიც არ უნდა იყოს იგი, უარს ვერ იტყვის სახსრებზე, რომლებიც აუცილებელია ბავშვთა მოკვდაობის შესამცირებლად. რაც არ უნდა დიდი იყოს ამ შემთხვევაში დანახარჯები, არ შეიძლება ბავშვს გამოუშტანოთ სიკვდილის განაჩენი, რათა უზრუნველყოთ ცოცხლად დარჩენილთა უფრო უკეთესი ცხოვრება“. ჩვენ კი უაზროდ ვხარჯავთ ძვირადღირებულ კონცერტებში ათეულ მილიონებს, უზარმაზარ სახსრებს პოლიომიუნის სოფლების მოსაწყობად და დაღვლარტნილი შემინული შენობების ასაგებად. ეს ყველაფერი ხომ ვალით და დახმარებით კეთდება, რაც უპირველესად სხვა მიზნებისთვის არის განკუთვნილი. სამართლიანად აღნიშნავს მეცნიერი ევან ეზარი: „უცხოური ქვეყნისათვის დახმარება ის ფულია, რომელსაც მდიდარი ქვეყნის ღარიბები იხდიან და

ღარობი ქვეყნის მდიდრები იღებენ“.

ქვეყანაში, რომელშიც ასეთი გაჭირვებაა, ამდენი მძიმე ავადმყოფი გვეყავს, კონცენტრების მოწყობა, რომლებიც ათეული მილიონობით ღარი ჯდება, დანაშაულია. მეტად საგულისხმოა შემდეგი ფაქტი. 1060 წელს ბაგრატ IV-ემ საქართველოში მოიპატიჟა უცხოეთში მოღვაწე ქართული ეკლესიის დიდი მამა გიორგი მთაწმინდელი თავისი თხზულებებისა და თარგმანების გასავრცელებლად. ამ დროს საქართველოში დიდი შიმშილობა ყოფილა. მიუხედავად ამისა გიორგი მთაწმინდელს შეუძინებია, რომ ერთი მდიდარი ეპისკოპოსი ეკლესიებს ამკობდა და ამშვენებდა, „რათა მონასტერთა შინა აღაპი დაიდვასო“. როგორც ივ. ჯავახიშვილი აღნიშნავს, „იმ დროს, როდესაც ქვეყანა და ხალხი შიმშილობისგან იღუპებოდა, გაჭირვებული, მომაკვდავი ხალხის ნივთიერი დახმარების მაგიერ ეკლესიების აგებასა და გამშვენებებზე ფიქრი და ზრუნვა, რომ ამ გზით თავისთვის საუკუნო აღაპი გაეჩინა და სახელი განეთქვა, გიორგი მთაწმინდელის აზრით, ბოროტი სულის და ეშმაკის ჩანაგონებია, რადგან იესო ქრისტეს არასდროს არ უთქვამს „ეკლესიანი შეამკუენით“-ო, არამედ მშინ-მწყურვალთა და გაჭირვებულთა დახმარებას ასწავლიდა ის ყველას“.¹³

ცოტა ხნის წინათ ზესტაფონის მუნიციპალიტეტის სოფლებში — წვეაში, ვაჭევსა და ილეშში მოსახლეობას შეეხდი. საშინელ მდგომარეობაშია ხალხი — უგზობობას, უწყლობას, უგაზობას ვინ ჩივის — ხალხი შიმშილობს, ხალხი ტირის თავის უმწეო მდგომარეობაზე, სნეულებს — ახალგაზრდა იქნება ის თუ ასაკოვანი — განკურნების იმედი გადაწურული აქვთ უსახსრობის გამო.

გაერთიანებული ერების ორგანიზაციის ხალხთმოსახლეობის ფონდი აქვეყნებს მონაცემებს, ამა თუ იმ ქვეყნის მოსახლეობის რამდენი პროცენტით ცხოვრობს დღეში 1,25 დოლარზე (ორ ლარზე) ნაკლები შემოსავლის პირობებში. სომხეთში ასეთი მოსახლეობის წილი მთელ მოსახლეობის 4 პროცენტს შეადგენს, აზერბაიჯანში — 2 პროცენტს, ხოლო საქართველოში — 13 პროცენტს.¹⁴ ეს იმას ნიშნავს, რომ თითქმის 600 ათასი საქართველოს მოქალაქე დღეში 2 ლარსაც ვერ ხარჯავს სარსებო მოთხოვნილებების დასაკმაყოფილებლად, ესე იგი, ფაქტობრივად, შიმშილობს!

დასასრულს, გვინდა აღვნიშნოთ იმის შესახებ, რომ დღეს ძალიან ბევრმა ისწავლა ლამაზად ლაპარაკი, წერა-კითხვა, ხალხთან შეხვედრა-საუბრები, გულუხვად დაპირების გაცემა, სწორი, ყოველმხრივ გამართული, ბრძნული და მიმზიდველი მოწოდება-ლოზუნების წარმოთქმა. მათ წუნს ვერაფერში დადებ. მაგრამ მოდით, მაინც ნუ დაუჯერებთ მათ, რადგან მათი საქმიანობა ხშირად, როგორც ცა და დედამიწა, ისე განსხვავდება მათივე

¹³ ივ. ჯავახიშვილი, თხზულებანი თორმეტ ტომად, ტ. VII, თბ., 1984. გვ. 64-65.

¹⁴ Народонаселение мира в 2011 году, Фонд Организации Объединенных наций в области народонаселения. С. 124-125.

ლამაზი სიტყვებისაგან. ამიტომ არჩევანის გაკეთებისას მათი ლამაზი სიტყვები აუცილებლად შევუჯეროთ მათი ცხოვრების წესს, მამულიშვილობას, განვლილ გზას, ეროვნული ფასეულობებისადმი დამოკიდებულებას, პრაქტიკული თუ თეორიული მოღვაწეობის შედეგებს, მათი ქონების კანონიერებას. წინააღმდეგ შემთხვევაში ყოველთვის იქნება კორუფცია, ყოველთვის იქნება სიღარიბე. სიღარიბე კი, ვაჟა-ფშაველას თქმით, „განხორციელებული უძღურებაა, გოდებაა, მომასწავებელი ყოველგვარის უბედურებისა, მონობისა, გინა ავაზაკობისა და სხვა გვარის ბეჩაობისა“.


აღბათ, ღირს ძველი ბერძენი ფილოსოფოსის პითაგორას შეგონებასაც დაუუგლოთ ყური: „რაც არ უნდა მოკლე იყოს სიტყვები „ჰო“ ან „არა“, ისინი მაინც მოითხოვენ სერიოზულ დაფიქრებას“.

ვაჟა-ფშაველამ, ჩვენმა გენიოსმა პოეტმა, შესანიშნავად აღნიშნა: „პრეზიდენტობა საქვეყნო საქმეა და საქვეყნო საქმის მმართველად ვინც გინდა არ გამოდგება. იმას ქვეყანა სთხოვს თანხას გონებრივს და ზნეობრივს. თუ ერთი ამათგანი აკლია, მაშინ უნდა თავისთვის იჯდეს საკუთარს კერაზე და არ ეჩხრებოდეს საქვეყნო საქმეში“.¹⁵ თუ ვინ უნდა იჯდეს „საკუთარს კერაზე“, ამის დაკონკრეტების საჭიროება ნამდვილად არ არსებობს.

დღევანდელი უმძიმესი პოლიტიკური, სოციალურ-ეკონომიკური და სულიერი კრიზისიდან გამოსავალი ხელისუფლების სათავეში ბიძინა ივანიშვილის მოსვლაა, რომელიც თხემით ტერფამდე ქართველია და თავის სამშობლოსა და ხალხს ზრუნვას არ აკლებს. მას სრული უფლება აქვს გაიმეოროს სიტყვები, რომელიც ნიკოლოზ ბარათაშვილმა ნაპოლეონს ათქმევინა: „ჟამი ჩემია და ჟამისა მე ვარ იმედი“. თუ ქართველმა ხალხმა ამ იმედს ხელი არ შეუწყო და მის გვერდით არ დადგა, მაშინ ქართველთა ცხოვრების წიგნიც შეიძლება სამუდამოდ დაიხუროს და ქართველის სისხლით მორწყულ მიწაზე სხვა რელიგიური აღმსარებლობის, სხვა კულტურის, სხვა ეროვნული ცნობიერებისა და ცხოვრების წესის მატარებელმა ხალხმა დაიდოს სამუდამო ბინა.

ღმერთმა დაგვიფაროს!

¹⁵ ვაჟა-ფშაველა, თხზულებათა სრული კრებული ხუთ ტომად, ტ. V, თბ., 1961. გვ. 423.



თინა ივალაშვილი

ცოტა რამ ახალციხის „მეჩეთის“ შესახებ

ქალაქ ახალციხის ციხის არქიტექტურულ კომპლექსში დღემდე შემორჩენილ ისტორიულ-კულტურულ ძეგლს, ე. წ. „მეჩეთს“ მეტად საინტერესო წარსული აქვს.

ადრეული ხანიდანვე ახალციხის ე. წ. რაბათის მაღალკლდოვან ბორცვზე წამომართულ ციხის ციტადელში სამცხე-საათაბაგოს მფლობელთა, ათაბაგ-ჯაყელთა რეზიდენცია იყო განთავსებული საცხოვრებელი კომპლექსითა და ეკლესია-სალოცავით.

ჩვენდა სავალალოდ, XVI საუკუნიდან სამხრეთ საქართველო სპარსეთ-თურქეთის საჯილდო ქვას წარმოადგენდა, რომელიც საბოლოოდ თურქეთის ხელში აღმოჩნდა და ერთ-ერთ უმაღლეს ადმინისტრაციულ სამმართველო ერთეულად — საფაშოდ გადაკეთდა.

თურქეთის მიერ სამხრეთ საქართველოს დაპყრობის შემდეგ, ქალაქი ახალციხე ახლად შექმნილი საფაშოს ცენტრად იქცა, სადაც ფაშებად ძირითადად გარეგნულად გამაჰმადიანებული ჯაყელების საგვარეულოს წარმომადგენლები იყვნენ.

XVII საუკუნის 80-90-იანი წლებიდან, უსუფ ფაშას დროს, პორტას დაჟინებული მოთხოვნით ახალციხის საფაშოში (და, რა თქმა უნდა, ქალაქ ახალციხეშიც) ქართული მართლმადიდებლური ეკლესია-მონასტრების დახურვა-შევიწროება და ცალკეული ეკლესიის მუსლიმანურ სალოცავად გადაკეთება დაიწყო. ვახუშტი ბაგრატიონის ცნობით: „უსუფ ფაშას მმართველობის დროს უმეტეს მოოხრდებოდნენ ეკლესიანი და აღმწმინდებოდნენ ჯამნი და დაიტყვებოდა ზნენი ქართულნი თვინიერ ენისა, და განდიდდებოდა მათ შორის მაჰმად და ნეშტნი ხატთა და ჯუართა შეიმუსვროდა და იმყოფებოდა დედათა მათთა სამკაულად, რომელთაგან იქმნებოდნენ სასწაულნი მრავალნი, გარნა არაგინ მიუპყრობდა ყურსა“ [1. 732]. მიუხედავად ამისა, XVII საუკუნის მეორე ნახევრამდე ახალციხეში 24 ეკლესია ფუნქციონირებდა, აქედან 4 — თვით ციხეში [3.62].

XVIII საუკუნის მეორე ნახევრამდე ახალციხის ციხის ციტადელში

ოფიციალური მუსლიმანური სალოცავი რომ არ არსებობდა, ეს ნათლად ჩანს თურქი მოგზაურის ველია ჩელების ჩანაწერებიდანაც, რომელმაც ამ პერიოდში მოინახულა ეს ქალაქი. მისი გადმოცემით, იმ დროისათვის ახალციხეში ჯამედ წოდებული სამი ბანიანი სახლი მდგარა, რომლებსაც არ ჰქონდათ მინარეთები. „ახალციხეში არსებულ ე. წ. ჯამეებს ჩელები მისი პატრონების სახელით იხსენიებს — ხალილ ადას ჯამე, გუნბათ ოღლუს ჯამე, რაც იმას გვაფიქრებინებს, რომ ისინი ცალკეულ პილიგრიმთა სალოცავი უფრო იყო, ვიდრე საზოგადოდ ღვთის მსახურების ცენტრებზე, სამართლიანად შენიშნავს შ. ლომსაძე [5.450]. თურქი მოგზაური გულისტკივილით ხაზს უსვამს იმ გარემოებასაც, რომ იმ დროისათვის „ახალციხეში ჯერ კიდევ არ იყო თურქული საგანგებო სასწავლებელი, ჰადისების სახლი და ყურანის საკითხავი სახლი“ [11. 300].

XVIII საუკუნის შუა წლებიდან სტამბულიდან მიღებული მითითებით საფაშოს იმდროინდელ მმართველს აჰმედ ფაშა ჯაყელს ციხის ციტადელში არსებული საგვარეულო ქრისტიანული ეკლესიის ადგილზე მუსლიმანური სალოცავის — მეჩეთის აგება დაევალა. აჰმედ ფაშას ისლამი გარეგნულად ჰქონდა მიღებული, ფარულად კი კვლავ ქრისტიანი იყო. ამის დასტურია თუნდაც ის ფაქტი, რომ დიდხანს, დაპყრობიდან თითქმის ორი საუკუნე, ციხის ციტადელში იდგა მისი საგვარეულოს კუთვნილი მართლმადიდებლური ეკლესია. ტაძრის მეჩეთად გადაკეთების შემდეგ, მისი ოჯახისათვის ყოველდღე ფარულად ტარდებოდა წირვა-ლოცვა შემორჩენილ კარის ეკლესიაში. ამის ნათელი დასტურია ციხის ციტადელის შიგნით, ე. წ. „მეჩეთის“ ჩრდილოეთით, შემორჩენილი ეკლესიის ნაშთები.

აჰმედ ჯაყელს, როგორც საფაშოს მმართველს, უფლება არ ჰქონდა სტამბოლიდან მიღებული მითითება არ შეესრულებინა, მაგრამ მან საკმაოდ ორიგინალური გადაწყვეტილება მიიღო. ძველი ქრისტიანული მართლმადიდებლური ეკლესიის საძირკველზე კონსტანტინოპოლში არსებული, თურქების მიერ გადაკეთებული, მაგრამ დღესაც ქრისტიანულად მოღალადე აია სოფიას ტაძრის მსგავსი, სალოცავის აგება განიზრახა. მან სპეციალურად მოწვეული იტალიელი არქიტექტორის ხელმძღვანელობით, 1747-1752 წლებში კონსტანტინოპოლის სოფიის ტაძრის გეგმით, იმ დროისათვის მთელ აღმოსავლეთში ერთ-ერთი მნიშვნელოვანი არქიტექტურული ძეგლი აღმართა. დ. კოჭორიძის მითითებით: „იგი აუცილად საკრებულო ტაძრის ადგილზე თლილი ქვით და გადახურვით აგურის გუმბათით“ [3. 98]. ც. ლაფაჩი თვლის, რომ „მეჩეთის მშენებლობის პერიოდშივე გაჩნდა ეკვი მისი არქიტექტურული სტილის თაობაზე. შენობის დასრულებისთანავე აღმოაჩინეს, რომ იგი კონსტანტინოპოლის აია სოფიას სტილში შესრულებული ნაგებობაა, რამაც ძალზე აღაშფოთა ჰაჯი აჰმედ (ახმად) ფაშას მოწინააღმდეგენი, რაც შემდგომ მისი სიკვდილით დასჯის

ერთ-ერთი საბაბი გახდა“[4. 28].

თამამად შეიძლება ითქვას, რომ, მართალია, ტაძრის გუმბათზე თურქეთის სიმბოლო – ლითონის ნამგალა მთვარე იყო აღმართული, მაგრამ იგი მაინც არქიტექტურულად და ჩანაფიქრით ადრეული შუა საუკუნეების ქართული მართლმადიდებლური ეკლესიის საძირკველზე აგებულ მცირე ზომის აია სოფიას განასახიერებდა. აღნიშნულმა სალოცავმა განსაკუთრებული ყურადღება აღრიდნევი მიიპყრო. ცოტა მოგვიანებით, XX საუკუნის დასაწყისში პ. სანკოვსკი მართებულად შენიშნავდა, რომ ეს ტაძარი ევროპული ხუროთმოძღვრების თვალსაჩინო ნიმუშს წარმოადგენდა[12].



მეჩეთად გადაკეთებული აია სოფიას ტაძარი კონსტანტინეპოლში.

ჩვენს ხელთ არსებული მასალების მიხედვით, ტაძრის მშენებლობის პერიოდში არქიტექტორმა შიგნით აღმოსავლეთის მხარეს ქრისტიანული სალოცავის შესაბამისი საკურთხეველიც გააკეთა. ძველის გასრულების შემდეგ, აჰმად ფაშამ ღამით საფარის მონასტრის წინამძღვარი გადმოიყვანა და სალოცავი ფარულად აკურთხებინა. ახალციხის ფაშები ქართველი მუსლიმები, მაგრამ ფარული ქრისტიანები იყვნენ. მათ სალოცავი ციხის ციტადელში ჰქონდათ და იქ შესვლა ყველა მაჰმადიანს არ შეეძლო. ეს სალოცავი ეკლესიას უფრო ჰგავდა, ვიდრე ჯამეს. მასში მხოლოდ ფაშები ლოცულობდნენ მაჰმადის წესზე, სახლში კი ჩუმად, ოჯახთან ერთად, კარის ეკლესიაში ქრისტიანულ წირვა-ლოცვას ესწრებოდნენ.

1828 წელს გენერალ პასკევიჩის მხედრობამ ახალციხე ალყაში მოაქცია, სიმბოლურია ის, რომ გენერალ გრიგოლ ორბელიანის არტილერიის ცეცხლმა მეჩეთად გადაკეთებული ქართული ტაძარი კი არ დააზიანა, არამედ მხოლოდ მის გუმბათზე აღმართული თურქული სიმბოლო – ნამგალა მთვარე ზრიალით ჩამოაგდო, რამაც თურქები სულით ხორცამდე შეძრა.

ფაქტია, ადრეული ხანიდანვე (IX საუკუნიდან მაინც) არსებული ქართული მართლმადიდებლური ეკლესია და შემდეგ (XVIII საუკუნის მეორე ნახევრიდან) მასზე დაშენებული ვითომდა მეჩეთი მხოლოდ 1772 წლიდან 1828 წლამდე (სულ 76 წლის მანძილზე) გარეგნულად ფუნქციონირებდა როგორც ფაშათა (და არა საერთოდ მუსლიმანთა) კარის ოფიციალური სალოცავი. პასკევიჩის მიერ ახალციხის აღების შემდეგ ციხეში რუსული ჯარი ჩადგა და მაშინვე ე. წ. მეჩეთი, ყოველგვარი გადაკეთება-გადმოკეთების გარეშე, როგორც მართლმადიდებლური ეკლესია გარნიზონის სალოცავ ტაძრად იქცა. 1850 წელს რუსეთის იმპერატორის ბრძანებით ეგზარხოსმა ისიდორემ იგი დედა ღმრთისმშობლის მიძინების სახელზე აკურთხა[9. 37] და ამ სახით ფუნქციონირებდა 1921 წლამდე – მთელი 93 წელი. აღარას ვამბობთ იმაზე, რომ იგი „მეჩეთად“ გადაკეთებამდე ასეულობით წლების განმავლობაში სამხრეთ საქართველოს უძლიერეს მმართველთა ერთ-ერთი მნიშვნელოვანი ქრისტიანული სალოცავი იყო. არქიტექტურულადც ეკლესიის სტილზე აგებული ტაძარი მხოლოდ გუმბათით ჰგავდა მუსლიმანურ სალოცავს.



რაბათის ციხის სალოცავი, ე.წ. „მეჩეთი“ რესტავრაციამდე.



*რესტავრირებული რაბათის ციხის სალოცავი, ე.წ. „მეჩეთი“
(ალბომიდან: „ახალი საქართველო“, თბ., 2012).*

როგორც ზემოთ აღვნიშნეთ, ეს სალოცავი „მეჩეთი“ განკუთვნილი იყო მხოლოდ საფაშოს მმართველი ფაშებისათვის. საერთოდ, ახალციხის გამუსლიმანებული მოსახლეობისათვის სალოცავი არა ციხის ციტადელში, არამედ მის გარეთ, გალავანს შიგნით არსებული აბანოების გვერდით იყო მოთავსებული. ამის შესახებ საინტერესო ცნობებს ვხვდებით ახალციხურ ქრონიკებში. იოანე ნებაძე აღწერს რა 1828-1829 წლებში ახალციხეში დატრიალებულ ამბებს, აღნიშნავს: „5 აგვისტოსა (მარიაშობით) 1829-სა წელსა, მაშინ ციხეში იყო ნაჩაღნიკათ ბებუთოვი, გვარით სომეხი, რომელმაც მზაკვრობით განსცა ახალციხე აჭარის აჰმედ ფაშასა, რომელიც დაესხა თავისის აჭარის ჯარით ხორციელსა ანუ ყველიერის კვირაში, თებერვლის წინა დღეებში 1829-სა წელსა ახალციხეს, მოაოხრა ქალაქი, წარსტყვევნა ვიდრე ოც სულამდე და მრავალნიცა მიჰვლეს ახალციხის მცხოვრებთაგანი ციხის წინათ ყოფილს მეჩეთში, სადაც შიშისა გამო შეკრებილ იყუნენ, რამეთუ ციხის კარები იყო დახშულ და დაკეტილ და აკრძალულ იყო შესვლად მუნ.... აჭარელი რომ დაესხა ახალციხეს, ხალხი ციხის გარეთ მეჩეთში შეიკრიბა. მაშინ ჩვენებიც (მისი ოჯახი და სხვა ქრისტიანები – თ. ი.) იქ შევიდნენ, დედა თერეზინა, მისი და მარიამი (დეიდა) და ამის ქალი სარა, და მეცა, ჩემი ორი ძმაც.... მაშინ ახალციხელები სილაით ანუ საომრის იარაღით მორთულნი იყვნენ, და მეჩეთიდან ანუ თათრის ჯამიდგან ებრძოდნენ აჭარლებს, მაგრამ აჭარლებმან მეჩეთის რკინის შეჭვდილი კარები დაძლიეს, გააღეს და შემოცვივდნენ შუალამისას....ბოლოს გასტყვეს

ხალხმან მეჩეთის რკინის ფანჯარა და გაცვივდნენ ციხის კედლებისაკენ და საცოდავთ ეხვეწებოდნენ ციხეში აყვანას“[6. 322–323].

საქართველოში საბჭოთა ხელისუფლების დამყარების შედეგად, ახალციხის რაბათის ციხეში წითელი არმიის სასახლევრო ჯარის ნაწილი განთავსდა. რა თქმა უნდა, როგორც იმ პერიოდში ყველა რელიგიურმა სალოცავმა, ციტადელში მდგარმა დედა ღმრთისმშობლის მიძინების სახელობის ეკლესიამაც ფუნქციონირება შეწყვიტა, მაგრამ საბელნიეროდ დანგრევა-განადგურებას გადაურჩა. XX საუკუნის მეორე ნახევარში, როდესაც აქ დაბანაკებულმა გარნიზონმა დისლოკაციის ადგილი შეიცვალა, გამოთავისუფლებულ ციხის ტერიტორიაზე მხარეთმცოდნეობის (ამჟამად ივანე ჯავახიშვილის სახელობის სამცხე-ჯავახეთის ისტორიული) მუზეუმი განთავსდა.

ამავე საუკუნის 80-იან წლებში ე. წ. მეჩეთს, როგორც ისტორიულ ძეგლს, „ჩაუტარდა სარესტავრაციო სამუშაოები. მოხდა გუმბათის ყელის კონსტრუქციული გამართვა, მოეწყო თუნუქით გადახურვა. რესტავრაცია ჩაუტარდა ინტერიერსა და ფასადების დაზიანებულ ნაწილებს. სარესტავრაციო სამუშაოების დასრულების შემდეგ, განთავსდა საექსპოზიციო დარბაზი – ეპიგრაფიკული ძეგლების გამოფენა. მეჩეთის ინტერიერს განსაკუთრებულ მონუმენტულობას ანიჭებს დიდი ზომის აგურის გუმბათოვანი გადახურვა“[4. 28].

ქალაქ ახალციხის ციხის ციტადელში არსებული ადრეული შუა საუკუნეების ქართული ხუროთმოძღვრული და კულტურული ძეგლის ე. წ. „მეჩეთის“ მიმართ გარკვეულად დაინტერესებული წრეების მხრიდან ყურადღება ამ ბოლო წლებში განსაკუთრებით გაცხოველდა. დღევანდელ თურქეთის ტერიტორიაზე არსებული ადრეული შუა საუკუნეების მსოფლიო მნიშვნელობის მქონე ქართული კულტურისა და ხუროთმოძღვრობის უნიკალურ ძეგლთა სავალალო მდგომარეობის (ფაქტობრივად ფიზიკურად განადგურების) გამო, როდესაც ქართულმა მხარემ მათი კონსერვაცია-რესტავრაციის სურვილი გამოთქვა. სამაგიეროდ თურქეთის მესვეურებმა – ჩვენმა „კეთილმა მეზობლებმა“ ბათუმში აზიზეს სახელობის მეჩეთის აგება და ახალციხეში ე. წ. „აჰმადის მეჩეთის“ რესტავრაცია-აღდგენა მოითხოვეს, რამაც ქართული საზოგადოების სამართლიანი აღშფოთება გამოიწვია.

თითქმის წელიწადზე მეტია, რაც პრესის ფურცლებზე საქართველოს ხელისუფლების წარმომადგენელთა მხრიდან არა ერთხელ გამოქვეყნდა მწირი ინფორმაცია დღევანდელი თურქეთის (სინამდვილეში საქართველოს ისტორიულად ძირძველ) ტერიტორიაზე არსებული მსოფლიო კულტურის მნიშვნელობის უნიკალური ქრისტიანული (მართლმადიდებლური) ხუროთმოძღვრების ძეგლების, აღდგენა-რესტავრაციასთან დაკავშირებით თურქეთის ხელისუფლებასთან მოლაპარაკება-შეთანხმების მიმდინარეობის


შესახებ. როგორც ჩანს, ეს არაფრისმთქმელი ინფორმაციები, რაღაც სერიოზული გარიგების (რომელსაც ხალხს უმაღლესად გადაფარვის მიზნით იბეჭდებდა. ეს რომ ასეა, იქიდანაც ჩანს, რომ როდესაც სრულიად საქართველოს კათოლიკოს-პატრიარქმა უწმინდესმა და უნეტარესმა ილია მეორემ ოფიციალური წერილით მიმართა თურქეთის პრემიერ-მინისტრს ანჩის ეკლესიაში ანჩისხატის დაბრუნების შესახებ, ჩვენი „კეთილი და მეგობარი ქვეყნის“ ხელისუფლებამ იგი პასუხის ღირსადაც კი არ ჩათვალა. ეს კი იმაზე მეტყველებს, რომ ქართული ისტორიული ძეგლების (ბანა, ოთხთა, ხანცთა, შატბერდი, იშხანი და ა. შ.) არა თუ რესტავრაცია-აღდგენა, არამედ დღეისათვის შემორჩენილი სახით კონსერვაციაც კი მათ ინტერესებში არ შედის. აქედან კი აშკარად ჩანს, რომ „ჩვენი კეთილი მეგობარი ქვეყნის“ მიზანი მხოლოდ ერთია, კერძოდ: საქართველოს (განსაკუთრებით სამხრეთ და აღმოსავლეთ საქართველოს) მთელ რიგ რეგიონებში ვითომდა არსებული თურქულ-ისლამური სალოცავების ე. წ. „აღდგენა“, ახლის აშენება და ამოქმედება (ნაწილობრივ მიზანს კიდევ მიაღწია).

მოსახლეობის გარკვეული ნაწილის აღმოფხვრის შედეგად ბათუმში თუ „აზიზიეს მეჩეთის“ აგება ასე თუ ისე დროებით მაინც შეჩერდა, ამას ვერ ვიტყვით ახალციხეში ე. წ. „აჰმედის მეჩეთის“ „რესტავრაციის“ შესახებ. შეიძლება ითქვას, რომ მისი, როგორც მუსლიმანურ სალოცავ მეჩეთად აღდგენა-რესტავრაცია (ვიზუალური დაკვირვებით ასე ჩანს), ყოველგვარი განხილვის, საზოგადოებრივი აზრის გათვალისწინების, ექსცესების გარეშე ჩატარდა. აღარას ვამბობთ თვით ციხის „აღდგენის“ შესახებ, რადგან ეს არის არა მისი ისტორიული სახით აღდგენა, არამედ თურქულ სტილში (ყაიდაზე, როგორც ადგილობრივი მოსახლეობა ამბობს) ხელახალი აშენება.

ახალციხის რაბათის ციხეზე 2011 წლიდან დაიწყო გამაღებელი გრანდიოზული სარესტავრაციო თუ აღმშენებლობითი სამუშაოები („ბოროტი ენები“ ამბობენ, რომ ამ საქმისათვის ასეულობით მილიონი დოლარია გამოყოფილი). ბუნებრივია, სარესტავრაციო-გადაკეთებითი სამუშაო ე. წ. „მეჩეთსაც“ შეეხო. მას გამოუცვალეს გუმბათის სახურავი (საგრძნობლად აამაღლეს კიდევ) და ტრადიციული აგურის ნაცვლად (როგორც ეს გვიანობამდე იყო) გერმანიიდან ჩამოტანილი ძვირადღირებული ყვითელი ფერის ლითონით გადახურეს. მის წინ განათავსეს სხვადასხვა დანიშნულების ობიექტები (იმპერატორის ფანჩატური, სიყვარულის ხეივანი, განსჯის ლაბირინთი და ა. შ.). ქალაქ ახალციხის მუნიციპალიტეტის ზოგიერთი, ისტორიაში ჩაუხედავი ხელმძღვანელი პირი სიამაყით ხმამაღლა აცხადებს: „ახალციხის ციხის (რაბათის) რეაბილიტაციის პირველი ეტაპი დასრულდება აგვისტოს თვეში. აქ განთავსდება შემდეგი ობიექტები: მუზეუმი, მედრესე, ციტადელი (საინტერესოა, ციტადელი როგორ უნდა განთავსდეს, ის ხომ დედა ციხის შიდა გალავანია – თ. ი.), მეჩეთი. ეკლესია,

იმპერატორის ფანჩატური, ფაშას მოსასვენებელი, სიყვარულის ხეივანი, განსჯის ლაბირინთი, ქორწინების სახლი, სასტუმრო, კაფე-რესტორნები, მაღაზიები, აუზები, აფთიაქი, შადრევნები, ტურისტული ბიურო და ბევრი სხვა რამ“ [8].

როდესაც პასკევიჩმა ახალციხის რაბათის ციხე აიღო, ციტადელის შიგნით მოთავსებული იყო მხოლოდ ე. წ. მეჩეთი, რომელსაც აღმოსავლეთიდან გარკვეული მანძილის დაშორებით მცირე ზომის შადრევანი ამშვენებდა, მედრესე ბიბლიოთეკით, ფაშის საცხოვრებელი რეზიდენცია და ოჯახის ფარული სალოცავი – კარის ეკლესია. აქ ჩნდება კითხვა: თუ ამ ძეგლის ისტორიული სახით აღდგენა ხდება, მაშინ ციტადელს შიგნით ე. წ. მეჩეთის, მედრესეს, მცირე ზომის შადრევანის, ფაშათა საცხოვრებლისა და ფარული ეკლესიის გარდა რა უნდა იქ სხვადასხვა სახის ხეივნებსა თუ ქორწინების სახლს, ვიდაცის ფანტაზიით მოგონილ ლაბირინთებს და ჯერჯერობით გაურკვეველი დანიშნულების წვრილმან ნაგებობებს? გამოდის, რომ მისი ისტორიული სახის აღდგენა კი არა, არამედ შეგნებული წაშლა ხდება. იგივე შეიძლება ითქვას ციტადელის კედლებზე წამომართულ სხვადასხვა ფორმის გაურკვეველი დანიშნულების არაპროპორციულ კოშკებ-ქონგურეზეც.



აღბომიდან: „ახალი საქარველო“, თბ., 2012.

ასე გამოიყურება ზემოთ ჩამოთვლილი „თანამედროვე ნაგებობანი“ ციხის ციტადელში სალოცავის ირგვლივ. ვფიქრობთ, ციხის ისტორიული სახის შენარჩუნების თვალთახედვით, უდავოდ მიზანშეწონილი იქნებოდა მათი განლაგება ციტადელის გარეთ სათვალთვალ კოშკის მიმდებარე საკმაოდ ვრცელ ტერიტორიაზე.

„რაბათის ციხის რესტავრაციასთან“ დაკავშირებით ბოლოდროინდელ პრესის ფურცლებზე არაერთი მეტად საინტერესო პოზიციაა დაფიქსი-

რებული. უნდა ითქვას, რომ მათში სამართლიანადაა აღნიშნული: „სამცხე-საათაბაგოს მმართველების ჯაყელების რეზიდენცია საქართველოს დამპყრობელმა ოსმალეთმა მე-17 საუკუნის პირველ ნახევარში ხელყვეს და „რაბათის ციხედ“ (თურქულ ციხედ-თ. ი.) აქციეს, ამდენად სააკაშვილის ხელისუფლებამ აღადგინა არა ჯაყელების რეზიდენცია თავისი პირვანდელი სახით, ქართული არქიტექტურით, არამედ აღადგინა თურქული „რაბათის ციხე“ იმ სახით, რა სახითაც იგი თურქებმა თავის დროზე გადააკეთეს, ... რომელიც იყო მე-17 საუკუნეში ოსმალთა იმპერიის ისტორიულ მესხეთზე და, საერთოდ, საქართველოზე ბატონობის სიმბოლო“ [13].

როგორც ზემოთ აღვნიშნეთ, თითქოსდა დღევანდელ თურქეთის ტერიტორიაზე (ისტორიულ საქართველოში) რამდენიმე ქართული ისტორიული ძეგლის რესტავრაციის სანაცვლოდ საქართველოს სხვადასხვა რეგიონში (კერძოდ, ბათუმსა და ახალციხის რაბათში) მუსლიმანური სალოცავების – მეჩეთების აშენება-„აღდგენაზე“ შეთანხმება ჩვენს სამთავრობო წრეებსა და უცხო ქვეყნის, თურქეთის ხელისუფლებას შორის ფაქტობრივად საზოგადოებისაგან ფარულად მოხდა. ამ დროს მართო სამხრეთ-დასავლეთ საქართველოში აგებულია და მოქმედებს თითქმის ასამდე მეჩეთი-სალოცავი. რაც შეეხება თურქეთის ტერიტორიას, მიუხედავად იმისა, რომ აქ არაერთი უძველესი ქართული მართლმადიდებლური ეკლესია-მონასტერია შემორჩენილი, სანთლით რომ ვეძებთ, ერთ ქართულ მოქმედ პატარა სალოცავსაც ვერ ვნახავთ. თურქეთს თავი დავანებოთ (რას ვერჩით, ის თავის საქმეს აკეთებს), ქართულ მხარეს შევახსენებთ, რომ ის ქართული ისტორიული კულტურის ძეგლები, რომლებიც ისტორიული ბელუჯულმართობის გამო ამჟამინ-დელი თურქეთის „ტერიტორიაზეა“, მსოფლიოს კულტურულ მემკვიდრეობის საგანძურში შედის და თურქეთის ხელისუფლება, ჩვენდამი ყოველგვარი პირობებისა და მოთხოვნების წამოყენების გარეშე, ვალდებულია იუნესკოსთან შეთანხმებით და თანადაფინანსებით მოახდინოს მათი რესტავრაცია თუ არა, კონსერვაცია მაინც, რადგან ამ ძეგლების სახით შეუფასებელსა და უნიკალურ კულტურულ-ისტორიულ მემკვიდრეობას ფლობს. იგი მათი რესტავრაცია-აღდგენის სანაცვლოდ ჩვენს ქვეყანაში მეჩეთების აგებას (რომლებიც, როგორც აღვნიშნეთ, ისედაც საკმარისზე მეტია საქართველოში) კი არ უნდა გვაკვალდებულებდეს, არამედ საქართველოს ხელისუფლებისაგან ქართველი არქიტექტორ-რესტავრატორების გაგზავნას უნდა ითხოვდეს.

დასკვნის სახით შეიძლება ითქვას, რომ XVI საუკუნიდან მოყოლებული ვიდრე XIX ს-ის 20-იან წლებამდე სამხრეთ საქართველო მისი ციხე-სიმაგრეებით ირან-თურქეთის საჯილდაო ქვას (ვინ – ვის) წარმოადგენდა. აქედან გამომდინარე, ამ ქვეყნების არქივებსა თუ წიგნთსაცავებში აუცილებლად იქნება ამ ციხე-სიმაგრეთა და რელიგიური საკულტო-სალოცავების


შესახებ გარკვეული ცნობები დაუნჯებული. ხომ არ აჯობებდა, ვიდრე ამ გრანდიოზული ძეგლის „რესტავრაცია-აღმშენებლობას“ დაიწყებდნენ, მისი ინიციატორებს, დამატებითი ინფორმაციის მოძიების მიზნით, მკვლევართა ორ-სამ კაციანი ჯგუფები მიეწვინებინა (მით უმეტეს, როდესაც პროექტი უხვად არის დაფინანსებული) რუსეთის, თეირანისა თუ სტამბოლის არქივებსა და წიგნთსაცავებში. მოპოვებული მასალები თმოგვის, ნარიყალას, ასევე ხერთვისისა და სხვა ციხე-სიმაგრეების გეგმა-ნახაზებთან (ვიმედოვნებთ, რომ ეს მონაცემები ძეგლთა დაცვის დეპარტამენტში ინახება) შეეჯერებინათ და ერთიანი ოპტიმალური გეგმა-პროექტი შეემუშავებინათ, რათა, აღდგენის შემდეგ, მნახველს თვალნათლივ ენახა აქ შემორჩენილი საუკუნეთა შთამბეჭდავი პლასტები.

ფაქტებს ვერ გავეცევით, ახალციხის ციხის ციტადელში XVIII საუკუნის მეორე ნახევრამდე ადრეული შუა საუკუნეების ქართული მართლმადიდებლური ეკლესია იდგა, რომელიც ციხის მფლობელთა ათაბაგ-ჯაყელთა საგვარეულო კარის ეკლესიას წარმოადგენდა. XVIII საუკუნის შუა ხანებში მისი საძირკველზე თითქოსდა ოსმალთა ბატონობის სიმბოლო, მაგრამ აია სოფიას სტილში აგებული სალოცავი, აღმშენებელივით ძლიერი, სამხრეთ საქართველოს ტრაგიკული ისტორიის, მისი წარსულისა და მომავლის იდუმალი ამსახველი ტაძარი აშენდა, რომელიც გამოცანასავით დგას რელიგიებსა და საუკუნეებს შორის. თავის დროზე სწორად დაიწერა, რომ იგი, „როგორც მართლმადიდებლურ ტაძრად ჩაფიქრებული საკურთხეველის მქონე ნაგებობა, უნდა გადაცემოდა ქართულ მართლმადიდებლურ ავტოკეფალურ ეკლესიას“ [7.59]. სამწუხაროდ, დღეს სულ სხვა ფაქტის მოწმენი გაგზდით, ეს სალოცავი, ისე რომ საზოგადოებამ ამის შესახებ თითქმის არაფერი იცოდა, მეჩეთად რესტავრირებული (ყოველ შემთხვევაში გარეგნულად ასე ჩანს), მრისხანედ გადაჰყურებს მთელ ქალაქს და თურქთა ავადსახსენებელ სამსაუკუნოვან ბატონობას ახსენებს.

დაბოლოს, ეროვნულ-სახელმწიფოებრივი ინტერესებიდან გამომდინარე, სწორედ ახალციხეში, სასახლერო რეგიონში XI საუკუნის ქართული ისტორიული ძეგლზე XVIII საუკუნეში დაშენებული ე. წ. „მეჩეთის“, როგორც მეჩეთის რესტავრაცია ყოვლად დაუშვებელია. ძეგლის თუ მართლა ისტორიული სახით აღდგენა ხდება, მაშინ იგი თავისი პირვანდელი – ქართული მართლმადიდებლური სალოცავის სახით უნდა აღდგეს.

დამოწმებული ლიტერატურა

1. ვახუშტი ბაგრატიონი, აღწერა სამეფოსა საქართველოსა, თბ., 1973.
2. ვ. ბერიძე, სამცხის ხუროთმოძღვრება, თბ., 1972.
3. დ. კოჭორიძე, განახლებული მესხეთის ქალაქი, თბ., 1969.
4. ც. ლაფაჩი, ახალციხის მეჩეთის ისტორიიდან, ახალციხის სასწავლო უნივერსიტეტის სამეცნიერო კონფერენციის მასალები, ახალციხე, 2011.
5. შ. ლომსაძე, სამცხე-ჯავახეთი, თბ., 1973.
6. შ. ლომსაძე, მესხები, თბ., 2002.
7. კ. ჯაყელი, აღზევება ყუთლუ არსლანისა, თბ., 2005.
8. გაზ. „მესხეთის უნივერსიტეტი“, 61. 2012
9. Л. Загурский, Поездка в ахалцихский уезд в 1872г., ЗКОИРГО, КН, 8, 1873.
10. В. Иванов, Город Ахалцихе, СМОМПК, вып, 7, 1889.
11. ველია ჩელების მოგზაურობის წიგნი, თარგმანი გ. ფუთურიძისა, თბ., 1971.
12. გაზ. „Тифлиссские ведомости,“ 19, 1832.
13. გაზ. „ასაჯალ-დასაჯალი,“ 2012 წლის 20–26 აგვისტო, 34 (932).



იუზა ევბენიძე

**მეცხრამეტე საუკუნის ქართული მწერლები
კავკასიის ხალხთა შესახებ**

თანამედროვე მსოფლიოში მიმდინარე გლობალიზაციის ფონზე განსაკუთრებით აქტუალურია სხვადასხვა ხალხის კულტურათა თვითმყოფადობისა და თანაარსებობის პრობლემა. მოცემულ შემთხვევაში ჩვენთვის ამოსავალია ჯერ კიდევ ვ. ჰუმბოლდტის მოძღვრებიდან მომდინარე და ქართულ მეცნიერულ სამყაროში გაზიარებული შეხედულება, რომლის მიხედვით: „რაც უფრო ნაირგვარია და განსხვავებული ენები და კულტურათა ენობრივი ფესვი, მით უფრო მძლავრი, გამდიდრებული და ერთიანია კაცობრიობა, როგორც ერთი დიდი მთლიანობა“¹.

ტრადიციული თვალსაზრისით, რამდენადაც მწერლები, პოეტები „ერის სულის ისტორიკოსებად“² სულიერი ანატომიის დიაგნოსტებად არიან ჩათვლილნი, ამდენად საინტერესოა, თუ როგორ აღიქვა XIX საუკუნის ქართულმა მწერლობამ კავკასიის ხალხთა ეთნომენტალური და კულტურული ჰაბიტუსი.

აღნიშნული კუთხით, სყურადღებო მასალაა წარმოდგენილი ისეთ გამოჩენილ ქართველ მწერალთა ნაწერებში, როგორიც არიან: სოლომონ დოდაშვილი, ალექსანდრე ჭავჭავაძე, გრიგოლ ორბელიანი, ალექსანდრე ორბელიანი, ნიკოლოზ ბარათაშვილი, ვახტანგ ორბელიანი, რაფიელ ერისთავი, დიმიტრი ყიფიანი და კიდევ უფრო მეტად: ილია ჭავჭავაძე, აკაკი წერეთელი, ალექსანდრე ყაზბეგი, ვაჟა-ფშაველა, ნიკო ლომოური, ეგნატე ნინოშვილი. საგანგებოდ უნდა აღინიშნოს ამ თვალსაზრისით, დიდი ქართველი პედაგოგის იაკობ გოგებაშვილის ღვაწლი. ამთავითვე უნდა ითქვას, რომ მათი მიმართება სხვადასხვა ეთნოსისადმი დიფერენცირებულია, არაერთგვაროვანი და ცხადია, ეს მასალა არც თანაბარი ღირებულებისაა, მაგრამ ვფიქრობთ, ყველა შემთხვევაში, ეს მონაცემები საინტერესოა ამ საუკუნის თეორიის თვალსაზრისით, თბ., 1995, გვ. 176.

² Джамбатиста Вико, Основания новой науки об общей природе наций, перевод А. А. Губера, Л., 1940, с. 357.

საქართველოს სოციალური და კულტურული დინამიკის (პ. სოროკინი, ჯ. ბარნეტი) გასათვალისწინებლად. საილუსტრაციოდ მოვიხმობთ ფაქტებს. ასე, მაგალითად, XIX საუკუნის ქართველ მწერალთა და მოაზროვნეთა შორის პირველი ავტორია ცნობილი ფილოსოფოსი **სოლომონ დოდაშვილი**, რომელიც ქართული ანბანის წარმოშობას მეფე ფარნავაზის სახელს უკავშირებს „უწინარეს ქრისტეს შობისა 327-სა წელსა“. ამ კონტექსტში იგი ეკამათება და უსაბუთებს სომხური სამყაროდან შოვინისტური მიზანდასახულებით შემოჭრილი მთარული აზრის ავტორებს ქართული ანბანის სომხური წარმომავლობის შესახებ თვალსაზრისის უსაფუძვლობას. მისი თქმით, „გამოცანანი ესე არა არიან საფუძვლიანი და დამტკიცებულნი“ (მოკლე განხილვა ქართული ლიტერატურისა ანუ სიტყვიერებისა).³

ნარკვევში — „ქართული ისტორია, მეფობა ირაკლი მეორისა“, ს. დოდაშვილი უარყოფითად ახასიათებს იმ „არეულ დროს“, როცა ლეკები „ჰყოფდნენ თავდასხმასა კახეთსა ზედა“ და გარე მუსულმანური ძალების ზეწოლით „სომეხთა სომხობისათა“ მხარს უჭერდნენ ერეკლეს წინააღმდეგ მათ ბრძოლას (გვ. 220-223). აქ ის კავკასიის მუსულმან მთიელთა ეთნომენტალურ შტრიხებსაც წარმოაჩენს, როცა აღნიშნავს: „დაღესტნელნი, ჩვეულებისამებრ თვისისა, მოპარვით გვარად“ ესხმოდნენ „ქართლ-კახეთს და არბევდნენ მას“ (გვ. 225).

სახელოვანი მოაზროვნე იონა ხელაშვილს, 1831 წელს, გულისტკივილით წერს: „ტფილისში ყოველი შეძლებული კაცი აშენებს სახლებს, მრავალნი რუსნიცა, სომეხნიცა, ხოლო ქართველნი ვართ დათენილნი“ (317). მასვე აცნობებს, რომ მოგზაურობს „გორს, დუშეთსა და მთიულეთში“; აღწერს „ლომისობას“ და ქართველთა ეთნოფსიქიკურ თვისებებს (321). 1826 წელს სოლომონ დოდაშვილის მიერ იონა ხელაშვილისადმი გაგზავნილ ბარათში ვკითხულობთ: „არა თავის თავისთვის მხოლოდ, გინა ბედნიერებისათვის ვმუშაკობ, არამედ სიყვარულისათვის მამულისა, რათა ვეროპამ ოდესმე ჰსცნოს ივერია“ (229).

ისტორიული და კულტურულ-ეთნოლოგიური თვალსაზრისით, საკუთრივ ქართული ეთნომენტალური სამყაროს დასახასიათებლად, გარკვეულ წყაროებზე დაყრდნობით, შეიძლება ცალკეულ შემთხვევაში დასაზუსტებელი, მაგრამ ყველა შემთხვევაში საგულისხმო ინფორმაციაა მოწოდებული გამოჩენილი ქართველი რომანტიკოსის **ალექსანდრე ჭავჭავაძის** ნაშრომში: „საქართველოს მოკლე ისტორიული ნარკვევი და მდგომარეობა 1801-დან 1831 წლამდე“, რომელიც მან იმპერატორ ნიკოლოზ I-ს წარუდგინა. აქ, ვკითხულობთ: „იბერია ანუ საქართველო პტოლემეს ხანებში თავის მოცულობით შესდგებოდა: ალბანიისა, საკუთრივ იბერიისა და კოლხეთისაგან. ალბანიას ანუ ალანიას ეჭირა კავკასიის მთის

³ სოლომონ დოდაშვილი, *თხზულებანი*, თბ., 1989, გვ. 214-215 (შემდგომში ციტირებისას გვერდებს მივუთითებთ ძირითად ტექსტშივე).

აღმოსავლეთი თხემები, დაწყებული დარუბანდით სამხრეთისაკენ, ვიდრე ალანამდე. იბერია შეიცავდა ახლანდელი კახეთის ნაწილს, ქართლს, სომხეთის, ახალციხის მხარესა და არაქსზე მდებარე ყველა მიწა-წყალს. კოლხეთი შეიცავდა ლაზიკას, სამეგრელოს, გურიასა და აფხაზეთს, რომელშიც შედიოდა: ახლანდელი იმერეთი, სვანეთი და აბაზინების, ანუ აბასების მთელი მიწა-წყალი ტამანამდე. ძველად ქართველებს იბერებს, ანუ გიორგებს უწოდებენ მათი ხელობის, მიწათმოქმედების გამო. გიორგისაგან წარმოსდგა ოსმალური სახელწოდება გურჯი, რუსების ძველებურ აქტების გრუზი, შემდგომ გრუზია; ხოლო თვითონ ქართველები თავის თავს უწოდებენ „ქართველებს“ წინაპრის ქართლოსის სახელწოდებისაგან“.⁴

მეორე ქართველი რომანტიკოსის — **ალექსანდრე ორბელიანის** თეორიულ მუსიკალურ მონაცემთა მიხედვითაც კი „ჩუენი საქართველოს (ქართლ-კახეთის — ი. ე.) და იმერეთის ერნი არიან ძველ ივერიანელებისა შეილიშვილები, ვითარცა პიტალოს ოქროთაგან პიტალო ოქრო გამომდინარე“.⁵

კავკასიის ხალხთა ეთნოფსიქოლოგიურ თვისებებზე კონკრეტულად ამხსვილებს ყურადღებას დიდი ქართველი რომანტიკოსი **გრიგოლ ორბელიანი**. კერძოდ, ის ჩერდება ოსების, ჩეჩნებისა და ყაბარდოების თვისება-ხასიათზე, მათი საცხოვრისის გეოგრაფიულ არეალზე, ქართველებთან ამ ხალხების მსგავსება-განსხვავებაზე. ამ მხრივ, საინტერესოა გრიგოლ ორბელიანის მოთხრობა „მგზავრობა ჩემი ტფილისილამ პეტერბურგამდის“.

პოეტის თქმით, „ვლადიკავკაზს ესაშლვრებიან თავაურნი და სვანი მთის ხალხნი, ჩაჩანი და ყაბართო, პატარა და დიდი, ძალიან შიში იყო უფრო უწინ მთის ხალხისაგან“ (162). გრიგოლ ორბელიანი კმაყოფილია კნიაზ აფხაზის — იმის გამო, რომ მან „დაამარცხა თავაურნი“... ხალხის ამშლელნი და აუზაკნი, რომელნიცა აუზაკობდნენ საქართველოს გზაზე“ (162). როგორც ვხედავთ, გრ. ორბელიანიც უარყოფითადაა განწყობილი ოსების მიმართ.

სახელოვანი პოეტი დაწვრილებით აღწერს და სიმპათიითაა გამსჭვალული ყაბარდოელებისადმი, როცა ეძებს ნათესაურ შტრიხებს ქართველებსა და ყაბარდოელებს შორის: „უწინ ძლიერი ხალხი იყო, გარნა საშინელმან ჭირმან გაწყვიტა და შემდგომ ბრძოლამან პირისპირ რუსთა... ყაბართოელნი არიან თავისუფლების მოყვარენი... ებრძვიან ესოდენ წელთა რუსთა, რომელთაცა შეავიწროეს ფრიად, დაამცირეს და დაიპყრეს მთელი ყაბართო; გარნა სიყვარული თავისუფლებისა ვერ აღხოცეს მათ შორის... მარადის ეძიებენ შემთხვევასა, რათა დაიხსნან მამული თვისი რუსისგან.“

სტუმართმოყვარეობასა არათუ ოდენ ყაბართოელნი, არამედ ყოველნი კავკასიისა ხალხნი ჰრაცხვენ უწმინდეს მოვალეობად, — სტუმარი გინა

⁴ *ალექსანდრე ჭავჭავაძე, თხზულებანი*, ი. გრიშაშვილის რედაქციით, თბ., 1940, გვ. 241.

⁵ *ალექსანდრე ორბელიანი, ივერიანელების გალობა, სიმღერა დიდიანი, იხ. კრებული: ქართველი რომანტიკოსები ლიტერატურისა და ხელოვნების შესახებ*, თბ., 1980.

იყოს უცნობი, შევალს რა მათდა სახლსა შინა, იქმნების შეუხებელი ყოველთა მისთა მტერთაგან და პატივცემულ ყოვლისა სახლობისაგან, და უკეთუ გითხრა ოდესმე ძმობა, ანუ მეგობრობა (ყონად), მაშინ სიკვდილამდე ექნება ესე გრძობა განუწყვეტლად და მეგობრისათვის არც სიმდიდრესა და არცა სიცოცხლესა თვისსა არა დაზოგავს“ (164). ამასთან „ყაბართოელთა აქვთ ბუნებითი გონება და მეხსიერება“ (165).⁶ მისი დაკვირვებით ეს ხალხი ანთროპოლოგიურადაც ძალიან მოკვავს ქართველებს. ამ ხალხებს დადებითად ახასიათებენ შემდეგ აკაკი და ვაჟა... არსებითი და ეროვნული თვალსაზრისით განსაკუთრებით ღირებული, მაინც ქართველი ადამიანის ეთნომენტალური სამყაროს გრიგოლ ორბელიანისეული ის დახასიათებაა, რომელიც თავისი ბრწყინვალე მხატვრული ნიჭით მჭევრმეტყველურად წარმოსახა პოეტმა „სადღეგრძელოში“, რითაც სამარაფამოდ გაუსიგრძელებს პოლიტიკურად გადასხვაფერებულ სივრცეში მყოფ ახალ საქართველოს, რომ ქართულ კულტურულ-პოლიტიკურ ველში უნდა განიხილებოდეს არა მხოლოდ საკუთრივ ეთნოგენეტიკით ენობრივად ერთი ფესვიდან ამოზრდილი ქართული ტომები (ქართლელი, კახი, თუში, ფშავ-ხევსური, მთიული, მესხი, იმერი, გურული და მეგრი), არამედ „ფეხმარდი ოსი“ და „მშვილდოსნობით“ ცნობილი აფხაზი. ერის კულტურას ჰქმნის ენის, რწმენის, ტერიტორიის, წინაპართა საფლავების კულტი და პოლიტიკური ერთობა; აი, ესაა ლაიტმოტივი გრ. ორბელიანის მრწამსისა, რომელიც მან ესტაფეტად გადასცა შემდგომ ხანას და ჩვენს თაობასაც.

თუ გრიგოლ ორბელიანის დაკვირვებებში მეტ-ნაკლებად ანალიტიკური მიდგომა შეინიშნება ქართველურ ტომთა და კავკასიის ხალხებზე მსჯელობისას, ამ თვალსაზრისით განსხვავებულია და უფრო ემოციურ ასპექტშია გადმოშლილი გენიალური ქართველი რომანტიკოსის **ნიკოლოზ ბარათაშვილის** დამოკიდებულება კავკასიის ხალხებისადმი. მხოლოდ ერთ ლექსში, რომლის სახელწოდებაცაა: „ომი საქართველოს თავად-აზნაურ გლეხთა პირისპირ დაღისტნისა და ჩეჩნელთა წელსა 1844ს“, უკვე სათაურშივეა გამჟღავნებული ავტორის უარყოფითი პოზიცია კავკასიის მთიელთა — დაღესტნელთა და ჩეჩნთა წინააღმდეგ, რასაც დასტურჰყოფს შემდეგი სიტყვები:

„ძრწოდე, კავკასო! ახლო არს დღე შენის აღსასრულისა!..

...კავკასო, ქართლოსს საფლავზე არიან ვაფიცებულნი...

...ჰე, დაღისტნელნი, სომხითის კედელნი თქვენგან ნგრეულნი...

...კავკასო, აჰა კახნიცა, შენზედ გულამღვრეულები...

მეფის ირაკლის გაწვრთნილნი, გმირებად ნასახელები!

ნუ ჰკონებ, აღზოცვილიყვნენ მათ შორის ძველნი მამულნი:

ყოველსა დაშთა შვილები, საშვილიშვილოდ ვაჟკაცნი!

ნაუნჯნი ყმანიც მეფისა თუშები მოუღალაენი...

⁶ გრიგოლ ორბელიანი, თხზულებათა სრული კრებული, თბ., 1959, გვ. 162-165. გვერდებს ვუთითებთ ტექსტშივე.

თქვენი ჭირიმე თუშებო, ბიჭობა თქვენი ქებულა,

მაზილი თქვენი მარადის დაღისტნელთ ქედზედ ლესულა!

...კავკასო, ძრწოდე! შეირყა ჩეჩენიც დასამზობელი!..

...ჰე ძმანო, ნუ თუ არ გესმით მეფის ირაკლის ხმა მაღლით?

გიხმობდეთ: ქართველნი, ჰე შაბას! კურთხევა თქვენდა ზე მაღლით!

...თქვენ ჰქმენით საქმენი, ღირსნი, თქვენთა წინაპართა!

ვაგლახათ ეციით წარმართთა!

აჩრდილნი ჩვენთა მამათა იშვებენ საიქიოსა,

და გიკურთხებენ სახელსა, მომავალთ მოსაღბნისო“ (გვ. 131-132).⁷

როგორც ვხედავთ, ამ ლექსში „ურჯულოთა“, „წარმართთა“ და ქრისტიანული „ზე მაღლით“ კურთხეული დაპირისპირების დონეზეა აყვანილი ქართველთა და დაღესტან-ჩეჩენთა შორის მიმდინარე კავკასიის ომი. იმჟამად არსებული პოლიტიკური ვითარება ნიკ. ბარათაშვილის მხატვრულ სამყაროში ეროვნულ-სარწმუნოებრივ ასპექტშია განცდილ-გააზრებული; სოციალურად ერთიანი ქრისტიანული საქართველოს ბრძოლა „წარმართ“, თუ ფანატიკოს მაჰმადიანთა — „დაღესტნელთა“ და „ჩეჩენთა“ წინააღმდეგ. გმირობის სამაგალითო ნიმუშებად წარსულიდან გამოხმობილია სრულიად ქართველთათვის მითოსურ სამოსელში გახვეული უშორეულესი დიდი წინაპრის, მთელი ერის სახელის ფუძემდებლის ქართლოსის და ახლო საუკუნეებიდან ერეკლე მეფის სახელები.

ეროვნული ინტერესებიდან გამომდინარე, ცხადია, „ბედი ქართლისას“ და „საფლავი მეფის ირაკლისას“ ავტორის ორიენტაცია პრორუსულია. მხატვრულ რეგისტრშია აყვანილი ასევე საქართველოს პოლიტიკური ორიენტაციის პრობლემა, კავკასიის ხალხთა ურთიერთობის კონტექსტში, რომანტიკოსი პოეტის **ვახტანგ ორბელიანის** მიერ. ლექსში „ირაკლი და მისი დრო“, ის ხოტბას ასხამს ერეკლე მეფის გმირობას იმიტომ, რომ „ებრძვის ქრისტეს მტერს, წინ უდგას თავის ერს“. და ეს მტერი კი მისთვის „ოსმალებისა“ და „სპარსელების“ რანგში მოაზრებული „დაღესტანია“. აქ პოეტი აშკარად თავმომწონეობს იმით, რომ ერეკლეს ბრძოლას აღმოსავლურ მუსლიმანურ სამყაროსთან — „აღტაცებით ...ვეროპა უშხერს“. საგარაუდოა, პოეტს აქ მხედველობაში აქვს გოტჰოლდ ეფრაიმ ლესინგის „მინა ფონ ბარლემჰში“ გაჟღერებული აზრი ერეკლეს უძლეველობის შესახებ. სხვა შემთხვევაში („ირაკლი და კოხტა ბელადი“), მწვავე პრობლემად განიცდება „ლეკი კახსა, თუ კახი ლეკს დასძლევს?“ და „არწივსა“ და „ლომს“ უწოდებს ურჯულო ლეკთა სახელგანთქმული ბელადის მძლეველ გმირთაგმირ — ერეკლე მეორეს, რომელიც მისი წინაპარი იყო.⁸

საგანგებოდ უნდა აღინიშნოს, რომ მას შემდეგ, რაც კავკასიის მთია-

⁷ ნიკოლოზ ბარათაშვილი, თხზულებანი, თბ., 1968.

⁸ ვახტანგ ორბელიანი, ლექსებიდან ციტირებას ვახდენთ წიგნიდან: ქართული მწერლობა, ტ. 9.

ეთში სისხლისმღვრელი ომი შეწყდა, პოლიტიკური ვნებათაღელვა ერთ-გვარად ჩაცხრა, ნანატრი მშვიდობის ჟამი დადგა და, როგორც ჩანს, „კავკასიური თემის“ ადრე დასადგურებულ შეფასების ემოციურ ტონს, რომლითაც მოცულია ზემომოხმობილ ქართველ მწერალთა ნაწერები, მოვლენათა განსჯის, შედარებით დისკურსიული ფორმა ჩაენაცვლა. ამ მხრივ განსაკუთრებით საინტერესოა გამოჩენილი ქართველი პოეტის **რაფიელ ერისთავის** ფოლკლორულ-ეთნოგრაფიული წერილები.⁹

„სამშობლო ხევსურისას“ ავტორი ქართველთა ეთნო-ფსიქოლოგიური და მენტალური სამყაროს ერთ-ერთი პირველი მკვლევარია. თავის ნარკვევებში: „ქართული სახალხო პოეზია“, „ქართული საეკლესიო გალობა და სიმღერები ნოტებით“, „ლენჩხუმის მაზრაში ძველი და ახალი ჩვეულების მოთხრობა ანუ იგივე ისტორია“, „ატატი კოპლატაძის მეუღლის გადმონაცემი“, „სამეგრელოს შესახებ“, რუსულ ენაზე გამოქვეყნებულ სტატიათა სერიალში: «О Тушенно-Пшаво-Хевсурском округе», «О крестьянском сословии в Мингрелии», «Заметки О Сванетий» და სხვ., პოეტი წინ წამოსწევს იმ სულიერ ნიშნებს, რაც საქართველოს ამ კუთხეთა ერთიანობის საფუძველთაგანია. განსაკუთრებით საგულისხმოა, რომ რაფიელ ერისთავი ქართული მუსიკალური კულტურის სპეციფიკის გათვალისწინებით ამჩნევს იმ მსგავსებას, რაც ქართულ სიმღერას აახლოებს იტალიურ სიმღერასთან, როცა აღნიშნავს: „ჩვენი ქვეყანა, როგორც იტალია მდიდარია სხვადასხვა სიმღერებით, მათი მუსიკალური კილოთი და მიმოხრით“,¹⁰ რითაც ერთგვარად ამაგრებს ევროფილოსოფიურ სივრცეში გაჟღერებულ ჰეგელისეულ აზრს იტალიელთ, ქართველთა და ჩერქეზთა, როგორც „კავკასიური რასის“ წარმომადგენელთა ერთობის შესახებ.

ქართული „ეთნო-ფსიქო-ლოგოსის“ (გ. გაჩევი) რაობის, მისი გავრცელების არეალისა და მიმართების შესახებ მეზობელ ხალხებთან მეტად ანგარიშგასაწევი მოსაზრებები აქვს გამოთქმული, თავისი თავგანწირვით ქართველთათვის დიდი აკაკი წერეთლისგან „თავდადებულად წოდებულ“, ამჟამად ქართული ეკლესიისაგან, უწმინდესისა და უნეტარესის, სრულიად საქართველოს კათოლიკოს-პატრიარქის ილია მეორის ლოცვა-კურთხევით წმინდანად შერაცხულ **დიმიტრი ყიფიანს**. ეს შესანიშნავი მამულიშვილი და მოაზროვნე XIX საუკუნის 70-იან წლებში აქვეყნებს სტატიას — სათაურით — „უცნაური ნადირობა“, სადაც მის მიერ ქართულ ეთნოსში მოიაზრება: „სვანები, მეგრელები, ლენჩხუმელები, იმერლები, გურულები, აჭარლები, შავშელები, ჭანელები, ქართლები, კახელები, ქიზიყელები და ინგილოები“.¹¹ ამ კუთხ-

⁹ რაფიელ ერისთავი, ფოლკლორულ-ეთნოგრაფიული წერილები, გამოსაცემად მოამზადა, წინასიტყვაობა, შენიშვნები და კომენტარები დაურთო თემურ ჯაგოღანიშვილმა, თბ., 1986.

¹⁰ იქვე, გვ. 22.

¹¹ დიმიტრი ყიფიანი, რა ხალხია ქართველები? შეადგინა, რუსული სტატიები თარგმნა, შენიშვნები და ბოლოსიტყვა დაურთო თამაზ ჯოლოგუამ, თბ., 1995. გვ. 19.

ებიდან ამოზიდული ენობრივი ენერგია და მის საფუძველზე შექმნილი კულტურა არის ავტორის აზრით, საქართველოს, როგორც ქვეყნის არსებობის საფუძველი. ამიტომაცაა, რომ 1880 წელს გამოქვეყნებულ სტატიამ „ბატონ იანოვსკის ორგვარი შეცოდება“, ამხელს რა მის შოვინისტურ მსოფლმხედველობას, ქართული ენის ფლობას ბუნებრივ აუცილებლობად სახაგს არა მხოლოდ საქართველოს ტერიტორიაზე მცხოვრები ყველა ქართველისათვის, არამედ ქართულ სინამდვილეში წარმოდგენილ არაქართველთათვისაც.

დიმიტრი ყიფიანის შეხედულებით, ქართული ენის საფუძვლიანი ცოდნა შესაძლებლობას აძლევდა არა მხოლოდ სახელოვან ქართველებს: ალექსანდრე ჭავჭავაძეს, გრიგოლ ორბელიანს, დიმიტრი ორბელიანს, პეტრე ბაგრატიონს, ივანე აფხაზს, სავარსამიძეს, გიორგი ერისთავს, არამედ სხვა ერის შვილებს: მოსე არღუთაშვილს, ვასილ ბებუთოვს და თვით ჟანდარმერიის შეფს „მიხეილ ტარიელიჩ ლორის-მელიქოვს“¹² შეესრულებინათ მეზობელ ქვეყანათა შორის პოლიტიკური და ზოგჯერ კულტურათაშორისი შუამავლის ფუნქცია. დიმიტრი ყიფიანი ქართული ფენომენის მოვლა-დაცვის აუცილებლობას აღნიშნავს ასევე 1882 წელს გამოქვეყნებულ წერილში „გაზეთ კავკაზის“ ბატონ რედაქტორს“. თავის მსჯელობას ის საფუძველად უდებს უტყუარ ფაქტებს, რომლის მიხედვით ამტკიცებს, რომ „ამ ქვეყანას (საქართველოს — ი. ე.) აქვს თვალსაჩინო დამსახურება როგორც კაცობრიული ისტორიის, ისე მსოფლიო მართლმადიდებლური ეკლესიის წინაშე“.¹³ მოწამებრივ აღსასრულამდე ერთი წლით ადრე, 1886 წელს, ნარკვევში „რა ხალხია ქართველები“, დ. ყიფიანი საქართველოს დაუძინებელ მტრებად სახაგს: თურქებს, სპარსელებს, მონღოლებს და მათ რანგში ჩრდილო-კავკასიელ მთიელებს.¹⁴ დიმიტრი ყიფიანი ქართველ მწერალ-მოაზროვნეთა შორის ერთ-ერთი პირველთაგანია, რომელმაც საგანგებოდ გახაზა ქართველთა ისტორიული დამსახურება კულტურული კაცობრიობის წინაშე: „საქართველომ კაცობრიობის ამ მტარვალთა მრავალი დარტყმა მიიღო საკუთარ თავზე და ამით საფრთხე ააცილა დასავლეთის ცივილიზაციას, არაერთ ქრისტიან ხელისუფალს უღიარებია ქართველი ხალხის დამსახურება მსოფლიოს წინაშე, ხალხისა, რომელმაც თავგანწირული ბრძოლის ქარცეცხლში გამოატარა სხივმოსილი სიწმინდე სამოციქულო ეკლესიისა“.¹⁵

მართლმადიდებელი რუსული სამყაროს ღირსებათა წარმომჩენი დიმიტრი ყიფიანი შოვინისტური მსოფლმხედველობის პირველი კრიტიკოსთაგანია და როგორც ვიცით, მისი მსხვერპლიც. დიდი მამულიშვილი ღირსეულად აფასებს საქართველოს ტერიტორიული გაერთიანებისა და სიმშვიდის

¹² იქვე, გვ. 34.

¹³ იქვე, გვ. 42.

¹⁴ იქვე, გვ. 58.

¹⁵ იქვე, გვ. 58.

დამყარების საქმეში ერთმორწმუნე რუსეთის როლს, როცა წერს: „ბოლოს და ბოლოს საქართველომ რუსეთის მფარველობის ქვეშ მიაღწია იმას, რაც XIII საუკუნიდან არ ღირსება“. მაგრამ იმასაც გარკვევით მიუთითებს: „როგორია, როცა ვეება კასრით თაფლს მოგიძღვნიან, მადლობის სათქმელად გაღებულ პირში კი კუპრს ჩაგასხამენ“.¹⁶ ამას კი, მისი აზრით, სჩადიან „დასავლეთის გუბერნიებიდან პირდაპირ აქ მოხვედრილი აღმინისტრატორები, — იმათ პოლონელებში ვეშლებით“.

მას სჯერა, რომ „ჩვენ მეომარი ხალხი ვართ და მაშასადამე პატიოსანიც. ამასთანავე, ქართველები ახალგაზრდა ხალხი არაა და ვერც ვერავინ წამოგვაგებს ან კესხე“.¹⁷

ღიმიტრი ყიფიანის პუბლიკაციების გათვალისწინებით, ვრწმუნდებით, რომ იმ დროისათვის მრავალ საჭირობოროტო საკითხთან ერთად, კავკასიის ხალხთა ურთიერთმიმართების პრობლემებზე მსჯელობისას, მისი სახით, ახალი დროის საქართველოს ჰყავდა ვიწრო შოვინისტური ზრახვებისაგან თავისუფალი, დიპლომატიური მანევრირების ნიჭით დაჯილდოებული მოაზროვნე, რომელსაც გასიგრძელებული აქვს ქართული ფენომენის ღირებულება და შესაბამისი ადგილი საკაცობრიო კულტურაში. ამიტომაცაა, რომ რწმენის, ენისა და სამშობლოს სახე-ხატის მოვლა-შენახვა, „ურჩ რაინდად“ წოდებული ამ დიდი მამულიშვილის სამოღვაწეო საქმიანობის სასიცოცხლო პრინციპია. ამ მხრივ, ის ღირსეული მემკვიდრეა სოლომონ ლოდაშვილისა და წინამორბედი ილია ჭავჭავაძისა.

ქართულ სინამდვილეში პირველი მოაზროვნე, ვისაც ადრე უფრო განწყობილებათა და ცალკეულ შემთხვევებზე რეაგირების წრიდან ლოგიკურ-დისკურსიული ანალიზის დონეზე აჰყავს „კავკასიის ხალხთა“ ცნებაში მოაზრებული პრობლემების ღირებულება, მხოლოდ და მხოლოდ **ილია ჭავჭავაძეა**. თავისი შემოქმედებითი ცხოვრების აისიდან დაისამდე, არა მარტო მხატვრული სიტყვის სფეროში გაჟღერდა „ფიქრი მთელ კავკასიის ხალხის თავისუფლებაზე“, მასში შემავალ ერების თანაარსებობაზე, არამედ დიდი ქართველი მოაზროვნის „პუბლიცისტურ ფილოსოფიაში“ (შ. ნუცუბიძე) („ზოგიერთი რამ, „ერი და ისტორია“, „აი ისტორია“, „ქვათა დაღადი“, „ვის ნათესა ვმკით“, „შინაური მიმოხილვა“, „ქართული ხალხური მუსიკა“, „კატკოვის პასუხად“, „ბ. იანოვსკის წერილების გამო“, „დავით აღმაშენებელი“, „ასი წლის თავი ერეკლე მეფის გარდაცვალებიდან“, „ხალხის ჩვეულებათა შესწავლის შესახებ“, „მეცხრამეტე საუკუნე“ და სხვ.). ჩვეული სინთეზურ-ანალიტიკური განსჯით ნათელყოფილია „კავკასიის ხალხთა“ ურთიერთობის შუქ-ჩრდილოვანი მხარეები. ი. ჭავჭავაძის პოლემიკა ქართული ფენომენის უკუღმართად დამნახავ ავტორებთან (პატკანოვი, ივ. ჯაბადარი, ნ. მარი და სხვ.) გააზრებულია არა ნაციონალ-

¹⁶ იქვე, გვ. 59.

¹⁷ იქვე, გვ. 60.

ისტურ-შოვინისტური, არამედ ჭეშმარიტი მამულიშვილის, საღად მოაზროვნე ისტორიკოსისა და ფილოსოფოს-სოციოლოგის პოზიციიდან. ილია ის მოაზროვნეა, რომელსაც „ისტორიულ და არაისტორიულ ფაქტთა გასარჩევად აქვს თავისი ღირებულებათა სისტემა“¹⁸, რომელიც მას უკარნახებს არა მხოლოდ „კავკასიის მთიელებთან“, არამედ სომხებთან და რუსებთან ურთიერთობის ახსნა-გარჩევას და ანალიტიკური მიდგომის საფუძველზე არსებული კონფლიქტური ვითარების დარეგულირებას. ეს პრობლემა ქართულ სააზროვნო სფეროში მრავალგზის არის დახასიათების ობიექტად ქცეული.¹⁹ ამ საინტერესო თემის გარშემო მოწინავე ქართველობა აგრძელებს ფიქრს²⁰ და, ამდენად, მისი საგანგებოდ დახასიათების აუცილებლობაც ამჟამად არ დგას.

ფაქტი ერთია, რომ ილია ჭავჭავაძე თავის პუბლიცისტულ კამეო რელიეფურად წარმოაჩინს ქართველი ხალხის სოციალურ-პოლიტიკურ და კულტურული ცხოვრების დინამიკას, მის მიმართებებს როგორც შიდა ეროვნულ, ასევე გარე სამყაროსთან, რითაც შესანიშნავად ახერხებს, როგორც ქართული ცხოვრების „მაჯაშისა შემტყვევარი“ ექსპერტი, ჩვენი ხალხის „სოციალური ანატომიის“ (შ. ნუცუბიძე) ჩვენებას და მისი მიმართებების გარკვევას „კავკასიის ხალხის“ ეთნოფსიქოლოგიის კონტექსტში.

ქართველი ხალხის სულიერი ცხოვრების, მისი შინაგანი და გარეგანი სოციალ-პოლიტიკური სიმპათია-ანტიპათიების შესახებ ძალზე საინტერესო სურათს იძლევა „საქართველოს უგვირგვინო მეფედ“, „ქართული პოეზიის იაღბუნად“ წოდებული დიდი მგოსანი **აკაკი წერეთელიც**. აკაკიმ ყურადღების ცენტრში მოიქცია და დიდი მხატვრული და პუბლიცისტური ტალანტის წყალობით, მკითხველის ცნობიერებაში ობიექტივიზაცია მოახდინა ჩვენი ქვეყნის წარსულისა და აწმყოსი, — საქართველოს ყველა კუთხისა: ქართლი და კახეთი, იმერეთი, გურია და სამეგრელო, აჭარა და აფხაზეთი, რაჭა-ლეჩხუმი და სვანეთი, ფშავ-ხევსურეთი და შავშეთი, ჭანეთი და მესხეთი... მეზობელ მონათესავე ხალხთაგან მისი ინტერესის საგანია ყაბარდო.

აკაკის წარმოდგენაში ამ კუთხეთა თანაარსებობა საქართველოს ერთიანობას გულისხმობს. ეს აზრია გატარებული მის მრავალ ნაწარმოებში და მათ შორის სტატიაში „სამი ლექცია „ვეფხისტყაოსანზე“, სადაც პოეტი გარკვევით მიუთითებს: „ქართლი, კახეთი, იმერეთი, გურია,¹⁸ ერნესტ კასირერი, რა არის ადამიანი, ცდა ადამიანური კულტურის ფილოსოფიის აგებისა, გერმანულიდან თარგმნა ლამარა რამიშივილი, თბ., 1983. გვ. 304.

¹⁹ ივ. ჯავახიშვილი, ილია ჭავჭავაძე და საქართველოს ისტორია, თბ., 1938. ნ. ტაბიძე, ილია ჭავჭავაძის პუბლიცისტობა, თბ., 1988. რ. მეტრეველი, ისტორიზმი ქართველი მწერლების შემოქმედებაში, თბ., 2002 და სხვ.

²⁰ ილიას პუბლიცისტობის ამ ასპექტში გააზრებისათვის საინტერესოა ლ. მინაშვილის მიერ შედგენილი კრებული: „ილია ჭავჭავაძე. წერილები ლიტერატურაზე“, პუბლიცისტური წერილები, თბ., 1988.

სამეგრელო, აფხაზეთი, სვანეთი, ლეჩხუმი, რაჭა, ლაზისტანი, ფშავი, ხევსურეთი და სხვადასხვა... შეერთებული შეადგენენ ძლიერსა და ვრცელ საქართველოს“. რასაკვირველია, ყველა ეს კუთხე მგოსანმა პოეზიაშიც იმ ჩონგურის სიმებად დასახა, რომელსაც სრულიად საქართველო ჰქვია და სამარადჟამოდ უკვდავყო ყველა ქართველისათვის დაუვიწყარი სიტყვებით: „ჩონგური საქართველოა, სიმები ჩვენ ვართ ყველაო“. დღევანდელი ქართველისათვის, არა მხოლოდ მხატვრულ-ემოციური გამიზნულობა, არამედ ღრმა შემეცნებითი, ეროვნული იდეოლოგიის გამამყარებელი მნიშვნელობა აქვს აკაკის მიერ ერთიან საქართველოდ დანახულ და მისი ხედვის არეში მოაზრებულ ამ კუთხეებში შემავალ გეოგრაფიულ პუნქტებს, მთელ იმერ-ამერს, აფხაზებს, რომელთაც არა ზღვისპირელებს, არამედ „მთის შვილებს“ უწოდებს — ერთიანად კავკასიის მონათესავე ყაბარდოელებს, რომელთანაც ჩვენს „ქვეყანას“ აკავშირებს „რჯულზე უფრო უმტკიცესი“ („გამზრდელი“) ტრადიცია, ეთნოფსიქოლოგიური და კულტურული თავისებურებანი.

ამ ასპექტით ღრმად მოქალაქეობრივი ჟღერადობა აქვს როგორც საკუთრივ აკაკის უმდაფრეს პუბლიცისტიკას, ისე მაღალი ემოციებით გაჯერებულ, ღრმა პოლიტიკური პათოსით დამუხტულ პოეზიას და პროზას. გარკვეულ კონტექსტში განსაკუთრებით გამორჩეულია, არა მხოლოდ რუსეთის დიდი კულტურის დამფასებელი პოეტის, არამედ მის შოგინისტ შვილთა დაუნდობელი კრიტიკოსის, აკაკის სატირული მხატვრულ-პუბლიცისტური მემკვიდრეობა. თავისთავად მეზობელ სომეხთა წარსულის პატივისმცემელი აკაკი წერეთელი, როცა სომხური შოგინიზმის გააქტიურების მომსწრე ხდება, წერს და აქვეყნებს ღრმა მეცნიერული ერუდიციით და ამავე დროს მხატვრული ნიჭით გასხივოსნებულ უმდაფრეს ნარკვევს: „ისტორიული განხილვა სახელწოდებისა: არმენის, ჰაისტანის და სომხეთის“. ეს თხზულება ილია ჭავჭავაძის „ქვათა დაღადის“ და ვაჟას პოემა „ჰაოს და ქართლოსის“ (1899) გამოქვეყნებამდე ერთი წლით ადრე (1898 წ.) დაიბეჭდა, მაგრამ ისევ და ისევ მეზობელ შოგინისტ ხალხთა მეოხებით თავის დროზე თურმე ტირაჟის დიდი ნაწილი განადგურდა და ფართო საზოგადოებისათვის ბოლო დრომდე უცნობი იყო.²¹

აკაკი წერეთელი ყველა შემთხვევაში „ველიკორუსული ფსიქოლოგიის“ (დ. ოსიანიკო-კულიკოსკი) და მოძალბებული სომხური შოგინიზმის უმდაფრესი კრიტიკოსია, თორემ სხვა შემთხვევაში — მთელი ცხოვრების მანძილზე ღირსეულად დამფასებელი, როგორც მისი დროის დიდი რუსული კულტურის, ასევე ავბედითი ისტორიისაგან გაწამებული, ნახევრად-ტოლვილი, უძველესი წარსულის სომეხი ერის, მისი გამრჯე ხალხის და

²¹ იხ.: უცნობი აკაკი, წიგნი გამოსაცემად მოამზადეს იუზა ევგენიძემ და ნანა ფრუიძემ. შესავალი წერილი იუზა ევგენიძის, კომენტარები და შენიშვნები ნანა ფრუიძის, თსუ გამომცემლობა, 2001.

გამორჩენილი ადამიანების. ამიტომაც ყოველგვარი ქსენოფობიისაგან გათავისუფლებული, ჯერ კიდევ 1874 წელს, მიესალმება ქუთაისში მოსულ სომხებს. სხვა დროს კი, პოეტი სიყვარულით მიმართავს სომეხთა გამოჩენილ მწერალს გაბრიელ სუნდუკიანს, რითაც თანამედროვეებს ქართველთა და სომეხთა თანაარსებობის აუცილებლობას შეახსენებს.

ამჟამად საგულისხმოა, თავისთავად სხვა დროს აკად. ნიკო მარის ნიჭის ღირსეულად დამფასებლის, მაგრამ კონკრეტულ შემთხვევაში მის მიმართ მკაცრი ოპონენტის, აკაკის სტატია: „პროფესორ მარის საპასუხოდ“ (1898 წ.).

აკაკის დროსაც უჭირდა საქართველოს და უჭირს დღესაც, მაგრამ აკაკისა და მისი სხვა ღირსეულ შვილთა ძალისხმევით, ყოველ დროში, სიტყვით და საქმით, კვლავ ერთიანობის აზრით იმუხტებოდა, ცრემლნარევი, ტკივილიანი სიყვარულით დუღაბდებოდა დაშლა-რღვევის პირას მისული ყოველივე ეროვნული. ასეთ შემთხვევაში „კავკასიის მაღალ ქედზე მიჯაჭვული ამირანის“ და მასთან შერწყმული „ქრისტეს ტანჯვის“ გზით მავალი ქართველი, თავისი დიდი კულტურის ტარების უნარით, აკაკის მრწამსით ინარჩუნებს მზისქვეშეთში არსებობის უფლებას და მომავალშიც დაძლევეს ყველა გასაჭირს...

კავკასიის ხალხთა შორის ერთ-ერთი საინტერესო ეთნოსის — ლეკების შესახებ საგულისხმო დაკვირვებებია მოწოდებული ცნობილი ქართველი მწერლისა და მოღვაწის **ნიკო ლომოურის** (1852-1915) ნაწერებში. პუბლიცისტური ჟღერადობის მოთხრობაში „წინაპართა აჩრდილნი“, მწერალი მენტალურად მკვეთრ დიფერენცირებას ახდენს ქართველთა და ლეკთა შორის, როცა აღნიშნავს: „უძველეს დროიდან მოკიდებული ლეკები და ქართველები ერთმანეთის მეზობლად ცხოვრობდნენ. სამწუხაროდ, საქართველოსა და დაღესტანს შორის დიდი განსხვავება სუფევდა. ეს განსხვავება ბუნებისა, რაღა თქმა უნდა, თავის შესაფერ გავლენას მოახდენდა მცხოვრებლებზედაც. ბუნება მხოლოდ საძირკველსა ჰყრის ეროვნულის ხასიათისას: ამ ხასიათს ავითარებს, სხვადასხვა თვისებათა და მიდრეკილებათ ანიჭებს ისტორიული გარემოებანი“.²²

ნიკო ლომოური შესანიშნავად ახერხებს ლეკთა და ქართველთა ხარაქტეროლოგიური თვისებების წარმოჩენას. მისი თქმით „ლეკები არც ერთხელ არ გამოსულან ველურ, მამა-პაპურ მდგომარეობიდან“ (388), მით უფრო მას შემდეგ, რაც „მაჰმადიანობამ... მთელს დაღესტანში ამაყად ააფრიალა მწვანე დროშა ცოფმორეული ფანატიკოსობისა“ (389). ამ ფონზე მწერლის სიტყვით, „საქართველო სრულიად სხვაგვარ ქვეყანას წარმოადგენდა... ქრისტეს წინააღმდეგ ქართველებმა შექმნეს თავიანთი ეროვნული განათლება. ამ

²² ნიკო ლომოურის თხზულებათა ციტირებას ვახდენთ წიგნიდან: ქართული პროზა, წ. XIV, თბ., 1987. გვ. 388. სხვა შემთხვევაში გვერდებს ამავე წიგნიდან ვუთითებთ ტექსტშივე.

განათლებას ქრისტიანობამ წმინდა კაცთმოყვარული მაღლი მოჰფინა და... არასდროს ქართველებს არ გაუგდიათ ხელიდამ... ხმალი... წიგნი და ჯვარი ქრისტესი“ (388). ნიკო ლომოურის აზრით, „ქართველობას მთელს თავის სიცოცხლეში არ ჰყოლია ისეთი მოუსვენარი და შემაწუხებელი მტერი, როგორც იყვნენ... ლეკები“ (389). ლეკების მიმართ მსგავსი აზრი და განწყობილება გამოხატული მოთხრობაში „ქრისტიანი ლეკები“ (235-248).

ყველა შემთხვევაში ნიკო ლომოურის მსჯელობაში მეტ-ნაკლებად გამოძახილს პოულობდა ელიზე რეკლიუს აზრი ამა თუ იმ ხალხზე ბუნების გარემო-ლანდშაფტის გავლენის შესახებ.²³

ალექსანდრე ყაზბეგი, ლიტერატურის დიდ ექსპერტთა მიერ იმთავითვე აღიარებულია, როგორც „შევენება ქართული ლიტერატურისა“ (დავით კლდიაშვილი). ამიტომაცაა, რომ „უწმინდესი ხელოვნების ჭეშმარიტად უმაღლესი მხატვრობის“ (დავით კლდიაშვილი)²⁴ შემცველ მის ნაწარმოებებს ზოგადკაცობრიულ ღირებულებათა ასახვის კულტურით გადალახული აქვს ლოკალური და დროითი ჯებირები. მაგრამ ამ საკაცობრიო საფიქრალის უმაღლეს დონეზე გამოხატვის გარდა, ალ. ყაზბეგის, როგორც ქართველი მწერლის დამსახურება ისიცაა, რომ მან პირველმა ჩვენს სინამდვილეში ყურადღების არეში მოაქცია ხევი და მოხვევები, რითაც თვალნათლივ გაუცნობიერა მკითხველს ამ კუთხის ფსიქო-ეთნიკური და კულტურული ერთიანობა დედასაქართველოსთან. დიდმა მწერალმა ამ ფონზე შესანიშნავად წარმოაჩინა მოხვევების, როგორც ჭეშმარიტ ქართველთა მიმართების ხასიათი მეზობელ მთის ხალხებთან, იქნებოდა ეს ჩერქეზები, ჩეჩნები, ოსები, ლეკები, ქისტები თუ სხვ.

ალექსანდრე ყაზბეგს, როგორც მამულიშვილს და ხელოვანს კარგად ჰქონდა გაცნობიერებული მის მიერ მხატვრული, თუ ეთნოგრაფიული გამოსახვის ობიექტად კონკრეტული მასალის — ხევისა და მოხვევების შერჩევის ეფექტურობა და მისი ეროვნული მნიშვნელობა, როცა სტატი-აში „წერილი იონა მეუნარგაისადმი“ — გარკვევით აღნიშნავს: „ვნახე, რომ მთიელთა მხარეს საქართველოსას, თითქმის ქართველებადაც არ სთვლიდნენ და ვსცადე გამეცნო ეს ხალხი ქართველებისათვის. გამეცნობიერებინა მათი გულის მოძრაობა, რომელიც ძველთაგანვე სცემდა საერთო საქმისათვის, ძველთაგანვე გვერდს უდგა საქართველოს ყოველ გაჭირვებაში... ეს იყო ჩემი წადილი და ამას წარმოადგენდა მთელი რიგობა ელგუჯებისა, ელისოებისა, ბერდიებისა და სხვ.“ (გვ. 319). ამის ერთი მიზეზთაგანი კი ის გახლდათ, რომ მწერლის თქმით, „გაუცნობელნი ხალხ-²³ სხვა ასპექტით, მაგრამ ამავე რიგის თავისებურებათა შესახებ მსჯელობა იხილეთ წიგნში: მ. გოგიბერიძე, რჩეული ფილოსოფიური თხზულებანი, ტ. IV, თბ., 1978. გვ. 315-316.

²⁴ ვიმოწმებთ წიგნიდან: ილია გორგაძე, ნოდარ გურგენიძე, ალექსანდრე ყაზბეგი, ცხოვრებისა და შემოქმედების მატანიანე, თბ., 1998. გვ. 63. შდრ. კრებული: ცხოვრება ალექსანდრე ყაზბეგისა. მოგონებები შეკრიბა და გამოსაცემად მოამზადა ე. ავსაჯანიშვილმა, თბ., 1988. გვ. 437.

თან... პატრიცემულნი პირნი იმ დასკვნამდე მიიყვანა, რომ ხევი საოსეთოდ ჩათვალეს და მოხვევები ოსებად... ამასთანავე ილახებოდა ხალხის წესები მრავალთავის გაუგებარი, და ის წმინდა ჩვეულებანი, რომლის გაკიცხვაც კაცობრიობის შეურაცხყოფად ჩაითვლება“ (ა. ყაზბეგის ავტობიოგრაფიული ჩანაწერები, ფაქტები. გვ. 204).²⁵

ალ. ყაზბეგმა თანდათანობითა და პატრიცემით, დიდი სიყვარულით დახატა კავკასიის მთიელთა სახე-ხასიათები ისეთ ბრწყინვალე თხზულებებში, როგორცაა: „ელგუჯა“, „მამის მკვლეელი“, „ელისო“, „ელეონორა“, „ნამწვემსარის მოგონებანი“, „საქართველოს ბომონდი“ და სხვ. თავის „ავტობიოგრაფიულ ცნობებში“ იგი ქადაგებს „ჩერქეზების სიყვარულს როგორც ნათესავისა“. სხვა ვითარებაშიც შთამბეჭდავად უკვდავყოფს თავის ბრწყინვალე ქმნილებებში ამ ხალხის საუკეთესო თვისებებს... ა. ყაზბეგი პირველი მწერალია, რომელმაც ეთნიკური მსგავსებანი შენიშნა ჩეჩნთა და ქართველთა წეს-ჩვეულებებში, ტრადიციებსა და ადათებში. მან ჩვენში განმტკიცებული ტრადიციის ფონზე, დადებით კონტექსტში წარმოაჩინა დაღესტნის ისეთ შვილთა ხასიათები, რომელთაც „სისხლის ღვრა მეჯლისად“ მიაჩნიათ („ელეონორა“), მაგრამ ამავე დროს განახა, რომ სიყვარული წყვილთა შორის ის უულკანური ენერჯიაა, რომელიც არღვევს ეროვნულსა და სარმუნობრივ საზღვრებს და სამოყვროდ აამოძრავებს დაპირისპირებულ ხალხთა შვილებს... ამ კონტექსტში შედარებით მუქ ფერებშია ასახული ცალკეულ შემთხვევაში ოსები, როგორც განსხვავებული ეთნიკური მონაცემების ხალხი... მაგრამ დიდ ბელეტრისტს ყოველთვის ამკობს ტაქტი და ზომიერება, რომ აჩვენოს ადამიანებში ზნეობრივად არა მარტო უარყოფით ნაკადთა ჩასახვა-წარმოშობის მამოძრავებელი მოტივები, არამედ დასახოს მათი დაძლევის გზები. თავის დროზე ქართული ლიტერატურის ცნობილმა მკვლევარმა ალექსანდრე ხახანაშვილმა ა. ყაზბეგის გარდაცვალების გამო გამოქვეყნებულ სტატიას (გაზ. «Русские Ведомости», 1893) და შემდეგ თავის „ნარკვევებშიც“ შენიშნა ა. ყაზბეგის, როგორც ხალხთაშორისი ურთიერთობების სიყვარულის გამომხატველი მწერლის ჰუმანიტური მიდგომა კავკასიის ხალხთა: ჩეჩნთა, ინგუშთადმი, როგორც „აღსასვე უხვის გრძობით და გულის ზრახვათა“ და „ქართველი მოპასანის“ სახელითაც მონათლა ამ ქვეყნიდან ნაადრევად წასული მწერალი.

კავკასიის ხალხთა იერსახის სიღრმისეული შრეები, მათი ფსიქო-ეთნიკური თავისებურებანი მრავალფეროვნად წარმოაჩინა „ქართული ხელოვნების სულის განმასახიერებელმა გენიოსმა“ (არტურ ლაისტი) **ვაჟა-ფშაველამ**. თავის უკვდავ მხატვრულ შედეგებსა თუ პუბლიცისტიკასა და ეთნოგრაფიულ ნარკვევებში ბრწყინვალედაა ილუსტრირებული ფშავ-ხევ-

²⁵ იხ. კრებული: ცხოვრება ალექსანდრე ყაზბეგისა. მოგონებები შეკრიბა და გამოსაცემად მოამზადა ე. ავსაჯანიშვილმა: თბ., 1988. გვერდებს ვუთითებთ ძირითადად ტექსტში.

სურულ მასალაზე დაყრდნობით, როგორც ქართველთა ეთნომენტალური და კულტურული ფიზიონომია, ასევე ქართული ფენომენის დამოკიდებულების შინაარსი კავკასიის მონათესავე და განსხვავებული სულიერი პოტენციის ხალხებთან. თუკი ვინმემ იცოდა ჩვენში, ეს პირველ ყოვლისა დიდმა ვაჟამ უწყოდა, თუ რას წარმოადგენდა საქართველოსთვის დაღესტნის ხალხები, როცა ლექსში „ხატმა გვიბრძანა“ (1901) მიანიშნებს, თუ როგორ არის „ჩვენს დასარბევლად... ყალფს შემდგარი, როგორც აფთარი... დაღესტანი“, ასევე „ქურდ-კანტალა ქისტიც“. მაგრამ ამის მიუხედავად, რაინდული სულის პოეტი, სიკეთეს და სილამაზეს ეძებს ყველგან და მათ შორის კავკასიის ხალხებშიც.

ამ თვალსაზრისით, საინტერესო სურათია წარმოდგენილი ერთი მხრივ მის მხატვრულ შემოქმედებაში („ალუდა ქეთელაური“, „სტუმარ-მასპინძელი“, „სისხლის ძიება“, „ჰაოს და ქართლოს“, „პაპას მსოფლიო ფიქრები“, „დროშა“, „სოფლის სურათები“, „ვართანას“, „ბოქაული“ და სხვ.), ასევე, სტატიებში („ფშაველები“, „ხვესურები“ და სხვ.). ვაჟას მხატვრულ ქმნილებებში წარმოსახული პერსონაჟები (ალუდა, ზვიადური, ჯოფოლა, ქიჩირი, მინდია და სხვ.) რაინდული ხასიათის ახალ, მანამდე უცნობ სამყაროს აცნობენ „კულტურის კრიზისის“ ეპოქაში მცხოვრებ მკითხველებს. მათი მრწამსით, მხოლოდ ქრისტიანი ქართველი კი არა, არამედ მაჰმადიანი ქისტი, ჩერქეზი და ლეკიც შეიძლება იყოს რაინდი ანუ „კაი ყმა“, თუკი ისინი ადამიანური ღირსების, ზნეობრივი სიმტკიცის, პიროვნული ავტონომიურობისა და კაცთაშორის „ჰაერად ქცეული სიყვარულის“ მაგალითებს აძლევენ საზოგადოებას. ესაა სწორედ ახალი დროის, ჩვენი ეპოქისათვის ეგზომ პრობლემური „სულის რაინდობა“ (ნ. ბერდიაევი), რომელიც კაცობრიობის სულიერ-ზნეობრივი ღირებულებების გადასარჩენად სანუკვარ იდეალადაა დასახული მრავალი თანამედროვე მოაზროვნისა და მწერლის მიერ (ნ. ბერდიაევი, ხოსე ორტეგა ი გასეტი, პოლ ვალერი და სხვ.).

რაინდული სულის ძალუმად გამოხატვის მოთხოვნას უკავშირდება ვაჟას შემოქმედებისათვის დამახასიათებელი ის ნიშანი, რომელიც სხვადასხვა რელიგიასა და ეროვნებათა წარმომადგენელთაგან პატივისცემაში ვლინდება. აღნიშნული პოზიცია ერთგვარ უნისონშია ჯერ კიდევ ჰეგელის მიერ შენიშნულ, ჰუმანიტი ქრისტიანისათვის დამახასიათებელ ნათანბრძენისეულ ზნეობრივ კრედოსთან.²⁶ „ჩვენ ვიტყვით კაცნი ჩვენა ვართ, მართო ჩვენ გვრზდიან დედანი, ჩვენა ვსცხონდებით, ურჯულოთ, კუპრში მიელით ქშენანი, ამის თქმით ვწარამარაობთ“ — გულისათქმელს თამამად გამოხატავს მისი გმირი — ალუდა ქეთელაური. გენიოსი პოეტის თვალთ დასახული ჩერქეზთა მხარე „ქორ-შეგარდნების ბუდე“ ანუ

„ვაჟაკთა“ საცხოვრისია („სისხლისძიება“). მგოსანს უყვარს „ჩერქეზთა ქვეყანა წმინდა ჩერქეზის გულითა“, იმიტომაც, რომ ის „სულდგმულებს მამა-პაპათა რჯულითა“.

ყოველგვარი შოვინისტური თვალსაზრისისაგან განრიდებული ვაჟა, თავისი ხალხის შინაგან სულიერ ღირსებას წარმოაჩენს (გრ. კიკნაძე), ღირსებას, რომელსაც ახლა ტოლერანტობას უწოდებენ.

ქართველი ხალხის სულიერი ცხოვრების უღრმეს ფენათა გამომხატველი მგოსანი ამავე დროს ყოველივე ეროვნულის ფიზიკური გუშაგია, განსაკუთრებით მაშინ, როცა უსახურ კოსმოპოლიტურ და შოვინისტურ წარმონაქმნთა ნაცოდვილარს აწყდება.

კოსმოპოლიტიზმი, ახლა რომ გლობალიზაციას უწოდებენ, თუ უკიდურეს ფორმას მიიღებს, ეროვნულ ღირებულებათა ნივილირებას იწვევს, წარმოშობს ნიჰილიზმს ტრადიციისადმი, რაც პოეტის აზრით, დამღუპველია ჩვენი მომავლისათვის. ეს აზრი და განწყობა კარგადაა გადმოცემული 1897 წელს შექმნილ ლექსში „პროვინციის ქებათა-ქება“, სადაც კკითხულობთ:

*„ქართულს გაზეთებს ვიწუნებთ,
ქურნალებს ვიწერთ შორითა
ჩვენი სუყველა გაცუდდა,
ვაქონილია ქონითა;
საუცხოოა უცხოისი
შეკრული ვარდის კონითა.
ვინ ვაჟა, ვნახეთ ბოლო ჟამს,
მდინარეს ამა ფონითა“.*

შემდგომ ვაჟა-ფშაველა თავის ფილოსოფიურ პუბლიცისტიკაში კიდევ უფრო შთამბეჭდავ ძალმოსილებას მიანიჭებს აქ გაუღერებულ აზრს და ამ კონტექსტში, როგორც საკუთრივ ქართველი ერის, ასევე „კავკასიის ხალხის“ თანაარსებობის პრობლემასაც.

ამ გაუგებრობაში გარკვეული სიცხადე შეაქვს არა მხოლოდ ზოგადსაკაცობრიო ტკივილთა კონტექსტში მოაზრებულ ფილოსოფიური პუბლიცისტიკის შედეგს „კოსმოპოლიტიზმი და პატრიოტიზმი“, არამედ პოემასაც — „ჰაოს და ქართლოს“, სადაც თვით მის მიერ „ეროვნულ იდეოლოგიად“ აღიარებულ ილია ჭავჭავაძის „ქვათა დაღადში“ სომხური მაფიის წინააღმდეგ გამოტანილ განაჩენს, კიდევ ერთხელ მხატვრული სიტყვით უკვდავყოფს, რითაც ცხადყოფს, რომ მიუხედავად ათასწლოვანი კულტურულ-პოლიტიკური ურთიერთობისა და ამავე წიაღიდან მომდინარე „ძმობის“ ლეგენდის ლამაზი ტრადიციისა, იძულებულია ბოლოს და ბოლოს ამხილოს „ჰაოსის მოღალატობა, სიმრუდე მისი სულისა“. გაივლის დრო და ქართველი ხალხი მწარე ცხოვრებისეული სიბრძნის გაკვეთილად ჩათვლის ამ დიდი სულიერების მატარებელი გენიოსის დიაგნოზს.

²⁶ Гегель, Позитивность христианской религии, работы разных лет, т. 1. 1970, стр. 122.

ვაჟა-ფშაველა ქართული სულიერების გამომხატველი ის დიდი ხელოვანი იყო, რომელსაც „სალოცავ ხატად“ ჰქონდა ქცეული სამშობლო-ქვეყანა: „ღმერთო, სამშობლო მიცოცხლე!“ — აცხადებს მგოსანი. ამ იდეის რეალიზაციის პირობად მას ერთიანი საქართველოს არსებობა მიანდა. დიდი პოეტი ყველაზე უმწიფეს დროშიც კი, თავს იმით ინუგეშებდა, რომ მის „სიმღერას ყურს უგდებდნენ ქართლელ-კახელი, იმერ-აფხაზი“ („ნუგეში მგოსნისა“); ამიტომაც, არც ერთ „კილოს არ სწუნობს თუა ქართულის გვარისა“ და უსახურ კოსმოპოლიტიზებად სახავს იმ შავბნელ ძალებს, „ვინც საკუთარ ანბანს უდგენდა, სამეგრელოს და სვანეთსა“ („ვინ არის კაცი“, 1902). ერთიანი საქართველოს დიდი მესიტყვე სამარადღამოდ უკვდავყოფს მკითხველის წარმოდგენაში არა მხოლოდ ფშავ-ხევსურეთის, თუშეთის, ქართლ-კახეთის გარემოს და მის მკვიდრო, არამედ ქებათა-ქებას უძღვნის „ლიხს იქით“ ხილულ „ლამაზს მხარეს, სადაც ერთობით ცხოვრობს ხალხიცა, იმერ-მეგრელი, აფხაზი“ („ქებათა-ქება“, 1893). თავისი ლამაზი ხალხის სულიერი ძლიერების გამომხატველი გენიოსის წუხილს მხოლოდ ის იწვევს, თუ „რისთვის დაგვბადა უფალმა, ცოტანი ქვეყანაზე-და?!“ („ქებათა-ქება“, 1893).

„კავკასიის ხალხთან“ (ი. ჭავჭავაძე) ქართველთა დამოკიდებულების პრობლემას ყურადღებას აქცევს ქართველი მწერალი და პუბლიცისტი **ვენატე ნინოშვილი**. ამთავითვე აღსანიშნავი ისაა, რომ ეს მწერალი ამაყობს აფხაზურ-ჩერქეზული წარმომავლობით, როცა 90-იან წლებში ერთ მეგობარს სწერს: „კიდევ კარგი ჩემი აფხაზურ-გურული სისხლი თავის კალაპოტში დამაგრდაო“.²⁷ როგორც ჩანს, ე. ნინოშვილს ჰქონდა იმის ცნობიერება, რომ ინგოროყვათა საგვარეულო გურიაში აფხაზეთის გზით ჩერქეზეთიდან ჩამოსახლებულა.²⁸ განსაკუთრებით საყურადღებო ისაა, რომ ის აიგივებს აფხაზსა და ჩერქეზს და რაც საგულისხმოა, მას როგორც გურულთა მონათესავეს, ერთ სიბრტყეზე აქცევს.

კავკასიის მთიელებთან, კერძოდ, დაღესტნის ხალხთან მიმართების თვალსაზრისით, საინტერესო დაკვირვებებია მოწოდებული დაღესტანში მოგზაურობის შთაბეჭდილებებზე აგებულ სტატიაში: „წერილი დაღესტნიდან“ (1891 წ.). მწერალი აქ ავლენს კავკასიის ხალხთა ისტორიის ჩინებულ ცოდნას და აწმყოში შექმნილი სოციალურ-პოლიტიკური პროცესების შეფასება-ანალიზის გამორჩეულ უნარს, როცა აღნიშნავს: „დაღესტანი, ეს ჩვენი პატარა მეზობელი, ხშირად არის მოხსენებული ჩვენს მატია-ნეში. ხშირად იხრიდა თავს საქართველოს წინაშე, მაგრამ უფრო ხშირად

²⁷ ვენატე ნინოშვილი, წერილი ვარლამ ჭიჭინაძისადმი, თხზულებათა სრული კრებული, სიმონ ხუნდაძის რედაქციით, პუბლიცისტური წერილები, დოკუმენტური მასალები, თბ., 1935. გვ. 101.

²⁸ დაწვრილებით ამ პრობლემის შესახებ იხ. პ. ინგოროყვა, „ინგოროყო“ გვარეულობის ჩერქეზული შთამომავლობის შესახებ, ე. ნინოშვილი, თხზ. ტ. I, ტფ., 1935.

კი თავისი წუნკალა ბელადებით მოსვენებას არ აძლევდა საქართველოს... ვინ მოსთვლის, რამდენი მუშა ქართველი კაცი დაკლულა შეუბრალებელის ლეკის ბელადის ხელით, რამდენი ქართველი ქალი ტყვედ წაყვანილა ლეკეთში და გაუპატიურებულა... მართალია, ვაჟკაცობით განთქმული ქართველი გმირები ხშირად ატოვებინებდნენ საქართველოში ქურდულათ შემოპარული ლეკის ბელადებს სიცოცხლეს; თუ ლეკებს „ალი ფოლაღები“ ჰყავდათ, ჩვენ სამაგიეროდ „ოთია მესხები და ადამ ბებურიშვილები“ გყავდა. მაგრამ ამით საქმე არ კეთდებოდა; საქართველოს ორი-სამი მტერი მუდამ ადგა კარზე, რომელსაც უნდა გაჰკლაგებოდა. დაინახავდნენ ლეკები თუ არა საქართველო გაჭირვებულ მდგომარეობაშია, შემოესოდნენ ქურდულად და ანადგურებდნენ ჩვენს მამულს... ამ მიმდინარე საუკუნის შუაში, რუსეთისა და ქართველების ჯარმა შეიპყრეს გუნბის ლომი-შამილი და ამით მოუღეს ბოლო დაღესტნის თვითარსებობას... ნამდვილი წინასწარმეტყველება ძნელია, მაგრამ ის კი უნდა ვიფიქროთ, რომ ისეთი მხეცური სისხლის ღვრა როგორც ზევით ავლინებოდა, აღარ უნდა განმეორდეს დაღესტანსა და საქართველოს შორის“.²⁹

წარსულის მწარე, ავადმოსაგონარ დღეთა გახსენება ფზიხელი რეალიზმის გრძნობით საესე მწერალს იმისთვის სჭირდება, რომ ქართველ და დაღესტნელ ხალხთა ურთიერთობას მომავალში უკეთესი პერსპექტივა ჰქონდეს. მშვიდობიან ცხოვრებას, თუ დაღესტნელები ქართველებთან ერთად განავითარებენ ვაჭრობასა და მრეწველობას და თავს დაადწვევენ სომხის ბურჟუაზიას, მისი თქმით, შეიძლებოდა მათთვის კეთილმეზობლური თანაარსებობის ჟამი დაეყენებინა.

საგანგებოდ უნდა აღინიშნოს, რომ ეროვნული ცნობიერების გაღრმავების საქმეში, ქართული სულის გასაღონიერებლად, ფასდაუდებელია დიდი ქართველი პედაგოგის, მწერლისა და მამულიშვილის **იაკობ გოგებაშვილის** სახელმძღვანელოებში: „ბუნების კარსა“ (1868 წ.) და „დღეა ენაში“, საქართველოს ისტორიული გეოგრაფიისა და ეროვნული მენტალობის შესახებ მხატვრული ექსპრესიით მოწოდებული ყმაწვილთა გონებისათვის ესოდენ საჭირო ინფორმაციები. იაკობ გოგებაშვილმა ბრწყინვალედ შეძლო დაეხასიათებინა საქართველოს ყველა კუთხე და რეგიონი: ქართლი და კახეთი (ქიზიყი, გარე კახეთი და სხვ.), ახალციხის მხარე: ჯავახეთი, მესხეთი (აჭარა, ქობულეთი, შავშეთი, ლივანა, ერუშეთი, ჭანეთი), იმერეთი და რაჭა, სამეგრელო და გურია, სამურზაყანო, სვანეთი და აფხაზეთი... ბოლოს ოსეთი. მის მიერ დიდი ტაქტით არის მინიშნებანი იმაზე, რომ ენობრივად ქართლ-კახეთი, იმერეთი და გურია, რაჭა-მესხეთი, აჭარა-ჯავახეთი, შავშეთი თუ ერთ ფესვზე ამოზრდილი ტომებია, მათთან ერთად, მეგრელები და სამურზაყანო შეადგენდნენ ქართველთა შტოს, ენაც

²⁹ ე. ნინოშვილი, წერილი დაღესტნიდან, თხზ. ტ. III, ტფ., 1935. გვ. 35.

ღვიძლი ძმაა ქართულის ენისა, ქართულია, მაგრამ სვანეთი ქართველების ტომის უფრო შორეული შტოა. ამ ფონზე „აფხაზები ჩამომავლობით ქართველების მოდგმისა არ არიან... მაგრამ მაინც კავკასიის ყველა ხალხზედ უფრო ახლო არიან ქართველებთან“. „მთის ხალხია“, თუცა „მათ ყოველთვის მჭიდრო კავშირ-ურთიერთობა ჰქონიათ ქართველებთან და ამიტომაც განიხილებიან ერთიან ქართულ სივრცეში, როგორც ამ ქვეყნის კულტურულ-პოლიტიკური მშენებლობის მონატრებულნი და მისი წარმატებისა თუ ჭირ-ვარამის მოზიარენი“.

განსაკუთრებით შთამბეჭდავია იაკობ გოგებაშვილის მიმართება დაღესტნის ხალხებისა და კერძოდ ლეკებისადმი. ქართველთათვის უკვდავ მოთხრობაში „იანანამ რა ჰქმნა?“ დიდი მოძღვარი იმ იდეის ქადაგია, რომ „ძველის დროიდან დაღესტანსა და საქართველოს შორის ტკბილი განწყობილება სუფევდა. ყოველს საქართველოს მტერს დაღესტანი მტრობას უწევდა, ყოველს საქართველოს მეგობარს მოყვრულად ეპყრობოდა და არავის არ ახსოვდა, რომ ლეკები როდისმე საქართველოს დასცემოდნენ და ჩხუბი აეტყვნათ ქართველებისთვის. ლეკები მტრად გაუხდნენ ქართველებს შემდეგში, როდესაც მაჰმადიანობა მიიღეს და საქართველომ მართლმადიდებლის რუსეთისკენ გაიწია“.³⁰ ი. გოგებაშვილი XIX საუკუნის ქართველ მწერალ-მოდგაწეულთა შორის ის მოაზროვნეა, რომელიც გარკვეული პედაგოგიკური მიზანდასახულებით, ახალ დროში ავბედითი პოლიტიკური ქართველებისაგან ურთიერთგაუცხოებულნი, ეთნოკულტურული მონაცემებით, ტრადიციებითა და ისტორიული ხვედრით, ერთიან გეოპოლიტიკურსა და სულიერ ველში მოქცეულ ქართველთა და დაღესტნის ხალხთა შორის კულტურული მედიატორის ამპლუაში წარმოდგება, როცა ახალგაზრდობაში კავკასიის ამ ძირძველ მკვიდრთა ურთიერთსიყვარულის ცნობიერებას ამკვიდრებს. რაოდენ რთული სულიერი კლიმატი არ უნდა სუფევდეს, ი. გოგებაშვილის ხედვით, კავკასიის ხალხთა, კერძოდ ქართველთა და ლეკთა შორის მაინც მყარია და სიცოცხლისუნარიანი „დედობილ-მამობილის“, „აღზრდილ-აღმზრდელის“ (გვ. 23) ინსტიტუტის უმტკიცესი სულიერ-ფსიქიკური ერთობა. ამ ფენომენის შენახვაში კი გადამწყვეტ როლს ასრულებს კონკრეტულ შემთხვევაში სიმღერაში უკუფენილი კულტურის უღრმესი გენეტიკური კოდი, რომელიც მშობლიურ ფესვებს მოწყვეტილ ადამიანშიც აღვიძებს მიძინებულ ეროვნულ ნერვს და აბრუნებს მას თავის სივრცეში.

ღრმა ქრისტიანულ მცნებათა პათოსი უდევს საფუძვლად ამ მოთხრობის პერსონაჟთა ქცევას, როცა მწერალი ახალგაზრდობას ასე მოძღვრავს: „საუკეთესო წყარო ადამიანის ბედნიერებისა მოსიყვარულე გულია“ (გვ. 24).

³⁰ იაკობ გოგებაშვილი, „იანანამ რა ჰქმნა?“, ქართული პროზა, ტ. XIV, თბ., 1987. გვ. 9. სხვა შემთხვევაში მასალის ციტირებისას გვერდებს ვუთითებთ ტექსტშივე ამავე გამოცემის მიხედვით (ი. ე.).

ასეთია, ძირითადად, XIX საუკუნის ქართველ მწერალთა ნაწერების მიხედვით იმ არასრული მასალის ნუსხა, რომელშიც მეტ-ნაკლები დამარწმუნებლობით წარმოდგენილია ქართული გონის საუკეთესო ნაწილის მიმართება, როგორც საკუთრივ ქართული ტომებისა, ასევე მის კვალობაზე, საერთოდ, კავკასიის ხალხების გენეტიკისა და კომუნიკაბელურობის პრობლემისადმი.

რასაკვირველია, ჩვენ შორსა ვართ იმ აზრისაგან, რომ ქართველ მწერალთა ნაწერებსა და ცალკეულ გამონათქვამებში კონცეპტუალურ დონეზე, ლოგიკურ-დისკურსიული ანალიზის ფორმით იყოს ჩამოყალიბებული თვალსაზრისი — ქართველი ერისა და მისი მიმართების შესახებ კავკასიურ ტომებთან, მათ ენებსა და კულტურასთან. ეს უკვე მოგვიანებით, საგანგებო მეცნიერული დისკუსიის დონეზე იქნება განხილული, ღრმა აკადემიზმით შეჯავშნული ისეთ დიდ ქართველ და უცხოელ მეცნიერთა ნაშრომებში, როგორიცაა, ქართველთაგან: ნიკო მარი, ივანე ჯავახიშვილი, სიმონ ჯანაშია, არნოლდ ჩიქობავა, ქ. ლომთათიძე და სხვები. უცხოელთაგან: დეეტერსი, ბოუდა, დიუმენილი, ი. კარსტი, გ. კლიმოვი და სხვ. განსაკუთრებით აღსანიშნავია ამ სფეროში აკადემიკოს არნოლდ ჩიქობავას ღვაწლი,³¹ რომელიც არა მხოლოდ კავკასიაში, არამედ მსოფლიო სივრცეში კავკასიოლოგიის კვლევის მეცნიერული სკოლის ფუძემდებლად მოგვევლინა.

ქართველ მწერალთა ნაწერების მიხედვით, „კავკასიის ხალხებში“ სხვადასხვა რაკურსით მოიაზრებიან: საკუთრივ ქართველები, ე. ი. იბერები, კოლხები, სვანები, ლაზები, ასევე აფხაზები... სომხები, ოსები, ალბანელები, ჩერქეზები, საერთოდ, ადიღე-ყაბარდოელები; ქისტები, ლეკები, დაღესტნის მკვიდრნი. ამ მხრივ ისეთი მოცემულობები, როგორიცაა: აფხაზი, ჩერქეზი, ერთიანად ყაბარდოელი, ქისტები, ოსიცი კი, ქართველ მწერალთათვის თავიანთი ცნობრების წესით „რჯულზე უფრო უმტკიცესი“ (ა. წერეთელი) ტრადიციით განიხილებიან ერთიან კულტურულ-პოლიტიკურ სპექტრში და აღიქმებიან როგორც მონათესავე ხალხები, მაშინ როცა გარკვეული ფორმით კონფლიქტურ ველს ჰქმნის არა მხოლოდ მოკეთის ნიღბით მოსილი, ქართველ მწერალთა სატირის ობიექტად ქცეული მეზობელი სომხის ბურჟუაზია და მუსლიმანური ფანატიზმით დაბანგული დაღესტნის ზოგიერთი ტომი. მაგრამ მათ მიმართაც ქართველი მწერლები (გრ. ორბელიანი, ი. ჭავჭავაძე, ა. წერეთელი, ა. ყაზბეგი, ვაჟა-ფშაველა, ი. გოგებაშვილი, ე. ნინოშვილი) ქსენოფობიას კი არ ავლენენ, არამედ ახსნა-განმარტებით ანალიტიკურ მიდგომას ირჩევენ, რითაც მკაფიოდ წარმოაჩენენ უძველესი კულტურის მქონე ქართველი ხალხის მენტალობისათვის სპეციფიკურ ტოლერანტულ ბუნებას.


³¹ დაწერილებით ამ ავტორთა მეცნიერული ნააზრების და საკუთრივ პრობლემის ისტორიის შესახებ იხ. არნოლდ ჩიქობავა, „იბერიულ-კავკასიური ენათმეცნიერების შესავალი“, თბ., 1979.

ქართველი ხალხის სულიერი ცხოვრების უღრმეს ფენათა გამომხატველი ისეთი დიდი მწერლები, როგორცაა: აკაკი წერეთელი, ალექსანდრე ყაზბეგი, განსაკუთრებით, ვაჟა-ფშაველა, ახალი დროის ე. წ. „სულის კრიზისის“ ფაზაში მყოფი კაცობრიობის წინაშე ზნეობრივ ღირებულებათა გადასარჩენად მრავალი მოწინავე მოაზროვნის მიერ იდეალად დასახულ „სულის რაინდობის“ (ნ. ბერდიაევი) ამსახველ შედეგებს ჰქმნიან. ამ კონტექსტში გამორჩეულია და როგორც ითქვა, რაინდული სულის გამოსახვის მხრივ მანამდე უცნობ სიმაღლეს წარმოადგენს გენიალური ვაჟა-ფშაველას შემოქმედებისათვის სპეციფიკური ის ნიშანი, რომელიც მკითხველში სხვა ეროვნებისა და რელიგიური მრწამსის ღირსეულ წარმომადგენლებთანადმი პატივისცემას ნერგავს. როგორც ითქვა, ესაა, სწორედ ჯერ კიდევ ჰეგელის მიერ შენიშნული ჭეშმარიტი ქრისტიანისათვის ნიშანდობლივი „ნათანბრებისეული“ პრინციპის ამოქმედება ქართულ სივრცეში.

საგანგებოდ უნდა აღინიშნოს, რომ კავკასიის ხალხთა მიმართ ქართველ მწერალთა ნაგრძობ-ნააზრევი ერთგვარად უნისონშია „კავკასიური რასის“, როგორც პროგრესის დამამკვიდრებელი „მშენებელი რასის“ ჰეგელისეულ კონცეპტთან, რომელშიც შედის მონათესავე ხაისათისა და ტემპერამენტის გამომხატველი „იტალიური, ქართული და ჩერქეზული ფიზიონომიის“ (ჰეგელი) შტრიხები. ახლა, როცა „სულის კრიზისის“ ფაზაშია კაცობრიობა, შეიძლება უძველესი კულტურის პატარა ერს — ქართველ ხალხს, ოპტიმისტური განწყობა და პერსპექტივა შეუქმნას დიდი მოაზროვნის პროგნოზმა, რომ „კავკასიურ რასაშია აღწევს გონი აბსოლუტურ იგივეობას თავთან. ესაა მშენებელი რასა. პროგრესი მხოლოდ კავკასიური რასის გზითაა იწყება“.³²

ვფიქრობთ, ქართულ გარემოსთან კავკასიის სხვა მკვიდრთა ეთნომენტალური სამყაროს რეპრეზენტაციის სპეციფიკის ნათელსაყოფად მანამდე არსებული საინტერესო დაკვირვებების სათანადო თავმოყრა-ინტერპრეტაცია კიდევ უფრო დააჩქარებს მეზობელ ხალხებთან პოლიტიკური და კულტურათმორისი ურთიერთობების დარეგულირებას და ხელს შეუწყობს მის განვითარებას.

³² ჰეგელი, ფილოსოფიურ მეცნიერებათა ენციკლოპედია. გონის ფილოსოფია. თარგმანი გერმანულიდან ნ. ნათაძის, თბ., 1984. გვ. 61-63. ჰეგელის ამ დაკვირვების საინტერესო გააზრებანი მოცემულია წიგნში: ვ. გოგუაძე, ერი გულადი, პურადი... თსუ, 1977. გვ. 104.



ბონდო არველაძე

„АРМЯНЕ – В ПАСЛЕДНЫЙ ВАГОН“

«ჩვენ ბევრი გვქონია თუ ცოტა, შემოგიხიზნეთ, გიძმეთ და შინ მტრად ნუ გვეკიდებით».
ილია ჭავჭავაძე, „ქვათა ღაღადი“.

ამას წინათ ხელში ჩამივარდა საქართველოს მოქალაქის, ჯავახეთში მცხოვრები პედაგოგის, ისტორიის მეცნიერებათა კანდიდატის, არტიუმ სანოსიანის სტატიების კრებული „... Еще и белый геноцид“, 2006, რუსულ ენაზე. შინაარსს როცა გავეცანი, გულახდილად ვიტყვი, პასუხის ღირსადაც კი არ ჩავთვალე, მაგრამ, მერე და მერე, რომ ჩაუკვირდი, მიგზვდი, ვცდებოდი. ვცდებოდი, რადგან ფალსიფიკაცია და ცილისწამება საერთოდ და, მით უმეტეს, მეცნიერებაში სარეველა ბალახივით არის — თუ წაუყრე და დროზე არ მიხვდე, არ გამოკაფე და არ გაწმინდე ყანა — ჭირნახულს დააზარალებს, მწარე გემოს მისცემს. ამიტომ, გადაწყვიტე გამოვასახებოდი ამ ე. წ. ნაშრომის ავტორს. მაგრამ, არა აკადემიური რეცენზიით, ეს დიდი პატივი იქნება მისთვის, არამედ, საკმარისად ჩავთვალე, შთაბეჭდილებათა გაზიარება მკითხველისათვის. ეს შთაბეჭდილებანი ცოტა ფრაგმენტული გამოვა, მაგრამ, ცდას არ დავაკლებ, პირუთვნელად განვსაჯო სანოსიანის მიერ უკუღმართად დანახული ქართველი ხალხის ისტორია თუ აწმყო.

დავიწყეთ იმით, რომ სომეხი მეცნიერები და განსაკუთრებით მეცნიერებას მიტმანნილი სანოსიანი, რაღაც ნიშნისმოგებით ხმარობენ ხელოვნურ გეოგრაფიულ სახელს — „სომხეთის მთიანეთი“. ვიცი, არ შეისმენს სანოსიანი და მისი ძმანი, მაგრამ მკითხველი მინდა ჩავაყენო საქმის კურსში. ეს ყურით მოთრეული გეოგრაფიული სახელი პირველად კავკასიის ისტორიულ გეოგრაფიაში ნაკლებად ჩახედულმა გერმანელმა გეოლოგმა ვ. აბიხმა (1810-1896) იხმარა. სინამდვილეში ეს, ე.წ. „სომხეთის მთიანეთი“, იგივე სამხრეთის მთიანეთი, ანუ წინააზიის მთიანეთია. ამის შესახებ მართებულად აღნიშნავდა პროფ. ლ. მარუაშვილი: „უპრიანია ქროდოს არა

სომხეთის, არამედ ამიერკავკასიის ზეგანი“. ამ ტოპონიმის შეუსაბამობას გრძნობდა აკად. ბ. პიოტროვსკი, რომელიც წერდა: „ვანის სამეფოს ეკავა წინააზიის მაღლივი მასივი, ე.წ. „სომხეთის მთიანეთი“¹. ეს არაზუსტი გეოგრაფიული სახელი სიხარულით აიტაცეს სომეხმა სწავლულებმა, რადგან თუ მას მივიღებთ, მაშინ ტაო-კლარჯეთის უძველესი ქართული მიწა და იქ არსებული ქართული ხუროთმოძღვრების ძეგლები სომხეთის მიწაზე აღმოჩნდება. სამწუხაროდ, ასეც ასწავლიან სომხურ საშუალო სკოლებში.² კიდევ უფრო შორს წავიდა ზოგიერთი სომეხი მეცნიერი და ე.წ. სომხეთის მთიანეთი მსოფლიო ცივილიზაციის აკვნად გამოაცხადა.³

აი, რატომ ჩაებლაუჭნენ „სომხეთის მთიანეთს“ ასე თავგამოდებით სომეხი მეცნიერები. ეს მათ საშუალებას აძლევს, ხელის ერთი მოსმით ბანა, ოშკი, ხახული, პარხალი და სხვ. ქართული ძეგლები სომხურად გამოაცხადონ.

სანოსიანი, ეტყობა, „ცნობილი“ აივაზიანის „ღირსეული“ მოწაფეა. მკითხველს შევახსენებთ, ეს ის აივაზიანია, აკაკი წერეთელი სომეხ პოეტად რომ აქცია. მისი „სულიკო“, თურმე, ჯერ სომხურად ყოფილა დაწერილი, შემდეგ ქართველებს, ქართულად უთარგმნიათ და მიუთვისებიათ. „ვეფხისტყაოსნის“ ქართულობაზე ხომ ლაპარაკიც ზედმეტია, ის „სომხური პოემა“ ყოფილა და ა. შ. ერთი კი უნდა ითქვას, სანოსიანი ჯერჯერობით ლიტერატურობას არ ჩემულობს, მხოლოდ ისტორიკოსობას სჯერდება. თუ როგორი ისტორიკოსია, ნათლად ჩანს ამ ნაცოდვილარ კრებულში. მისი „ისტორიული“ ნარკვევი „Провинция Гугарк великой Армении и ее северные границы по карте Птолемея и „географии“ Страбона“ არის სომხეთის ისტორიული გეოგრაფიის ცოდნის პრეტენზიის მქონე დილეტანტის ნააზრევი, თუ შეიძლება ნააზრევი ეწოდოს ამ გალიმათიას...

სანოსიანი ე. წ. „დიდი სომხეთის“ ისტორიული საზღვრის „კვლევისას“ ერთ, ჰა, ჰა, ორ წყაროს იყენებს, რაც ყოვლად დაუშვებელია. ამისათვის საჭიროა სულ ცოტა რამდენიმე საისტორიო წყაროს შეჯერება, მის შესახებ სხვადასხვა ენაზე არსებული სამეცნიერო ლიტერატურის საფუძვლიანი შესწავლა-ანალიზი და შემდეგ დასკვნების გამოტანა.

ერთი კი უნდა აღინიშნოს — მ. ბროსე თავის დროზე მართლაც იყო კომპენტენტური მეცნიერი, მის შრომებს ქართველოლოგიასა და არმენოლოგიაში გვერდს ვერ აუვლის მკვლევარი, მაგრამ ისიც მხედველობაშია მისაღები, რომ მ. ბროსეს მოღვაწეობის დროს (XIX ს.) მრავალი საისტორიო წყარო გამოვლენილი არ იყო, არ არსებობდა მწყობრად ჩამოყალიბებული საქართველოს და სომხეთის ისტორია, არ იყო მეცნიერულად გამოკვლეული და დადგენილი ქართული და სომხური ისტორიული გეოგრაფია. ამიტომაც არაა გასაკვირი, რომ მ. ბროსე ზოგიერთ საკითხში,

¹ „ვანის სამეფო — ურარტუ“, 1959, გვ. 111, რუს. ენაზე.

² „სომეხი ხალხის ისტორია“, 1985, ერევანი, სომხ. ენაზე.

³ А. Арцрун, „Армянское нагорье и цивилизация“, 1999, მოსკოვი, რუსულ ენაზე.

მისდაუნებურად ცდებოდა და არასწორ დასკვნებს აკეთებდა. მაგრამ სანოსიანისთვის სწორედ ეს მცდარი და არასწორი დასკვნებია მნიშვნელოვანი და დიდი სიხარულითაც აუწყებს მკითხველს. 1858 წელს ფრანგულ ენაზე გამოცემულ „საქართველოს ისტორიაში“ ბროსე წერს: „თბილისი სომეხმა დააარსეს სომეხი მოქალაქეებისთვის“ (გვ. 88). ამ აზრს არავინ იზიარებს სანოსიანის, მისი მსგავსი ზოგიერთი „მეცნიერისა“ და პოლიტოლოგის გარდა. ბროსე იმასაც წერს: „გოგარენე (გუგარქ) — ქვემო ქართლი, ოდითგან ქართული პროვინცია იყო“⁴.

ამაზე რატომ დუმს სანოსიანი?.. ფრანგი მკვლევარი იგონებს: „კუმურდოს ტაძარზე ძველი ქართული წარწერები ვნახე და სომხის ტერტერამ — როგორ თუ ქართულიაო და ჯოხი დამიღერა დასარტყმელად“⁵.

სამწუხაროდ, სანოსიანები, კარაპეტიალები და ძმანნი მათნი, იმ უვიც ტერტერას არაფრით ჩამორჩებიან ქართველი ხალხის წარსულის მიტაცებაში.

გუგარქის სანოსიანისეული ეტიმოლოგია ფანტასტიკის სფეროს განეკუთვნება — „Гогай + арк люди жители долины“⁶. აქედან მისი ჭკუით გამოდის — „Гугарк“⁷. აკად. პრ. ჭარიანს კი იმოწმებს, მაგრამ მისი ლექსიკონი საქმეს ვერ შველის, ამგვარი განმარტება იმდენად შორს დგას რეალობიდან. თუმცა ეს არ ანადგვლებს, მან ხომ „დაამტკიცა“, მთავარი ესაა. მერე თავის „დამტკიცებულს“ თვითონვე დაიმოწმებს და ქვეყანას მოსდებს ამ „აღმოჩენას“ თუ „მიგნებას“.

რას იზამ, რომ იტყვიან, ქალაღი ყველაფერს იტანს!

რაც შეეხება ე. წ. „დიდი სომხეთს“, მის შესახებ შეიძლება ითქვას შემდეგი: „დიდი სომხეთის“ პირველი მეზობტე და ზღაპრულად განმადიდებელი იყო სომეხი ისტორიკოსი მოვსეს ხორენაცი (დღემდე ერთმნიშვნელოვნად დადგენილი არ არის, მოვსეს ხორენაცი რომელი საუკუნის ისტორიკოსია — V, VII თუ VIII სს.). რეალურად მოვსეს ხორენაციის „სომეხთა ისტორია“ ადრე შუა საუკუნეების სომხური კოსმოგრატიზმის კლასიკური ნიმუშია. „სომეხთა ჰეროდოტემ“ (იგულისხმება მოვსეს ხორენაცი) ირანის ისტორია მოხერხებულად მოარგო მშობლიური ქვეყნის წარსულს და აქემენიდების, სასანიდების გამარჯვებები ჰაიკიდებსა და არშაკუნიანებს მიაწერა. თხრობაც ირანულ სამყაროში გავრცელებული პოლიტიკური თეორიების მიხედვით გააწყო და შექმნა მწყობრი კონცეფცია, რომლითაც აზიური სამყაროს ფრიად მნიშვნელოვან ნაწილზე სამყაროს მბრძანებელი პაოსიანების უფლებების დასაბუთებას შეეცადა... რომაელთა შემოსვლამ მახლობელ ადმოსავლეთში კოსმოგრატი „მეფეთ-მეფის“ ტიგრან II-ის სამეფოს არსებობას ძალიან მალე დაუსვა წერტილი. უარი თქვეს „მეფეთ-მეფის“ ხმაურიან ტიტულზე არტაშესიდებმაც, ტერიტორიებიც დაკარგეს

⁴ იქვე, გვ. 74.

⁵ გაზ. „ლიტერატურული საქართველო“, 2007, №10.

და გაელენაც, პოზიციები კავკასიაში დათმეს, „სადაც მათ ახალი მოწინააღმდეგეები გამოუჩნდნენ იბერთა „მეფეთ-მეფეების“ სახით“.⁶

ეს ასეა, მაგრამ სანოსიანს და არა მარტო მას ამის გაგონებაც არ უნდათ. მათ შელახულ ეროვნულ თავმოყვარეობას მაღამოსავით ედება საპაერო ბუშტივით გაბერილი „დიდი სომხეთი“. რომელიც ისე დაიფუშა, რომ XVIII ს-ში ერევნის სახანოდ იქცა და ერეკლე II-ის ვასალი იყო. თვითონ ერევანი ამ დროს მაჰმადიანურ ქალაქს წარმოადგენდა, რადგან მოსახლეობის 90 პროცენტზე მეტი მაჰმადიანი იყო და მას ხანი განაგებდა. ზედმეტი არ იქნება მოვიტანოთ XVII ს-ის სომეხი ისტორიკოსების ზაქარია ქანაქერცის და ზაქარია აგულეცის ცნობები ერევნის ორი ხანის შესახებ. ისინი კი გვაუწყებენ: „ერევნის მმართველი ხანებიდან ყველაზე სამართლიანი და სომეხი მოსახლეობის მიმართ კეთილგანწყობილი ყოფილან გამაჰმადიანებული ქართველი ხანები — ხოსროვი და ზაალი. მათ მრავალ სიკეთესთან ერთად 1679 წლის 4 ივნისის მიწისძვრის შედეგად დანგრეული სომხური ეკლესია-მონასტრებიც აღუდგენიათ“.⁷

ახლა გავეცნოთ სანოსიანის მიერ ჯავახეთის ტოპონიმთა ეტიმოლოგიურ ძიებათა ზოგიერთ „მარგალიტს“. იგი არ იზიარებს ჯავახეთის შესახებ არსებულ არცერთ ეტიმოლოგიას და, რბილად რომ ვთქვათ, გვაწვდის თავის ტენდენციურ „ძიებას“ — „Джав + агк-к = Джавахк, т. е. родина народа племен джавав“. ეს ფანტასტიკური „Джавав“ სანოსიანს სომხურ ეთნიკურ ერთეულად მიაჩნია. იმას კი აღარ ამბობს, ასეთი ეთნიკური სომხური ერთეული დადასტურებულია თუ არა სომხურ ან უცხოურ საისტორიო წყაროებში. ეს მას არ აღარდებს, მთავარია, ხომ თქვა, ხომ გამოიგონა ასეთი სომხური ერთეული ჯავახეთისთვის. მას „გენიალური აღმოჩენა“ სჭირდებოდა წინაპირობად იმისა, რომ შემდეგ განეცხადებინა — ჯავახეთში სომხები უხსოვარი დროიდან იყვნენო. მთლად არ გაწირა ქართველები, გაიღო მოწყალეობა და ამ მხარეში მათი არსებობაც აღიარა. თუცა, სასწრაფოდ „დაამტკიცა“, სომხები მუდამ მეტნი იყვნენ ქართველებზეო.

როცა 1830-იან წლებში თურქეთიდან სომხების ჯავახეთში შემოსახლების ფაქტს ეხება, სანოსიანი სიამაყით წერს — შემოსახლებული სომხები 20-ჯერ მეტი იყვნენ ქართველებზე და 3-ჯერ მეტი მაჰმადიანებზეო. აქ მისი ჭკუით, იგი ეშმაკობს, რადგან თურქეთიდან სომეხთა ჯავახეთში შემოსახლებამდე სომეხთა რაოდენობაზე დუმს, რადგან მშვენიერად მოეხსენება, რომ „1830 წლამდე ჯავახეთში მოსახლეობის 95 პროცენტი იყვნენ ქართველები — ზოგი მართლმადიდებელი ქრისტიანი,

⁶ გ. ჭვიშვილი, „საზღვრები, საზღვრების გარეშე“, კრებ. „სამეცნიერო პარადიგმები“, თბ. 2009, გვ. 282-283.

⁷ ზ. ქანაქერცი, „ქრონიკა“, 1870, ვაღარშაპატი, სომხ. ენაზე. ზ. აგულცი, „დღიურები“, ქართ. გამოც. 1979, თბ.

ზოგი კათოლიკე, ზოგიც — მაჰმადიანი, მაგრამ ქართველი-იერლი. ხუთიოდე პროცენტი იყო თარაქამა, ქურთი, ებრაელი და სომეხი“.⁸

სანოსიანის „იდეა-ფიქსია“ ჯავახეთი. იგი ჯავახეთში შემოსახლებულ სომეხთა ნაშიერია, მაგრამ ეს არ აძლევს საფუძველს, ჯავახეთი ისტორიული სომხეთის ტერიტორიად გამოაცხადოს, ჯავახეთის ტოპონიმია გააყალბოს და მისი ისტორიის ფალსიფიკაცია მოახდინოს. თურმე, ჯავახეთის სომხური ფორმა — ჯავახ-ქ, პირველადი ყოფილა, შემდეგ სომხური გეოგრაფიული სახელის მწარმოებელი — ქ, ქართველებს — ეთ-სუფიქსით შეუცვლიათ და ასე ქცეულა სომხური ჯავახ-ქ, ქართულ ჯავახ-ეთ-ად. რა ისტორიულმა პროცესმა გამოიწვია ეს ტოპონიმური ტრანსფორმაცია, რომელ საუკუნეში და რომელ საისტორიო წყაროშია დადასტურებული ეს ცვლილება, მას არ აინტერესებს, ხომ თქვა: ჯავახქ პირველადი ფორმაა და ჯავახეთი მეორადიო, — ეს არის მისთვის თავიდათავი, რაღა საჭიროა საისტორიო წყაროს დამოწმება? ამ სტატიით შექმნილი შთაბეჭდილება ისეთივეა, როგორც მის „ნაშრომთა“ უმეტესობისა. სანოსიანისთვის მისაღებია იეზუიტური შეგონება — „მიზანი ამართლებს საშუალებას“. ამიტომაც უარს არ ამბობს არაფერზე, რათა ჯავახეთის მიწის „სომხურობა“ „დაამტკიცოს“.

ჯავახეთს ეძღვნება მისი მეორე სტატია — „Армяне Джавахк“. სამეცნიერო ლიტერატურაში ცნობილია, რომ ჯავახეთი მათიანეში პირველად მოხსენიებულია ურარტუს მეფის არგიშტ I-ის წარწერებში (VIII ს. ძვ.წ.ად-ით). ეს წარწერა ამოკვეთილია ვანის ხორხორის კლდეზე მასში, დაპყრობილ ქვეყნებს შორის მოიხსენიება ქართული ჯავახეთი — ზაბახას ფორმით. რადგან სანოსიანს ეს ხელს არ აძლევს, სომხურ ტოპონიმად აცხადებს... და თანაც წყაროს შეგნებულად გარკვეული კორექტივით იმოწმებს: ურარტუს — არარატს უწოდებს, რითაც ურარტუს მემკვიდრედ სომხეთი გამოჰყავს, ხოლო არგიშტ I — სომხეთის მეფედ. მას კი სამეფოს საზღვრები მთებამდე გადაუწევა. აქ უპრიანია მოვუსმინოთ ცნობილ ურარტოლოგს აკად. ბ. პიოტროვსკის: „Но было бы совершенно неверно отождествлять армянов с урартами или же считать их прямым потомком Урартов“.⁹

სომხების, როგორც ურარტუს უშუალო მემკვიდრეთა შესახებ ლაპარაკი ზედმეტია, რადგან ურარტუს სამეფო ჩვ.წ.ად-მდე VI ს-ში დაიშალა. ამ დროს გამოჩნდნენ ურარტუს ტერიტორიაზე სომეხთა წინაპრები და შეერივნენ ადგილობრივ ურარტულ მოსახლეობას. ამდენად, სომეხ მეცნიერებს არ აქვთ საფუძველი, უშუალო ეთნო-მემკვიდრეებად გამოაცხადონ სომხები, ხოლო ურარტუს მეფეზე ხომ ლაპარაკიც არ შეიძლება.

⁸ „ივანე ჯავახიშვილის არქივიდან“, ვაზ. „ლიტერატურული საქართველო“, 1988, №43.

⁹ „История и культура Урартов“, 1944.

ამას არ დაგიდევს სანოსიანი და ურარტუს მეფე არგიშტ I-ს სომხეთის მეფედ აცხადებს.

ძნელია და უხერხულიც, „დიდი სომხეთის“ სენით დაავადებულ სანოსიანს სერიოზული კამათი გაუძარტო, მაგრამ, რიგ შემთხვევაში, იძულებული ვარ, კომენტარი მაინც გაუკეთო. სომხური ელემენტის ადრიდანვე ჯავახეთში არსებობის შესახებ სანოსიანი აკად. ლეოს (ბაბახანიანი) იმოწმებს, რომელსაც IV ს-ის დასაწყისში აქ სომხების არსებობა ფაქტად მიაჩნია. ამ აზრის დასამტკიცებლად აკად. ლეოს „ქართლის ცხოვრებიდან“ ის ადგილი მოაქვს, სადაც მოთხრობილია, რომ, როცა წმ. ნინო შემოვიდა ჯავახეთში, ფარავნის ტბის ნაპირას ქართველ მწყემსებს შეხვდა, რომელნიც ქართლის დედაქალაქიდან — მცხეთიდან იყვნენ. წმ. ნინომ, რომელსაც სცოდნია საყველპურო სომხური, ქართველ მწყემსებს შორის ერთი „სომხურად მზრახველნი ნახა და მას „მცხეთის გზა“ ჰკითხა. ტექსტიდან აშკარად ჩანს, მწყემსებს შორის ერთი ლაპარაკობდა სომხურად და არა ყველა, როგორც აკად. ლეოს ჰგონია. მისი მიხედვით, სანოსიანი ასკვნის, ქართველმა მწყემსებმა ადგილობრივი სომხებისაგან ისწავლეს ეს ენაო. ნაჩქარევი და ზერელე დასკვნაა, რისი გამოტანის საფუძველს არამცდარად არ იძლევა „ქართლის ცხოვრება“. ერთი სიტყვით, ამ ცნობის შინაარსი ვერ, ან არ გაიგეს სომეხმა მეცნიერებმა და შესაბამისად დასკვნაც მცდარი გამოიტანეს. მასში ლაპარაკია სომხურის მცოდნე ერთ ქართველ მწყემსზე და არა ყველაზე. არაფრით არ მტკიცდება, რომ ამ ერთმა მწყემსმა მაინცდამაინც ჯავახეთში ისწავლა სომხური და არა მცხეთაში, ან მის შემოგარენში, სადაც ცხოვრობდნენ ებრაელებიც, სპარსელებიც, არაბებიც და ალბათ, მათ შორის სომხებიც. აქვე ისიც უნდა აღინიშნოს, რომ, გზის სწავლება სხვა ენაზე, ამ ენის ცოდნას სულაც არ ნიშნავს. დიახ, საკითხაია, ამ ერთმა ქართველმა მწყემსმა რა დონეზე იცოდა სომხური, ხოლო რაც დანარჩენს შეეხება, ისინი ბაიბურშიც არ იყვნენ. საინტერესოა, „ჯავახეთის ადგილობრივი სომხებისგან“ ორი ღერი სომხური სიტყვა როგორ ვერ ისწავლეს?

არც ისაა გამორიცხული, რომ წმ. ნინოს მიერ სომხურის ცოდნა და სომხურის მცოდნე ქართველი მწყემსიც ტექსტში შემდეგში იყოს შეტანილი, რადგან ეს ადგილი ასე არ იკითხება ჰაგიოგრაფიულ ძეგლში „მოქცევა ქართლისა“. მასში არც ნინოსა და არც მწყემსის მიერ სომხურის ცოდნაზე არაფერია ნათქვამი.

სანოსიანი ქართველ მეცნიერებს და მთავრობას ბრალს სდებს, XX ს-ის 20-30-იან წლებში გუგარგის (გოგარენე) მთელი ტოპონიმია გააქართულესო. სინამდვილეში, კი არ გააქართულეს, არამედ ძველი, მივიწყებული ქართული ტოპონიმები აღადგინეს და ისიც არა ყველა.

რაც შეეხება ჯავახეთის სოფელ სათხეს და არა სათხას, როგორც ჯა-

ვახეთს შემოხიზნული (XIX ს.) სომხები უწოდებენ, წმინდა ქართული ტოპონიმია, კერძოდ, ამოსავალი არის — თხა. ამდენად, „სოფელი სათხის სახელი გამჭვირვალეა, იგი მიეკუთვნება ქართულ გეოგრაფიულ სახელთა რიგს, დარქმეულია ქართველთა მიერ, რასაც ამ სოფლის ტაძრის ეპიგრაფიკა უეჭველს ხდის“.¹⁰

თავხედობის და უვიცობის ერთ-ერთი ნიმუშია სანოსიანის მიერ ქართული ტოპონიმის „აწყურის უეჭველ სომხურ ტოპონიმად გამოცხადება. ეს სახელი მან ასე დაშალა — აწყურ. აწყ — არის სომხური ზმნის (აწყელ) ფუძეო. აკად. ჰრ. აჭარიანის სომხური ეტიმოლოგიური ლექსიკონის მიხედვით, ამ ზმნის მესხეთე მნიშვნელობა შენებაა. ე. ი. ასკვნის სანოსიანი, აწყურ ფაქტობრივად ნიშნავს — „ამენებულია მტკვრის ახლოს“. ასეთ ეტიმოლოგიურ ნაცოდვილარზე დაფუძნებული ზოგადი განცხადებიდან, რადაც კონკრეტული დასკვნის გამოტანა მუცლითმეზღაპრობაა და არა მეცნიერება. ეს „ძიება“ მიმართულია იქითკენ, რომ, რადაც არ უნდა დაუჯდეს, „დაამტკიცოს“, თითქოს ჯავახეთის და მესხეთის „ტოპონიმთა უძრავლესობა“ სომხურია. სიტყვას აღარ გაუგარძელებ, ვინაიდან ამ ტოპონიმის, აწყურის წმინდა ქართულობა ეჭვმიუტანლად დაამტკიცა პროფ. მ. ბერიძემ.¹¹

სანოსიანს წყაროებში ნახსენები სოკურეთი ერევა აწყურში და მას აწყურის გაქართულებულ ფორმას უწოდებს. ჩვენ კი ვფიქრობთ, საკურეთი (სოკურეთი) სოფელ საყუნეთის დამახინჯებული ფორმა უნდა იყოს. მას აღნიშნული „ეტიმოლოგიური ძიებანი“ სჭირდება იმისათვის, რომ თქვას: „И город, и крепость Ацкур всегда были заселены армянами. В дальнейшем здесь обосновались также евреи, грузины и турки“. სანოსიანი ამოდ გაისარჯა, რადგან ვერც უძველესი ქართული ტოპონიმის — აწყურის სომხურობა დაამტკიცა და ვერც ვერანაირი არგუმენტი მოიტანა აწყურში სომხეთა ოდითგანვე დამკვიდრების სასარგებლოდ. იგრძნო რა თვითონაც, რომ სურვილი სურვილად დარჩა, აკად. სერგი ჯიქიას შეუტია: „გურჯისტანის ვილაიეთის დიდ დავთარში“ მოხსენიებული სომხური სახელები თარგმანში ქართულით შეცვალაო. ამ მეცნიერული „არაკეთილსინდისიერების სამხილებლად და გამოსაშკარავებლად სანოსიანი მოუწოდებს სწავლულ თურქოლოგებს ერევიდან, ეს დავთარი თურქულიდან სომხურ ენაზე თარგმნონ, „что изволит утачить армянские названия сотных армянских сел и тысячи армянских имен“.

როგორც ჩანს, სანოსიანს „გურჯისტანის ვილაიეთის დიდი დავთრის“ აკად. ს. ჯიქიას ქართული თარგმანი და მაღალ მეცნიერულ დონეზე შესრულებული კომენტარები არ წაუკითხავს და ისე, ზეპირად, ჰაიპარად წერს. მას ეს წიგნი რომ გადაეშალა, ნახავდა, თითოეული ტოპონიმის ქა-

¹⁰ მ. ბერიძე, „ტაძრები და სახელები“, თბ. 2010, გვ. 56. ამ ტოპონიმის სხვაგვარად ახსნა დროისა და ქალაქის ფუჭად ხარჯვა და მეტი არაფერი.

¹¹ იხ. „აწყურის ეტიმოლოგიისათვის“, „ტაძრები და სახელები“, 2010, გვ. 31.

როულ თარგმანს მისი შესატყვისი თურქული ტერმინიც ახლავს, რა თქმა უნდა, არაბული ანბანით, რომელსაც XVI ს-ში ხმარობდნენ თურქეთში. ასე რომ, სანოსიანს იქვე, ადგილზევე, შეეძლო შეემოწმებინა ამა თუ იმ ტოპონიმის თარგმანის სანდოობა. იგი აკად. ს. ჯიქიას „მანიპულაციაში“ სდებს ბრალს, მაგრამ გაყალბების ერთი ფაქტიც კი ვერ მოაქვს, ვერც მოიტანს, რადგან ქართველი თურქოლოგის მაღალი აკადემიური დონე და უაღრესი პატიოსნება საყოველთაოდაა ცნობილი, განსხვავებით სანოსიანისაგან, რომელიც აღნიშნულ დირსებებს მოკლებულია.

სანოსიანი „გურჯისტანის ვილაიეთის დიდ დაეთარში“ სოფელ ხიზაბავრაში აღწერს მცხოვრებთა სახელებს ჩამოთვლის და ქართულ სახელს „რევაზნ“ სომხურ სახელად ასაღებს. ძირძველი ქართული გვარი ხუციშვილი, მისი ჭკუით, სომხურად აქცია. დაიწყო იმით, რომ ამ გვარის ფუძე ხუცი არის ქართული და აქედანაა ხუცი, რაც ნიშნავს სასულიერო პირს: მღვდელს. აქედან მოდის ქართული გვარი ხუციშვილი. ეს სიტყვა სასულიერო პირის მნიშვნელობით მხოლოდ ქართულში გვხვდება. თუ ამ გვარის ზოგიერთმა წარმომადგენელმა კათოლიკობა მიიღო და სომეხი კათოლიკეების ხრიკებით სომხურ რიტზე მიიქცა, ეს მათ არაქართულ წარმომავლობას სულაც არ ნიშნავს. ბარემ აქვე ვიტყვი, ქართველი კათოლიკეების არსებობა ფაქტია და მასში მხოლოდ ზოგიერთმა სომეხმა „სწავლულმა“ შეიტანა ეჭვი, რომელთაც მართლაც საკადრისი პასუხი გასცა ქართველმა მეცნიერმა მიხეილ თამარაშვილმა წიგნში „პასუხათ სომეხ მწერლებს, რომელნიც უარყოფენ ქართულ კათოლიკობას“ (1904; მეორე გამოცემა ეკუთვნის ბონდო არველაძეს, 2010).¹²

სანოსიანი, აგრეთვე, ჯავახეთის სოფლების ხიზაბავრის, ვარგაის, ბნელის, უდის, ივლიტის, ვალის, სკრის, სანავარდოს, გორის, თბილისის და ქუთაისის ქართველ კათოლიკეებს ერთი ხელის მოსმით სომეხად აცხადებს. ეს კაცი ამჯერადაც საკითხს მრუდე სარკეში, უფრო სწორად, პირუკუ წარმოადგენს და საქმეში ნაკლებად ჩახედული მკითხველის მოტყუებას ცდილობს. სინამდვილეში, საქმე ისაა, რომ რუსეთის ცარიზმმა სომეხი კათოლიკეების მაღალი სასულიერო პირების ხელშეწყობით „სამცხე-ჯავახეთის ქართველ კათოლიკეთა ქართველობა უარყო და ისინი ქართულ ენაზე მოლაპარაკე სომეხად გამოაცხადა. 1886 წლის 26 თებერვლის დადგენილებით, აიკრძალა ქართველ კათოლიკეთა ეკლესიაში მშობლიურ ენაზე წირვა-ლოცვა და ძალდატანებით სომხურით შეიცვალა“.¹³

ამ ვერაგული დადგენილებით ქართველი კათოლიკეები სომეხად

¹² ამ საკითხით დაინტერესებულ მკითხველს, გარდა აღნიშნული წიგნისა, შეუძლია გაეცნოს არმენოლოგ ბონდო არველაძის ნაშრომს „კვლავ ქართველი კათოლიკეების შესახებ“, „როცა უდავო სადაო ხდება“, 2006, გვ. 159-168; თინა ფელაშვილის ნაშრომს „კათოლიკობა საქართველოში“ (2009) და სხვ.

¹³ დ. კოფორიძე, „განათლება და კულტურა სამცხე-ჯავახეთში“, 1996, გვ. 25-26.

ჩაწერეს და სომეხმა კათოლიკე ტერტერებმა მიზანს მიაღწიეს. 1886 წელს სოფელ ხიზაბავრაში 1363 ქართველი ცხოვრობდა. საოჯახო სიებში 7 ქართველის გარდა ყველა სომეხად არის გატარებული იმის გამო, რომ ისინი სომეხი კათოლიკე ტერტერების „წყალობით“ სომეხ კათოლიკეებად იქნენ ჩაწერილნი. ამ მზაკვრული პროცესის მსხვერპლნი გახდნენ აგრეთვე სომეხ კათოლიკობას მიწერილი სოფელ ველის (თურქეთის საზღვრებშია) მცხოვრები ქართველები. ისინი XIX საუკუნეში აიყარნენ და ახალქალაქის გარშემო მდებარე სოფლებში (ბავრა, ხულგუმო, კარტიკამი) დასახლდნენ. მიუხედავად მათი არაერთგზის მცდელობისა, დაბრუნებოდნენ ქართულ კათოლიკობას და წირვა-ლოცვა მშობლიურ ენაზე აღესრულებინათ, იმის გამო, რომ მეფის მთავრობამ ყურად არ იღო მათი თხოვნა, ბევრი მათგანი დღესაც სომეხ კათოლიკედ იწოდება.

სანოსიანი ბევრს წერს ახალციხის, ახალქალაქისა და, საერთოდ, 1918-20 წლებში სამცხე-ჯავახეთში შემოჭრილი თურქების წინააღმდეგ წარმოებულ თავდაცვით ბრძოლებზე და მათ ისე წარმოადგენს, რომ თითქოს ამ ომში ძირითად ძალას სომეხი მოხალისეები შეადგენდნენ. მხოლოდ აქაიქ ახსენებს ქართული რეგულარული ჯარის გენერლებს — მყაშვილს, მაზნიაშვილს, გედევანიშვილს და სხვ. ერთ სტატიამში აღწერს სომეხი და ქართველი მოხალისეების თავდაცვით ბრძოლას, მაგრამ აქაც სასწორს სომეხების მხარეზე ხრის.

სანოსიანს თუ დაუუჯერებთ, გამოდის, რომ ამ ომში მხოლოდ სომეხი მოსახლეობა იბრძოდა, ქართველები კი მათ იმედზე იყვნენ.

კი მაგრამ, სად იყვნენ ქართველები და რას აკეთებდნენ ისინი? — ბუნებრივად გაუჩნდება კითხვა მკითხველს.

სუბიექტურად გადმოსცემს აგრეთვე 1830-იან წლებში თურქეთიდან ქართულ სოფლებში შემოსახლებულ სათხვეელ, დამალელ და სხვა სომეხთა ბრძოლას. აქაც შთაბეჭდილება რჩება, თითქოს მათ თურქებს კუდიტ ქვა ასროლინეს. რა თქმა უნდა, სულაც არ ვამცირებ ამ წლებში ჯავახელ სომეხთა ბრძოლას თურქების წინააღმდეგ, მაგრამ, ისტორიკოსი იმის ისტორიკოსია, რომ ობიექტური იყოს მოვლენების და ამბების გადმოცემისას, რასაც სანოსიანი ვერ ახერხებს. თუ ასე ზედისზედ დაამარცხეს შემოსეული მტერი, მაშინ რატომ გაჩნდა 80.000 სომეხი ლტოლვილი წალკისა და ბაკურიანის ტყეებში? მაგრამ ეს ყველაფერი მთლად ისე არაა, როგორც ამას სანოსიანი გადმოსცემს. იყო შემთხვევები და არც თუ ისე ცოტა, როცა სომეხები ქართველებს დალატობდნენ. ახალქალაქის რაიონის სოფელ ოკამის მცხოვრები, თვითმხილველი ზაქარია ალელიშვილი იგონებს: „1918 წლის დასაწყისში სოფელ კარწახიდან ისე წავიდნენ სომეხები, რომ ქართველებს მტრის შემოსევა არ აცნობეს. ქართული სოფლების — აფნიის, გოგაშენის, ქილდის, ჩუნჩხის და პტენის მცხოვრები ქართველები

საკუთარ სოფლებს თავგანწირვით იცავდნენ თურქებისაგან. ქართველებმა გვიან შეიტყვეს სომხების ღალატი“.¹⁴

ამ დროს ახალქალაქში მცხოვრები მოხუცი პროვიზორი ილია ალხა-ზიშვილი ახალქალაქის ქართველებს აფრთხილებდა, სომხებს ნუ ენდობით, ეგენი დაგლუპავენო.¹⁵

საქართველოს რესპუბლიკის მენშევიკურ მთავრობას სანოსიანი მწარედ საყვედურობს, სამცხე-ჯავახეთის სომეხი ლტოლვილები საქართველოს შიდა რაიონებში არ შეუშვეს და ნახევარზე მეტი შიმშილით, სენით და სიცვიით დაიხოცა ბაკურიანის ტყეშიო. რა თქმა უნდა, ეს უბედურება იყო, მაგრამ ერთს რომ იტყვი, მეორეც უნდა თქვა და სიმართლე ობიექტურად შეაფასო. სიმართლე ისაა, რომ ამ დროს სამცხე-ჯავახეთიდან გამოქცეული ქართველი ლტოლვილებიც განუსაზღვრელად ბევრი იყო წალკის, ბორჯომისა და ბაკურიანის ტყეებში. მათი რიცხვი 200.000 აღემატებოდა. ამ წლების ქართული პრესის მონაცემებით, თითქმის ნახევარზე მეტი შიმშილით, ავადმყოფობით (ძირითადად ტიფით) და სიცვიით დაიღუპა. ამ ხანებში საქართველოს რესპუბლიკაში უძძიმესი სოციალური პირობები იყო. მას არ შეეძლო კიდევ დამატებით სომეხი ლტოლვილების ქვეყნის შიგნით შეშვება. ამით ადგილობრივი მოსახლეობის ისედაც მძიმე ეკონომიკური მდგომარეობა კიდევ უფრო გაუარესდებოდა. საკუთარი ქართველი ლტოლვილების მოვლა-პატრონობას ვერ ართმევდა თავს და ლტოლვილ სომხებს როგორღა მიხედავდა? აქვე შევნიშნავ, ქართველი ლტოლვილები მართლმადიდებელი ქრისტიანები იყვნენ, რადგან კათოლიკეებს თურქები შედარებით არას ერჩოდნენ. მოგვიანებით, როცა ლტოლვილთა დაბრუნების საკითხი დადგა, თურქებმა სომხების დაბრუნებაზე უარი განაცხადეს, რითაც მათი მდგომარეობა უფრო გართულდა, თუმცა მერე ესეც მოგვარდა.

ლტოლვილთა საკითხს ქვემოთ კიდევ შევეხებით. რაც შეეხება სანოსიანის მიერ გმირად გამოცხადებულ ვინმე ზორი ზორიანს, იგი სიტუაციის მიხედვით მოქმედებდა, ხან ქართველების მხარეს იყო, ხან მაჰმადიანების, როგორც ხელს აძლევდა ისე. „ზორიანი ცდილობდა თურქეთის ადმინისტრაციისა და სამცხე-ჯავახეთის ადგილობრივ ბეგებთან ერთად ერთ ბლოკში გამოსვლას, ადგილობრივი ქართველი ქრისტიანების და საქართველოს დამოუკიდებელი რესპუბლიკის წინააღმდეგ. მათთან საიდუმლო შეთანხმებებს და გარიგებებს აწყო. ზორიანმა და მისმა ჯგუფმა ბეგებს განუცხადეს, ქართველებთან ბრძოლაში მათ მხარეს იქნებოდნენ და ყველაფერს გააკეთებდნენ იმისათვის, რომ მესხეთ-ჯავახეთი საქართველოს

¹⁴ „შავი ღრუბლები მესხეთ-ჯავახეთის თავზე — 1918-1920 წწ.“, გ. ლეონიძის სახ. ქართული ლიტერატურის სახელმწიფო მუზეუმი, ფ.25330, გვ.18, 39-40.

¹⁵ იქვე, ფ. 25330, გვ. 50-53.

ველოს დამოუკიდებელ რესპუბლიკას არ დაბრუნებოდა“.¹⁶ ამით არ დამთავრებულა ჯავახეთში შემოსახლებულ სომხების მესვეურთა ღალატი. მათ ისარგებლეს ამ წლებში საქართველოს სახელმწიფოებრივი დასუსტებით და ოტომანთა ყოფილ ტერიტორიაზე, ე.ი. ფაქტობრივად ქართულ მიწაზე, „დიდი სომხეთის“ შექმნის იდეა წამოაყენეს. ამიტომ სასწრაფოდ შექმნეს სომხეთის ისტორიული და პოლიტიკური რუკები, რომელთაც ივ. ჯავახიშვილმა „ფანტასტიკური რუკები“ უწოდა.

როგორც ჩანს, მაშინ მათ ამ ოცნებას ინგლისიც უჭერდა მხარს. ინგლისის იმედით „დიდ სომხეთზე“ მეოცნებე სომხები, ახალციხიდან ქართული ჯარის დროებით, იძულებით გასვლას სიხარულით ულოცავდნენ ერთმანეთს, თუმცა პოლიტიკური სიტუაცია ისე მოტრიალდა, რომ სომხების ეს ოცნება ვერ ასრულდა და ოცნებადვე დარჩა. „ამ იმედგაცრუებამ დაშინა კებს გული ვერ გაუტეხა, ეს „ფანტასტიკური რუკები“ სტამბოლის კონფერენციაზე წარადგინეს და მიწები მის მიხედვით მოითხოვეს. სომხეთის ეს „ისტორიული მიწები“ მოიცავდა აღმოსავლეთ საქართველოს თბილისისა და გორის მაზრების ჩათვლით, თითქმის სურამის მთებამდე. იქით, კასპიის ზღვის მხარეს — ალბანეთის, დღევანდელი აზერბაიჯანის ტერიტორიის გარკვეულ ნაწილს. ამ კონფერენციაზე თურქეთის წარმომადგენელმა თავის გამოსვლაში ისე აშკარად აჩვენა და დაასაბუთა ამ რუკის ფანტასტიურობა და სიყალბე, რომ სომხეთის მომხრე ინგლისელებმა და ამერიკის წარმომადგენლებმაც სომხეთის სასარგებლოდ კრინტიც ვეღარ დასძრეს“.¹⁷

მაგრამ დაშინა კებს იხტიბარი მაინც არ გაიტყვეს და ის, რაც მოლაპარაკებით ვერ მიიღეს, შეეცადნენ, იარაღის ძალით მიეღოთ. 1919 წლის დეკემბერში, ომის გამოუცხადებლად, თავს დაესხნენ საქართველოს დამოუკიდებელ რესპუბლიკას და საზღვარი გადმოლახეს. ქართულმა ჯარმა შეძლო სომხთა ჯერ შემოტევის უკუგდება და შემდეგ შეტევაზე გადასვლა. ქართული ჯარი ისეთი ტრიუმფით მიიწვედა წინ, ინგლისელებს რომ არ შეეჩერებინა, ერევანსაც კი აიღებდა.

ბარემ აქვე ვიტყვი, ჯავახეთელი სომხების არასანდო, მერყევი პოზიციის გამო, თურქებთან მეტროლი ქართული ჯარი ახალქალაქში კი არ ბანაკდებოდა, არამედ დუხობორების სოფელ როდიონოვკაში. ჯავახეთში შემოსახლებულ სომხებს და მათ დაშინაკ ერევნელ მეთაურებს, მართალია, „დიდი სომხეთის“ შექმნის გეგმა განუსხორციელებელი დარჩა, მაგრამ კიდევ ერთხელ ჩაარტყეს ზურგში მახვილი საქართველოს. ახალქალაქის სამაზრო კომიტეტში მოკალათებულმა დაშინაკებმა არეულობით ისარგებლეს, თვითნებურად მოიწვიეს თვითმმართველობის სხდომა და ახალქალაქის მაზრის სომხეთთან მიერთების შესახებ თავხედური გადაწყვეტილება

¹⁶ შ. ლომსაძე, „მესხები“, 1997, გვ. 270, 299.

¹⁷ „ივ. ჯავახიშვილის არქივიდან“, გაზ. „ლიტერატურული საქართველო“, 1988, №43.

გამოიტანეს. ეს მოღალატური აქტი 1918 წლის 22 იანვარს შედგა. ამ სეპარატისტულმა დადგენილებამ ქართული საზოგადოებრიობა აღაშფოთა. აი, რას წერდა ქართველი პუბლიცისტი ილია აღნაზიშვილი: „სომხებს არავინ დაუშლის, ერთობა მოაწყონ თავიანთ სურვილისამებრ, მაგრამ მიწა-წყალს ჯავახელი ქართველი არავის დაუთმობს. ვერ დაგიტომობთ კუმურდოს საკათედრო-საეპისკოპოსო ტაძარს, სადამოს შვიდ ეკლესიას, ფარავნის ტბას, რომლის ნაპირზე მძინარე წმ.ნინომ მიიღო ვაზის ჯვარი... ჯავახეთის „გამოყოფით“ მკვიდრი აბორიგენები მოსული სომხების ყმათ უნდა გავხდეთ?..“¹⁸

ახალქალაქელ დაშნაკთა ამ სეპარატისტული დადგენილების შეტყობინებისთანავე მესხეთ-ჯავახეთის გენერალ-გუბერნატორმა შალვა მალაქელიძემ ახალქალაქში პოლკოვნიკი გ. კობაშვიძე გაგზავნა მისი ბატალიონით, რომელმაც მაზრის დაშნაკი უფროსი გადააყენა და ეს დადგენილება გააუქმა.

ეს მუხანათური გადაწყვეტილება დაშნაკებმა იმ დროს გამოიტანეს, როცა შ. მალაქელიძე ბანში-ბეგს ახალციხის სომხების ამოწყვეტაზე არ დათანხმდა, რამაც მუსულმანები განარისხა. ისინი გააუბუღნი შეესივნენ მესხეთ-ჯავახეთის მართლმადიდებელ მოსახლეობას და უმოწყალოდ გაუსწორდნენ. თურქები ისედაც არ ინდობდნენ მართლმადიდებელ ქრისტიან ქართველებს, მაგრამ ეს ფაქტი უმადურობის შავ ლაქად მაინც რჩება ისტორიაში.

სანოსიანს თავი მოაქვს და ტრაბახობს, რუსეთ-საქართველოს ომში აფხაზეთის სომხებმა ისე გმირულად იბრძოლეს ქართველი დამპყრობლების წინააღმდეგ, როგორც ყარაბაღელმა სომხებმა აზერბაიჯანელებთანო. ჯერ ერთი, აფხაზეთსა და ყარაბაღში რუსულმა იარაღმა და ძალამ გაიმარჯვა და არა სომხურმა, მეორეც — სანოსიანს ყარაბაღის საკითხი თუ სომხეთის სასარგებლოდ საბოლოოდ გადაწყვეტილი ჰკონია, მწარედ ცდება. ასეთივე ვითარებაა აფხაზეთისა და ცხინვალის რეგიონის მიმართაც. სანოსიანის სამწუხაროდ მალე აფხაზეთი და ცხინვალის რეგიონი საქართველოს დაუბრუნდება, ხოლო ყარაბაღი — აზერბაიჯანს. ეს ისტორიული კანონზომიერებაა და მას წინ ვერავინ დაუდგება, ვერც რუსეთი და, მით უმეტეს, ვერც დაშნაკური სომხეთი.

კალამი ოდნავ გამოქცა და მივხედოთ სომხებს აფხაზეთში. მათ ჩვეულებრივ უმადურობა გამოიჩინეს და ნებაყოფლობით შეადგინეს 2500-კაციანი სომხური ბატალიონი, რომელსაც მარშალ ბაგრატიანის სახელი უწოდეს და „მამაცურად“ გაჟლიტეს აფხაზეთის ქართველი მშვიდობიანი მოსახლეობა, თან გაიძახოდნენ — „აფხაზეთი სომხების არის, მას ქართველებსგან გავწმენდით“. ისინი დაუნდობლად, სადისტურად აწ-

¹⁸ გაზ. „საქართველო“, 1918, 4 თებერვალი.

ამებდნენ იმ ქართველებს, რომელთა წინაპრებმაც შეივრდომეს, შეიფარეს თურქეთიდან გადმოსვნილი მათი წინაპრები, ლუკმა-პური გაუყვეს და თავშესაფარი მისცეს.¹⁹

სომხური უმადურობის სულ ახალი ფაქტი: 2010 წლის სექტემბერში გაეროს გენერალურმა ასამბლეამ მიიღო რეზოლუცია ქართველი დევნილების თავიანთ საცხოვრებელ ადგილებზე დაბრუნების შესახებ. ქართველი დევნილების დაბრუნებას მხარი დაუჭირა 50 ქვეყანამ, წინააღმდეგი წავიდა 14 ქვეყანა, მათ შორის „მომხე“ სომხეთიც. ეს ხდება იმ დროს, როცა სომხეთის დაჟინებული თხოვნით საქართველოს მთავრობამ დარიალის ჩაკეტილი საბაჟო პუნქტი გახსნა, რადგან მას სომხეთისთვის განუსაზღვრელად დიდი მნიშვნელობა აქვს.²⁰

სომეხი ავტორი ფაქტებს და მოვლენებს თვითნებურად ცვლის, რა თქმა უნდა, სომხების პრესტიჟის დაცვის მიზნით. მაგალითად, მუსლიმანთა მიერ ალყაში მოქცეულ ახალციხელებს (1917 წ.), მათმა მეთაურმა ბახში-ბეგმა წინადადება მისცა — ქალაქში შემოგვიშვით, სომხებს ამოვხოცავთ, ქართველებს ხელს არ ვახლებთო. გენერალ-გუბერნატორმა შალვა მალაქელიძემ არ გაწირა სომხები და უარით გაისტუმრა. „მეისტორიე“ სანოსიანი ამ ისტორიულ ფაქტს პირუკუ ყვება, თითქოს ბახში-ბეგმა განაცხადა — ახალციხელ სომხებთან პრეტენზია არ გვაქვს, ქართველებს უნდა გავუსწორდეთო. მოდი და ენდე ასეთ მუცლითმეზღაპრე მეისტორიეს. თუმცა, მისდაუნებურად, თავი მაინც გასცა, როცა თქვა — თურქებმა პროვოკაცია მოგვიწყვეს, ასპინძის გზაზე ორი თურქის ცხედარი დააგდეს და მათი მოკვლა სომხებს დააბრალესო. იქვე მწარედ შენიშნავს — ნაცნობი სცენარიაო. ესეც არ იყოს, ცნობილია, რომ თურქები და სომხები საუკუნეების განმავლობაში დანა-სისხლად იყვნენ გადაკიდებულნი და დღესაც ასე არიან. ვინ დაიჯერებს, რომ ბახში-ბეგი და მისი სომხების სისხლმწყურებული მებრძოლები მათ დაინდობდნენ? ასეთი რამ ისტორიას არ ახსოვს.

სანოსიანი 1918-1920 წლებში სომეხ ლტოლვილთა საკითხს არაერთგზის ეხება და ჩვენც, შესაბამისად, ვცემთ პასუხს. ეს ძალიან მტკივნეული თემაა და მის მიმართ გულგრილი ვერავინ იქნება.

ამ წლების სომხურ პრესას თუ გადავხედავთ, ვნახავთ, რომ დაშნაკების მიერ ანტიქართული უხამსი პროპაგანდა ზენიტს აღწევს. ამის ერთ-ერთი ნიმუშია მაშინდელი ახალგაზრდა მეცნიერის აკად. მანუკ აბელიანის სტატია „სომხები და ქართველები“.²¹

¹⁹ იხ. ბონდო არველაძე, თეიმურაზ მიხრუანი, „ბაგრატიანის სომხური ბატალიონი და ქართველთა ეთნოწმენდა აფხაზეთში“, 2009. ქართ. ინგ. რუს. ენებზე.

²⁰ დაწერილებით იხ. თ. მარზვაიძე, „რატომ წინააღმდეგება სომხეთი აფხაზეთში ქართველების დაბრუნებას“, გაზ. „ახალი თაობა“, 2010, №14.

²¹ გაზ. „ჟოლოვრდი ძანი“ („ხალხის ხმა“), 1916(?), №28.

მან საქართველოს დემოკრატიული რესპუბლიკის მთავრობა დაადანაშაულა: „სომეხ ლტოლვილებს ახალქალაქის მახრიდან შეუბრალებლად ექცევიან და საქართველოს შიდა რაიონებში არ უშვებენ, მათ ახალქალაქი და მისი მახრა თავისად მიაჩნიათ და ხვალ საქართველოს ტერიტორიის ნაწილად გამოაცხადებენ“. ამ ბრალდებას, სერიებად რომ გამოქვეყნდა აღნიშნულ გაზეთში, პასუხი გასცა გაზეთ „საქართველოს რესპუბლიკამ“:

„სხვაგან სად, რომელ ხალხში, რომელ ქვეყანაში უპოვიათ სომეხებს ისეთი მყუდრო თავშესაფარი, როგორც საქართველოში, სად უნახავთ ისეთი მზრუნველობა, სტუმართმოყვარეობა, როგორც საქართველოში — გვითხრას!.. თუ წარსულს ბ-ნი აბელიანი ანგარიშს არ უწევს?! თუ მას ჰგონია, რომ ისტორია „ჟოლორდი ძაინის“ რედაქციაში იწერება, თანამედროვე მდგომარეობა მაინც მიიღოს სათვალავში, გაიხსენოს, დათვალოს რამდენმა სომეხმა შემოაფარა თავი ამ ომის დროს საქართველოს, რამდენი სომეხი გადაურჩა სიკვდილს და, ბარემ, კეთილი ინებოს და ისიც დათვალოს, რამდენი ფული დაიხარჯა სომეხი ლტოლვილებისათვის დღემდე და რამდენი ქართველებისთვის“ (1916, 26 სექტემბერი). ამ მონაცემების მიხედვით სომეხი ლტოლვილებისთვის საქველმოქმედო საზოგადოებას სხვადასხვა დროს 40 მილიონი მანეთი მიუღია, ხოლო ქართულ საქველმოქმედო საზოგადოებას — სამიოდე მილიონი, ისიც დიდი ჭაპანწყევლით. ეს ყველაფერი არ აინტერესებდათ დაშნაკებს და გაზეთების — „პორიზონტისა“ და „აშხატაგორის“ ფურცლებიდან ისტერიულად გაჰკიოდნენ: „შეაჩერეთ სომეხ ლტოლვილთა ჟღერა, ნუ მოაწყობთ საქართველოში მეორე მესოპოტომიას“ და ა.შ.

დაშნაკთა გაუთავებელი ჭორებით, სიცრუით და ცილისწამებით თავმობეზრებულმა საქართველოს დემოკრატიულმა მთავრობამ სომხეთის დაშნაკურ ხელისუფლებას ოფიციალურად მიმართა, საქართველოს ტერიტორიაზე თავმოყრილ სომეხ ლტოლვილთა ერთი მესამედი მაინც მიეღოთ და თავშესაფარი მიეცათ სომხეთში. ეს ერთობ კონსტრუქციული და დროული წინადადება იყო, მაგრამ ქართულმა მხარემ სრულიად მოულოდნელი პასუხი მიიღო. სომხეთის დაშნაკურმა მთავრობამ ცივი უარი განაცხადა საკუთარი სისხლის და ხორცის მიღებაზე. ამ დროს საქართველოს 300.000 ლტოლვილი ჰყავდა, აქედან აწყურის ტყეში — 20 ათასზე მეტი. ქართველი ლტოლვილები შიშშილით და სიცოცხლით დაფარდნენ სულს. თუ სომხეთს არ შეეძლო საკუთარი თანამომე ლტოლვილების მიღება, საქართველო რატომ იყო ვალდებული მათთვის ეპატრონა? მაგრამ საქართველოს მთავრობა, რაც შეეძლო, მზრუნველობას არ აკლებდა ლტოლვილებს, განურჩევლად ეროვნებისა. ბარემ აქვე ვიტყვი, ქართველთომოძულე დაშნაკების ანტიქართულმა აგიტაციამ ისე მოაბეზრა თავი სომეხ ლტოლვილებს, რომ მათ შეადგინეს საზოგადოებრივი „განაჩენები“ და გაუგზავნეს საქართველოს მთავრობას. ამ „განაჩენებში“ ისინი ქართულ მთავრობას სთხოვდნენ,

ემუდარებოდნენ, „თავიდან მოგვაშორეთ დაშნაკი აგიტატორები, რომლებსაც სწადიათ სომხების და ქართველების ერთმანეთთან გადამტყურობა“.²²

სინამდვილეში დაშნაკებს სომეხი ლტოლვილების ბედი კი არ აწუხებდათ, არამედ ის, რომ ახალქალაქის მახრაში სომეხთა რაოდენობის შემცირების გამო, „დიდი სომხეთის“ შექმნის სენით დაავადებულებს, ამ მახრის მოთხოვნის ნაკლები საფუძველი ექნებოდათ.

საქართველოს დემოკრატიული რესპუბლიკის მთავრობისადმი უფრო და უფრო მეტი პრეტენზიები რომ წაყენებინათ, დაშნაკები სომეხი ლტოლვილების მდგომარეობის გამოყენებას ცდილობდნენ. მართალია, ყოველი შედარება პირობითია, მაგრამ ეს ძალიან წააგავს მათ დღევანდელ ქმედებასაც. დაშნაკები ამჟამადაც ცდილობენ ჯავახეთის სომხების ყოფაცხოვრება მუქ ფერებში დახატონ და ამით შექმნან ყალბი სურათი მათი ვითომდა ეკონომიკური სიღუბისა და ქართველთა მხრიდან ჩაგვრისა. სინამდვილეში კი ისინი გაცილებით უკეთ ცხოვრობენ, ვიდრე მკვიდრი ქართველები. მათ რაღაც ეროვნულ დისკრედიტაციასე ხომ ლაპარაკიც ზედმეტია. შირაკ თოროსიანებს ეს ანტიქართული აგიტაცია ჯავახეთის ავტონომიისათვის ნიადაგის მოსამზადებლად ან, სულაც ჯავახეთის საქართველოსათვის ჩამოსაშორებლად და სომხეთისათვის მისაერთებლად სჭირდებათ. ეს იყო მათი მიზანი წარსულში და დღესაც ტრადიციულად ოცნებობენ „დიდი სომხეთის აღდგენაზე“. ყარაბაღი ამ მიზნისკენ მიმავალ გზაზე პირველი ნაბიჯია, შემდეგი, მათი მოკლე ჭკუით, ჯავახეთია...

სანოსიანმა საქართველოსადმი წაყენებულ ბრალდებათა მთელი კორინტელი დააყენა სტატიის — „...Белый геноцид или — Армяне — в последний вагон“... ასეთი პროპაგანდული სტატია 1918-1920 წლებში ქართველთა ზიზლით დაავადებულ დაშნაკურ პრესაშიც კი ძნელად მოიძებნება.

სჯობია პუნქტობრივად გავცეთ პასუხი:

1. მას მიაჩნია, რომ ქართულ-სომხურ ურთიერთობასა და ამ ხალხთა ძმობა-მეგობრობაზე ლაპარაკმა თურმე დიდი ხანია აზრი დაკარგა. საპასუხოდ ჩვენ ასეთ კითხვას დავსვამთ: ჰქონდა კი ოდესმე? ოღონდ, რა თქმა უნდა მათი უმადურობის მიზეზით?

2. სანოსიანის მიხედვით თბილისში 300 ათასი სომეხი ცხოვრობს. ეს რიცხვი არა ზუსტია. დღეს თბილისში 250 ათასზე ნაკლები სომეხია.

იგი მარი ბროსეს იმოწმებს და ამბობს, კვირიკიანთა მეფობა კახეთში 150 წელს გაგრძელდაო. XIII საუკუნეში აქ მცხოვრებლებმა ქალკედონელობა მიიღეს და გაქართველდნენო. ვისაც არ უნდა ეკუთვნოდეს ეს აზრი, იგი მცდარია! „კახეთში თავიდანვე მკვიდრები ქართველები იყვნენ და მოქმედებდა ქართული მართლმადიდებლური ეკლესია“.²³

²² გაზ. „ერთობა“, 1918, 8 ნოემბერი.

²³ „საქართველის ისტორიის ნარკვევები“, ტ. II, 1973, გვ. 379-416).

სომეხთა გაქართველება, ანუ თეთრი გენოციდი, როგორც სანოსიანი უწოდებს, თურმე, განსაკუთრებით სტალინისა და ბერიას დროს მიმდინარეობდა. სწორედ მათი მმართველობის პერიოდში გაჩენილა ლოზუნგი თუ მოწოდება „Армяне — в последний вагон“... (გვ. 74.) სანოსიანის მიხედვით, სომეხებს უფლება არ ჰქონიათ ქართველებთან ერთად, ქართველების გვერდით, მატარებლის ერთ ვაგონში ემგზავრათ... სომეხებისთვის სადღაც, ბოლო ვაგონი ყოფილა გამოყოფილი. კიდევ კარგი, არ თქვა, „კუკლუსკლანელებით“ ქართველები მშვიდობიან სომეხებს ხოცავდნენო, როგორც ბაგრამიანის სომხური ბატალიონის ბოევიკები – მშვიდობიან ქართველებს აფხაზეთში. ამ საშინელი ბრალდების დასამტკიცებლად ჩვეულებრივ არავითარი ფაქტობრივი მასალა არ მოაქვს. ვერც მოიტანს, ვინაიდან ასეთი რამ, ან ამის მსგავსი, ისტორიას არ ახსოვს, საქართველოში მომხდარიყო. ეს არის ურცხვი ცილისწამება და ზღვარგადასული სიცრუე ქართველ ხალხსა და მის ისტორიაზე დაბოლმელი სუბიექტისა, რომელიც კანიდან ძვრება, რომ როგორმე ჩირქი მოსცხოს ქართველებს, შეურაცხოს და მათი დამცირების ფონზე საკუთარი ერი და მისი წარსული უკეთესად წარმოაჩინოს.

სანოსიანი ისეთი კაცი არ ჩანს, ვინმეს ყური დაუგდოს, მაგრამ ცოტაოდენ იმედს ვიტოვებთ, იქნებ ოვანეს თუმანიანს მაინც მოუსმინოს. ამ დიდებულმა პოეტმა და თავისი ქვეყნის მგზნებარე პატრიოტმა ქართველ ხალხზე ბრძანა: „ქართველები კავკასიაში მუდამ იყვნენ პირველები თავიანთ პოლიტიკურ და საზოგადოებრივ ბრძოლაში... თუ გადავხედავთ მსოფლიო ხალხთა ურთიერთობებს, აუცილებლად დამეთანხმებით, ქართველები, როგორც მეზობლები, ერთი ყველაზე საუკეთესონი არიან მსოფლიო ხალხებს შორის“. ამის შემდეგ ბედის ირონიაა, აბა რა არის, სანოსიანი ეროვნულ დისკრიმინაციას და გენოციდს წამებდეს ხალხს, რომლის დედაქალაქში სულ ცოტა ხუთი ერის სამლოცველო დგას გვერდიგვერდ და რომლებშიც ლოცულობდნენ და დღესაც ლოცულობენ ამ ხალხთა წარმომადგენლები.

სანოსიანმა გაიმეორა ნახევრადშემოღობილი, ლოთი ხრუშჩოვის სიმთვრალეში წამოყრანტალეული ბოღვა, თითქოს ქართველებს რაღაც პრივილეგირებული მდგომარეობა ჰქონიათ სტალინის და ბერიას დროს. ფაქტებით მტკიცდება, რომ 1937 წლის რეპრესიებს უფრო მეტი ქართველი შეეწირა, ვიდრე სომეხი, ხოლო მეორე მსოფლიო ომში უფრო მეტი ქართველი დაიღუპა, ვიდრე სომეხი და ა. შ.

საქართველოს საბჭოთა რესპუბლიკაში 1920-30-იან წლებში ათეისტური ბრძოლა რელიგიის წინააღმდეგ თურმე ეროვნული ნიშნით ჩატარებულა და თბილისში მართო სომხური ეკლესიები დაუნგრევეათ, ქართული კი არა. ეს არის სანოსიანის მორიგი მტკნარი სიცრუე. ბოლშევიკებმა არამართო თბილისში, არამედ მთელი საქართველოს მასშტაბით დაანგრეს ან საწყო-

ბებად აქციეს ქართული ეკლესიების 90 პროცენტი, თუ მეტი არა. ამ განდალიზმის შესახებ არსებობს უამრავი ლიტერატურა ქართულსა და რუსულ ენებზე და ნებისმიერ ადამიანს შეუძლია გაეცნოს მათ. ბოლშევიკებს ნამუსს არ ვწმენდთ, მაგრამ ეს ათეისტური კამპანია ეროვნული ნიშნით ნამდვილად არ ჩაუტარებიათ, უბრალო მიზეზის გამო, ეროვნულობა მათ სრულიად არ აწუხებდათ, ეს გრძობა ატროფირებული ჰქონდათ. ისინი, ცუდი გაგებით, ინტერნაციონალები იყვნენ. ეს კაცი ან სრულ უვიცობას ამჟღავნებს, ან ქართველთა სიძულვილმა დაუბნელა გონება, როცა წერს: „საქართველოს საბჭოთა მთავრობის მიერ სომხური ეკლესიების დანგრევა თუ ათეისტური პროპაგანდის მიზნით მოხდა, ზოჯავანჯის სომხური სასაფლაოს წინააღმდეგ ჯვაროსნული ლაშქრობა და გაუქმება რას მიჯაწეროთ“... ბარემ ახლა ვიტყვი: 1930-იან წლებში დაანგრეს ვანქის ცნობილი ტაძარი (იგი იყო ბარათაშვილის ქუჩაზე, ყოფილი კოლმეურნეობის ბაზრის წინ, ახლა მის ადგილას სომხური სკოლაა). ამ ტაძრის ეზოში დასაფლავებული XIX საუკუნის სომეხი კლასიკოსი მწერლებისა და საზოგადო მოღვაწეების ნეშტები ავლაბარში, ელიას გორაზე, სპეციალურად მოწყობილ სომეხ მწერალთა და საზოგადო მოღვაწეთა პანთონში გადაასვენეს. აქ განისვენებენ ოვ. თუმანიანი, გ. სუნდუკიანი, ნარ-დოსი, რაფფი და სხვ.

რაც შეეხება ზოჯა-ვანქის სასაფლაოს ავლაბარში, ელიას გორაზე, ის მართლაც გააუქმეს ბოლშევიკებმა და მის ადგილას გააშენეს მშრომელთა კულტურისა და დასვენების ბაღი, რომელსაც შემდეგ „მეგობრობის პარკი“ უწოდეს. ამ სოციალისტურ ღონისძიებაში მართო ზოჯა-ვანქის სასაფლაო არ მოყოლილა; მაშინ საქართველოს მთავრობამ გააუქმა ვერის ქართველთა სასაფლაო და კიროვის სახელობის პარკი გააშენა. აქ შემდეგ აშენდა ჭადრაკის სასახლე. როგორც ვერის, ისე ზოჯა-ვანქის საფლავის ქვები კი იმელისა და თამარ მეფის (ყოფილი ჩელიუსკინელების) ქუჩისა და ხიდის მშენებლობებზე გამოიყენეს, თუ არ ვცდებით, ისინი რომელიღაც სკოლის მშენებლობასაც კი მოხმარდა. ჩვეულებრივ, გაუქმებული სასაფლაოს ადგილას ან პარკი შენდებოდა, ან ეკლესია.

ბოღმა ნუ გახრჩობთ — ვერასოდეს ვერ დაამტკიცებთ, ათასჯერ რომ დაწეროთ და გაიმეოროთ — თბილისი სომეხებმა დააარსესო. ამაში ვერც ბროსე გიშველით და ვერც ვერავინ, ვინაიდან, „არქეოლოგიური მასალები მოწმობენ, ქართველთა წინაპრები გაცილებით ადრე ცხოვრობდნენ თბილისში, ვიდრე სომეხთა წინაპრები დაიკავებდნენ სხვის მიწა-წყალს — ურარტუს დაშლილი სამეფოს ტერიტორიას (VI ს. ჩვ.წ.აღრ.-მდე). ვახტანგ გორგასალმა კი V საუკუნეში აქ დააარსა ქალაქი, რომელიც სტრატეგიული მდებარეობის გამო მცხეთის შემდეგ ქართველთა დედაქალაქი გახდა“.²⁴

გინდათ თუ არ გინდათ, შევეუთ ამ ისტორიულ ფაქტს და მოეუთ

²⁴ ქსე, ტ. IV, 1979, გვ. 597.

უკადრისი ხერხების გამოყენებას ანგარებიანი მიზნების მისაღწევად.

თქმა არ უნდა, არაა მოსაწონი რაფფის საფლავის ხელყოფა, მაგრამ რატომ მიანიშნებთ, თითქოს ეს სამარცხვინო საქციელი მაინცდამაინც ქართველმა ჩაიდინა? ამის საბუთი არ გაქვთ ისე, როგორც თბილისის სომხური თეატრის დაწვის თუ აფეთქების მცდელობისა, ამიტომ გადაკრულ-გადმოკრულებს თავი დაანებეთ.

სანოსიანი აცხადებს, თბილისში, ისე როგორც მთელ საქართველოში, არ არის სომხური კულტურის ცენტრიო. საინტერესოა, ეს კაცი ასე უღმერთოდ რატომ ცრუობს. ილიას უნივერსიტეტში არის სომხური ენისა და ლიტერატურის ფაკულტეტი. თბილისში ნაყოფიერად მუშაობს სომეხ მწერალთა კავშირი — „ვერნატუნის“ სახელწოდებით. მას აქვს ჟურნალი „კამურჯ“ (ხიდი), რომელშიც იბეჭდება საქართველოში მცხოვრები სომეხი მწერლების ნაწარმოებები. მასში ქვეყნდება, აგრეთვე, ქართველ მწერალთა ნაწარმოებების სომხური თარგმანებიც. თბილისშია საუკუნოვანი პ. ადამიანის სახელობის სომხური თეატრი, რომელიც საქართველოს რესპუბლიკის ბიუჯეტიდან ფინანსდება. სახელმწიფო რადიო-ტელევიზიაში არის გადაცემები ახერბაიჯანულ, სომხურ, აფხაზურ, ოსურ და რუსულ ენებზე. საქართველოში მოღვაწეობენ მთარგმნელები — ზ. მედულაშვილი, გ. შახნაზარი, ა. ბოსტანჯიანი. სამეცნიერო მოღვაწეობას ეწევიან პროფ. ა. ახტიანი, დოც. გეგორჯიანი და სხვ. კიდევ მრავალ დარგში მოღვაწეობენ სომეხები, რომელთა ჩამოთვლა შორს წაგვიყვანს. ეს კაცი იმდენს ტყუის, პასუხის გაცემის სურვილიც ქრება. ზოგიერთზე კი აუცილებელია კომენტარის გაკეთება. თუნდაც ის, რომ გაზ. „საქართველოს რესპუბლიკას“ ბრალს დებს, მას ქვეყნის ერთადერთ პატრონად წარმოუდგენია თავი და დაუფარავი ზიზღით უყურებს სხვა ხალხებს, რადგან მათ მეორეხარისხოვნად თვლისო. ამას წერს, მაგრამ სიტყვებს ისევ და ისევ ფაქტებისა და საბუთების გარეშე ისვრის ჰაერში. ამ ვაჟბატონის მიხედვით გამოდის, რომ თუ ქართული გაზეთი ერევანში გამოქვეყნებულ ანტიქართული წიგნის ან საგაზეთო პუბლიკაციის პასუხს დაბეჭდავს, ეს შოვინიზმსა და მეზობელი ხალხის სიძულვილს ნიშნავს.

აბა, ახლა ვნახოთ რა იბეჭდება სომხურ პერიოდიკასა და ცალკეულ გამოცემებში. რომელი ერთი დავასახელოთ, რომ ქართველი ხალხის აწმყო და წარსული, ეროვნული თავმოყვარეობა არ იყოს შეურაცხყოფილი, ფალსიფიცირებული და გაბითურებული. მარტო აივაზიანის, კარაპეტიანის, სარქისიანის პუბლიკაციები, მურადიანის მეცნიერული ნარკვევები და თქვენი ე.წ. ნაშრომი განა ამას არ მოწმობენ? ეს ავტორები, და არამარტო ისინი, „მთელ ქართველ ერს — დიას, მთელ ქართველ ერს — თავზე ლაფს ასხამენ და საფლავს უთხრიან“. ამას ჩიოდა საუკუნის წინ ილია ჭავჭავაძე და, სამწუხაროდ, მას შემდეგ არაფერი შეცვლილა და ქართველთა განქიქება დღესაც ისევ ისე გრძელდება. ასე, რომ „საქართველოს

რესპუბლიკა“ მხოლოდ ქართველთა მოქმედებებზე ზოგიერთი სომეხი მეცნიერისა და ჟურნალისტისგან იცავს თავისი ერის ღირსებასა და წარსულს. ეტყობა, დადგა დრო, ამ გაზეთმა თავდაცვითი პოზიცია შეიცვალოს და იქით შეუტიოს და თავის ადგილას დასვას ზოგიერთი გაცუდლუტებული სომეხი მეცნიერი და პოლიტოლოგი.

სანოსიანი და მისმა მსგავსმა ადამიანებმა, ასე რომ „გულშემატკვებობენ“ სხვა ქვეყნების მცირე ერებს, იმაზე იზრუნონ, რომ სომხეთში, აპარანის რეგიონში კომპაქტურად დასახლებულ 70-80 ათას ქურთს მისცენ ავტონომია ან დამოუკიდებლობა! რატომ არ აძლევენ?! ძალიან იოლია პუმიანისტი პოზაში დგომა და სხვა ქვეყნების მაგალითზე მცირე ერების ბელზე ნიანგის ცრემლების ღვრა.

ქართულ მიწაზე მონებიერე „ყოვლისმცოდნე მეისტორიემ“, ქართულ პურს რომ ჭამს, არ იცის, სვანები და მეგრელები რომ ქართველები არიან? იცის, განა არ იცის, მაგრამ რა ქნას, ქართველი ხალხის სიძულვილის შხამი რომ მოადგება პირზე, ხომ უნდა გადმოანთხიოს. სვანებისა და მეგრელების არაქართველად გამოცხადებით ცდილობს ქართველთა რაოდენობა 30 პროცენტამდე შეამციროს (ამას არც მაღავეს), ხოლო სვანების და მეგრელების „ქართველიზაციაში“ საქართველო „დაადანაშაულოს“.

აქვე ვთქვათ, ბუნებაში არ არსებობს „თურქი მესხი“. მათგან უმეტესობა „მაჰმადიანი მესხია“. სათხვევლმა „მეცნიერმა“ წესით ეს უნდა იცოდეს, მაგრამ არ უნდა და არ „იცის“.

მცირე ინფორმაცია: ვეროკავშირის გადაწყვეტილებით, სულ მალე მაჰმადიანი მესხების მშობლიურ ჯაგაზეთში მასიური დაბრუნება დაიწყება. ამიტომ 1830-იან წლებში ცარიზმის მიერ აქ შემოსახლებულ სომეხებს მოუწევთ ამ რეალობასთან შეგუება...

სანოსიანს მოაქვს მონაცემები, თუ სად, რამდენი სომხური სასწავლებელია: სტამბოლში — 30, ირანში — 50, ლიბანში — 60 და ა.შ. იმედს ვიტოვებთ, რომ ეს რიცხვები სინამდვილეს შეესაბამება. სასწავლებელთა მრავალრიცხოვნება კარგია და მისასაღებელია, მაგრამ რატომ იმას არ ამბობს, რომ ეს სომხური სკოლები ან კერძოა, ან საქველმოქმედო შემოწირულობებით არსებობენ. კი ბატონო, თუ გნებავთ, გახსენით კერძო პანსიონი თბილისში ან სხვაგან, ვინ გიშლით, მაგრამ ვერ დაასახელებთ ქვეყანას, საქართველოს გარდა, სომხური სკოლები სახელმწიფოს ბიუჯეტზე რომ იყოს. ამავე დანახვა და დაფასება უნდა, თორემ, დაუნახაობას და უმადურობას სიკეთე არ მოაქვს.

გვსურს, მაგანთა და მაგანთა გასაგონად ვთქვათ, ვეროპისა და აზიის ქვეყნების სომხურ ეკლესიებში მრევლი აღარ ჰყავთ და დაცარიელება, გაუქმება ემუქრებათ.²⁵

²⁵ იხ. „В Церков пустую“, газ. „Голось Армений“, 1996, №62, 19 июнь.

საქართველოში სომხური ეკლესიები მრევლის სიმცირეს არ უჩივიან.

ჯავახეთის ავტონომიასა და სომხური ენის სტატუსზე ლაპარაკობს სანოსიანი და მაკედონიის მაგალითი მოაქვს, რომელიც ამ ქვეყანაში მცხოვრებ ალბანელებს მათი ენის მაკედონურ ენასთან გათანაბრებას და სახელმწიფო ენად გამოცხადებას დაპირებია. ამას კი წერს, მაგრამ იმას რატომ არ ამბობს, რომ ალბანელებს არავითარი ტერიტორიული პრეტენზია არ აქვთ და არც ჰქონიათ მაკედონიის მიმართ, სომხეთს კი, ყოველგვარ საფუძველს მოკლებული, გაუთავებელი პრეტენზიები აქვს უძველესი ქართული მიწის — ჯავახეთის ჯერ ავტონომიის, მერე, სულაც, სომხეთთან მიერთებისა. საქართველო, ისე როგორც მის ბედში მყოფი ნებისმიერი ქვეყანა, ასეთ ნაბიჯს არ გადადგამს და ეროვნულ ტერიტორიას კიდევ არ დააქუცმაცებს. რაც შეეხება ქართულ ენას, კეთილი ინებეთ და რიგიანად შეისწავლეთ საქართველოს სახელმწიფო ენა და მიიღეთ მონაწილეობა ქვეყნის შენებაში, როგორც საქართველოს სრულუფლებიანმა მოქალაქეებმა. ამის ყოველგვარი პირობებია შექმნილი. საინტერესოა, საფრანგეთის და სხვა ქვეყნების სომხური დიასპორა ამ ქვეყნების მთავრობისაგან სომხური ენის სტატუსს ითხოვს?

ისეთებიც არიან შეგნებულად რომ არ სწავლობენ საქართველოს სახელმწიფო ენას, მაგალითად, ვიდაც სმბატიანები. ისინი ჯავახელ სომხებს მოუწოდებენ, არ ისწავლონ ქართული ენა. კი ბატონო, ეს მათი ნებაა, მაღალს არავინ ატანს, მაგრამ სომხური ანდაზაა: „ვის პურსაც ჭამ, ხმალიც იმისი უნდა იქნო“.

სანოსიანს ჰგონია, ქართველს გამორჩეულობის და უპირატესობის თვითშეგნება სტალინის და ბერიას წყალობით ჩამოუყალიბდაო. სინამდვილეში, საბჭოთა იმპერიის სათავეში მათი ყოფნის გამო ქართველს არავითარი პრივილეგია არ ჰქონია. ქართველს თავმოყვარეობა და რაინდობა ოდითგან მოსდგამს და თაობიდან თაობაზე მემკვიდრეობით გადადის. ამიტომ შეიქმნა XII ს-ში რაინდობასა და მეგობრობაზე რუსთაველის გენიალური პოემა „ვეფხისტყაოსანი“. ეს პოემა ქართველი ერის ამ თვისებებს მხატვრულად გადმოსცემს. ეს არის რაინდობის, მეგობრობის, სიყვარულის უკვდავი ჰიმნი. მასში გამოვლინდა ქართველი ხალხის ამაყი ეროვნული სული და სტალინი და ბერია აქ არაფერ შუაშია.

სტალინს რაც შეეხება, ის იყო ეთნიკური ქართველი, გენიალური ნიჭითა და უნარებით დაჯილდოებული, რამაც იგი უზარმაზარი საბჭოთა იმპერიის მეთაურის საკრძოლამდე მიიყვანა და ოცდაათ წელზე მეტი ხნის განმავლობაში მსოფლიოს თავის ნებას კარნახობდა.

ვფიქრობთ, უნდა ითქვას ისიც, რომ მაღალი პოეტური ტალანტით შექმნილი სომხური ეპოსი „დავით სასუნელი“ საქართველოს მეფე დავით IV აღმაშენებელზეა შექმნილი. მან არაბებისაგან გაათავისუფლა არამართო საქართველო, არამედ სომხეთიც. ამის გამო მოხდა სომხურ გარემოში მისი

გმირული პიროვნების კონტამინაცია, შენაცვლება და შეიქმნა ეს ეპოსი, რომელშიც ასახულია ქართველი მეფის ბრძოლა არაბი დამპყრობლების წინააღმდეგ დავით სასუნელის მეთაურობით. არ უნდა დავივიწყოთ ისიც, რომ „დავით სასუნელი“ შეიქმნა მუშქების//მესხების დიალექტზე და შემდეგ გაერცვლა მთელს სომხეთში. ეს პროცესი ასე წარიმართა: როცა ქართველთა ტომებმა ჩრდილოეთით გადმინაცვლეს, მათ ადგილას სომხთა წინაპარი დამკვიდრდა, ხოლო მუშქების//მესხების გარკვეული ნაწილი ყოფილი ურარტუს, დღევანდელი სომხეთის, ტერიტორიაზე დარჩა. ამ მუშქების შთამომავლებმა შექმნეს „დავით სასუნელი“ ეპოსი, რომელიც სომხურენოვან სამყაროში მოხვდა და სომხურ ნაციონალურ ეპოსად იქცა.

სანოსიანი სომხთა რაღაც უსისხლო „ეთერ გენოციდზე“ ლაპარაკობს. არავითარი „ეთერი გენოციდი“ არ მომხდარა საქართველოში და არც ხდება, როგორც მას ჰგონია, მაგრამ ეჯიმიანის საგარეო საეკლესიო პოლიტიკის მიზანი კი იყო ქართველთა უსისხლო გენოციდი. ამ პროცესმა განსაკუთრებით ტოტალური ხასიათი XVIII-XIX საუკუნეებში მიიღო. ეჯიმიანმა ისარგებლა საქართველოს გარკვეული დასუსტებით და აღმოსავლეთ საქართველოს ასეულობით ემისარი, სომეხ ტერტერათა მთელი არმია შემოუსია. მათ მოხერხებულად გამოიყენეს ქართველი ხალხის შეჭირვებული მდგომარეობა და მაქინაციებით ქართლ-კახეთში გრიგორიანულ სარწმუნოებაზე გადაიყვანეს ათასობით მართლმადიდებელი ქართველი. ეს კი მართლაც იყო ქართველთა უსისხლო გენოციდი. „ტერტერებმა ქართლში 120 სოფელი გაასომხეს, კახეთში — 80 სოფელი. XVIII საუკუნეში თბილისის სურბ-ნშანის ეკლესიის სომხის მღვდელმა 20 წლის განმავლობაში 500 ქართველს მოუნათლა შვილი სომხურად, ხოლო ნორაშენის ეკლესიის წინამძღოლმა 1740-1770 წწ. თბილისში სომხურად მონათლა 1000 ქართველი, ჯიგრაშენის ეკლესიის წინამძღვარმა 1710-1730 წწ. 400-ზე მეტი ქართველი სომხურად მონათლა, თელავის ეკლესიაში 1770-1792 წწ. სომხურად მონათლა 1000-მდე ქართველი“.²⁶

ქართველი ბავშვების სომხურად მონათვლა რა უკადრისი ხერხებით ხდებოდა ტერტერების მიერ, ზ. ჭიჭინაძეს აქვს აღწერილი: „სომხის სამღვდლოების გველური სჯულის ოსტატური ემშაკობა ქართველი ერის გასომხებისათვის“, „ქართველი ერის გასომხების ისტორიიდან: მკითხავ-მარჩიელები და მათი ემშაკობა“... „ქართველი გრიგორიანები“, 1906; მთავარეპისკოპოსი ანანია ჯაფარიძე, „ქართლ-კახეთი — ქართველთა გასომხება“, 1999 და სხვ.

ეჯიმიანის და თბილისში ვანქის ტაძარში მჯდომი საქართველოს ეპარქიის სომეხი ეპისკოპოსები, რაც შეიძლება მეტი ქართველი რომ

²⁶ ზ. ჭიჭინაძე, „სომხის სამღვდლოებისა და დაშნაკთა ოცნება“, გაზ. „სამშობლო“, 1916, 17 აპრილი.

გაეცხვებინათ ტერტერებს, ფინანსებს არ იშურებდნენ და ოქროს უხვად გასცემდნენ. ამ პროცესმა იმდენად ფართო ხასიათი მიიღო, რომ მეფის მთავრობა იძულებული გახდა სპეციალური დადგენილება გამოეცა და ქართველთა სომხის სარწმუნოებაზე გადაყვანა აეკრძალა, მაგრამ სომეხი სასულიერო პირები ამ დადგენილებას არად დაგიდევდნენ და მაინც თავისას განაგრძობდნენ. ამ მხრივ განსაკუთრებით აქტიურობდა ეპისკოპოსი ნერსესი (შემდეგ სრულიად სომეხთა კათალიკოსი). იგი ამ პროცესს უშუალოდ ხელმძღვანელობდა და წარმართავდა.²⁷

ამას დაემატა ისიც, რომ „თავგასული ტერტერები ძველ ქართულ ეკლესიებს ათასნაირი ზრიკების გამოყენებით, უცერემონიოდ დაეპატრონენ, რაშიც ხელს უწყობდნენ რუსის მაღალი სასულიერო მსახურნი“.²⁸

კიდევ შეიძლება ანალოგიური ფაქტების და მონაცემების მოტანა, მაგრამ, ვფიქრობთ, მოყვანილი საარქივო მასალა და სამეცნიერო ლიტერატურა ნათლად გვიჩვენებს, ეჯიმიანმა როგორი აგრესიული რელიგიური საგარეო პოლიტიკა გაატარა ქართველთა გრიგორიანულ სარწმუნოებაზე გადასაყვანად. რა თქმა უნდა, ეჯიმიანის ეს რელიგიური აგრესია იყო თბილისის სომხური ბურჟუაზიის მიზნების რეალურად განხორციელების მცდელობა. ამ მუხანათური პროცესის იდეოლოგიური დასაბუთება მოცემული აქვს თავის პუბლიცისტურ თხზულებაში გაზეთ „მშაკის“ რედაქტორს გრიგოლ არწრუნს, რომელმაც ფრანგ ჟურნალისტს, კუტულს დააწერინა: „მომავალი კავკასიაში სომეხებს ეკუთვნით, მის მეზობლებს – ქართველებს და თათრებს – სხვა არა დარჩენიათ რა, რომ უნდა გასომხდნენო“.

ახლა, რაც შეეხება კონკრეტულად სამცხე-ჯავახეთის ქართველთა გენოციდს, ამის შესახებ პროფ. თინა იველაშვილი გვაძლევს ფაქტებზე დამყარებულ საფუძვლიან დასკვნას: „ყველა კარგად ხედავს, რომ თეთრი გენოციდის მსხვერპლად ამ რეგიონში (ჯავახეთში) XIX საუკუნის I ნახევარში მეფის რუსეთის ლოცვა-კურთხევით შემოსახლებული სომეხები კი არა, არამედ ძირძველი ქართული მოსახლეობა იქცა. კერძოდ:

1. თურქეთის ხელისუფლების მხრიდან ძალისმიერი ზეწოლით მკვიდრ ქართულ მოსახლეობაზე, ქართველი მოსახლეობის გარკვეული ნაწილი აიყარა და საქართველოს სხვადასხვა კუთხეში გადასახლდა, ნაწილმა სარწმუნოება შეიცვალა, რასაც, ფაქტობრივად, მათი ეროვნული და სულიერი გადაგვარება მოჰყვა (თეთრი გენოციდის ერთი სახე).

2. რუსმა გენერალმა ტორმასოვმა, მეფის ხელისუფლების მითითებით, 1810 წელს ჯავახეთიდან ათასობით მკვიდრი ქართველი აყარა და ქვემო ქართლში გადასახლდა (თეთრი გენოციდის მეორე სახე).

²⁷ ზ. ჭიჭინაძე, „სომხის კათალიკოსის ნერსეს დიდის მოღვაწეობა საქართველოს დასაღუბად და ქართველი ერის შესაჭმელად“.

²⁸ ბონდო არველაძე, „ქართული“ თუ სომხური ეკლესიები საქართველოში? 1996, ქართ., ინგლ., რუს. ენებზე.

3. XIX საუკუნის 30-იან წლებში, სამცხე-ჯავახეთიდან 65 ათასზე მეტი სარწმუნო-ებაშეცვლილი ქართველი მამაპაპური სამკვიდრებლიდან აიყარა და თურქეთში გადაიხვეწა (თეთრი გენოციდის მესამე სახე).

4. რუსეთის ხელისუფლების ადგილობრივმა წარმომადგენლობამ, რომელიც არაა გამორიცხული რომ სომეხებმა მოისყიდეს, კათოლიკურ სარწმუნოებაზე გადასულ ქართველებს სომხურ ენაზე წირვა-ლოცვა დაუკანონა, ისინი ოფიციალურად სომეხებად გამოცხადდნენ, და სომხურენოვანი სკოლები გაუხსნა (თეთრი გენოციდის მეოთხე სახე).

5. საბჭოთა ხელისუფლების დამყარების შემდეგ სოფელ ველიდან ჯავახეთში გადმოსახლებულმა ქართველმა კათოლიკეებმა (რომლებსაც ხელისუფლებამ სომხური რიტი დაუწესა და სომხურენოვანი სკოლები გაუხსნა) არაერთხელ (XIX საუკუნის 30-იანი წლები, ამავე საუკუნის 90-იანი წლები) მიმართეს მთავრობას, რომ ისინი ქართველები იყვნენ და ამიტომ ქართულენოვანი სკოლების გახსნას ითხოვდნენ. იმდროინდელი ხელმძღვანელობის შეგნებული წყურუების შედეგად ეს თხოვნა დარჩა „ხმად მღადადებლისა უდაბნოსა შინა“ (თეთრი გენოციდის მეხუთე სახე).

6. XX საუკუნის 40-იან წლებში კრემლიდან მიღებული დადგენილების საფუძველზე ათეულ ათასობით გამაჰმადიანებული ქართველი სამცხე-ჯავახეთიდან ძალით აპყარეს და შუა აზიაში გადასახლეს (თეთრი გენოციდის მეექვსე სახე).

მეფის რუსეთისა თუ საბჭოთა ხელისუფლების მიერ გატარებული ანტიქართული ღონისძიებების შედეგად მოხდა ის, რომ სამცხე-ჯავახეთში (განსაკუთრებით ჯავახეთში) ძირძველი მკვიდრი მოსახლეობა – ქართველები XIX საუკუნის 30-იან წლებში თურქეთიდან შემოსახლებულ სომეხებთან შედარებით ეთნიკურ უმცირესობად იქცნენ“.²⁹

თეთრი გენოციდზე თუ მიდგა საქმე, აი, ეს იყო მიზანმიმართული, უსისხლო გენოციდი ქართველი ხალხისა.

სანოსიანი არქეოლოგიასაც წაეპოტინა და „განიხილა“ მეგალითური კულტურის ნიმუშები ჯავახეთში. ესენია: სოფელ მურჯახეთის სასაფლაოზე არსებული ქვის ვეშაპი. ხალხი მას „ძუძუს ქვას“ ეძახის. სოფელ განძის ქვის ვეშაპი დგას მდინარე ფარავნის მარჯვენა ნაპირას. ფარავნის ტბის ნაპირზე მდგარ ქვის ვეშაპს სოფლელები „ზეზე მდგარ ქვას“ უწოდებენ. ზოგიერთი მეცნიერი მას ფალოსის კულტს უკავშირებს, ზოგს კი ჩვეულებრივ ქვის ვეშაპად მიიჩნია. ეს მეცნიერული დავის საგანია და მასში ამჯერად არ ჩავერევით. ერთი კი უნდა აღვნიშნოთ, სანოსიანი პროფ. ლ. მელიქსედ-ბეგს ცილს სწამებს, როცა წერს, თითქოს მას მურჯახეთის ვეშაპი არ უნახავს და მასზე ფოტოსურათით მსჯელობსო. ეს არ არის სწორი. როცა პროფ. ლ. მელიქსედ-ბეგი თავისი მონოგრაფიის „მეგალი-

²⁹ „არ გათურდების ყორანი“, გაზ. „ლიტერატურული მესხეთი“, 2010, ნოემბერი.

თური კულტურა საქართველოში“ (1938) მასალებს ამზადებდა, რამდენჯერმე იყო ჯავახეთში და ადგილზე შეისწავლა ეს ძეგლები. ამას მოწმობს მის არქივში დაცული მასალები, ძეგლის ფოტოები, ამ ძეგლების გვერდით გადაღებული ლ.მელიქსეძე-ბეგის სურათები და სამგზავრო ჩანაწერები.

აღარ გამოუდგებოთ სანოსიანის სხვა „მეცნიერულ ვარჯიშებს“ და ვიტყვი, როცა სომეხთა წინაპრები მოვიდნენ დღევანდელი სომხეთის ტერიტორიაზე, ისინი ვერავითარ შემთხვევაში თან ვერ მოიტანდნენ 9-10 ტონიან და მეტი წონის ძეგლებს, როგორც სანოსიანს ჰგონია. ეს არის იმ ხალხის შექმნილი, რომელიც აქ მანამდე მკვიდრობდა, ვიდრე სომეხთა წინაპრები აწინდელი სომხეთის მიწაზე მოვიდოდნენ, უფრო ადრე, ვიდრე აქ ურარტული ცივილიზაცია შეიქმნებოდა (ნ.მარი). ციკლოპურ და მეგალითურ ძეგლებს არავითარი კავშირი არა აქვს სომხებთან და მის ძველ კულტურასთან.

კიდევ ერთხელ გვსურს შევახსენოთ არწრუნების, პატკანოების, ეზოების, „ღირსეულ“ მემკვიდრეებს — სანოსიანებს, აივაზიანებს, კარაპეტიაანებს, სარქისიანებს და მათ მსგავს „მეცნიერებს“, რომელნიც ავადმყოფური დაჟინებით აცხადებენ პრეტენზიებს ჯავახეთსა და, საერთოდ, სამხრეთ-დასავლეთ საქართველოს ტერიტორიაზე და მისი ისტორიის მიზანმიმართულ გაყალბებას ეწევიან, დროა, კარგად დაიხსომონ და გააცნობიერონ: „ქართლის ცხოვრება“ გარკვევით გვაუწყებს: „ჯავახეთი იყო მცხეთოსის შვილის — ჯავახოსის საუფლისწულო მამული, „ხოლო ჯავახოსს მისცა (მცხეთოსმა) ფარავნითგან ვიდრე თავამდე მტკვრისა და ამან ჯავახოსს აღაშენა ორნი ქალაქი: წუნდა და ქალაქი არტაანისა, რომელსა მაშინ ერქუა ქაჯთა ქალაქი, ხოლო აწ ჰქვიან ჰური“ (გვ.10).

ეს მოხდა მაშინ, როცა არც სტრაბონის, არც მოსეს ხორენაცის და არც სხვათა ხსენებაც არ იყო ამ ქვეყანაზე. ე. ი. ჯერ კიდევ ისტორიის გარიჟრაჟზე ჯავახეთი ქართული მიწა იყო.

ამ ნაშრომში კიდევ არაერთი ანტიქართული „მარგალიტია“, მაგრამ ყველას ვერ გამოუდგებოთ. მოტანილი მასალითაც ცხადად ჩანს მისი ანტიქართული შინაარსი და ავტორის ნეგატიური პოზიცია ყოველივე ქართულისადმი. აქვე გვსურს ხაზგასმით ითქვას, ნაშრომი, პირველ ყოვლისა, ქართველი და სომეხი ხალხის კეთილმეგობრობას უთხრის ძირს. ძნელი წარმოსადგენი არ არის ქართველი ხალხის და მისი ისტორიის რა სიძულვილს და ზიზღს უნერგავს ეს დაშნაკი, შოვინისტი „მეცნიერი“ და „პედაგოგი“ სომეხ ახალგაზრდობას. და ეს ქართველთა სიძულვილი და შხამი ნიაღვრად მოედინება და სად? არა სადღაც შორს, აგერ, ჩვენს გვერდით, ქართულ მიწაზე — ჯავახეთში.


ამ წერილს რომ ვამთავრებდი, უცბად გულში გამკრა, შეიძლება ვინმემ ითქვას, „ჩიტი ბრდღენად არ ღირს“, სანოსიანის კრებული ამდენ ყურ-

ადღებას არ იმსახურებს, დროის და ენერჯის ამდენი ხარჯვა ზედმეტი! მაგრამ, როცა ისტორიას იპარავენ, როცა ერს შეურაცხყოფენ, მაშინ დიდისა და პატარის გარჩევის დრო აღარ არის. ნათქვამია: „ნემსის ქურდი და აქლემის ქურდი ორივე ქურდი“ და ორივეს თავისი ადგილის მიჩენა სჭირდება. წაყრუება არ ეგების.

ვეფრობთ, დროულად უნდა დაინტერესდეს საქართველოს განათლების სამინისტრო და სანოსიანს პედაგოგიური მოღვაწეობა აუკრძალოს.

P.S. დაბოლოს, ვის უფრო უყვარს სომეხი ერი, ვინ უფრო ზრუნავს მის ღირსებებზე და ვინ უფრო ამშვენებს მას — ოვანეს თუმანიანი, რომელსაც ქართველები კეთილშობილ და საუკეთესო მეზობლებად მიაჩნდა, ფელიქს ბახჩინიანი, ვინც ჩვენს პატრიარქში საერთოდ ქართველი ერისათვის დამახასიათებელი კაცთმოყვარეობა და სულიერი სიმაღლე დაინახა, თუ სანოსიანი და ძმანი მისნი, რომელთაც კაცთმოძულეობა, სიზარბე, სხვისის მითვისება, სიცრუე და ორპირობა ცხოვრების წესად გაიხადეს და ამო და ფუჭი მიზნის მისაღწევად ზნეობრივი პრინციპები სრულიად უგულვებლყვეს?





ნოდარ ლომოური

**შიდა ქართლი — ჩვენი საშობლო
და ჩვენი ტკივილი**

დღეს სულ უფრო იძაბება ვითარება შიდა ქართლში, ანუ ე. წ. სამხრეთ ოსეთში, სადაც იზრდება ოს სეპარატისტთა აგრესიულობა. ახლახან ჩვენთვის ცნობილი გახდა, რომ აქაური ე. წ. ხელისუფლება გეგმავს რიგი ქართული სოფლების სრულ მოსპობასა და მათი სახელების გაუქმებასაც.

სწორედ ამ მხარდი აგრესიულობის გათვალისწინებით საჭიროდ ჩავთვალე, კიდევ ერთხელ მეჩვენებინა, რამდენად ყოველმხრივ უკანონოა და ყველა თვალსაზრისით აღმაშფოთებელი ამგვარი ქმედებები. მთავარ არ-გუმენტებად მესახება ჩვენება ე. წ. სამხრეთ-ოსეთის წარმოქმნის ისტორიული ასპექტებისა, რამდენადაც ოს სეპარატისტთა იდეოლოგიები სწორედ ამ მხარის ისტორიის გაყალბებით ცდილობენ თავიანთი პოლიტიკური ნაბიჯების გამართლებას.

წინასწარ მინდა განაცხადო, რომ „სამხრეთ ოსეთის“ საქართველოს-გან გამოყოფას, ჩრდილოეთ ოსეთთან შეერთებას, ან თუნდაც სუვერენულ რესპუბლიკად გაფორმებას არა აქვს არავითარი — არც ისტორიული, არც პოლიტიკური, არც საერთაშორისო-სამართლებრივი, არც თუნდაც ზნეობრივ-ჰუმანური — საფუძვლები.

ოსების საქართველოში ჩამოსახლების და აქ მათი ავტონომიური ოლქის შექმნის შესახებ ბევრი დაიწერა და გამოქვეყნდა. ეს პრობლემა განსაკუთრებით აქტუალური გახდა 90-იან წლებში, მას მერე, რაც 1990 წ. სექტემბერში საქართველოს ხელისუფლებაში მოსულმა ზვიად გამსახურდიამ ოსეთის აო-ის გაუქმება გამოაცხადა. ამას, ცხადია, მოჰყვა ვითარების მკვეთრი დაძაბვა შიდა ქართლში, ოს ექსტრემისტთა გააქტიურება რუსეთის მხარდაჭერით და სწორედ ამ პროცესებმა გამოიწვიეს ქართულ ისტორიო-გრაფიაში ოსური პრობლემის განსაკუთრებული გამოცოცხლება. უნდა აღვნიშნოთ, რომ სწორედ ამ დროს გამოქვეყნებული ნაშრომები შეიცავდნენ ამ პრობლემის მეტად დამაჯერებელ და ყოველმხრივ დასაბუთებულ წარმოდგენას, ერთ-ერთი პირველი იყო *ჯონდო გვახალიას* ნაშრომი,¹ შემდეგ

¹ *ჯ. გვახალია*, ქართველი და ოსი ხალხების ურთიერთობის საკითხისათვის // საქ. მეცნ. აკად. „მაცნე“, ისტორიის სერია, 1990, №3, გვ. 7-16.

ნოე აფხაზაას გამოკვლევა.² რასაც მოჰყვა ამ საკითხზე რიგი მეცნიერების (მე არ არ ჩამოვთვლი ყველას) ნაშრომები, სხვადასხვა წყაროს (ქართული და უცხოური), არქეოლოგიური მასალის, ტოპონიმის, ხელოვნების ისტორიის მონაცემების გამოყენებით შესრულებული. ამ ნაშრომებიდან მაინც უნდა გამოვყო *ლევან თოიძის* ძალზე დამაჯერებელი გამოკვლევა; „როგორ შეიქმნა სამხრეთ ოსეთის ავტონომიური ოლქი“ („მაცნე“ ბიბლიოთეკა, ისტორიის სერია, 1991) და აკაკი ბაქრაძის თაოსნობით შედგენილი კრებული რუსულ ენაზე: «Осетинский вопрос» (გამომც. „კერა-XXI“, 1994).

1991 წლიდან ამ საკითხების კვლევაში მეც ჩავერთე, რასაც მოყვა ჩემი პუბლიკაციები ჟურნალში „საზრისი“ (1991, №1, „სამშობლოს არვის წა-ვართმევთ“) და გაზეთში „ივერია“ (1991, №1, „შიდა ქართლი — ჩემი სამშობლო და ჩემი ტკივილი“), ხოლო 1992 წ. ჟურნალში „ცისკარი“ (№5) — „ოსთა საქართველოში ჩამოსახლების ისტორიის ძირითადი ასპექტები“.

ჩემი კვალიფიკაციის გათვალისწინებით სრული უფლება მქონდა სათანადოდ შემეფასებინა ზემოდასახელებულ მეცნიერთა და სხვათა არგუმენტები და დასკვნები, თვითონაც წარმოვიჩინა ზოგიერთი პრობლემა და გამოვითქვა ჩემი შეხედულება. მხედველობაშია მისაღები ისიც, რომ მე წარმოშობით იმ კუთხიდან ვარ, რომელიც უშუალოდ ემიჯნება ე. წ. „სამხრეთ ოსეთს“. ესაა გორის რაიონის სოფელი *არბო*, პატარა ლიახვის ხეობაში. ამდენად ახალგაზრდობიდანვე საშუალება მქონდა დაეკვირვებოდი აქ მიმდინარე პროცესებს.

ოსეთისა და ოსების პრობლემა საკმაოდ მრავალმხრივია, ამიტომაც ოს სეპარატისტებთან კამათი მრავალ საკითხზე გვიხდება. ერთ-ერთი პირველი საკამათო პრობლემა უკავშირდება ოსების ეთნოგენეზისის საკითხს და ოსების კავშირს ჩრდილოეთ კავკასიის დასავლეთ ნაწილში, აზოვის ზღვისა და დონისპირა ველებში ოდესღაც მოსახლე ალანებთან. ოსი მეცნიერების ნაწილი ოსებს სწორედ ალანების უშუალო შთამომავლებად აცხადებს. დღეს სრულიად გარკვეულია, რომ ოსების ეთნოგენეზისი ხდებოდა ჩრდილოეთ კავკასიაში დარჩენილი ალანებისა და აქ მოსახლე კავკასიური ტიპის ადგილობრივ ტომთა თანდათანობით შერწყმის საფუძველზე და ეს პროცესი დასრულდა X-XI საუკუნეებში ახალი ეთნიკური ერთობის, ოსი ხალხის ჩამოყალიბებით.³ მიუხედავად ამისა, ზოგიერთი ოსი ისტორიკოსი (ბ. ტენოვი, რ. ძათიათი, ი. გაგლოვი, გ. თოგოშვილი) მაინც ცდილობს დაამტკიცოს, რომ ოსთა უშუალო წინაპრები — ალანები საქართველოში გვიანანტიკურსა და ადრემუსაუკუნეებში იყვნენ ჩამოსახლებული. ეს აბსოლუტური უმეცრება და სიყალბე უკვე ნოე აფხაზაამ შეუვალი დამაჯერებლობით უარყო თავის ზემოდასახელებულ გამოკვლ-

² *ნ. აფხაზაა*, ალანები და საქართველო // „მაცნე“, ისტორიის... სერია, 1991, №3, გვ. 7-6, №4, გვ. 33-59.

³ იხ. ჩემი სტატია „ცისკარში“ (გვ. 105-108).

ევაში და 1994 წ. გამოცემულ კრებულში შესულ ვრცელ სტატიაში.⁴

აღარ შეეხები ამ პრობლემასთან დაკავშირებულ სხვა საკითხებს და ახლა შევჩერდები ყველაზე მნიშვნელოვან და საკამათო საკითხზე — ოსთა საქართველოში ჩამოსახლების დროისა და ვითარების გარკვევაზე.

როგორც ცნობილია, XIII-XIV სს-ში ჯერ მონღოლებმა, შემდეგ თემურ-ლენგის ურდოებმა გაანადგურეს ჩრდილოეთ კავკასიის ველებზე არსებული ოსური გაერთიანებები და ოსები კავკასიონის მთიან ხეობებში შერეეს; აქ მათ მძიმე პირობები შეექმნათ და გაუჩნდათ ლტოლვა კავკასიონის მთვარი ქედის გადმოლახვისა და სამხრეთისაკენ ჩამოსახლებისა. გასათვალისწინებელია, რომ XIV ს-ის ბოლო ოცეულში თემურ-ლენგის რვაგზის შემოსევის, შემდეგ თურქ-ოსმალთა და ყიზილბაშური ირანის უწყვეტი თავდასხმების შედეგად შეთხელდა ქართლის ბარის მოსახლეობა და მთებიდან დაიწყო ჩამოსვლა ქართველმა მთიელებმა, ძირითადად განთავისუფლდა მაღალმთიანი ზოლი და აქ დაიწყო XVI-XVII სს-ში გადმოსვლა ოსებმა. არსებითად XVII ს-დან იწყება ეს პროცესი, რაც დასტურდება ვახუშტი ბატონიშვილის აღწერითა და სხვა წყაროებით, რაც სათანადოდ გაანალიზებულია ქართულ ისტორიოგრაფიაში.⁵

საერთო სურათი ასეთია: XVII სს-ში თანდათანობით ჩნდება ოსური დასახლებები ქართლის მაღალმთიან ზონაში, დიდი და პატარა ლიახვის, მეჯუდის, ლეხურას, ქსნის სათავეებთან. საინტერესოა, როგორ აფასებს ოსთა ჩამოსახლებას კერძოდ ქსნის ხეობაში ცნობილი ოსი მეცნიერი *ვასილ აბაევი*: «Исторические и языковые факты подтверждают, что поселения ксанских осетин в теперешних местах по Ксанскому ущелью произошло не так давно, примерно в последние 200 лет. Они переселились гонимые малоземельем и нищестии».⁶

XVIII ს-დან ეს პროცესი თანდათან ძლიერდება, ხოლო XIX ს-დან ოსთა ჩამოსახლება უფრო მასობრივი ხდება და ოსები დასახელებულ მდინარეთა შუა წელზე და ბარშიაც, კერძოდ კახეთში, ლაგოდეხში, ბორჯომ-ბაკურიანში, თბილისშიაც კი მკვიდრდებიან. მაგრამ მაინც ეს იყო სპორადული, არაკომპაქტური დასახლებები.

ზემოაღნიშნული დასკვნა თითქოს ეჭვს არ უნდა იწვევდეს, მაგრამ ოსი მეცნიერების გარკვეული ნაწილი (ი. გაგლოითი), თვით ისეთი, თითქოს პროქართულად განწყობილი ისტორიკოსი, როგორიცაა გ. თოგოშვილი, ამტ-

⁴ Н. Апхазова, Культурно-этнические процессы в северо-западной части Шиди Картли и древнейших времен до позднего средневековья, — კრ. «Осетинский вопрос», გვ. 27-73.

⁵ იხ. ნ. აფხაზავას ზემოდასახელებული გამოკვლევები, აგრეთვე 1994 წ. გამოქვეყნებულ კრებულში შესული ნაშრომები (ბ. გამყრელიძის, ჯ. გვასალიას, ვ. ითონიშვილის, ს. ლეკიშვილის, ა. თოთაძის და სხვათა); რ. თოფჩიშვილი, საქართველოში ოსთა ჩამოსახლებისა და შიდა ქართლის ეთნოისტორიის საკითხები, თბ., 1997.

⁶ В. И. Абаев, Осетинский язык и фольклор, М., 1959, გვ. 501 (ზახვასმა ჩემია).

ციცებს, რომ ოსთა საქართველოში დამკვიდრება XIII ს-ის მეორე ნახევარში მოხდა.⁷ ამ შემთხვევაში ისინი არაფერს იგონებენ. ქართველი მემატიანე *ჟამთააღმწერელი* (XIV ს.) მოგვითხრობს, რომ საქართველოს მეფე დავით VII ულუს (1249-1270) დროს მონღოლთა ხელშეწყობით გამოვიდნენ დარუბანდის უღელტეხილით ოსთა საკმაოდ მრავალრიცხოვანი რაზმები თავიანთი ოჯახებით და დავით ულუმ ისინი დაასახლა თბილისის, დმანისის, ჟინვალის სანახებში; მოგვიანებით მათ გორიც დაიკავეს.⁸ XIII ს-ის 90-იან წლებში, მეფე დავით VIII-ის დროს (1273-1311), შემოსახლებულ ოსთა განდევნის მცდელობა იყო, რადგან მათ მონღოლთა „მოლაშქრედ და თანამებრძოლად“ წარმოაჩინეს თავი და ქვეყნის აოხრება იწყეს, მაგრამ ეს ცდა უშედეგო გამოდგა.

ეს ყველაფერი ასეა, მაგრამ ოსი ისტორიკოსები მკითხველს უმაღავენ ყველაზე მნიშვნელოვანს; იმავე ჟამთააღმწერელის ცნობით, რასაც ადასტურებს ვახუშტი ბატონიშვილიც, XIV ს-ის დასაწყისში მეფე *გიორგი ბრწყინვალემ* (1314-1346) ოსნი „განხსნა და აღფხურნა“, გააძევა ქართლიდან. ვახუშტი კი აღნიშნავს, რომ გიორგი ბრწყინვალემ არა მარტო გააძევა ოსნი თავისი სამეფოდან, არამედ თვით ოსეთში მიუხდა მათ, დაიმორჩილა და დახარკა, ხოლო ყველა ზეკარი დაიკავა და ჩაკეტა.⁹ ამდენად ყოველგვარ საფუძველს კარგავს მტკიცება, რომ XIII-XIV სს-დან მოყოლებული ოსები უკვე ქართლის ტერიტორიაზე სახლობდნენ. ამ დროს მათი აქ შემოსვლა ხანმოკლე, თანაც არც-თუ სახელოვანი ეპიზოდი იყო ოსთა ერთი მცირე ნაწილის ისტორიაში.¹⁰

ახლა ჩვენ მივადექით ყველაზე მტკივნეულ პრობლემას — ესაა „სამხრეთ ოსეთის ავტონომიური ოლქის“ შექმნის დღემდე ძალიან აქტუალური საკითხი.

ჩვენ უნდა გვესმოდეს, რომ ოსთა საქართველოში ჩამოსახლებისთანავე, განსაკუთრებით XVIII-XIX საუკუნეებში ადგილობრივ ძირძველ მოსახლეობასა და შემოხიზნულ ოსებს შორის დაიწყო კონფლიქტები, რაც ეფუძნებოდა იმ გარემოებას, რომ ოსი ხიზნები ცდილობდნენ, დაპატრონებოდნენ მიწას, სასოფლო-სამეურნეო სავარგულებს, განემტკიცებინათ თავიანთი სოციალური სტატუსი. ამ პრეტენზიებს ადვილად არ თმობდა ქართული მოსახლეობა. გასაგებია, რომ ეს კონფლიქტები იმ-თავითვე გამოიყენეს რუსეთის რეაქციულმა ძალებმა, განსაკუთრებით მას მერე, რაც 1917 წლის რევოლუციის შემდეგ საქართველო გამოეყო რუსეთს და 1918 წლიდან აქ შეიქმნა საქართველოს დემოკრატიული რესპუბლიკა. რუსეთში საბჭოთა ხელისუფლების გამარჯვების მერე, ბოლშევიკური

⁷ Ю. С. Гаглойти, Аланы и вопрос этногенеза осетин, Тб., 1966; გ. თოგოშვილი, საქართველო ოსეთის ურთიერთობის ისტორიიდან, ცხინვალი, 1958. გვ. 219-224.

⁸ ქართლის ცხოვრება (ს. ყაუხჩიშვილის გამოც.) ტ. II, თბ., 1959. გვ. 251, 296.

⁹ იქვე, გვ. 445; ტ. IV, თბ., 1973. გვ. 256.

¹⁰ გ. გამყრელიძე, XIII-XIV სს-ის მიჯნის საქართველოს ისტორიიდან // „მრავალთავი“ №5, 1975, გვ. 183-184; ჩემი სტატია „ოსთა საქართველოში ჩამოსახლების ისტორიის ძირითადი ასპექტები“ // „ცისკარი“, №5, გვ. 109-112.

მთავრობა მიზანდასახულად შეუდგა საქართველოში „მეხუთე კოლონის“ ორგანიზებას და კანონზომიერი იყო, რომ ამ პროცესში ყველაზე აქტიური სწორედ აქაური ოსური მოსახლეობა გახდა.

ეს პრობლემები ჩვენს ისტორიოგრაფიაში სათანადოდაა გაშუქებული. ამ მხრივ განსაკუთრებით აღსანიშნავია ლევან თოიძის ვრცელი გამოკვლევა, რომელშიც „სამხრეთ ოსეთის“ ხელოვნური შექმნა განსაკუთრებით ვრცლად და ყოველმხრივ დასაბუთებულად არის მოცემული.¹¹

სწორედ იმ დახმარებისთვის, რომელიც ოსებმა საბჭოთა სამხედრო ძალებს აღმოუჩინეს, 1922 წ. ბოლშევიკების ქართველი ბელადების ს. ორჯონიკიძის, ფ. მახარაძის და სხვ. ინიციატივით შეიქმნა ოსეთის ავტონომიური რესპუბლიკა, რომელსაც იმავე წლის 20.V დეკრეტით ეწოდა „სამხრეთ ოსეთის ავტონომიური ოლქი“, ხოლო რადგან ავტონომიური ოლქის სტატუსს არ ყოფნიდა მხოლოდ ოსებით დასახლებული სოფლები, მასში შეიყვანეს ქართული, *ქართველებით დასახლებული* სოფლებიც, ხოლო ოლქის დედაქალაქად გამოაცხადეს *ძველი ქართული ქალაქი* ცხინვალი, რომელშიაც იმ დროს ოსები საერთოდ არ ცხოვრობდნენ.¹²

აქვე გვინდა საგანგებოდ აღვნიშნოთ, რომ 2010 წელს საქ. მეც. აკადემიის ისტორიის, არქეოლოგიისა და ეთნოლოგიის კომისიის მიერ გამოცემულ იქნა მეტად მნიშვნელოვანი კრებული, რომელშიაც შევიდა უახლესი გამოკვლევები ოსეთის პრობლემებზე.¹³ ამ კრებულში ე. წ. „სამხრეთ ოსეთის ავტონომიური ოლქის“ შექმნის პროცესს მიეძღვნა ისტორიკოს *ოთარ ჯანელიძის* ორი სტატია, რომელშიაც გამოყენებულია უახლესი საარქივო დოკუმენტები.¹⁴


უნდა გავაკეთოთ საერთო დასკვნა, რომ ზემოგანხილული ისტორია ოსთა საქართველოში ჩამოსახლებისა სრულიად უეჭველს ხდის, რომ თავის დროს შიდა ქართლის ტერიტორიაზე სამხრეთ ოსეთის ავტონომიური ოლქის შექმნა ისტორიულად სრულიად გაუმართლებელი იყო. ოსების აქ ცხოვრების ხანგრძლივობა, აქ გაწეული შრომა, მათ სრულ უფლებას აძლევს აქ ცხოვრებისა და ყველა მოქალაქეობრივი უფლებებით სარგებლობისა, მაგრამ მიწა-წყალი — და ამას ჩვენი ოსი თანამოქმენი უნდა დაეთანხმონ და შეეჩვიონ — ეკუთვნის მხოლოდ ერთადერთს — ქართველ ერს. ამას ურყევად ადასტურებს ისტორია.

¹¹ ლ. თოიძე, როგორ შეიქმნა სამხრეთ ოსეთის ავტონომიური ოლქი // საქ. მეც. აკადემიის „მაცნე“ ბიბლიოთეკა, ისტორიის სერია, თბ., 1991; ლ. თოიძის ამ პრობლემისადმი მიძღვნილი სტატია შევიდა აგრეთვე 1994 წ. ზემოთ დასახელებულ კრებულშიაც: «Образование осетинской автономии в Грузии» (გვ. 296-321).

¹² აქვე მინდა აღვნიშნო, რომ ჩემი ახალგაზრდობის ხანაში (1940-იანი წლები) ცხინვალში სულ 30 ოჯახი სახლობდა ოსებისა.

¹³ Некоторые вопросы истории осетин Шида Картли, Тб., 2010.

¹⁴ О. Джанелидзе, Осетинский вопрос в Демократической Республике Грузии (1918-1921), (გვ. 366-381). Как создавалась Юго-Осетинская автономная область (Новые архивные материалы)), гв. 382-394.



ზურაბ ცუცქერიძე

საგზოაღმოსვლელი საფარი

ნუ იფიქრებთ, რომ ამ წერილის ავტორმა არ იცის იმ ლოზუნგის ისტორია, რომელიც სათაურშია გამოტანილი. ვიცი, როგორ არა! ეს ლოზუნგი სხვადასხვა ვარიაციით არაერთხელ გაცოცხლებულა ქვეყნისა და ხალხის ძნელბედობისას, სხვადასხვა ეპოქასა და სხვადასხვა სახელმწიფოში. უკანასკნელად იგი 1941 წლის შემოდგომაზე გამოჩნდა, როდესაც გერმანულ ფაშისტთა ურდოები ყოფილი საბჭოთა კავშირის დედაქალაქ მოსკოვს უშუალოდ დაემუქრნენ. მაშინ ამ ლოზუნგმა დიდი მათრახიანი გეგმა დაიწყო. თუმცა, შეიძლება ეს მხოლოდ ამ ლოზუნგის ემოციური მუხტის გავლენა არ იყო. უზარმაზარ მათრახიანი გეგმა დაიწყო, ამას, ალბათ, ის ფოლადის კაცი აძლევდა, ვინც მაშინ ქვეყნის საჭესთან იდგა.

ახლა ის ცეცხლოვანი ლოზუნგი რომ გავიხსენე, იმის იმედი როდი მაქვს, ხალხი დაირაზმება სამშობლოს გადასარჩენად-მეთქი. არა. მე მხოლოდ მინდა ჩემი და ჩემი კოლეგების, თანამშრომლების, თანამოაზრეების უკიდურესი შემოფოტება გამოვხატო და სათაურში გამოტანილი ამ ლოზუნგით მივანიშნო, რომ საქართველოს იმაზე ნაკლები საფრთხე არ ემუქრება, ვიდრე საბჭოთა კავშირის ხალხებსა თუ საფრანგეთის ახალგაზრდა რესპუბლიკას ემუქრებოდა თავის დროზე.

მტერი ხმლითა და თოფით კი აღარ მოდის, ცოდნითა და ფულით მოდის, — გვაფრთხილებდა დიდი ილია. — ცხოვრებას თუ ერთი წუთით თვალი მოუხუჭე, ისე გაგთელავს, როგორც დიდოელი ლეკი ნაბადსო.

რა ზუსტად უთქვამს და ჯერ კიდევ როდის უთქვამს იმ სულკურთხეულს!

რა ხან მტერი ცოდნითა და ფულით მოდის, ცხადია, იგი შენიღბულია და მეგობრად, გულშემატკივრად, შემწედ, ქველმოქმედად ასალებს თავს. მოდის საჩუქრებით და, უფრო ხშირად, ქრთამით. მე შენ გეტყვი და საქართველოში კაცის მოქრთამვა გაუჭირდება! ყოველ ნაბიჯზე იპოვნი ისეთს, ოცდაათ თუ არა, ასოცდაათ ვერცხლად რომ მაინც გაჰყიდის მოყვასს.

დღეს ბრძენთა ხმობა აღარ არის საჭირო იმის გასაგებად, რომ ჩვენს

მტრებსა და მათი ვერცხლით ტვინგადაბრუნებულ ქართველებს (გვართ ქართველებს!) ქართული ეროვნული ცნობიერების დანგრევა აქვთ გადაწყვეტილი. კარგად ორგანიზებული, მასირებული შეტევა ეროვნულ ღირებულებებზე „შეუიარაღებელი თვალითაც“ ჩანს. კონსულტანტები და ჭკუისდამრიგებლებიც რომ არ აკლიათ! მოზარდებსა და ახალგაზრდობაზე მიმართული მათი პროპაგანდისტული ზეგავლენის თაფლში ამოვლებული შხამიანი ისრები. აბა, ჩამოყალიბებული, ზრდასრული, ცხოვრებისეული გამოცდილებით აღჭურვილი პიროვნების შეგნებას ხომ ვერ შეცვლიან უვიცი და ხეპრე, ზნეობისაგან დაცლილი გავლენის აგენტები.

სამი ღვთაებრივი საუნჯე დაგვრჩაო წინაპართაგან, — გვმოდვრავდა დიდი ილია, — მამული, ენა, სარწმუნოება. ამ საუნჯეს თუ არ გავუფრთხილდით და არ მოვუარეთ, რაღა კაცები ვიქნებითო, — დასძინდა. სწორედ ეს „ეროვნული სამება“ ამოიღეს მიზანში ამ ადამიანის სახედაკარგულებმა.

ჩვენს მამულს გარეშე მტრებმა შინაურთა ხელშეწყობით რაც დამართეს, მტერს დაემართოს ისეთი! გურამიშვილის თქმისა არ იყოს, როცა ჩვენი მამლები აიქოჩრნენ და ქანდარაზე მოხერხებული ადგილების დასაკავებლად ერთმანეთს წაეკიდნენ, იქვე ჩასაფრებულმა ტურა-მელიებმა ისარგებლეს და ჩვენი მამულის ხარჯზე კაი გვარიანი ლუკმა იგდეს ხელთ. იმის ნაცვლად, რომ გონს მოუსულიყავით, ჩვენმა ხელისუფლებამ წინაპართა სამკვიდროს ერთი ნაწილი ძალით შეაჩეჩა მტერს: შიდა ქართლს „სამხრეთ ოსეთი“ ხელახლა უწოდა, კოდორის ხეობის სვანეთს „ხემო აფხაზეთი“ დაარქვა, რითაც წამლეჯებს უთხრა: ეს ტერიტორიები საქართველოსი არ გეგონოთო, მოდით მიიერთეთო! იმათაც სხვა რაღა უნდოდათ!

ეს ეგრეთ წოდებული სეპარატისტულ რეგიონებზე ვთქვი, მაგრამ, ის რაც ვითომ ჯერჯერობით ჩვენია, მართლა ჩვენია?

ჩვენი ჰქვია იმ რაიონსა თუ რეგიონს, სადაც ქართულად ვერავის დაელაპარაკები? სადაც ქართული სკოლები აღარ არის? (ქართველები აღარ ცხოვრობენ და ქართული სკოლები რატომ უნდა იყოს, ნეტავი!). საქართველო ჰქვია იმას, სადაც მიწა-წყლის ორი მესამედი ბარდაუკერულია და ყამირად არის ქცეული? (ჩვენ კი უცხოური ბალღინჯოიანი ფქვილით გამომცხვარი პურით ვიწამლებით).

სამწუხაროა, მაგრამ ფაქტია: **წინაპართაგან დატოვებული ერთი საუნჯეთაგანი — მამული — ხელყოფილია.**

როგორც კი ნაციონალური მოძრაობა მოვიდა ხელისუფლების სათავეში, მაშინვე გამოვლინდა ყოველგვარი ქართულისადმი სიძულვილი. პირველ ყოვლისა, უგულბელყვეს ეროვნების საფუძველთა საფუძვლის — ენის მნიშვნელობა. ქართული ენისადმი უპატივცემულო დამოკიდებულება ნორმად იქცა და სახელმწიფო პოლიტიკის რანგში დამკვიდრდა. მეტიც.

განათლების ვაირეფორმატორთა ერთ-ერთმა იდეოლოგმა განაცხადა: ინგლისური ენის უცოდნელად წარმატებული ადამიანი ვერ იქნებიო. ესე იგი, შენი ქვეყნის სახელმწიფო ენა გინდა გცოდნია, გინდა არა, ამას მნიშვნელობა არ აქვს, მთავარი ინგლისურის ცოდნააო. ამის მოქმედი ისე სულელი არა მგონია, მართლა ასე ფიქრობდეს. ეს უფრო სხვისი დაგალების შესრულებას ჰგავს. აბა, მევენახე, მძღოლი, მემანქანე, პოეტი, მწერალი, მუსიკოსი, მსახიობი, ხარაზი თუ ხაბაზი ინგლისური ენის უცოდნელად წარმატებული ვერ იქნება?

შენს მშობლიურ ენას, რომელსაც კონსტიტუციურად სახელმწიფო ენის სტატუსი აქვს მინიჭებული, ასე რომ დაამცირებ, ეროვნული საუნჯის ხელყოფაა, აბა, რა ჯანდაბაა? როდესაც ქალაქის ცენტრში ბევრი დაწესებულების აბრეზზე მხოლოდ უცხოური დასახელებებია აღნიშნული, ქართული ენის — სახელმწიფო ენის აბუჩად აგდება არ არის?

ქართული ენის დამცირება-დაკნინების, მისი ლიტერატურული ნორმების სრული უგულბელყოფისა და ელემენტარული უვიცობის მუდმივ დემონსტრირებას ახდენენ ჩვენი ტელევიზიები. ქართველი ტელეწამყვანები რა კილოზე ლაპარაკობენ, რა ჟარგონებს ხმარობენ, ქართულისათვის რა არაბუნებრივ მახვილებს იყენებენ, გაოგნდები კაცი! ქართული ლექსიკა ხომ არ იციან და არა! ბარბაროზებს ისე ხმარობენ, წარმოდგენაც არ აქვთ, რას სჩადიან. ასე მგონია, საგანგებოდ ცდილობენ, ისე ილაპარაკონ, როგორც ამერიკელი ილაპარაკებდა ახლადნასწავლი ქართულით.

ეს ტუტუცი გოგო-ბიჭები სისულელეს რომ იტყვიან ტელეეთერში, უხერხულობას კი არ გრძნობენ ათიათასობით ქართველი მაყურებლის წინაშე, სიცილით იხოცებიან, უხარიათ, ეს რა მაგარი სისულელე წამოვროშეთო. ამას წინათ, დილის გადაცემაში ისე გადაფიჩინდა ერთი ცნობილი ტელეწამყვანი, დარწმუნებული ვარ, მის ნაცვლად ჩემთან ერთად უამრავი მაყურებელი ჩავარდა უხერხულ მდგომარეობაში.

წინაპართაგან ნაანდერძევი მეორე საუნჯეც ხელყოფილია.

და მაინც, ყველაზე გააფთრებული შეტევა ჩვენს ზნეობაზეა; ზღვარდაუდებელი ლიბერალები გაცოფებული უტყვენ იმ საფუძვლებს, რასაც ქართული ეროვნული ცნობიერება ეფუძნება. ეროვნულ ღირებულებებზე ლაპარაკი ჩვენს ე. წ. ლიბერალისტებს უიმედო ჩამორჩენილობად მიაჩნიათ. ამ უხელო გრანტიყლაპიებს, რომელთა უმეტესობას არც გარკვეული ეროვნება, არც გარკვეული სქესი და სარწმუნოება აქვს, მიაჩნიათ, რომ ეროვნული ღირებულების ცნება საერთოდ შინაარსს მოკლებულია. ერთი ამიხსენით, რას უწოდებთ ეროვნულ ღირებულებებსო, — ირონიული ტონით მკითხა ერთმა, თავისთავად, კარგმა, განათლებულმა ახალგაზრდა მეცნიერმა, რომელიც ნებსით თუ უნებლიეთ, ზღვარდაუდებელი ლიბერალიზმის ტყვეობაშია მოქცეული.

მის და მისნაირთა გასაგონად მინდა ვთქვა, თორემ მეტროლ ლიბერალისტებს მამა ღმერთი თუ შეასმენს რაიმეს. ეროვნული ღირებულებანი არის ის, რითაც ერთი ერი მეორე ერისგან განსხვავდება. ერებს აერთიანებთ საკაცობრიო ღირებულებანი და განასხვავებთ ეროვნული ფასეულობები! უფრო დაწვრილებით ახსნას არ ვაკადრებ იმ ახალგაზრდასავით დროებით დაბნეულ ადამიანებს.

ზნეობრიობაზე მასირებულ, უადრესად აგრესიულ შეტევას გლობალური ხასიათი აქვს. ზოგან იგი წარმატებით განხორციელდა, ზოგან მტიცედ დაუხვდნენ და უზნეობის ადებტები თავიანთი ქვეყნიებიდან გააპანდურეს. ჩვენში საზოგადოების მხრიდან უზნეობის შემოტევის წინააღმდეგ მაინცდამაინც აქტიური წინააღმდეგობის სურვილი არ იგრძნობა. ეს იმიტომ კი არა, რომ ქართველობა ამ სატანის ნაშიერებს დანებდა. არა! „საქმე იმიტომ უფროა ცუდად, რომ ცუდად როა, არ იცის ბევრმა“ (მ. მაჭავარიანი).

ბევრ ჩვენს თანამემამულეს ამ ზნეობრივი საფრთხეების მიმართ არასერიოზული დამოკიდებულება აქვს. მერე რა მოხდა, ვიდაც წყალწაღებულსა და ზნედაცემულს ტელევიზორში თუ მოიწვევენ და მთელი ქვეყნის დასანახად და გასაგონად დაუწყებენ საუბარს მათ უზნეო თავგადასავლებზეო, — იტყვის მავანი და ხუმრობის საგნად გადააქცევს ამ უზნეობას. ამ ოციოდე წლის წინათ პირველად რომ გავიგონეთ სატანისტური დაგინება „ჩემი დედა...“, საზოგადოებამ აღშფოთებით კი არ გამოხატა პროტესტი, არამედ მხიარული ანეკდოტი შექმნა: „მიხო ქალაქიდან დაბრუნდა და თანასოფლელებს ამცნო: გაიგეთ ხალხო, ქალაქში უკუღმა იგინებიაო!“ ჰო და, ახლა მთელი საქართველო უკუღმა იგინება.

მამათმავლობისა და ლესბოსელობის აშკარა პროპაგანდას მხილება და გაკიცხვა კი არ დაუპირისპირეთ, არამედ იქაც სახალისო ანეკდოტებით შევიქციეთ თავი: „გილოცავ ბავშვის შეძენას! გოგოა თუ ბიჭი?“ — ეკითხება ერთი კაცი მეორეს! „გაიზრდება და თვითონ გადაწყვეტსო“, — პასუხობს ახალშობილის მამა.

აი, ასეა და რაღა გასაკვირია, თუ ზნეობრივი ღირებულებების აბუჩად ამგდები თავხედობა ასე მოგვეძალა ყველგან — მწერლობაში, ხელოვნებაში, სკოლასა თუ უმაღლეს სასწავლებლებში... პოლიტიკაშიც.

პოლიტიკაში რაღაო, გაიკვირებს მავანი. თქვე კაი ხალხო, ომის დროს მოწინააღმდეგეს ქრთამს რომ შესთავაზებ იმისათვის, თუ ძმა ხარ, აგერ ჩემი ქალაქის შუაგულში ესა და ეს ობიექტი დამიბომბეო, თუ არა უკიდურესი ზნედაცემულობა, სხვა რა შეიძლება ეწოდოს.

ლიბერალისტები თავისუფლების დემაგოგიური ლოზუნგით გვიტყვენ. ადამიანს გამოხატვის სრული თავისუფლება უნდა ჰქონდესო. როგორ შეიძლება, საკუთარი აზრის გამოთქმისა და ამ აზრის შესაბამისი მოქმედება შეუზღუდლო კაცსო.

კი, ბატონო (ხელი და პირი ლიბერალისტებისკენ მიქნა!), შენ უფლება გაქვს, რაც გინდა ის იფიქრო დედაშენზე, მაგრამ მისი პროპაგანდის უფლება არ გაქვს, რადგან, ის რაც შენთვის მისაღებია, ჩემთვის მიუღებელი და ამაზრზენია. თავისუფლების წეს-კანონი ჩემთვის არ არსებობს? მე არა ვარ თავისუფალი? და თუ თავისუფალი ვარ, ხომ მაქვს უფლება გავემიჯნო, თვალი და ყური მოვარიდო იმას, რაც ადამიანის ღირსების შეურაცხყოფად და დამამცირებლად მიმაჩნია!

ახლა ლიბერალისტურ დემოკრატიაზე „თავგადაკლული“ ვინმე მედასაუღეთე მეტყვის: „კი, მაგრამ, უმცირესობის უფლებებზე არაფერი გსმენია“-ო. მსმენია, როგორ არა! ძალიანაც პატვის ვცემ უმცირესობებს, ეროვნული იქნება იგი, ეთნიკური თუ რელიგიური, მაგრამ სექსუალური ორიენტაცია რა უბედურებაა? ადამიანს შეიძლება არასწორი გეოგრაფიული, სოციალური, პოლიტიკური ორიენტაცია ჰქონდეს, მაგრამ ამ თავისი ორიენტაციის შესაბამისი მოქმედებით მიზანს რომ ვერ მიაღწევს, უარს იტყვის მასზე და მისი აზრით სწორ ორიენტაციას აირჩევს (თბილისიდან გორში რომ მიდიოდეს კაცი და აღმოსავლეთით აიღოს გეზი, სართიჭალაში თუ არა საგარეჯოში მაინც მიხვდება, რომ სწორ გზას არ ადგას!). კაცი კაცს რომ ირთავს ცოლად, ეს ორიენტაციაა? რა მიზანი აქვს ამგვარ ორიენტაციას? ოჯახის შექმნა? ამგვარ კაცებს, ახლა მოფერებით გეიებს რომ უწოდებენ, ადრე პედარასტები ერქვათ. ზოგან იგი ავადმყოფებად მიაჩნდათ და შეძლებისდაგვარად მკურნალობდნენ, ზოგან მძიმე დანაშაულად თვლიდნენ და დილეგებში ამწყვედევდნენ (ზოგან უარესსაც უშეებოდნენ!).

ადამიანის ყველა ფიზიკური თუ სულიერი თვისება, რაც მისი ჭეშმარიტი ბუნების საწინააღმდეგოა, მედიცინაში პათოლოგიად არის სახელდებული და მას ან მკურნალობენ, ან საზოგადოებისგან იზოლირებულად ინახავენ.

ორიენტაცია კი არა, ეს არის ზნეობრივი დეზორიენტაცია და ღმერთმა დაიფაროს კაცობრიობა მისგან!

უზნეობის ბაცია სწრაფად ვრცელდება, განსაკუთრებით, მატერიალურ კეთილდღეობას დახარბებულთა შორის. რამდენიმე ხნის წინ მთელმა საქართველომ ნახა (ვისაც შეხედვისთანავე გული არ აერია, რა თქმა უნდა!) სამხატვრო აკადემიის დიპლომანტი ქალიშვილები და ჭაბუკები, რა მშვიდად ისხდნენ მრგვალი მაგიდის გარშემო და ასევე მშვიდად აფურთხებდნენ ერთმანეთს სახეში. აკადემიის რექტორმა „გაგვანათლა“: ეს სადიპლომო პროექტიაო. ამაზე რომელიდაც საერთაშორისო ორგანიზაცია გრანტს მოგვცემსო. მე, პირადად, ადამიანისათვის სახეში შეფურთხების მომხრე არა ვარ, მაგრამ დასავლურ ცივილიზაციას ხომ ვერ ჩამოვრჩებითო.

იმ ვერეთ წოდებულ აკადემიის რექტორს დიდი სურვილი მაქვს ვუთხრა: შენ და შენსავით „ლიბერალური ღირებულებების“ დამცველ შენს

შვილს უფლება გაქვთ, რა თქმა უნდა, დასხდეთ თქვენს სახლში (სჯობს, სამზარეულოში!) და აფურთხოთ ერთმანეთს სახეში. მაგრამ სტუდენტი ახალგაზრდების გაბრიყვების უფლება არ გაქვთ. ის ექვსი თუ შვიდი მომავალი მხატვარი, ამის შემდეგ როგორ უნდა გამოჩნდეს იმ საზოგადოებაში, რომელიც ნამდვილი კაცებისა და ქალებისაგან შედგება!

მტერმა კარგად იცის, რომ ჩვენს ზნეობრივ მრწამსს ისე ვერ დაანგრევს, თუ ტრადიციული სარწმუნოება არ მოგვიშალა. ჩვენი ზნეობრივი მრწამსი 17 საუკუნეა მართლმადიდებლობას ეფუძნება. ჩვენ ეკლესიური ცხოვრებით ვცხოვრობთ და თუ არ ვცხოვრობთ, ჩვენი ცხოვრების წესი და შინაარსი მაინც მართლმადიდებლობით არის განსაზღვრული. აი, სწორედ მართლმადიდებლობას ებრძვიან ჩვენი მტრები ასე გააფთრებით (სხვათა შორის, ასე იქცეოდნენ 20-იანი წლების ბოლშევიკებიც!). ეს ლიბერალისტები ერთგულად ასრულებენ ზბიგნევი ბჟეზინსკის მითითებას — მართლმადიდებლობა ჩვენი (ე. ი. სატანის მიმდევრების!) მტერიაო.


სამწუხაროდ, დალესისა და ბჟეზინსკის მიმდევრები ჩვენშიც საკმაოდ აღმოჩნდნენ, რომლებმაც ოკეანისგალმელი „მეგობრების“ საამებლად არაერთგზის აღმართეს ხელი ჩვენს სიწმინდეებზე.

ასე რომ, წინაპართაგან ნანდერძევი მესამე საუნჯეც ხელყოფილია!

ასე ჩუმაღ თუ ვიქნებით, ერთ დღეს გავიღვიძებთ და... ფა-ფუ საქართველო თავისი წარსულითა და მომავლით!

გვინდა ასეთი ხვალე?

ღმერთო დაგვიფარე!



თეიმურ არგოლიშვილი

იძულებით გადაადგილებულ პირთა პრობლემების ზოგადი ანალიზი

იძულებით გადაადგილებული პირების სამართლებრივი მდგომარეობა და სახელმწიფოს მიერ დევნილებთან მიმართებით გადადგმული ნაბიჯები ყოველთვის წარმოადგენდა და დღესაც წარმოადგენს საზოგადოების მალა-ლი ინტერესის საგანს. წლების განმავლობაში დევნილობასთან დაკავშირებული საკითხების მომწესრიგებელი არაერთი ნორმატიული აქტის არსებობის მიუხედავად, კვლავაც სახეზეა ის ხარვეზები, რაც ხელს უშლის დევნილების პრობლემების გადაჭრის პროცესს. ეს ზოგჯერ არსებული კანონმდებლობის არასწორი ინტერპრეტაციით, ხოლო ზოგ შემთხვევაში არასრულყოფილი საკანონმდებლო ბაზით ან ხელისუფლების წარმომადგენელთა დაუდევრობით არის განპირობებული. ვფიქრობთ, მსგავსი ხარვეზების თავიდან აცილება მნიშვნელოვნად არის დამოკიდებული მათ გაანალიზებაზე, რაც მომავალში სწორი გადაწყვეტილებების მიღებას შეუწყობს ხელს.

საქართველოში დღეისათვის 90-იან წლებში განვითარებული მოვლენების შედეგად დევნილი დაახლოებით 247 000 პირი ცხოვრობს, ხოლო 2008 წლის აგვისტოს ომის დროს პირველ ეტაპზე მუდმივი საცხოვრებელი ადგილი დატოვა 130 000-მა პირმა, რომელთა დიდმა ნაწილმა მოგვიანებით შეძლო მუდმივ საცხოვრებელ ადგილას დაბრუნება, ხოლო დაახლოებით 26 000-მდე პირი კვლავაც დევნილობაში იმყოფება.

იძულებით გადაადგილებულ პირთა სახელმწიფოს მხრიდან მხარდაჭერის სტრატეგია ორ მთავარ მიზანს დაეფუძნა:

- ◆ პირობების შექმნა დევნილთა ღირსეულად და უსაფრთხოდ დაბრუნებისათვის;

- ◆ დევნილი მოსახლეობისათვის ღირსეულად ცხოვრების პირობების მხარდაჭერა და საზოგადოებრივ ცხოვრებაში მათი ჩაბმა.

დევნილთა მიმართ სახელმწიფო პოლიტიკის განხორციელების პროცესში გამოვლენილი პრობლემებიდან ერთ-ერთი მნიშვნელოვანი თემა

უკავშირდება დევნილის სტატუსის მინიჭებას. სუბიექტთა წრის მიხედვით, სტატუსის მინიჭების პრობლემა პირობითად შესაძლებელია რამდენიმე კატეგორიად დაიყოს:

◆ 2008 წლის აგვისტოს ომის შედეგად იძულებით გადაადგილებული პირები, რომლებმაც სახელმწიფოს მიერ შეთავაზებული საცხოვრებლის სანაცვლოდ საკომპენსაციო თანხა (10 000 აშშ დოლარი) აირჩიეს;

◆ 2008 წლის აგვისტოს ომის შედეგად კონფლიქტის ზონის მიმდებარე სოფლებიდან იძულებით გადაადგილებული პირები;

◆ 2008 წლის აგვისტოს ომის შედეგად იძულებით გადაადგილებულ პირებს სახელმწიფომ განსახლების სხვადასხვა ფორმა შესთავაზა:

◆ სახელმწიფოს მიერ ახლად რეაბილიტირებული, აშენებული ან შესყიდული საცხოვრებელი ფართი;

◆ სახელმწიფოს მიერ შეთავაზებული საცხოვრებელი ფართების სანაცვლო საკომპენსაციო თანხა (10 000 აშშ დოლარი).

2008 წლის აგვისტოს ომის შედეგად დევნილი მოსახლეობისათვის აშენდა 3963 კოტეჯი, შესყიდულ იქნა 453 სახლი და რეაბილიტაცია გაუკეთდა 1500 ბინას. ჯამში განხორციელდა 5753 ოჯახის (18 866 პირი) განსახლება. იმ პირებს, რომლებიც აღნიშნული ფორმით იქნენ განსახლებულნი, სამინისტრომ ძირითადად მიანიჭა დევნილის სტატუსი, ხოლო იძულებით გადაადგილებულ პირთა იმ ჯგუფს, რომლებმაც განსახლების ალტერნატიული საშუალება — 10 000 დოლარიანი კომპენსაციის მიღება აირჩიეს, დევნილის სტატუსის მინიჭების პრობლემა შეექმნათ. საკომპენსაციო თანხის მიღებამდე მათი დროებითი განსახლება განხორციელდა სახელმწიფოს საკუთრებაში არსებულ სხვადასხვა შენობაში. საქართველოს ოკუპირებული ტერიტორიებიდან იძულებით გადაადგილებულ პირთა, განსახლების და ლტოლვილთა სამინისტრომ დევნილის სტატუსის მინიჭებაზე ზეპირი ფორმით უარი უთხრა იმ დრომდე, სანამ მათი საკომპენსაციო თანხით დაკმაყოფილება არ მოხდებოდა.

მიუხედავად იმისა, რომ კანონში აღნიშნული საკითხი ნათლად არის მოწესრიგებული, სამინისტრომ სტატუსის მინიჭება საკომპენსაციო თანხით დაკმაყოფილებას დაუკავშირა, რითაც ხელოვნურად შეაფერხა სტატუსის მინიჭების პროცესი. საბოლოოდ, ამან დაამძიმა თვეების და წლების განმავლობაში საკომპენსაციო თანხის და დევნილის სტატუსის მოლოდინში მყოფი პირების სოციალური მდგომარეობა. აღნიშნულ პერიოდში მათთვის ხელმისაწვდომი არ იყო დევნილის ყოველთვიური შემწეობა, რადგან მისი გაცემა ხორციელდება მხოლოდ იმ პირებზე, რომლებსაც დევნილის სტატუსი აქვთ მინიჭებული. დევნილის სტატუსის მინიჭების პრობლემა კვლავაც აქტუალურია. დღეისათვის 2008 წლის ომის შედეგად იძულებით გადაადგილებულ დაახლოებით 4 500-ზე მეტი პირი ისევ დევნილის სტა-

ტუსის მინიჭების მოლოდინშია.

2008 წლის აგვისტოს ომის შედეგად მუდმივი საცხოვრებელი ადგილის დატოვება მოუწიათ არა მხოლოდ იმ პირებს, რომლებიც დღეისათვის ოკუპირებულ ტერიტორიებზე ცხოვრობდნენ, არამედ კონფლიქტის ზონის მიმდებარე სოფლების მაცხოვრებლებსაც (მაგალითად, ზარდიანთკარის, გუგუტიანთკარის, ზემო ნიქოზის, ქვეშის, ხურვალეთის და სხვა სოფლების მოსახლეობას). კონფლიქტის დროს აღნიშნული ტერიტორიებიდან წამოსული მოსახლეობა დღემდე ვერ უბრუნდება მუდმივ საცხოვრებელს და მათი დიდი ნაწილი შიდა ქართლში არსებულ სხვადასხვა ბაგაბაღში ცხოვრობს. აღსანიშნავია ის გარემოება, რომ მათთვის დევნილის სტატუსის მინიჭებასთან დაკავშირებით სახელმწიფოს დღემდე არ აქვს ჩამოყალიბებული კონკრეტული პოზიცია. დღეის მდგომარეობით, სახელმწიფო ვერ იძლევა მტკიცე გარანტიას, რომ მუდმივ საცხოვრებელ ადგილას დაბრუნების შემთხვევაში, კონფლიქტის ზონის მიმდებარე სოფლებიდან იძულებით გადაადგილებული პირების სიცოცხლე, უსაფრთხოება, თავისუფლება და ჯანმრთელობა დაცული იქნება, ამიტომ, სწორედ დევნილის სტატუსის მინიჭება შეიძლება გახდეს იძულებითი დაბრუნებისაგან დაცვის ერთ-ერთი საშუალება.

ჩვენი აზრით, ზემოთაღწერილი პრობლემის მოსაგვარებლად აუცილებელია, რომ ყველა იმ პირს, რომლებიც კონფლიქტის ზონის მიმდებარე სოფლებიდან იძულებით გადაადგილდნენ სიცოცხლის, ჯანმრთელობის ან თავისუფლებისათვის საფრთხის შემცველი პირობების არსებობის გამო და ვერ ბრუნდებიან მუდმივ საცხოვრებელ ადგილას, უნდა მიენიჭოს დევნილის სტატუსი.

ხელისუფლების მხრიდან სერიოზული პრობლემაა შექმნილი ისეთ საკითხთან დაკავშირებით, როგორცაა კომპენსაციების გაცემა და ოჯახების ხელოვნურად გაერთიანება. საკომპენსაციო თანხის გაცემის საკითხს არეგულირებს საქართველოს მთავრობის მიერ მიღებული განკარგულებები, რომელთა თანახმად, საკომპენსაციო თანხის მიღების უფლება აქვთ 2008 წლის აგვისტოს ომის შედეგად უსახლკაროდ დარჩენილ იმ ოჯახებს, რომლებმაც უარი თქვეს სახელმწიფოს მიერ შესყიდული, რეაბილიტირებული ან ახლად აშენებული საცხოვრებელი ფართების მიღებაზე. საყურადღებოა, რომ არაერთ ოჯახს, რომელსაც კანონმდებლობა კომპენსაციით დაკმაყოფილების უფლებას აძლევს, საკომპენსაციო თანხები დღემდე არ მიუღია. ამიტომ ზემოხსენებული რეგულაციების მიუხედავად, კომპენსაციის გაცემის პროცესი დასრულებულად არ შეიძლება ჩაითვალოს. საკომპენსაციო თანხების გაცემის პროცესში გამოვლენილ იქნა შემდეგი პრობლემები:

◆ საკითხის მომწესრიგებელი განკარგულებების ბუნდოანი შინაარსი

(არ არის განმარტებული ოჯახის ცნება, რაც ხშირად ოჯახის ხელოვნური გაერთიანების საფუძველი ხდება. არ არის მკვეთრად გაწერილი პროცედურები, რომლის დაცვითაც უნდა მოხდეს საკომპენსაციო თანხების გაცემა);

◆ ე.წ. საკომლო წიგნების არარსებობა (ადგილობრივი მუნიციპალიტეტის გამგებების განმარტებით, ომის დროს განადგურდა საკომლო წიგნები), რაც ართულებს ოჯახის შესახებ მონაცემების დადგენას;

◆ ადგილობრივი მუნიციპალიტეტის გამგებების მიერ გაცემული ცნობების არასანდოობა (ხშირად მათ მიერ გაცემული ცნობები არ შეესაბამება რეალობას და მათ მიერვე გაცემულ სხვა ცნობებს ეწინააღმდეგება).

აღნიშნული მიზეზების გამო, სამინისტრომ, არაერთ შემთხვევაში, წლების წინ ცალკე კომლექსად (ოჯახებად) რეგისტრირებულ და-ძმებს, მშობლებსა და შვილებს ერთ ოჯახად გაერთიანება და ერთი საკომპენსაციო თანხის აღება შესთავაზა. დევნილთა მხოლოდ ძალიან მცირე ნაწილი დათანხმდა სამინისტროს შეთავაზებას, ხოლო იმ ოჯახებს, რომლებმაც ხელოვნურად გაერთიანებაზე უარი განაცხადეს, საკომპენსაციო თანხა დღემდე არ მიუღიათ. ოჯახების ხელოვნური გაერთიანების შემთხვევა მოხდა ქალაქ თბილისში სასტუმრო “აფხაზეთიდან” 2011 წლის აგვისტოში დევნილთა ძალისმიერი გამოსახლების დროსაც. ამ პროცესში სასტუმროდან გამოყრილი პრაქტიკულად ყველა ოჯახი დაზარალდა.

არის შემთხვევები, როდესაც სამინისტრომ კონკრეტულ ოჯახებს გადაურიცხა კუთვნილი საკომპენსაციო თანხები, თუმცა, მოგვიანებით, ყოველგვარი ახსნა-განმარტების გარეშე, გადარიცხული თანხები უკან დაიბრუნა.

ჩვენი აზრით, პრობლემის გადასაჭრელად აუცილებელია, რომ ყველა იმ ოჯახს, რომელიც 2008 წლის აგვისტოს ომამდე ან სასტუმროებიდან გამოსახლების მომენტში ცალკე ოჯახად (კომლად) ცხოვრობდა და უარი თქვეს სახელმწიფოს მიერ შესყიდული, რეაბილიტირებული ან ახლად აშენებული საცხოვრებელი ფართების მიღებაზე, უნდა მიეცეს საკომპენსაციო თანხა, ხოლო ვისაც იძულებით ააღებინეს, საჭიროა ჩატარდეს ძიება და ყველა დევნილს ადეკვატური კომპენსაცია მიეცეს.

ზემოთ უკვე მოვიყვანეთ შემთხვევა, რომელიც სასტუმრო “აფხაზეთის” უკავშირდებოდა. ახლა შეგვიძლია განვავრცოთ აღნიშნული საკითხი.

ბოლო წლებში განსაკუთრებით გააქტიურდა დევნილთა ძალისმიერი გამოსახლების პროცესი. გამოსახლება განხორციელდა როგორც ე.წ. დროებითი თავშესაფრებიდან, ასევე, კომპაქტური განსახლების ობიექტიდან. „იძულებით გადაადგილებულ პირთა — დევნილთა შესახებ“ საქართველოს კანონის თანახმად, შესაბამის ტერიტორიაზე საქართველოს იურისდიქციის აღდგენამდე დევნილთა კომპაქტური განსახლების ობი-

ექტივიდან არ ხდება დევნილების გამოსახლება, გარდა იმ შემთხვევებისა, როდესაც:

- ◆ დევნილებთან იდება წერილობითი შეთანხმება;
- ◆ გამოიყოფა შესაბამისი საცხოვრებელი ფართობი, რომლითაც არ გაუარესდება დევნილის საყოფაცხოვრებო პირობები;
- ◆ ხდება სტიქიური ან სხვა მოვლენები, რაც ითვალისწინებს განსაზღვრულ კომპენსაციებს და საერთო წესით რეგულირდება;
- ◆ დევნილს ფართობი დაკავებული აქვს თვითნებურად, კანონის დარღვევით.

გამოსახლების კანონიერების შესაფასებლად, აუცილებელია იმის განსაზღვრა, კომპაქტური განსახლების ობიექტიდან გამოსახლებულ დევნილებს გადაეცათ თუ არა შესაბამისი საცხოვრებელი ფართი, რომლითაც არ გაუარესდა მათი საყოფაცხოვრებო პირობები. ვინაიდან კანონი არ აკონკრეტებს, რა შეიძლება ჩაითვალოს პირობების გაუარესებად, ეს ყოველ კონკრეტულ შემთხვევაში ინდივიდუალურ შესწავლას და შეფასებას მოითხოვს. თუმცა, საცხოვრებლის ადეკვატურობის შეფასებისას ერთ-ერთი მნიშვნელოვანი დოკუმენტი, რომელზეც ყურადღება უნდა გამახვილდეს, არის „დევნილთა ხანგრძლივადიანი თავშესაფრით უზრუნველყოფის მიზნით კოლექტიური ცენტრების რეაბილიტაციის, რეკონსტრუქციისა და მშენებლობის სტანდარტები.“ ეს დოკუმენტი შეიმუშავა იძულებით გადაადგილებულ პირთა — დევნილთა მიმართ 2009-2012 წლებში სახელმწიფო სტრატეგიის განხორციელების სამოქმედო გეგმის სამეთვალყურეო საბჭომ, ხოლო შემდგომ იგი განხილული და მოწონებული იქნა საქართველოს მთავრობის 2009 წლის 30 ოქტომბრის №35 სხდომაზე.

2008 წლის აგვისტოს ომის შემდგომ, დევნილთა ახალი ნაკადის თავშესაფრით უზრუნველყოფის მიზნით, თბილისსა და რეგიონებში სახელმწიფო საკუთრებაში არსებულ შენობებში განხორციელდა იძულებით გადაადგილებული პირების შესახლება. მოგვიანებით, დევნილთა იმ ნაწილმა, რომლებმაც სახელმწიფოს მიერ შეთავაზებულ ახლად რეაბილიტირებულ, აშენებულ ან შესყიდულ საცხოვრებელში განსახლების წინადადება მიიღო, დატოვა დროებით გამოყოფილი ფართი და გადავიდა სახელმწიფოს მიერ შეთავაზებულ საცხოვრებელში (კოტეჯები, კორპუსის ტიპის საცხოვრებლები). ხოლო დევნილთა ის ჯგუფი, რომელთაც სახელმწიფოს მიერ შეთავაზებული საცხოვრებლის სანაცვლო კომპენსაციის მიღება ირჩიეს, კვლავაც აგრძელებდნენ აღნიშნულ შენობებში ცხოვრებას საკომპენსაციო თანხების მიღებამდე. საბოლოოდ, ე.წ. დროებით თავშესაფრებში მცხოვრები იძულებით გადაადგილებული პირები პირობითად შესაძლებელია რამდენიმე ჯგუფად დაგვით:

- ◆ 2008 წლის აგვისტოს ომის შედეგად იძულებით გადაადგილებული

პირები (ე.წ. „ახალი დევნილები“), რომლებმაც უარი განაცხადეს ახლად აშენებულ, რეაბილიტირებულსა და შეძენილ ფართებში გადასვლაზე და ელოდნენ საკომპენსაციო თანხის (10 000 აშშ დოლარი) მიღებას;

◆ 1989-1993 წლებში იძულებით გადაადგილებული პირები, რომლებიც დარეგისტრირებულნი იყვნენ ე.წ. კერძო სექტორში (სხვადასხვა ქალაქსა და რაიონში) და წლების განმავლობაში ცხოვრობდნენ ნათესავებთან ან ქირით;

◆ 1989-1993 წლებში იძულებით გადაადგილებული პირები, რომლებიც რეგისტრირებულნი იყვნენ სხვადასხვა კოლექტიურ ცენტრში;

◆ 1989-1993 წლებში იძულებით გადაადგილებული პირები, რომლებიც სამოქმედო გეგმის ამოქმედებამდე დაკმაყოფილდნენ (ინვესტირების მიერ) კომპენსაციით, თუმცა, მიღებული თანხის სიმცირის ან სხვა მიზეზებით ვერ შეძლეს საცხოვრებელი ფართების შეძენა.

ყველა ზემოთ დასახელებული კატეგორიის დევნილების გამოსახლების პროცესი ქ. თბილისში 2010 წლის ივლისიდან დაიწყო და 2011 წლის ბოლომდე გაგრძელდა. მიუხედავად იმისა, რომ გამოსახლების პირველი (2010 წლის ივლისი-აგვისტო) და მეორე ტალღა (2010 წლის ნოემბერი – 2011 წლის სექტემბერი) განსხვავებული ფორმით წარიმართა, დაფიქსირდა იძულებით გადაადგილებული პირების უფლებების დარღვევის ფაქტები, რასაც ადგილი ჰქონდა ორივე შემთხვევაში. უშუალოდ გამოსახლების პროცესის განხილვამდე, მნიშვნელოვანია იმ შენობების სტატუსის შეფასება, საიდანაც გამოსახლება განხორციელდა.

გამოსახლების დროს დაფიქსირებული მთავარი პრობლემები გამოსახლებული დევნილების ძირითადი ნაწილის თავშესაფრის გარეშე დარჩენას, საკომპენსაციო თანხების გაუცემლობას, გამოსახლებულ დევნილთა ნაწილისათვის რეგიონებში შეთავაზებულ საცხოვრებელ ადგილებში არასათანადო პირობების არსებობას უკავშირდება. მაგალითად, ერთ-ერთი ადგილი, სადაც საქართველოს ოკუპირებული ტერიტორიებიდან იძულებით გადაადგილებულ პირებს, განსახლების და ლტოლვილთა სამინისტრომ გამოსახლებულ დევნილებს საცხოვრებელი ფართები შესთავაზა, იყო წალენჯიხის რაიონის სოფელი ფოცხოველი. აღნიშნული შეთავაზება ბევრი დევნილისათვის მიუღებელი აღმოჩნდა. დევნილთა დიდი უმრავლესობა არ დათანხმდა შეთავაზებულ წინადადებას ფოცხოველში გადასვლასთან დაკავშირებით. ფოცხოველში ჩასახლებული დევნილები აღნიშნავენ, რომ ჩასახლების შემდგომ არაერთმა ოჯახმა ფაქტობრივად დატოვა ფოცხოველი და საცხოვრებლად კვლავ თბილისში დაბრუნდა. მათივე თქმით, ამის გამომწვევი ძირითადი მიზეზი მძიმე სოციალური და ეკონომიკური ფონი გახდა. ადგილზე არ არსებობს დასაქმების შესაძლებლობა, ასევე, განსახლებული დევნილებისათვის არ არის ხელმისაწვდომი მი-

წის ნაკვეთები. პრობლემებია სამედიცინო მომსახურების და განათლების კუთხითაც. როგორც დევნილები აღნიშნავენ, ფოცხოველში არსებული სკოლა არ არის სრულად რეაბილიტირებული. ამიტომ ბავშვები იძულებულნი არიან, განათლება სხვა სოფლების საჯარო სკოლებში მიიღონ, რომელიც 5 კმ-ზე მეტი მანძილით არის დაშორებული მათ საცხოვრებელთან. რაც შეეხება სამედიცინო მომსახურების ხელმისაწვდომობას, ადგილზე არსებული ამბულატორია, სათანადო აღჭურვის და პირველადი სამედიცინო მომსახურებისათვის საჭირო საშუალებების არარსებობის გამო, ვერ ახდენს იქ მცხოვრებთა სამედიცინო მომსახურების უზრუნველყოფას. რაც შეეხება უშუალოდ საცხოვრებელ შენობას, დროთა განმავლობაში გამოვლინდა არაერთი ხარვეზი, რაც, სავარაუდოდ, მისი არასრულყოფილი რეაბილიტაციით არის გამოწვეული.

პრობლემის მოსაგვარებლად აუცილებელია:

◆ დევნილების გამოსახლება არ უნდა განხორციელდეს იმ დრომდე, სანამ არ მოხდება მათი უზრუნველყოფა სათანადო საცხოვრებელი საცხოვრებლის შეთავაზება უნდა მოხდეს რეგისტრაციის ადგილის მიხედვით; კომპენსაცია უნდა იყოს ადეკვატური;

◆ შეთავაზებული საცხოვრებელი ფართები უნდა შეესაბამებოდეს სამეთვალყურეო საბჭოს მიერ მიღებულ „დევნილთა ხანგრძლივადიანი თავშესაფრით უზრუნველყოფის მიზნით კოლექტიური ცენტრების რეაბილიტაციის, რეკონსტრუქციისა და მშენებლობის სტანდარტებს“, და, რაც მთავარია, გათვალისწინებულ უნდა იქნეს თავად დევნილთა ინტერესები.

დევნილებისათვის კვლავ გადაუჭრელ პრობლემად რჩება სახელმწიფოს მხრიდან ფინანსური (სოციალური) დახმარება. იმ დროს, როდესაც ქვეყანაში მინიმალური სამომხმარებლო კალათა 150 ლარს შეადგენს, დევნილობის დახმარება სულ რაღაც 28 ლარია. სხვათა შორის, არაერთი ადამიანი, მხოლოდ ამ შემწეობის იმედადაა დარჩენილი. ეს პრაქტიკულად დევნილების შიმშილობისათვის გაწირვის ტოლფასია. ურთულესი მდგომარეობაა ჯანდაცვის მხრივაც. სახელმწიფო დაზღვევას მხოლოდ ერთეულ ოჯახებს აძლევს. ფაქტია, რომ დევნილთა უმრავლესობას ესაჭიროება სახელმწიფო მხარდაჭერა ამ მიმართულებით, თუმცა ეს საოცნებოდ იქცა. სოციალურ პრობლემებს უნდა დაუმატოთ ქვეყანაში არაადეკვატურად გაზრდილი კომუნალური და სწავლის გადასახადები. „ვარდების რევოლუციამდე“ პერიოდისაგან განსხვავებით, დევნილებს არც აქ აქვთ შეღავათი მცირე და უმნიშვნელო გამონაკლისების გარდა.

პრობლემის მოსაგვარებლად მიზანშეწონილად მიგვაჩნია შეიქმნას დევნილთა სტატუსზე მიმაგრებული ერთიანი სახელმწიფო სოციალური მხარდაჭერის პაკეტი, რომელშიც გათვალისწინებული იქნება ყველა შესაძლო და აუცილებელი შეაღავათი, რომელიც დევნილთა ყოფას შეამსუბ-

უქებს და მათი სტატუსი მხოლოდ ერთი ფარატინა სარეგისტრაციო ქაღალდი არ იქნება.

ძალზე მნიშვნელოვანია, მეტი ყურადღების მიქცევა იძულებით გადაადგილებული პირებისათვის საჭირო საარსებო წყაროებისა და სამუშაო ადგილების შესაქმნელად მათი განთავსების ან დაბრუნების ადგილებზე. ამის გარეშე დევნილთა დიდი უმრავლესობისათვის სახელმწიფოს მიერ მიცემული შემწეობები კვლავ შემოსავლის ძირითადი წყარო იქნება.


საჭიროა ყურადღება გაუამახვილოთ დევნილთა მშობლიურ საცხოვრებლებში დაბრუნების პროცესზე. იძულებით გადაადგილებული პირები დაბრუნდნენ აფხაზეთში, ცხინვალის რეგიონსა და საქართველოს არასადავო ტერიტორიებზე. ცხინვალის რეგიონში დაბრუნებულ დევნილთა შესახებ ცოტა რამ არის ცნობილი, რადგან 2008 წლის აგვისტოს ომის შემდეგ ჰუმანიტარულ ორგანიზაციებს ამ ტერიტორიაზე შეზღუდული ხელმისაწვდომობა აქვთ. აფხაზეთში და საქართველოს არასადავო ტერიტორიებზე ცხინვალის რეგიონის ადმინისტრაციული საზღვრის გასწვრივ დაბრუნებული დევნილები მრავალ დაბრკოლებას ხვდებიან: კვლავ არ არის უზრუნველყოფილი მათი უსაფრთხოება; საცხოვრებელი არ არის ადეკვატური; რთულია სამუშაოს შოვნა, არ აქვთ სათანადო ხელმისაწვდომობა საარსებო წყაროებზე; განათლების პროცესი ძალიან ცუდადაა ორგანიზებული. იძულებით გადაადგილებულ პირთა მცირე რაოდენობა კვლავ აგრძელებს დაბრუნებას.


დაბოლოს. დასაქმება. დევნილთა დასაქმების შესახებ ინფორმაცია მწირია. 2009 წლისთვის საგანგებოდ აშენებულ დასახლებებში დაბინავებულ დევნილთა დიდი უმრავლესობა უმუშევარი იყო და დიდი ჯაფის გაწევა უხდებოდათ იმისათვის, რომ საარსებო საშუალება მიეღოთ თავიანთი მიწის ნაკვეთებიდან. დასახლებები ძირითადად მოშორებითაა განლაგებული და იქ რაიმე სახის საარსებო წყაროების შექმნის შესაძლებლობები არ არსებობს. ხელმისაწვდომობა აქვთ მხოლოდ ოჯახის გამოკვებისთვის საკმარისი სოფლის მეურნეობის პროდუქტების წარმოებაზე. ომამდე დევნილთა უმეტესობა გლეხობა იყო. მიუხედავად იმისა, რომ მათთვის გადაცემული მიწის ნაკვეთი ზოგიერთ მათგანს ოჯახის გამოკვების საშუალებას აძლევდა, ეს ნაკვეთები როგორც წესი, არც დიდი იყო და არც საკმარისად ნაყოფიერი იმისათვის, რომ მისგან მათ რაიმე შემოსავალი მიეღოთ. აქედან გამომდინარე, ახალ დასახლებებში განთავსებულ დევნილ ოჯახთა უმეტესობისათვის სახელმწიფოსგან მიღებული შემწეობა შემოსავლის ერთადერთი წყაროა.

ყოველივე ზემოაღნიშნულის გათვალისწინებით შეიძლება დავასკვნათ, რომ დღემდე არაერთი პრობლემა რჩება მოსაგვარებელი, რაც დიდ ძალისხმევასა და აქტიურ მუშაობას მოითხოვს. ცხადია, დევნილთა რაოდენ-

ობა პრობლემათა სწრაფი გადაჭრის შესაძლებლობას არ იძლევა, მაგრამ სწორად გაწერილი და კარგად გააზრებული პოლიტიკის საფუძველზე შესაძლებელია პრობლემების გადაწყვეტა წარმატებით განხორციელდეს. ამისათვის კი უმნიშვნელოვანესია ხელისუფლების მხრიდან პრობლემების ადეკვატური შეფასება და დევნილთა უფლებების მაქსიმალური გათვალისწინება.

შენიშვნა. მასალის დამუშავებისას გამოყენებულ იქნა საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს, საქართველოს სახალხო დამცველის, ნორვეგიის ლტოლვილთა საბჭოსა და ახალგაზრდა იურისტთა ასოციაციის კვლევები.





ზურაბ ჯორჯენაძე

სასამართლოს რეფორმა და მართლმსაჯულების პრობლემები

ვისაც დღევანდელ საქართველოში სამართალდამცავ და სასამართლო სისტემასთან რაიმე შეხება ჰქონია, ალბათ დამეთანხმება, რომ დღეს საქართველოში მოქმედ მართლმსაჯულების სისტემას რეალურად აქვს პრობლემები და ეს პრობლემები სხვადასხვა სახისაა. თუ ვარდების რევოლუციის შემდეგ 2004-2005 წლებში „საზღვარგარეთული“ საერთაშორისო და ადამიანის უფლებათა დამცველი ორგანიზაციები საქართველოში ჩატარებულ რეფორმებს მიიჩნევდნენ პროგრესულად და დემოკრატიულად, დღეს უკვე „საზღვარგარეთული“ ორგანიზაციებიც ღიად გამოხატავენ უკმაყოფილებას იმის გამო, რომ ქართულ მართლმსაჯულებას უკვე არა აქვს ისეთი მაღალი ნდობა, არც ქვეყნის შიგნით და არც ქვეყნის გარეთ.

საქართველოში მოქმედი პრაქტიკოსი სპეციალისტები და სამეცნიერო წრეების წარმომადგენლები უკვე აშკარად აფიქსირებენ თავიანთ პოზიციას, თუ რასთან გვაქვს საქმე და რა მდგომარეობაა შექმნილი საქართველოში. მოდით თანმიმდევრობით გავაღვიწყოთ თვალი 1998-1999 წლებიდან, ანუ სასამართლო რეფორმის დაწყებიდან დღემდე, რა მივიღეთ რეალურად რეფორმის შემდეგ და არის თუ არა დღევანდელი ქართული სასამართლო დამოუკიდებელი?!

1998 წელს „მოქალაქეთა კავშირის“ შიგნით გაჩენილმა ახალგაზრდა რეფორმატორთა შტომ დაიწყო ე.წ. სასამართლო რეფორმა, რასაც თავის მხრივ სათავეში ჩაუდგა აწ გარდაცვლილი ზ. ჟვანია, ნინო ბურჯანაძე და შემდგომში იუსტიციის მინისტრი მიხეილ სააკაშვილი. ამ რეფორმას უშუალოდ ხელმძღვანელობდნენ მ. სააკაშვილი, ზ. ადგიშვილი და შემდგომში იუსტიციის საბჭოს ყოფილი მდივანი დ. მუშლაძე. მაშინ ჩატარებული რეფორმა შემოიფარგლა იმით, რომ სასამართლოში მოქმედი მოსამართლეები დაითხოვეს და მათ ადგილას დანიშნეს 1998-1999 წლებში იუსტიციის საბჭოს მიერ ჩატარებული გამოცდაჩაბარებული იურისტები. მოსამართლეთა კადრების ცვლა მოხდა ქართული პრინციპით, ანუ მოსამართლეთა თანამ-

დებობებზე დანიშნენ იუსტიციის საბჭოს წევრთა გამოცდაჩაბარებული კურსელები და მეგობრები, ასევე უზენაესი სასამართლოს მოსამართლეთა მეგობრები. რამაც მაშინ შექმნა პირველი საფეხური იმისა, რომ ჯერ კიდევ ხელისუფლებაში არმყოფ „ახალგაზრდა რეფორმატორებს“ მისცა საშუალება ერთგვარად ეკონტროლებინათ მათივე დანიშნული მოსამართლეები. დღეს მოქმედი იუსტიციის მინისტრი და გენერალური პროკურორი და დღეს მოქმედი უზენაესი სასამართლოს თავმჯდომარე და სააპელაციო სასამართლოს თავმჯდომარე, (რომელიც ამავე დროს არის იუსტიციის საბჭოს მდივანი, ხოლო უზენაესი სასამართლოს თავმჯდომარე არის იუსტიციის საბჭოს თავმჯდომარე) იმ დროისთვის ღიად არ ჩანდნენ და თავიანთ ინტერესებს ფარულად ატარებდნენ, რომლის საბოლოო მიზანი იყო ტოტალური კონტროლი სასამართლოს სისტემაზე. მაშინ სასამართლოში მოქმედი მოსამართლეები კორუპციულუბის მიზეზით გაათავისუფლეს და ახლად დანიშნულ მოსამართლეებს იმ დროისთვის წარმოუდგენლად მაღალი ხელფასები დაუნიშნეს, რაც რეფორმამდელი მოსამართლის ხელფასზე ათჯერ მეტი იყო. ამ ფაქტმა ახალდანიშნული მოსამართლეები თავიანთ დამნიშვნელზე დამოკიდებულები გახადა. ამ რეფორმის პარალელურად იმ დროისთვის იუსტიციის სამინისტრომ, იუსტიციის საბჭომ და მათთან დაახლოებულმა წრეებმა შექმნეს არასამთავრობო ორგანიზაციები და საადვოკატო და საკონსულტაციო ბიუროები, რაც ერთგვარ ბიზნესად იქცა. მათ კარგად იცოდნენ, რომ მათივე დანიშნული მოსამართლეები საქმეებს მათ სასარგებლოდ გადაწყვეტდნენ, რაც გახდა კიდევ ახალი ფორმის კორუფციის წყარო. თუმცა ახალდანიშნულ მოსამართლეებს გამოცდა ჰქონდათ ჩაბარებული, მაგრამ არ გამოიჩინებდნენ მაინცდამაინც დიდი კომპეტენტურობით, რადგან ზოგიერთი მათგანი განჩინებას და დადგენილებას ერთმანეთისაგან ვერ ასხვავებდა და ვერ წერდა.

ახლა ერთი წუთით საკადრო პოლიტიკა გვერდზე გადავლოთ და თვალი გადავავლოთ საკანონმდებლო ბაზას. მაშინ, თუ კარგად მახსოვს, ჯერ კიდევ მოქმედებდა ცოტათი შესწორებული სისხლის სამართლის საპროცესო კოდექსი და სისხლის სამართლის მატერიალური კოდექსი, რომელიც ასევე შესწორებული ვარიანტი იყო და ჯერ კიდევ გავდა ს.ს.რ.კ-ის დროინდელ კოდექსს.

ადმინისტრაციული სამართალდარღვევათა და ზოგადი ადმინისტრაციული კოდექსი მაშინ ახლად იდგამდა ფეხს. ხოლო სამოქალაქო კოდექსის მატერიალური ნაწილი გერმანული სამართლიდან იქნა გადმოქართულებული. ის კარგად გადმოწერეს აწ განსვენებული დიდი ქართველი იურისტის, პროფესორ სერგო ჯორჯენაძის მიერ გერმანიაში სასწავლებლად გაგზავნილმა ლადო ჭანტურიამ, თედო ნინიძემ და ჯონი ხეცურიანმა. ეს გადმოწერილი სამოქალაქო კოდექსი, მართალია, უფრო პროგრესული

იყო ვიდრე მანამდე მოქმედი საბჭოთა სამოქალაქო კოდექსი, მაგრამ არაფრით არ მოერგო ქართულ რეალობას. ამიტომაც, მიუხედავად მას შემდეგ გასული თხუთმეტი წლისა (სამოქალაქო კოდექსი მივიღეთ 1997 წელს), მოქალაქეთა და იურისტთა დიდი ნაწილისათვისაც დღესაც პრაქტიკულად გამოუსადეგარი და გაუგებარია.

შედარებით უკეთესი მდგომარეობაა სამოქალაქო საპროცესო კოდექსის კუთხით, რომელიც შეიძლება შედარებით პროგრესულად ჩაითვალოს, მაგრამ 2009-2011 წლებში შეტანილმა ცვლილებებმა სააპელაციო სასამართლოს და უზენაეს სასამართლოს პრაქტიკულად წართვა თავისი ძირითადი, საქმის განხილვის ფუნქცია — და სააპელაციო სასამართლოს, სამოქალაქო პალატას და უზენაეს სასამართლოს საკასაციო პალატას უფლება მისცა საქმის ზეპირი მოსმენის გარეშე, ერთპიროვნულად უთხრას უარი აპელანტ და კასატორ მხარეს საქმის განხილვაზე. ამ უფლებას დაერქვა დასაშვებობის პრინციპი, რაც პრაქტიკულად ნიშნავს იმას, რომ სასამართლომ უარი თქვა საქმის მინიმუმ ორ ინსტანციაში განხილვის ვალდებულებაზე რაც კონსტიტუციით ჰქონდა გარანტირებული. ხელისუფლების მიერ ეს ცვლილება წარმატებულად იქნა გამოყენებული არასასურველი მომჩივანი მხარეების მოსაცილებლად და შესაძლებელი გახდა კერძო საკუთრების წარმართვა ოპოზიციურად განწყობილი მოქალაქეებისა და ბიზნესმენებისათვის. ვინაიდან ხელისუფლებას უკვე გარანტირებული აქვს, რომ მის მორჩილებაში მყოფი სასამართლო სისტემა ადვილად შეძლებს უარი უთხრას არასასურველ მომჩივან მხარეს, რომელიც ხელისუფლების მხრიდან დატერორებული და ქონებაწართმეულია.

დაკუბრუნდეთ ახლა პირველთქმულს და გავადევნოთ თვალი სასამართლო რეფორმის მიმდინარეობას 2001-2003 წლებში და „ვარდების რევოლუციის“ შემდეგ. 2001-2003 წლებში სასამართლო რეფორმა გაგრძელდა იმით, რომ გარდა კადრების ცვლილებისა, ანუ მათთვის არასასურველი მოსამართლეების მათთვის სასურველი კადრებით შეცვლისა, თბილისში მოქმედი ათი რაიონული სასამართლო გაერთიანდა ჯერ ხუთ სასამართლოდ, სადაც თავმჯდომარეებად დაინიშნენ მათთან დაახლოებული პირები, ხოლო შემდეგ ეს ათი სასამართლო გაერთიანდა ერთ საქალაქო სასამართლოდ. რამაც საშუალება მისცა „ახალგაზრდა რეფორმატორებს“ უფრო ქმედითი და ტოტალური კონტროლი დაენერგათ სასამართლოში. ასევე თბილისის მაგალითზე შეიქმნა აღმოსავლეთ საქართველოში თბილისის საოლქო სასამართლო და დასავლეთ საქართველოში ქუთაისის საოლქო სასამართლო, რამაც „ახალგაზრდა რეფორმატორებს“ საშუალება მისცათ გაეფართოვებინათ სასამართლოზე კონტროლის არეალი, რაც დღეს მოქმედი ტოტალური კონტროლისთვის მეორე საფეხური იყო.

უკვე იმ დროისათვის ხელისუფლებაში მყოფი „რეფორმატორები“ გაე-

თიშენ გაშრდელ პარტიას, „მოქალაქეთა კავშირს“ და ხალხის მასების უკმაყოფილების ფონზე ადვილად მოახერხეს ხელისუფლების ხელში ჩაგდება. რაც ძირითადად განპირობებული იყო არამართო სოციალური ფონით, არამედ ადამიანის უფლებათა დაცვაზე აპელირებით. დღევანდელმა მდგომარეობამ ნათლად გამოაჩინა, რომ „ახალგაზრდა რეფორმატორთა“ რეალურ მიზანს ადამიანის უფლებების დაცვა კი არა, არამედ ხელისუფლებაში მოსვლა და არასასურველ მოწინააღმდეგეთა ტოტალური კონტროლი წარმოადგენდა.

დღეს დიდი კამათი და აზრთა სხვადასხვაობაა იმ საკითხზე, თუ როგორ მოახერხა დღეს მოქმედმა ხელისუფლებამ დემოკრატიულობის საფარით ქვეყნის შიგნით ტოტალური კონტროლის დამყარება. ჩემი აზრით, ეს მიღწეულ იქნა სასამართლო სისტემაზე ტოტალური კონტროლის დამყარებით, რამაც დღეს მოქმედ ხელისუფლებას მისცა საშუალება ლეგიტიმაცია მიენიჭებინა ნებისმიერი ნაბიჯისთვის, რაც მათი გუნდისათვის იყო მისაღები.

პირველ ყოვლისა, 2003 წლის ე. წ. ვარდების რევოლუციის შემდეგ ხელისუფლებაში მოსულმა ძალებმა გადაწყვიტეს, ხელში ჩაეგდოთ ქვეყანაში მოქმედი ყველა ბიზნესი და გაეკონტროლებინათ ყველა სფერო. მათ მიერ გადადგმული პირველი ნაბიჯი იყო მასობრივი დაპატიმრებები, რომელიც გათვლილი იყო ხალხის დაშინებაზე. ამ ყველაფრისთვის საჭირი იყო სამართლებრივი ფორმის მიცემა, რაშიც გადაწყვეტი სიტყვა სასამართლოს უნდა ეთქვა. აქ უკვე დაიწყო სისტემური ცვლილებები საკანონმდებლო დონეზე. პირველ ყოვლისა, სამართლებრივი სისტემა შეიცვალა, რაც გამოიხატება იმით, რომ საქართველოს კონსტიტუციის 91-ე მუხლში შეტანილი ცვლილებით პროკურატურა გათავისუფლდა სასამართლოს კონტროლისაგან. ამავე დროს ცვლილება შევიდა „აღმასრულებელი ხელისუფლების შესახებ“ კანონში და კონსტიტუციაში ჩაიწერა, რომ პროკურატურა არის აღმასრულებელი ხელისუფლების ორგანო. ამ ცვლილებით, მაშინ მოქმედმა გენერალურმა პროკურორმა ირაკლი ოქრუაშვილმა, ხოლო შემდეგ მისმა შემცვლელმა ზ. ადვიშვილმა მიიღო განუსაზღვრელი ძალაუფლება სასამართლო სისტემის გაკონტროლებისა. ამ კუთხით შემდეგი ნაბიჯი იყო 2005-2006 წლებში სისხლის სამართალში, სისხლის სამართლის პროცესში და ადმინისტრაციულ სამართალში განხორციელებული ცვლილებები, რაც გამოიხატება სისხლის სამართლის საპროცესო კოდექსში და სისხლის სამართლის მატერიალურ ნაწილში შეტანილი ცვლილებებით. კერძოდ, შემოღებულ იქნა საპროცესო შეთანხმების ინსტიტუტი; პარალელურად სისხლის სამართლის მატერიალურ ნაწილში გამკაცრდა სასჯელები, გაიზარდა სასჯელთა

ქვედა ზღვარი და მაქსიმალურად გაიზარდა სასჯელთა ზედა ზღვარი. ამ ცვლილებების გვირგვინი იყო პრეზიდენტის მიერ გამოთქმულ „ნულოვან ტოლერანტობაზე“ მორგებული ცვლილებები, რამაც მაქსიმალურად გაზარდა სასჯელები. კერძოდ, 59-ე მუხლში შეტანილი ცვლილებით, მთლიანად შეიცვალა სასჯელთა შეკრების წესი და დამკვიდრდა სასჯელთა მთლიანად შეკრება როგორც დანაშაულთა ერთობლიობის, ისე სასჯელთა შეკრებისა და განაჩენთა ერთობლიობის დროს. ამ ცვლილებამ გამოიწვია წვრილმანი და საშუალო სიმძიმის დანაშაულებისათვის სასჯელთა ტოტალური გაზრდა.

რეალურად ამ ცვლილებათა შედეგად მივიღეთ სოციალურად გაჭირვებული მოსახლეობის, სოციალურ ფონზე ჩადენილი წვრილმანი დანაშაულებისათვის დიდი სასჯელებით დაშინების და დაუმორჩილებელი ნაწილის ციხეებში გამოკეტვის შესაძლებლობა. ეს ისე და ისე მიმართული იყო ოპოზიციურად მოაზროვნე საზოგადოების დაშინების და არასასურველი მოწინააღმდეგეების განეიტრალებისა და ფიზიკურად განადგურებისთვის.

დღეს მოქმედ ხელისუფლებას 2004-2005 წლებში უკვე დაჭერილი ჰყავდა მისთვის არასასურველი მოწინააღმდეგეები. იმ დროს დაიწყო ბიზნესების წართმევისა და გაკოტრების პროცესი, რასაც ასევე სჭირდებოდა სამართლებრივი შენიღბვა და კანონიერი სახის მიცემა. ამის უზრუნველსაყოფად სისხლის სამართალში შეტანილი ცვლილებებით კრიმინალიზებულ იქნა ისეთი მატერიალური სახის საკითხები, რასაც შედეგად სისხლის სამართლის კოდექსში ბევრი ისეთი ეკონომიკური დანაშაულის გაჩენა მოჰყვა, რომელმაც ხელისუფლებას საშუალება მისცა დაჭერილი, მისთვის არასასურველი ბიზნესმენისათვის წაერთმია ბიზნესი, ფული და ქონება. სანამ ამას საკანონმდებლო სახეს მისცემდნენ, 2004-2006 წლებში ფინანსური დანაშაულების კრიმინალიზაცია ხდებოდა წმინდა რეკეტის პრინციპით, რაც ნიშნავდა იმას, რომ არასასურველ ბიზნესმენებს ან ხელისუფლების მოწინააღმდეგე მოქალაქეებს დაჭერის შიშით ართმევდნენ ფულს, ქონებას და ბიზნესს. კარგად გახსოვთ, ალბათ, 2005-2007 წლებში მოქალაქეებს და ბიზნესმენებს როგორ უჩნდებოდათ სურვილი დამის 12 საათზე ეჩუქებინათ სახელმწიფოსთვის თავიანთი ქონება და ბიზნესი. ასევე მოქმედ პრაქტიკოს იურისტებს კარგად გეხსოვებოდათ გაურკვეველი ფონდები, რომელთა ანგარიშებზეც ირიცხებოდა ასეთი რეკეტის გზით მოპოვებული მილიონობით თანხები, ამ თანხების ასაგულ-დასაგული დღესაც უცნობია საზოგადოებისათვის.

უკვე საზოგადოების ფართო მასებისათვის ნათელი გახდა, რომ დემოკრატიულობის შირმით ქვეყანაში მკვიდრდებოდა ტოტალური ტერორი და განსხვავებულად მოაზროვნე მოქალაქენი ქვეყნის მტრად, კონკრე-

ტულად, რუსეთის აგენტებად ცხადდებოდნენ. ამ შემთხვევაშიც საჭირო გახდა სრული კონტროლის დამყარება სასამართლო სისტემაზე, რაც, პირველ ყოვლისა, განხორციელდა პროკურატურის სისტემაში საკადრო ცვლილებებით, კერძოდ, პროკურატურიდან კორუმპირებულობის მოტივით ეტაპობრივად დაითხოვეს გამოცდილი და პროფესიონალი კადრები; მათ ადგილას დანიშნეს ახალგაზრდები, რომლებიც, მართალია, კვალიფიციურობით ვერ დაიკვიხნენ, მაგრამ გამოირჩევიან მორჩილებითა და ყოველგვარ დაფალებათა უსიტყვო შესრულებით.

სასამართლო სისტემაში ასევე განხორციელდა უპრეცედენტო ცენტრალიზაცია, რაც გამოიხატა, ერთი მხრივ, სასამართლოების გამსხვილებით და, მეორე მხრივ, მოსამართლეთა არასასურველი ნაწილის მასობრივი დათხოვნით, რომელთა ადგილებზეც დანიშნეს უკვე მოქმედ სისტემაში მომუშავე ყოფილი ახალგაზრდა პროკურორები და მოქმედ მოსამართლეთა თანაშემწეები, რომლებიც არჩეულ იქნენ უსიტყვო მორჩილების პრინციპით, მაგრამ მოქმედმა ხელისუფლებამ ესეც ადარ იკმარა და სასამართლოს სისტემაში დააამკვიდრა გაურკვეველი და არავინ იცის საიდან მოტანილი ე.წ. „გაიდლაინების“ სისტემა. რაც პრაქტიკულად არაფერს ნიშნავს, გარდა იმისა, რომ პროკურატურამ სასამართლოს პირდაპირ განუსაზღვრა, თუ კონკრეტულად რა გადაწყვეტილება ან განაჩენი უნდა გამოიტანოს. ამ სისტემაში პრაქტიკულად უსარგებლო გახდა სასამართლოს მუშაობის ეფექტურობა და უკანა პლანზე გადასწია სასამართლოს ობიექტურობა და მიუკერძოებლობა, რადგან მოქმედი „გაიდლაინებით“ უსტად არის განსაზღვრული, თუ რა უნდა გააკეთოს მოსამართლემ, რაც რეალურად ნიშნავს იმას, რომ მოქმედ მოსამართლეს წართმეული აქვს უფლება, თავისი შინაგანი რწმენით გამოიტანოს განაჩენი, თუ გადაწყვეტილება. ეს რეალურად ნიშნავს იმას, რომ სასამართლომ დაკარგა თავისი ძირითადი ფუნქცია და იქცა ტექნიკურ სამსახურად, რომელიც უსიტყვოდ აკანონებს პროკურატურის ნებისმიერ მოთხოვნას.

2008-2009 წლებში სისხლის სამართლის საპროცესო და მატერიალურ ნაწილში შეტანილი ცვლილებებით, სააპელაციო სასამართლოს სისხლის სამართლის საქმეთა პალატასა და უზენაესი სასამართლოს სისხლის სამართლის საქმეთა პალატას უფლება მიეცა, ადარ განეხილა საჩივრები და პირდაპირ თავისი შეხედულებებისამებრ, დასაშვებობის მოტივით, ეთქვა უარი აპელანტისა და კასატორისთვის საქმის განხილვაზე, რაც რეალურად ეხმარება სასამართლოს, მოცილოს ხელისუფლებისათვის არასასურველი მომჩივანი მხარე და უარი უთხრას მას საქმის განხილვაზე, მიუხედავად იმისა, დასაბუთებულია თუ არა ეს უარი.

ასევე არ შეიძლება არ შევხებოთ იმ გარემოებას, რომ დღევანდელ სისხლის სამართალში პრაქტიკულად უგულვებელყოფილია მტკიცებულებების

მოპოვების, გამაგრების, შესახეობის და დასაშვებობის პრინციპი და მოქმედი სასამართლოები კონვეიერული წესით აკანონებენ პროკურატურის მიერ მოთხოვნილ ყველა საგამომიებო მოქმედებას.

ასევე საგულისხმოა, რომ ამ ფონზე მხოლოდ ფიქტიური დანიშნულება დარჩა მხარეთა შეჯიბრებითობის პრინციპს, რადგან სისხლის სამართალში საქმეთა 90 პროცენტი მთავრდება საპროცესო შეთანხმებით, ანუ პროკურატურის გამარჯვებით და დღეს მოქმედი საპროცესო შეთანხმების ინსტიტუტი პრაქტიკულად იქცა ბიუჯეტის შევსების წყაროდ. ამ მოდელს არაფერი აქვს საერთო დასავლეთის ქვეყნებში უკვე აპრობირებულ საპროცესო შეთანხმების ინსტიტუტთან. ჩვენში იგი იქცა თავისუფლების, ან ნაკლები სასჯელის ყიდვის საშუალებად.

ჩემი აზრით, დღეს საქართველოში მოქმედ სისხლის სამართლისა და ადმინისტრაციული სამართლის პოლიტიკას არაფერი აქვს საერთო ცივილიზებულ სამართალთან და იგი უფრო აზიურ მოდელად შეიძლება ჩაითვალოს.

ასეთმა მიდგომამ პრაქტიკულად უფუნქციო გახადა ადამიანის უფლებათა დამცველების, ადვოკატების საქმიანობა და მათი სამართლიანი უკმაყოფილების ჩასახშობად ხელისუფლებამ ამა თუ იმ მიზეზით დაიწყო ადვოკატების მასობრივი დევნა-დაპატიმრება. მეორე მხრივ, ხელისუფლებამ შექმნა კონტროლირებადი ადვოკატების ინსტიტუტი, რომლებიც სხვადასხვა პროექტის სახით დაფინანსდა ხელისუფლების მხრიდან. ამ გზით ხელისუფლებამ გზიდან ჩამოიშორა დამოუკიდებელი ადვოკატების დიდი ჯგუფი და ამ მხრივაც სრულ კონტროლს მიაღწია.

ადმინისტრაციული სამართლის კუთხით ხელისუფლებამ მოახერხა და კანონმდებლობის სისტემური ცვლილებებით, ერთი მხრივ, მაქსიმალურად გაზარდა ადმინისტრაციული ჯარიმების რაოდენობა და, მეორე მხრივ, მაქსიმალურად გაზარდა ადმინისტრაციული პატიმრობის ვადა, რამაც ისევ და ისევ ტოტალური კონტროლის დასამყარებლად დიდი როლი ითამაშა.

არ შემიძლია რამდენიმე სიტყვით არ შევეხო ბოლოდროინდელი პოლიტიკური მოვლენების დროს ხელისუფლების მხრიდან განხორციელებულ დაყადაღებებს და კოლოსალურ ჯარიმებს, რაც ხორციელდება ხელისუფლების ერთი შტოს, კერძოდ, სახელმწიფო აუდიტის (ყოფილი კონტროლის პალატის) სამსახურის მიერ, რაც ჩემი აზრით მეტი არაფერია, თუ არა პოლიტიკური ოპონენტების დევნა და მათი პოლიტიკური საქმიანობისათვის ხელის შეშლა. ამ შემთხვევაშიც გადამწყვეტი როლი სასამართლომ ითამაშა, რადგან სასამართლომ ყველა შემთხვევაში უპირობოდ, ყოველგვარი სამართლებრივი საფუძვლების გარეშე დააკანონა სახელმწიფო აუდიტის სამსახურის ყველა მოთხოვნა.

ამდენად, ნათელია, რომ 1998 წელს „ახალგაზრდა რეფორმატორთა“ მიერ დაწყებული და დღემდე მიმდინარე „სასამართლო რეფორმა“ მეტი არაფერია, თუ არა ხელისუფლების მხრიდან განხორციელებული ყოველგვარი უკანონობის დაკანონება და ლეგიტიმაცია. ბუნებრივია, ამ პროცესს არაფერი აქვს საერთო დემოკრატიულობასა და კანონის უზენაესობასთან.

ჩემი მსჯელობის დასადასტურებლად მოვიშველიებ ოფიციალურ სტატისტიკას. მაგალითად, 2010-2011 წლებში საქართველოს ყველა სასამართლოში განხილულ იქნა დაახლოებით 140 000 სისხლის სამართლის საქმე, რომელთაგანაც 12 000-ზე მეტი დამთავრდა საპროცესო შეთანხმებით ანუ პროკურატურის გამარჯვებით და მხოლოდ 46 შემთხვევაში გამოიტანა სასამართლომ გამამართლებელი განაჩენი.


ასევე, სტატისტიკის მიხედვით, ადმინისტრაციულ საქმეებში ჯარიმების და ადმინისტრაციული პატიმრობის ნაწილში, სასამართლომ დააკმაყოფილა მოთხოვნათა 95%, ანუ გადაწყვეტილება მიიღო სახელმწიფოს სასარგებლოდ.

ამ ყველაფრის ფონზე დღეისათვის ქვეყანაში გვყავს 24 000-მდე პატიმარი, 300 000-ზე მეტი გასამართლებული და პრობაციონერი.

ამ ციფრებს თუ შევესაბამებთ მოსახლეობის სრულწლოვანი ნაწილის რაოდენობას, მივიღებთ ასეთ სურათს: რომ დღეს საქართველოში ყოველი მესამე მოქალაქე ნასამართლევა; სამწუხაროდ, თითქმის არ არსებობს ოჯახი, რომლის ერთი წევრი მაინც არ იყოს გასამართლებული ან ადმინისტრაციულად დასჯილი.

დასკვნების გამოტანა თქვენთვის მომინდვია, მკითხველო.





გამუშაო ცხივილი

ხელისუფლების 10 უდიდესი დანაშაული

წინამდებარე წერილის მიზანი არის ქართველ ერს შევასვენოთ ის 10 დანაშაული, რომელიც „ვარდების რევოლუციის“ გზით გაპრეზიდენტებული მიხეილ სააკაშვილმა, მისმა გუნდმა და რეჟიმმა ჩაიდინა ჩვენი ქვეყნის, ერის, ეკლესიისა და მომავლის წინაშე.

I. 2004-2008 წლებში ყოვლად გაუმართლებელი იყო საბრძოლო მოქმედებების წამოწყება ცხინვალის რეგიონსა და კოდორის ხეობაში; მეტადრე 2008 წელს, როცა მოუშნადებელი, გაუწვრთნელი და პირტიტველა ახალგაზრდებით დაკომპლექტებული საჯარისო ნაწილები (შენაერთები), ასევე ყოველგვარი გეგმის, შესაბამისი კონსულტაციებისა და რეკომენდაციების გარეშე, ნაუცბათეოდ გადასროლილი და შეყვანილი იქნა კონფლიქტის ზონაში, რამაც გამოიწვია მეზობელი რუსეთის ფედერაციული რესპუბლიკის ხელისუფლების მხრიდან საპასუხო რეაქცია.

ცხინვალსა და კოდორში წარმოებულ საომარ მოქმედებებს შეეწირა ასობით უდანაშაულო ადამიანის სიცოცხლე. გადაიწვა, განადგურდა და აოხრდა სოფლები; დევნილად იქცა ათასობით ადამიანი; ამ ბრძოლების დროს გახსნილი იარაღები დღემდე მოგვყვება.

ამ დანაშაულს ჰქვია საკუთარი დაუდევარი და გულგრილი დამოკიდებულება ქვეყნის ტერიტორიებისა და მოქალაქეთა სიცოცხლის დაცვისადმი.

II. საქართველოს ეკლესიას ჰყავს თავისი ღირსებებით მსოფლიოში აღიარებული მწყემსმთავარი, ამის მიუხედავად ხელისუფლებაში მოსვლის დღიდან მ. სააკაშვილი და მისი მთავრობა ღიად და დაუფარავად უპირისპირდებიან საქართველოს კათოლიკოს-პატრიარქს, უწმინდესსა და უნეტარესს ილია II-ს. 2004 წლიდან არაერთმა ფაქტმა დაგვარწმუნა იმაში, რომ ხელისუფლებას არა აქვს ის დამოკიდებულება, რომელიც იმგვარ ხელისუფლებას მოეთხოვება, რომელიც პატვს სცემს საკუთარი ქვეყნისა და ხალხის ისტორიისა და ტრადიციული აღმსარებლობისადმი.

გლდანის ეკლესიის დარბევა; აჭარაში, ფერიას მთაზე ტაძრის საძირკველისა და აშენებული კედლების დანგრევა; ახლახან, ეკლესიასთან შეუ-

თანხმებლად ბაგრატიის ტაძრის განახლების პროექტში ცვლილებების შეტანა და მისი ამ სახით რესტავრაცია; წმიდა სინოდის, როგორც ეკლესიის უმაღლესი მმართველი ორგანოს საქმეებში ჩარევა და სხვ. მრ. მიუთითებს იმაზე, რომ ეს გუნდი ეწევა ანტიმართლმადიდებლურ კამპანიას.

2011 წლის ივლისში საქართველოს პარლამენტმა მიიღო სრულიად გაუმართლებელი დოკუმენტი, რომლის თანახმად საქართველოში არსებული ყველა კონფესია მართლმადიდებლურ სარწმუნოებას უნდა გათანაბრებოდა, რასაც მოჰყვა სასულიერო პირებისა და მრევლის მხრიდან სამართლიანი აღშფოთება, შედეგმაც თითქოს არ დააყოვნა, პარლამენტმა გამოცა კანონის განმარტება, რომელმაც შეანელა მღელვარება, მაგრამ ფარულად დღემდე მიმდინარეობს ისეთი პოლიტიკური პროცესები, რომელიც ეტაპობრივად ძირს უთხრის ჩვენს ეკლესიას...

III. უსამართლობა ხელისუფლებაში მყოფი გუნდის უმთავრეს თვისებად იქცა. ყველა სახელისუფლებო რგოლი ქვეყანაში ამკვიდრებს შიშს, გაუტანლობას, ორგულობას; თითქმის ყველა პარლამენტარი, მინისტრი, რაიონისა თუ ქალაქის მმართველი არის უსამართლობის მთესველი. საჯარო სამსახურის ყველა მოხელე ცხოვრობს საკუთარ თავზე მორგებული კანონითა და სამართლით. სასამართლო, პროკურატურა, შსს სტრუქტურები, საბაჟო, საგადასახადო და საშემოსავლო სამსახურები ყველგან ხალხს და საკუთარ ბედნიერებას სხვათა უბედურებაზე აგებენ. უსამართლობის მსხვერპლია ყველა რიგითი ადამიანი, მეტადრე ქართველი, რომელიც ცხოვრობს ლიმიტირებულ ვითარებაში. „ვინც ჩვენთან არ არის, ჩვენი მტერია“ — ამ პრინციპით 2004 წლიდან დღემდე მოქმედებს სააკაშვილი და მისი გარემოცვა, რომლებმაც მიტინგებზე და პირდაპირ ქუჩებში მრავალი ადამიანის სისხლი დაღვარეს; დაუსჯელია დამკვეთები და შემსრულებლები. ეს დაკანონებული უსამართლობა დღემდე გრძელდება.

IV. ხელისუფლების იდეოლოგიით, 2004 წლის არჩევნებამდე თურმე საქართველო არ არსებობდა როგორც სახელმწიფო და მხოლოდ მ. სააკაშვილის ხელისუფლებაში მოსვლის შემდეგ დაიწყო აღმშენებლობა. არადა, სწორედ ამ პერიოდიდან საქართველო განიცდის მუდმივ რეგრესს, ფეხქვეშ ითელება ეროვნული ღირებულებები.

ა) გემანომიერად ხორციელდება ქართული ენის, როგორც სახელმწიფო ენის ჩანაცვლება ინგლისური ენით. მაშინ, როცა მოსაზღვრე რაიონებში თურქულს (აჭარა), სომხურს (ახალციხე, ადიგენი, ასპინძა, ახალქალაქი, ნინოწმინდა) და აზერბაიჯანულს (ქვემო ქართლი და კახეთის ნაწილი) არაოფიციალურად სახელმწიფო ენის სტატუსი აქვს. ბ) განათლების „რეფორმას“ პრაქტიკულად ყველა საფეხურზე მოჰყვა ნეგატიური შედეგი. გ) სკოლები დაემსგავსა შსს ქვეგანყოფილებებს, სადაც მანდატური ასრულებს პატრულის ფუნქციას, ხოლო მასწავლებელი უფუნქციო

იარაღად იქცა და მას ლოტოტრინით შერჩეული დირექტორი მართავს. ამ სკოლებში ყველაფერი ისწავლება ჰუმანურობისა და ქართული ენის გარდა. დ) თითქმის ყველა უმაღლესი სასწავლებელი პოლიტიზებულია. სტუდენტები გადიან ისეთ პროგრამებს, რომელთა მიხედვითად საფუძვლიანი ცოდნის მიღება გამოირიცხებოდა. ე) აღარ არსებობს ქართული სამეცნიერო სკოლა, რომელიც საუკუნეების განმავლობაში ყალიბდებოდა და ვითარდებოდა. გაუქმდა ან ახალ რელსებზე გადავიდა ინსტიტუტები, კვლევითი ცენტრები და ლაბორატორიები, შესაბამისად მათ განაგებენ პირები, რომლებიც ე. წ. უცხოური განათლებით იწონებენ თავს. ვ) დაანგრიეს და გაანადგურეს ქართული თეატრი, კინო, ხელოვნების დარგები, ისინი ეტაპობრივად განიდევნენ ქართული სინამდვილიდან და მიემართებიან აბსურდისაკენ, რისი ნათელი გამოვლინებაცაა უნიჭო სპექტაკლები, სერიალები, ხელოვნების უგვანო „შედევრები“. ზ) ტელევიზიების მუშაობას კონტროლს უწევს მთავრობა. ამ მხრივ მეტად სამარცხვინო ვითარებაშია „რუსთავი 2“, „იმედი“, „სახოგადოებრივი მაუწყებელი“ და „აჭარა“. თ) ბეჭდური მედია პრაქტიკულად გაუკუდმართებულია. უსამართლობის, უხამსობისა და უვიცობის „ბუმს“ დაუსადგურებია შემოქმედებით კოლექტივებში. ი) ეროვნული და სექსუალური უმცირესობების ინტერესების დაცვა გადაიქცა ხელისუფლებაში მყოფი „ერთიანი გუნდის“ ევროპულ თუ ამერიკულ სავიზიტო ბარათად. ამ ქვეყანაში პატიოსნება, ღირსება, ვაჟკაცობა, ერთგულება, სიკეთე, სიყვარული, რწმენა დანაშაულია მაშინ, როცა ამ ე. წ. უმცირესობათა თვითნებობა და უზნეობა ლამის სახოტბო ობიექტად იქცა.

ამ დანაშაულს მოკლედ ჰქვია: ქართველი ხალხის წინააღმდეგ მიმართული სულიერი გენოციდი.

V. მოქალაქეთათვის სოციალური, განსაკუთრებით კი, სამედიცინო თვალსაზრისით პრობლემების შექმნა ამ ხელისუფლების პრიორიტეტად გადაიქცა.

ა) სადღეისოდ საქართველოში ოფიციალურად რეგისტრირებულია ერთ მილიონამდე ღარიბი, საიდანაც 70% იმყოფება სიღარიბის ზღვარს ქვემოთ, ანუ ღატაკია. სახელმწიფომ აღიარა თავისი უდიდესი შეცდომა და ამ რაოდენობის ადამიანი დაარეგისტრირა სოციალურად დაუცველი ოჯახების ერთიან ეროვნულ ბაზაში. ამგვარი ოჯახის უფროსს 30, ხოლო ყველა დანარჩენ წევრს 24 ლარი განუსაზღვრა შემწეობად, მოხელის ხელფასთან შედარებით ასჯერ ნაკლები! ბ) ამ კატეგორიისა და საპენსიო ასაკის ადამიანებისათვის დაწესებულია ე. წ. ჯანდაცვის პოლისი, რომელიც არის ერთი ფერადი ფარატინა ფურცელი, რომლის მფლობელი იმთავითვე განწირულია სასიკვდილოდ (უიშვიათესი გამონაკლისის გარდა). ამ პოლისით ადამიანი ვერ გამოიკვლევს სიცოცხლისათვის საშიშ

დაავადებებს და ვერ იმკურნალებს, რადგან პოლისის მოქმედების არეალი შეზღუდულია. გ) სამედიცინო მომსახურება ზოგ კლინიკაში თითქმის უტოლდება ევროპულს, მაგრამ იქ გაჭირვებული ადამიანი ვერ მიიღებს სათანადო დახმარებას, ვინაიდან ტარიფები ხელოვნურად „გაბერილია“, რაც ასევე აისახება მედიკამენტებზეც. წამალზე ხელმისაწვდომობა უდიდესი პრობლემაა სოციალურად დაბალ ფენაზე მყოფი ადამიანებისათვის. ეს კი იწვევს ასიათასობით დაავადებული თანამემამულის გაჩენას. დ) უცხოური კვებისა და საყოფაცხოვრებო პროდუქტები მიზნობრივად ემსახურება ქართველი ხალხის გენოფონდის მოსპობას. სახდვარგარეთიდან შემოდინებული უხარისხო და მდარე პროდუქტი იწვევს ისეთ დაავადებებს, როგორცაა: ავთვისებიანი წარმონაქმნები, ათეროსკლეროზი, ლიპიდური პროფილისა და სისხლის მიმოქცევის სისტემის მოშლა, ხელს უწყობს უშვილობას, იმპოტენციას, ალერგიას, დერმატოლოგიური, უროლოგიური, ნეფროლოგიური, რევმატიული და ოფთალმოლოგიური დაავადებების განვითარებას, „გაახალგაზრდავდა“ I და II ტიპის შაქრიანი დიაბეტი, ენდოკრინული, მეტადრე ფარისებრი ჯირკვლის დაავადებები, ნერვოლოგიური და ფსიქიური აშლილობანი. ე) სოციალური და კომუნალური გადასახადები უმძიმეს ტვირთად აწევს მოსახლეობას. გაჭირვებული ადამიანების ხარჯზე გამდიდრებული ფენა ამას ვერ გრძნობს, ხოლო ღარიბ-ღატაკთათვის ელექტროენერჯის, ბუნებრივი აირის, წყლის, დასუფთავების, სახლის ტელეფონის, ლიფტის მოსაკრებელ-გადასახადი ლამის შემოსავლის ნახევარს უტოლდება. გაორმაგებულია ასევე ადგილობრივი და საქალაქო ტრანსპორტით მგზავრობა, შეზღუდულია თავად იაფი ტრანსპორტის რაოდენობაც. გამოზამთრება და მზიანი ამინდებისათვის ცარიელი ჯიბით დახვედრა გაჭირვებულთათვის დღესასწაულია.

ამას ხალხის ფიზიკური გენოციდი ჰქვია.

VI. იძულებით გადაადგილებული პირების (დევნილები), ემიგრანტების, ეკომიგრანტებისა და უმუშევრების მზარდი რაოდენობა საქართველოს ხელისუფლებას ძვირად დაუჯდება.

ა) იძულებით გადაადგილებული პირების (დევნილების) მდგომარეობა მკვეთრად გაუარესდა 2004 წლიდან. 1992-93 წლების მოვლენების დროს დაიწყო დევნილებთა პირველი ნაკადის გადინება კონფლიქტური ზონებიდან; შემდგომ ხანებში კი მათი მდგომარეობის გაუმჯობესება ქვეყნის განვითარების პარალელურად მიმდინარეობდა. დევნილი მოსახლეობა იმედის თვალთ უცქერდა „რევოლუციის“ გზით ხელისუფლებაში მოსულ პრეზიდენტ სააკაშვილსა და მის გუნდს, მაგრამ უიმედობამ და ნიჰილიზმმა უმაღლვე იჩინა თავი; 2004 წლიდან კიდევ ათასობით ადამიანი იქცა დევნილად საკუთარ სამშობლოში. მათ მიზერული შემწეობებით, გაუსაძლის საცხოვრებელსა და სასიცოცხლო პირობებში უხდებათ თავის გატანა,

15-20 წლის განმავლობაში დამკვიდრებული ადგილებიდან მეორედ განდევნით მათ მიმართ სრული გულგრილობა და უპასუხისმგებლობა გამოამჟღავნა ამ რეჟიმმა. 2008 წლის ომის დროს გაჩენილი დევნილები ჩაასახლეს მიწური ტიპის „სახლებში“, სადაც ხშირია ეპიდაფეთქებანი, ვრცელდება ძვალსახსროვანი, რევმატოიდული და ნერვული დაავადებები.

ბ) საქართველოს შრომისუნარიანი ახალგაზრდების უცხოეთში გაგზავნა ეკონომიკური, სოციალური თუ პოლიტიკური ნიშნითა და საბაბით ერთი გამოუსწორებელი დანაშაულია ამ მთავრობისა. იქიდან დაბრუნებული ადამიანების უმეტესობა ან ჯანგაბილია, ან კიდევ სულგაყიდული. გ) უცხოელების საქართველოში შემოსვლა ყოველგვარი შემოწმების, კონტროლისა და ნებართვის გარეშე ხელს უწყობს ეროვნული ფასეულობების, ღირებულებებისა და ტრადიციების გაქრობას. ისინი, ვითომც ტურისტები და საქმიანი ადამიანები, აქ მკვიდრებიან და მათ თარეშა და აღვირახსნილობას საზღვარი არ აქვს, რაც ნეგატიურად აისახება ახალგაზრდების შინაგან სამყაროზე. დ) ეკომიგრანტები ახალი ტერმინია და იგი მოიცავს ეკოლოგიური და ბუნებრივი კატასტროფების შედეგად მიგრაციაში მყოფი ადამიანების ერთიანობას. მათ მიმართ ხელისუფლების „სულ ერთია“ დამოკიდებულების შედეგად დაცარიელებული მამულები და წინაპართა ხავსმოდებული სახლები მრავლდება.

VII. ქალაქი და სოფელი განუყრელი ცნებებია, მაგრამ ამ ხელისუფლებამ იმდენი გააკეთა, რომ მთელი ქვეყანა თითქმის მთლიანად ქალაქში გადმოასახლა და სოფელს ფუნქცია დაუკარგა.

ა) დაცლილი სოფლების, დაკეტილი სახლების, თაღებჩამოშლილი კერების გამრავლება, გლეხკაცის ბარაქიანი ბელლისა და მარნის შეურაცხყოფა ამ ხელისუფლების „წარმატებული პროექტის“ ერთ-ერთი ნაყოფია. უგზობამ, უსამართლობამ, უექიმობამ, უწამლობამ და სიცრუემ დაისადგურა სოფლად. ჯანგაბილი გლეხკაცი მარტო ვერ უმკლავდება დარღს, სოციალურ და ეკონომიკურ სიდუხჭირეს. ბ) განსაკუთრებით უმძიმეს მდგომარეობაშია მაღალმთიანი სოფლები, სადაც ზამთარი 7-9 თვე გრძელდება და, შესაბამისად, მეტად მძიმეა სოციალური პირობები, სადაც პრაქტიკულად ხალხი ებრძვის სიკვდილს და გამოხამთრება მისთვის დღესასწაულია. გ) სოფლის მეურნეობის გაქრობა და მიწასთან გასწორება, ახალი ტექნიკის შემოტანა სათავისოდ და არა საგლეხოდ, ჰიბრიდული ჯიშის სიმინდისა და ხორბლის დანერგვა, უვარგისი შხამქიმიკატებისა და საწვავის არსებობა, უამრავი ხელშემშლელი ფაქტორი და უფუნქციო სტრუქტურები უმძიმეს ტვირთად დააწვა გლეხს და ამის გამოა, რომ ეროვნული პროდუქციაც გადაგვარდა და გადაჯიშდა. დ) თბილისში წამოწყებული და ნაუცბათევად დასრულებული პროექტები არანაირ ნორმებსა და სტანდარტებს არ აკმაყოფილებს. თბილისი მტკვრის

ბუდედ იქცა. რკინებსა და მინებში ჩასმული შენობები ქართველი კაცის გემოვნებისათვის შეუსაბამოა. თბილისი გადაიქცა საუაჭრო ცენტრების, სასტუმროების, კაზინოების, გასართობი ცენტრების, ბარების, რესტორნებისა და სტრიპტიზ-კლუბების ქალაქად. გადათხრილი ქუჩები, საარჩევნოდ გადაღებილი ინტერიერები და ამბიციური განცხადებები ამ გუნდის „გამარჯვების“ სიმბოლოებია. ისინი გადაღებილი და აჭრელებული ძირძველი უბნებით და „გაბრწყვიალებული“ შენობებით იწონებენ თავს, სინამდვილეში კი სახეს უკარგავენ ბათუმს, ქუთაისსა და სიღნაღს... ე) აღარ ჩანს ინტელიგენცია, ელიტარული საზოგადოება და ნაკითხი თაობა, ყველა და ყველაფერი „თბილისურმა ბომონდმა“ შთანთქა.

VIII. ამ ხელისუფლებამ დაანგრია ის ეკონომიკა, რომელიც 1960-80-იან წლებში შეიქმნა, მართალია, 1990-იანი წლების მოვლენებმა ქვეყნის ეკონომიკა ლამის მიწასთან გაასწორა, მაგრამ მისი აღორძინება ნაცემობრობის სათავეში მოსვლამდე უკვე დაწყებული იყო.

ა) უცხოელ ინვესტორებზე გაიყიდა, გასხვისდა, ან სულაც გაიდარცვა და დაინგრა რუსთავის „მეტალურგიული“ და „აზოტის“ ქარხნები, თბილისის ჩარხმშენებელი, ვაგონშემკეთებელი, ელმაგალმშენებელი და ლითონდამამუშავებელი ქარხნები, კასპის ცემენტის ქარხანა, გორის საკონსერვო ქარხანა, ავარის შაქრის საწარმოო კომბინატი, საჩხერის ქვიშის საბადო, ჭიათურის მარგანეცის საწარმოო გაერთიანება, ზესტაფონის „ფერო“, ქუთაისის ავტოქარხანა, ზუგდიდის ენგურქალაქკომბინატი, სამტრედიის ხის დამამუშავებელი კომბინატი, ფოთისა და ბათუმის პორტები, ზაჰესი, რიონჰესი, ენგურჰესი, საქვევრებში, ოქროს, მარმარილოს, ტუფის საბადოები, აღარ იწარმოება ადგილობრივი დარიშხანი; თითქმის აღარ არსებობს ყურძნის მიმღები პუნქტები, სასურსათო და სამეურნეო კომბინატები, სამაგიეროდ უცხოური პროდუქტითა და „ბრენდებით“ სავსე ბაზრები და მაღაზიები, რომელთაც ჩვენაცვლა ჰიპერ და სუპერმარკეტები. ბ) გაიყიდა მიწები, ტყეები, კურორტები, წყლები, მდინარეები, ტბები, სახნავ-სათიბ-საძოვრები, ე. წ. პრესტიჟული სააგარაკე და ისტორიული მამულები, მუზეუმები, მღვიმეები, მთები, გორაკები და ა. შ. გ) პრეზიდენტი უმეტესად ერთპიროვნულად იღებს გადაწყვეტილებებს, ქვეყანაში შემოჰყავს უცხოელი ბიზნესმენები და ამით ე. წ. ინვესტიციების მოზიდვას ახორციელებს, რაც მილიარდობით ვალს ნიშნავს და უმძიმეს ტვირთად დააწვება მომავალ თაობას. ეს თანხები უმისამართოდ, უაზროდ და მხოლოდ ერთი კაცის ინტერესების მიხედვით იხარჯება. ვალები კი ორმაგდება და მისი გადახდა უფრო დიდ უბედურებამდე მიგვიყვანს. დ) ბანკები, საინვესტიციო ორგანიზაციები და საშუაშალო ფირმები ხალხს „ატყავებენ“, არასწორი ფინანსური და იურიდიული კონსულტაციებით მოტყუებული ადამიანები უბინაოდ და თავშესაფრის გარეშე რჩებიან.

ქვეყანა მევახშეობისა და ფასდაკლებების მსხვერპლია. ე) ამ ქვეყანაში უგულვებელყოფილია ღირსეული მეცენატ-ბიზნესმენები, დაყადაღებულია მათი ქონება, ან უმეტეს შემთხვევაში ის მიემართება ხელისუფლების სასარგებლოდ. თუ რამ გაკეთდა ამ 8-9 წლის განმავლობაში კარგი და საინტერესო, ისიც ქველმოქმედების ნაყოფია.

IX. აშშ-თან, ევროპასა და მეზობელ სახელმწიფოსთან დიპლომატიური ურთიერთობანი ხელისუფლების „შავი ხვრელებია“.

ა) ამერიკის შეერთებულ შტატებთან პარტნიორობა და ურთიერთობა უკვე ჩვენი ერის საზიანო მიმართულება მიიღო, რასაც ადასტურებს ერაყსა და ავღანეთში დაღვრილი სისხლი, ზოლო საქართველოში უზნეობისა და „მაკონანდინაზაციის“ იმპორტი. ბ) მეტი სიფრთხილის გამოჩენა გვმართებს ევროსტრუქტურების მიმართაც, რომელნიც, როგორც ჩანს, არც ისეთი ობიექტური დამცველები არიან სამართლიანობისა, როგორც აქამდე წარმოგვედგინა. გ) დიპლომატიური კორპუსი და კომპლექტებულია გაუნათლებელი ანტიქართველებით, რომლებიც უცხოეთში აკეთებენ ასევე ანტიეროვნულ საქმეს, ლუკმა-ლუკმა იყიდება საქართველო და ეს ხდება ელჩებისა და კონსულების ხელშეწყობით. დ) რუსეთთან ჩვენი ურთიერთობა მკვეთრად დაიძაბა სააკაშვილისა და მისი გუნდის ხელისუფლებაში მოსვლით, რამაც მიგვიყვანა კიდევ უკიდურეს ვითარებამდე. გაწყვეტილი კავშირ-ურთიერთობები მკვეთრად აისახება ჩვენს მომავალსა და ეროვნულ მენტალიტეტზე. რუსეთთან დაუყოვნებლივ უნდა დაბალანსდეს ვითარება ისე, რომ აღდგეს ტერიტორიული მთლიანობა და კეთილმეზობლური ურთიერთობა ერთმანეთის შიდასაქმეებში ჩარევის გარეშე.


X. მ. სააკაშვილის, მთელი მთავრობისა და პარლამენტის ქმედებათა შედეგი ასეთია: გაყიდული, გასხვისებული და გაძარცვულია საქართველო; გაერთიანების ნაცვლად ოკუპირებულია მიწები; ქართველი ხალხი დაქსაქსულია ლუკმა-პურის საშოვნელად; დანერგილია შიში, უსამართლობა, იუმედობა, უსიყვარულობა და ურწმუნოება; კრიმინალებისგან „განთავისუფლდა“ ქვეყანა, სამაგიეროდ, მაღალი თანამდებობის ჩინოვნიკები იქცნენ მძარცველებად და ყაჩაღებად; ქუჩებში და მიტინგებზე დაღუპულია ადამიანები; ჩამოშლილ-ჩამონგრეულია ეროვნულ-სახელმწიფოებრივი სიმტკიცის იდეური სვეტები; წაბილწულია წინაპართა ხსოვნა; ბუნდოვანია მომავალი; დამკვიდრებულია ტერორი, შანტაჟი, დასმენა, დაბეზღება; ღარიბი და ღატაკი საქართველოს სინონიმად იქცა...


დაცლილია სოფელი, დაკეტილია გლეხკაცის სახლის კარი, ხავსმოდებულია ღობე-ყორე, დაუმუშავებელ-მოუსავლიანია ბაღ-ვენახები, ერის შრომისუნარიანი თაობა გაქცეულია საზღვრებს გარეთ; უმუშევრობა და უსაქმურობა ჩვეულებრივ მოვლენად იქცა. ასიათასობით დევნილი, ლტოლვილი, ემიგრანტი საქართველოს ისტორიის შავი ლაქა და სირ-

ცხვილია; დანგრეულია ეკონომიკა, სოფლის მეურნეობა, საწარმოო-დაწესებულებები; ქვეყანა ვალით და გადაუხდელი ინვესტიციებით არსებობს; უმადურობა, სხვათა სიკეთის არ დანახვა, დატყვევებული ბიზნესები და ფინანსები, ეროვნული სულის ჩაკვლა, მართლმადიდებლობის შევიწროება, ეკლესიაში დაპირისპირების შეტანა და სხვ. მრ. ამ ხელისუფლების კისერზეა.

დღეს, ისე როგორც არასდროს, გვმართებს სარწმუნოების ერთგულება, გონიერება, ვაჟკაცობა და რწმენა მომავლისა, გვმართებს თანადგომა და ურთიერთგატანა, რათა საკუთარი თავიც ვიხსნათ და ქვეყანაც ამ გაუსაძლისი მდგომარეობიდან და მივცეთ შანსი შედარებით ყველაზე გულწრფელად და ობიექტურად მოაზროვნე კოალიციას, მოვიდეს ხელისუფლებაში და იტვირთოს საქართველოს გადარჩენის მისია!

შევთხოვთ კაცთმოყვარე ღმერთს, გაგვინათოს გონება.





ბრანი ძაპთარია

რომის იმპერიის დემონები კალიგულა

რომის მსოფლიო სახელმწიფოში მმართველობის იმპერიულ სისტემას საფუძველი იულიუს-კლავდიუსების დინასტიამ ჩაუყარა. დინასტიის ფუძემდებლები — გაიუს იულიუს ცეზარი და გაიუს ოქტავიანე (იმპერატორი ცეზარი), უნივერსალური პოლიტიკური მოღვაწეები, კაშკაშა ფერებით ანათებენ ანტიკური სამყაროს უკიდურეს სივრცეს. გენიალურმა ცეზარმა და მისმა მემკვიდრე-შვილობილმა, რომელმაც მამობილის გვარ-სახელი და კოგნომენი მიიღო, რომაული სახელმწიფოებრივი და პოლიტიკური აზროვნება თვალუწვდენელ სიმაღლეზე აიყვანეს. მოკლე ხანში ისტორიის ბორბალი უკუღმა დატრიალდა. მომდევნო იმპერატორებმა არა მარტო სიმაღლე ვერ შეინარჩუნეს, არამედ სიბნელის უფსკრულში ჩაეშენნენ და თავიანთი საქმიანობით სტიქიურ უბედურებას გაუტოლდნენ. თუ იულიუს ცეზარი და ცეზარ ავგუსტუსი ზეკაცების სახელით დამკვიდრდნენ რომის ისტორიაში (რომის ისტორია არ უნდა წარმოვიდგინოთ მარტოოდენ დღევანდელ იტალიურ სახელმწიფოდ, იგი მოიცავდა იმდროინდელი ცივილიზებული მსოფლიოს უმეტეს ნაწილს), მათი მემკვიდრეები უკონკურენტოდ ატარებენ არაადამიანურობის, ამორალობისა და უზნეობის გვირგვინს.

დინასტიის ბნელი სახეებიც ცეზარებად იწოდებოდნენ: ტიბერიუსი — ცეზარ ავგუსტუსი, კალიგულა — გაიუს ცეზარი, ნერონი — ცეზარ ავგუსტუს გერმანიკუსი.

რომში კოგნომენი ქალის ხაზით არ გადაეცემოდა. იულიუს ცეზარმა გამონაკლისი დაუშვა, თავისი დის შვილიშვილს, გაიუს ოქტავიანეს, შვილად აყვანის შემდეგ თავისი გვარი და კოგნომენი მისცა.

უფრო რთულადაა მდგომარეობა ოქტავიანე ავგუსტუსის მემკვიდრეებთან დაკავშირებით. ტიბერიუსი, კლავდიუსი და კალიგულა, ავგუსტუსის გერი და გერის შთამომავლები იყვნენ და სხვა საგვარეულოს ეკუთვნოდნენ. გამონაკლისი იყო ნერონი. იგი დედის ხაზით იულიუსების შორეულ ნათესავს წარმოადგენდა. ნერონი ოქტავიანე ავგუსტუსის შვილიშვილის შვილი

იყო. ამდენად დინასტიაში იულიუსების გვარის ფიგურირება პირობითია.

ცეზარ ავგუსტუსს კანონიერი მემკვიდრე არ ჰყავდა. მისი შვილიშვილები, ლუციუსი და გაიუსი, საეჭვო ვითარებაში გარდაიცვალნენ. ანტიკური ავტორები არ გამორიცხავენ დატრიალებულ ტრაგედიაში იმპერატორის მეუღლის ლივია დრუსილას ბოროტ ხელს, რომელსაც სურდა, ტახტისაკენ მიმავალი გზა თავისი შვილისათვის გაეთავისუფლებინა. 4 წელს ავგუსტუსი იძულებული გახდა, ტიბერიუსი შვილად და მემკვიდრედ გამოეცხადებინა. ტიბერიუს კლავდიუს ნერონს კარგი განათლება ჰქონდა მიღებული. შესანიშნავად ფლობდა ბერძნულს, წერდა ლექსებს ლათინურსა და ბერძნულ ენებზე, კარგად ერკვეოდა სამხედრო ხელოვნებაში, იცნობდა იმპერიის საზღვრებზე განლაგებული ლეგიონების საბრძოლო მდგომარეობას. 14 წელს ტიბერიუსი იმპერატორი გახდა.

ავგუსტუსს ტიბერიუსის პიროვნული თვისებები არ მოსწონდა და თვლიდა, რომ იმპერატორობისათვის იგი შეუფერებელი იყო. ამას ადასტურებს ტიბერიუსის მისამართით წარმოთქმული ავგუსტუსის სიტყვები: „საბრალო რომაელი ხალხი, როგორ ხანტ ყბებში ვარდება“.

დიონ კასიოსის გადმოცემით, ტიბერიუსში არეული იყო კარგი და ცუდი თვისებები. საერთოდ, ცივი, ჩაკტილი, ორპირი, სასტიკი პიროვნება იყო. სენატისაკენ მონურ მორჩილებას მოითხოვდა. ძალაუფლების განმტკიცების მიზნით, ფართო უფლებებით აღჭურვა პრეტორიანული გვარდია, რომელსაც სათავეში ჩაუყენა ელიუს სეიანი. ტიბერიუსის დროიდან პრეტორიანული გვარდია, იმპერატორის პირადი დაცვა, ბოროტების სიმბოლო გახდა, რომელმაც იმპერიის დასასრულამდე მრავალი შავი ფურცელი ჩაწერა რომის ისტორიაში.

ტიბერიუსის დროს გახშირდა ლეგიონების აჯანყებები. განსაკუთრებული რეზონანსი გამოიწვია პანონიასა და გერმანიაში განლაგებული ლეგიონების აჯანყებამ. იმპერატორმა პანონიაში თავისი შვილი დრუსუსი გაგზავნა, გერმანიაში — ძმისწული გერმანიკუსი. ორივე სარდალი რომში გამარჯვებული დაბრუნდა. ტიბერიუსს საგონებელში აგდებდა გერმანიკუსის ავტორიტეტი არმიაში და სასწრაფოდ გაგზავნა აღმოსავლეთში. 19 წელს 34 წლის გერმანიკუსი სირიაში მოულოდნელად გარდაიცვალა (ანტიკური ავტორების ინფორმაციით, იგი მოწამლეს).

რომის საგარეო პოლიტიკას ტიბერიუსის ეპოქაში ცვლილებები არ განუცდია. გრძელდებოდა დაძაბულობა პართიასთან. ყურადღებას იმსახურებს იბერია-რომის კავშირი, რომელიც სომხეთის ტახტზე იბერიის მეფის მითრიდატეს ძის, მითრიდატეს გამეფებით დამთავრდა.

ტიბერიუსი ეჭვიანი იყო. ამ უარყოფით თვისებას სეიანიც უღრმავებდა. ინტრიგებითა და ცუდი წინათგრძნობით შეპყრობილ იმპერატორს მოსვენებას არ აძლევდა შეთქმულების შიში, რომელსაც სეიანიც უამრავი

ცრუ ინფორმაციით უღვივებდა. 27 წელს პრეფექტმა დაარწმუნა ტიბერიუსი, რომ უსაფრთხოების მიზნით უმჯობესი რომის დატოვება და კუნძულ კაპრიზე გადასვლა იქნებოდა. ტიბერიუსს რჩევა მოეწონა, კაპრიზე გადავიდა და ბრძანებებს იქიდან იძლეოდა. სახელმწიფოს ფაქტობრივად სეიანი მართავდა. პრეფექტის განუკითხაობა 31 წელს დამთავრდა, მას ბრალი ღალატში დასდეს და სიკვდილით დასაჯეს.

ტიბერიუსი თანდაყოლილ სისასტიკეს მოჩვენებითი ზომიერებით მალავდა, მაგრამ ამის მიღწევას ბოლომდე ვერ ახერხებდა. იმპერატორი გარშემო მყოფებზე უარყოფით შთაბეჭდილებას ტოვებდა. ადამიანებთან ურთიერთობაში იყო უხეში, არავის აზრი არ აინტერესებდა, თავის სიტყვას კანონის ძალას ანიჭებდა. არ არის შემთხვევითი რიტორიკის მასწავლებლის თეოდორ გადარელის სიტყვები, რომელმაც ახალგაზრდობაშივე ტიბერიუსს „სისხლით მოხელილი ტალახი“ უწოდა. ასეთი ბუნების ადამიანმა ხელისუფლების სათავეში მოქცევისას საკუთარ თავზე კონტროლი საერთოდ დაკარგა. განსაკუთრებით სეიანის დასჯის შემდეგ გამძვინვარდა. ამასთან დაკავშირებით სვეტონიუსი წერს, როგორც ჩანს, ადამიანთა წამებაში მისი წამქეზებელი სეიანი კი არ იყო, არამედ იგი უბრალოდ ასრულებდა მის სურვილებსო.

გულქვა ტიბერიუსს ერთადერთი შვილის დაღუპვის გამო დიდი მწუხარება არ გამოუხატავს. არ უყვარდა შვილიშვილი ტიბერიუს გემელი. უსასტიკესად მოექცა ძმისწულის, გერმანიკუსის ოჯახის წევრებს. მოხუცებულობის ასაკში ყველა მახლობელი სიცოცხლეს გამოასალმა. მხოლოდ ისინი გადარჩნენ, რომლებსაც სრულფასოვნად არ თვლიდა და მათი სახით საშიშროებას არ გრძნობდა.

ტიბერიუსი უხნეო საქციელით ახალგაზრდობიდანვე იპყრობდა ყურადღებას. იმპერატორი ისეთ ასაკში გახდა, როცა ქალები უკვე აღარ იზიდავდნენ. ამის მიუხედავად, აზხორცული მიდრეკილებანი სულ სხვა გზებით გამოხატა. თავისი საძინებელი უხამსი ნახატებით მორთო. შეკრიბა ამორალური ცხოვრების მიმდევარი ახალგაზრდები და მათი ჯგუფური სქესობრივი კავშირის ყურებით ტკბებოდა. კუნძულ კაპრის მღვიმეებსა და კლდეებს შორის გოგო-ბიჭები ფაუნებსა და ნიმფებს ასახიერებდნენ. მათი ცქერით იმპერატორი ჩამქრალ აზხორცულ ჟინს იკმაყოფილებდა. სვეტონიუსს ტიბერიუსის სიბილწესა და მანკიერებაზე საუბარი ცოდვადაც კი მიაჩნდა.

მოხუცი განდევნილი საოცარი კაცთმოძულე გახდა. მხოლოდ იმაზე ფიქრობდა, რამდენი სისხლი დაედვარა. სადამსჯელო აპარატი იმპერატორის უხნეო სიცოცხლის უსაფრთხოებას ემსახურებოდა.

სვეტონიუსის სიტყვებით, ტიბერიუსი კარგი გარეგნობით და ფიზიკური ძალით გამოირჩეოდა. იმდენად ჯანმრთელი იყო, რომ აუად არასდროს გამხდარა და ექიმების დახმარება არ დასჭირვებია. საკმაოდ ღიბხანს იცოცხ-

ლა (79 წელი) და თავს ბოლომდე კარგად გრძნობდა. მაგრამ მოულოდნელად ცუდად გახდა და გარდაიცვალა. ანტიკური ავტორების გადმოცემით, ტიბერიუსის სიკვდილის მიზეზი საწამლავი იყო, რომელიც კალიგულამ საჭმელთან ერთად შეაპარა და სამყაროზე გაბოროტებულ მოხუცს ბოლო მოუღო. იმასაც მოგვითხრობენ, რომ სასიკვდილო სარეცელზე მწოლს, ისიც არ დაანებეს, რომ სიცოცხლეს თვითონ გამოსთხოვებოდა, და გონებადაკარგული გაგუდეს. 37 წელს დასრულდა იმპერატორის ოცდასამწლიანი განუკითხავი მმართველობა.

კაცთმოძულე მართოსული ტიბერიუსი იმპერატორის ტახტზე შეუდარებლად სისხლმორწყურებულმა გაიუს ცეზარმა შეცვალა, რომელიც ისტორიაში კალიგულას სახელითაა ცნობილი.

კალიგულა ტრაგიკული ოჯახის შვილი იყო. მისი მამა, ტიბერიუსის ძმისწული გერმანიკუსი ოქტავიანე ავგუსტუსის ყურადღებით სარგებლობდა. 4 წელს, როდესაც ავგუსტუსმა ტიბერიუსი მემკვიდრედ გამოაცხადა, გერმანიკუსის შვილად აყვანა უბრძანა. გერმანიკუსი განათლებული და მრავალი ღირსებით დაჯილდოებული პიროვნება იყო. დასავლეთისა და აღმოსავლეთის ფრონტებზე ბრწყინვალე გამარჯვებები ჰქონდა მოპოვებული და ლეგიონებში დიდი პოპულარობით სარგებლობდა. გერმანიკუსის წარმატებები ტიბერიუსს აღიზიანებდა, მასში იგი კონკურენტს ხედავდა და ამიტომაც თავის ჯალათებს მოაკვლევინა.

კალიგულას დედა აგრიპინა უფროსი, ოქტავიანე ავგუსტუსის შვილიშვილი, ანტიკურ ავტორებს სამშობლოს სამკაულად და ძველი ზნეობის შეუპოვარ დამცველად ჰყავთ დახატული. კორნელიუს ტაციტუსის სიტყვებით, აგრიპინა ამაყობდა თავისი წარმომავლობით, გამოირჩეოდა გამბედაობით, არ კმაყოფილდებოდა მცირედით, იტაცებდა ვაჟკაცური საქმეები, თავისუფალი იყო ქალური სისუსტეებისაგან, მუდმივად ახლდა მეუღლეს ლაშქრობებში. მტრის პირისპირ რამდენჯერმე გამოავლინა დიდი გამბედაობა და მოხერხებულობა. ლეგიონებში ბევრ სარდალზე მეტი სახელი ჰქონდა მოხვეჭილი. გერმანიკუსის დაღუპვის შემდეგ ტიბერიუსმა აგრიპინა უფროსისა და მისი შვილების ბედი სიკვდილ-სიცოცხლის სასწორზე დადო. იმპერატორს აღიზიანებდა აგრიპინას სიამაყე და წინაპრებით თავის მოწონება. იგი ძმისწულის მეუღლისა და მისი შვილების სახით არასასურველ ნათესაებს ხედავდა. მტრობის ცეცხლს აღვივებდა სეიანიც.

აგრიპინა გასასახლეს და წამებით მოკლეს. მისი უფროსი ვაჟები ნერონ ცეზარი და დრუზუს ცეზარი, სამშობლოს მტრებად შერაცხეს და შიმშილით დახოცეს. ტიბერიუსის რისხვას გადაურჩნენ კალიგულა და მისი დები, რომლებმაც მომდევნო ხანებში მნიშვნელოვნად გადააჭარბეს მანამდე ცნობილ ყველა ბოროტებას და უხნეობას.

გერმანიკუსის შვილებიდან ტიბერიუსმა ერთი გამონაკლისი დაუშვა

(მხედველობაში გვყავს ვაჟები), იგი არ შეხებია კალიგულას. ამ ფაქტს თავისი გამართლება ჰქონდა. ბავშვობიდანვე ეპილეფსიით დაავადებული კალიგულა არანორმალურად ითვლებოდა და მის არსებობას თუ არარსებობას სერიოზულად არავინ უყურებდა. ტიბერიუსიც კალიგულას მხრიდან საშიშროებას ვერ ხედავდა.

კალიგულა დაიბადა 12 წელს. მეტსახელი (კოგნომენი) კალიგულა შეარქვეს ლეგიონერებმა თავიანთი სარდლის პატარა ბიჭს, გამოწყობილს ჩექმებსა და სამხედრო ფორმაში (კალიგულა არის კალიგა-ჩექმის კინობითი ფორმა).

კალიგულა დამოკლეს მახვილის ქვეშ, მუდმივ შიშში, მედროვეებისა და ორპირ-მლიქვნელთა გარემოცვაში გაიზარდა; სიჭაბუკე ბეწვის ხიდზე გაატარა. ამავე დროს საოცარი სისრულით შეისისხლხორცა ეპოქის ყველა მანკიერება და სიბინძურე. არ გამოიჩინოდა ნიჭიერებით, მაგრამ შესანიშნავად ითვისებდა ყოველივე ცუდს.

31 წელს 19 წლის კალიგულა ტიბერიუსმა კუნძულ კაპრიზე დაიბარა. საეჭვო არ არის, რომ მასაც უფროსი ძმების ბედი ელოდა და თითქმის განწირული იყო, მაგრამ მოხდა საოცრება. ქარაფშუტა კალიგულამ იმპერატორის სადამსჯელო აპარატი გაოგნებული დატოვა. თვალთმაქცურად გაცურა მიჩენილი მსტოვრები, რომლებმაც ერთი უკმაყოფილო სიტყვა ვერ გამოსტყუეს თავისიანების დასჯასთან დაკავშირებით. ისეთი პოზა მიიღო, თითქოს ისინი საერთოდ არ ახსოვდა. გადაიტანა უამრავი დამცირება და შეურაცხყოფა. იდგა უმწეოდ და თავდახრილი მლიქვნელობდა. ამ პერიოდის ქმედებათა გათვალისწინებით, ანტიკურ მწერლობაში მის შესახებ ასეთი შეხედულება შეიქმნა: „არ ყოფილა ქვეყნად მასზე უკეთესი მონა და უარესი ბატონი“.

კალიგულა შესანიშნავად თამაშობდა შეშლილის როლს (თუმცა ამისთვის დიდი შრომა არ სჭირდებოდა). სპეციალურად მიჩენილმა მეთვალყურეებმა ახალგაზრდა მოსულელ კაცში საეჭვო ვერაფერი შეამჩნიეს.

ხანგრძლივი დაკვირვების შემდეგ, ტიბერიუსი დარწმუნდა, რომ მისი ძმისწულის შვილი ნორმალური არ იყო და მისგან არავითარი საფრთხე არ ელოდა და მის დასჯას აზრი არ ჰქონდა. ამიტომ სრული თავისუფლება მიანიჭა. ისიც თავაშვებულ ცხოვრებას შეუდგა, ფართო გასაქანი მისცა თანდაყოლილ მანკიერებებს. დაქუცხვებოდა საეჭვო რეპუტაციის სახლებში, ლოთობდა, ჩხუბობდა, დიდ სიამოვნებას გვრიდა ადამიანთა წამებასა და სიკვდილით დასჯაზე დასწრება. ტიბერიუსი მოთმინებით აღვენებდა თვალყურს კალიგულას გასართობ სივრცეს და წინასწარმეტყველებდა, „გაიუსი ცოცხლობს საკუთარი თავისა და ყველას დასადღუპად, მისი სახით რომელი ხალხისათვის ვკვებავ ექიდნას, და მთელი დედამიწისათვის ფაეტონს“.

თითქოს სულელი კალიგულა საოცრად წინდახედულად მოქმედებდა. ტიბერიუსთან თვალთმაქცობის პარალელურად დაიწყო საიდუმლო

ქსელების ხლართვა. ამ მიზნით დაუახლოვდა პრეტორიანული გვარდიის პრეფექტის, მაკრონის მეუღლეს ენია ნევიას, რომელსაც, როცა იმპერატორი გახდებოდა, ცოლად შერთვას ჰპირდებოდა. ენია ნევიას მეშვეობით მოიპოვა მაკრონის ნდობა. მოხდა ორი ბოროტი ძალის გაერთიანება, რომელთაგან ერთს მდგომარეობის შენარჩუნების სურვილი ამოძრავებდა, მეორეს იმპერატორის გვირგვინი.

გაერთიანება მიმართული იყო მოხუცი განდევლის წინააღმდეგ, რომელსაც გვერდით ერთი მოკეთეც კი არ ედგა. კალიგულა იმდენად ზუსტად მოქმედებდა, რომ ინტრიგებში გამოწრთობილი კაცისმკვლელი მაკრონიც კი შეცდომაში შეიყვანა და რასაც უნდოდა, იმას აკეთებინებდა. წყაროებში დაცული ინფორმაციის თანახმად, კალიგულამ და მაკრონმა, ტიბერიუსს ბოლო საწამლაკით მოუღეს, იმასაც მოგვითხრობენ, რომ მომაკვდავს სულის ამოსვლაც არ აცალეს და ყელში ხელების წაჭერით დაახრჩვეს.

კალიგულას რომის სენატი არ იცნობდა. მის შესახებ იცოდნენ, რომ იგი იყო პოპულარული პიროვნების გერმანიკუსის შვილი. ყველაფერი გადაწყვიტა პრეტორიანული გვარდიის პრეფექტმა მაკრონმა, რომელმაც მდგომარეობის შენარჩუნების იმედით არმიას კალიგულას იმპერატორად გამოცხადებისაკენ მოუწოდა.

გამოქვეყნდა ტიბერიუსის ანდერძი, რომელიც იუწყებოდა მემკვიდრეებად თანაბარი უფლებებით კალიგულასა და ტიბერიუს გემელის გამოცხადებას. ამავე დროს იმპერატორის ქონების დიდი ნაწილი უნდა გადასცემოდა ჯარისკაცებს, ვესტას ტაძარს და რომის მოქალაქეებს.

კალიგულამ დიდი თავდაჭერილობით დაითანხმა სენატი, რომ ანდერძი გაუქმებულიყო. სანაცვლოდ პირობას დებდა, შვილად აიყვანდა მცირეწლოვან ტიბერიუს გემელს, ტიბერიუსის შვილიშვილს. ანტიკური ავტორები პირდაპირ წერენ, არანორმალურმა კალიგულამ საოცრება მოახდინა. მიზნის მისაღწევად საკმაოდ ლოგიკურად ჩამოაყალიბა მოთხოვნა და ზუსტი ნაბიჯი გადადგა, რამაც სენატის მოწონება დაიმსახურა და იგი პრინციპის უფლებებით აღჭურვა.

სენატი აღტაცებით შეხვდა ახალ იმპერატორს. პირველი შთაბეჭდილებებით, გულცივი და ულმობელი ტიბერიუსის ნაცვლად მოვიდა ახალგაზრდა, სახელოვანი ოჯახის შვილი. პრინციპსმა ისეთი დაპირებების კორინტელი დააყენა, რომ უკეთესს ვერც წარმოიდგენდნენ. განაცხადა, რომ აღადგენდა სახალხო კრების ფუნქციებს. თვალში საცემი იყო პირველი ღონისძიებები: იჩენდა გულუხვობას, აწყობდა მდიდრულ სანახაობებს. აღტაცებულები თავს ბედნიერად თვლიდნენ. მაგრამ ყველაფერი სწრაფად გაქრა, იმედიც ჩაიფერფლა და რომაელებს შერჩათ მტაცებელი, ადამიანის გარეგნობით. დრო დაუდგათ ისეთი, რომ განდევილი და კაცთმოძულე ტიბერიუსი სანატრული გაუხდათ. კალიგულას გაგებით, პრინციპატი იყო

აბსოლუტური ძალაუფლება. აღმოსავლურ დესპოტიზმშიც კი არ გვხვდება ყოველგვარი ადამიანურობისაგან დაცლილი მონარქი. კალიგულა ესწრაფოდა, რომ ადამიანები პირუტყვებად და პირადი მოხმარების საგნებად ექცია. თავი ღმერთად ჰყავდა წარმოდგენილი და ქვეშევრდომებს დაუწესა, თავი ეცათ მისთვის. ტიბერიუსის დევიზი, „დე ვპულდე, ოღონდ მეთანხმებოდნენ“, კალიგულამ შეაბრუნა და პიროვნება მონას გაუთანაბრა, „დე ვპულდე, ოღონდ ეშინოდეთ“. ეს იყო მისი ძირითადი მიზანი და გარკვეული პერიოდი აღწევდა კიდევ მას.

ტიბერიუსის შესახებ მსჯელობისას აღნიშნავენ, რომ ხელისუფლების მწვერვალზე ასულს დაკარგული ჰქონდა ადამიანებთან ნორმალური ურთიერთობის უნარი. სულიერად დამახინჯებული, ეჭვიანი და უზომოდ სასტიკი შეშლილობის ზღვარზე იმყოფებოდა. მისი მემკვიდრე კალიგულა მართლაც არანორმალური იყო. იმპერატორის ავადმყოფურ ბუნებაზე ვრცლად წერდნენ ანტიკური ავტორები (სენეკა, იოსებ ფლავიუსი, კორნელიუს ტაციტუსი, სვეტონიუს ტრანქვილუსი, დიონ კასიოსი).

კალიგულას შესწევდა უნარი, ეთამაშა ხალხის კეთილდღეობაზე მზრუნველის როლი; რაც ბნელი მასის სიყვარულს იწვევდა. ერთხელ, როდესაც ავად გახდა, უბრალო ხალხი სასახლესთან ღამეებს ათენებდა. ყველაფერს ხალხის გულის მოსაგებად აკეთებდა, ყოველი ნაბიჯი გარეგნულ ეფექტზე ჰქონდა აგებული. ტიბერიუსის მომხრეთა თვალის ასახვევად, გარდაცვლილი იმპერატორი მწუხარე გამომეტყველებით დაიტირა, სახობო სიტყვაც წარმოთქვა და დიდი პატივით დაკრძალა. ხალხში ნდობის მოპოვებას ემსახურებოდა დედისა და ძმების ნეშტთა შეგროვება და რომში გადასვენება. დედის საპატივცემულოდ მოაწყო საცირიკო თამაშები. მამის ხსოვნის აღსანიშნავად სექტემბრის თვეს გერმანიკუსი უწოდა. ტიბერიუსის რისხვას გადარჩენილ ნათესაებსაც ყურადღებით ეპყრობოდა (თუმცა მოკლე ხანში ყველაფერი უკუღმა შემოუბრუნდათ). დედისა და ძმების საბრალდებო საქმეებთან არსებული დასმენის დოკუმენტები, ფორუმზე მიიტანა და საჯაროდ დაწვა, თანაც ღმერთები მოიყვანა მოწმეებად, რომ არაფერი წაუკითხავს. იქმნებოდა შთაბეჭდილება, რომ დასმენის პერიოდი წარსულს ჩაბარდა. შეიწყალა მსჯავრდადებულები, დააბრუნა გადასახლებულები.

ჩამოთვლილი ქმედებები მხოლოდ ხალხის გულის მოსაგებად გამიზნული თვალთმაქცობა იყო. კალიგულა მჭევრმეტყველების უნარით გამოირჩეოდა. სიტყვის წარმოთქმა ნებისმიერ დროს შეეძლო. განსაკუთრებით ეხერხებოდა ბრალის დადება. გაბრაზებული უკეთესად პოულობდა სიტყვებს და ალაგებდა აზრებს. სიტყვას ყოველთვის მუქარით იწყებდა და მუქარით ამთავრებდა.

მფლანგველმა იმპერატორმა ხელმოჭერილი ტიბერიუსის სიმდიდრე ერთ წელიწადში გაანიაჟა. დაცარიელებული ხაზინის შესავსებად შემოიღო

ისეთი გადასახადები, რომლის მსგავსიც მანამდე არავის გაგონილიც არ ჰქონდა. რომში რაც იყიდებოდა, საჭმელი თუ ჩასაცმელი, ყველაფერზე გადასახადი დააწესა. ბეგარას იხდიდნენ მტვირთავი მუშები და მეძავეებიც კი. იმპერატორის სიხარბე იქამდე მივიდა, რომ პალატინუმზე, მდიდრულ სასახლეში ლუპანარი მოაწყო, რომელშიც გათხოვილი ქალები საკუთარ თავს სთავაზობდნენ სიამეთა მაძიებლებს. სპეციალური მსახურები მკაცრად აღწესდებდნენ შემოსავალს. ისე გადაგვარდა, რომ როდესაც ქალიშვილი შეეძინა, აღზრდისა და მზითვისათვის შესაწირავი მოითხოვა. სასახლის კარებთან დადგა და გამველებიდან მონეტების შეგროვებას შეუდგა. შემდეგ მათხოვრობით შეგროვებული ოქროს მონეტები ოთახში მიმოაბნია და გახარებული ზედ გორავდა.

კალიგულა უმადურიც იყო. პრეტორიანიული გვარდიის პრეფექტი მაკრონი, რომლის დახმარებითაც იმპერატორი გახდა, აიძულა თავი მოეკლა (38 წელს). იმავე წელს სიკვდილით დასაჯა შვილად აყვანილი ტიბერიუს გემელი. ამცირებდა უმადლეს საკანონმდებლო ორგანოს, სენატს. ქედმაღლურად და თვითნებურად ექცეოდა კონსულებს. მასხრად იგდებდა სენატორებს. ერთხელ რამდენიმე სენატორი სიკვდილით დასაჯა, შემდეგ გამოაცხადა — თავი მოიკლესო. ერთ ნადიმზე ხარხარი ატყბა. კონსულებმა ჰკითხეს, რა გაცინებსო, უპასუხა: ის მაცინებს, რომ ჩემი თავის ერთი დაქნევა და თქვენი სიცოცხლე გაქრებაო. სენატისადმი მისი უპატივემულობა იქამდე მივიდა, რომ სურვილიც კი გაუჩნდა თავისი საყვარელი ცხენი ინციტატი (ფეხმარდი) სენატორად დაესვა. ვიდრე ინციტატი სენატორის სავარძელს დაიკავებდა, იმპერატორმა მარმარილოსა და სპილოს ძვლისაგან თავლა-სასახლე აუგო, საკმაოდ მრავალრიცხოვანი მომსახურე პერსონალით. თავლის სიხალღვეს მცხოვრებნი მკაცრად გააფრთხილეს, არ ეხმაურათ და ცხენის სიმშვიდე არ დაერღვიათ. კალიგულა რომ არ მოეკლათ, სენატორი ინციტატი, ალბათ, მართლაც დაიკავებდა თავის „ღირსეულ“ ადგილს რომის სენატში.

კალიგულას გართობა თუ ნადიმი, გარკვეულ წილად სადამსჯელო ღონისძიებაც იყო. მოლხენის პარალელურად ტარდებოდა დაკითხვები, ჯალათები მზად იყვნენ თავიანთი მოვალეობის შესასრულებლად. წყაროებში დაცულია შემზარავი ეპიზოდები, როდესაც მამებს აიძულებდნენ დასწრებოდნენ შვილების სიკვდილით დასჯას. იყო შემთხვევა, მამამ ვერ გაუძლო თავს დატყევილ უბედურებას და კალიგულას სთხოვა, თვალეებს დაეხუჭავო. იმპერატორმა „მოწყალება“ გაიღო და ბრძანა, ისიც მოეკლათ. ადამიანის არარაობად ქცევას ემსახურებოდა ის რეალობა, როდესაც სიკვდილით დასჯილის მამას სუფრასთან მიიწვევდა და აიძულებდა ემხიარულა. ერთი ბრალდებული (რა თქმა უნდა, უდანაშაულო) მხეცებს მიუგდეს დასაგლეჯად. კაცი ყვიროდა, უდანაშაულო ვარო. კალიგულამ გამოაყვანინა, ენა მოაჭრევინა, ყვირილს რომ არ შეეწუხებინა და კვლავ

იმავე სატანჯველს დაუბრუნა.

კალიგულას სიმხეცე კაციჭამიობას უთანაბრდება. წყაროების გამოცემით, რომში გაძვირდა საქონლის ხორცი. ამფითეატრის ცხოველებს შემოაკლდათ საკვები. იმპერატორმა გამოსავალი ადვილად გამონახა. ბრძანება გასცა, მხეცები გამოეკვებათ საპყრობილეში გამომწვევდელი ადამიანების ხორცი. იმის განკითხვა არავის უცდია, დაპატიმრებული ადამიანებიდან ვინ იყო დამნაშავე და ვინ არა.

კალიგულას ეჯავრებოდა მოხდენილი გარეგნობის ადამიანები. სვეტონიუსს აღწერილი აქვს, თუ როგორ შეეწირა თავის გარეგნობას ვინმე ეზიუს პროკულუსი. როდესაც შეცდომით უდანაშაულო ადამიანს დასჯიდნენ, იმპერატორი მშვიდად იტყოდა, ესეც სიკვდილის ღირსი იყო.

სისხლის წყურვილი იქამდე მიდიოდა, რომ ნატრობდა, ნეტავი რომაელ ხალხს ერთი თავი ჰქონდეს, რომ ერთი დარტყმით დავამთავრო მისი არსებობაო. მხოლოდ ცუდზე ფიქრობდა და თავის ნაფიქრალს ხმამაღლა ამბობდა. ამაზრუნე იყო წუხილი იმის გამო, რომ მის დროს ადგილი არ ჰქონდა საყოველთაო კატასტროფას. სურდა, უკვდავება რაიმე უბედურებით მოეპოვებინა. ნატრობდა არმიის განადგურებას, შიმშილობას, შავ ჭირს, თანაც ისეთი მასშტაბისას, რომელიც სამუდამოდ დარჩებოდა ადამიანთა სსოფნაში.

კალიგულა ამაყობდა, რომ იყო შეუდარებელი მშენებელი. ამ ხაზით ბევრიც გააკეთა, მაგრამ გაწეული შრომა ძირითადად მისი ახირებულობიდან გამომდინარეობდა. მისი ავადმყოფური ფანტაზიის შესანიშნავ დადასტურებას წარმოადგენდა ხიდი კუნძულ ბაიასა და პუტეოლს შორის. ხიდის სიგრძე ოთხ კილომეტრს აღწევდა. იმპერატორის ბრძანებით შეკრიბეს ხმელთაშუა ზღვის სატვირთო გემები, ჩაამწკრივეს ორ რიგად, გადააჭედეს ფიცრებით, დააყარეს მიწა და ჩვეულებრივი სახმელეთო გზის მსგავსად შეუერთეს სანაპირო ზოლს. ეს უსარგებლო ხიდი კალიგულამ საზეიმოდ გახსნა და ორი დღე ამაღლასთან ერთად დადიოდა, ხან ცხენით, ხან ეტლით. შედეგი ის იყო, რომ ხიდმა მწყობრიდან გამოიყვანა რომაული ფლოტის დიდი ნაწილი.

კალიგულას ინიციატივით დამთავრდა ადრე დაწყებული ბევრი შენობა, მაგრამ ხიდის მსგავსად მათ პრაქტიკული დანიშნულება არ გააჩნდათ. იმპერატორს განსაკუთრებით მოსწონდა კამპანიის სანაპირო. ამ მიზნით სანაპიროზე აწყობდა პორტიკებს, გასართობ პალატებს, ალამაზებდა ვენახებით და ბალებით. თავისი შემოქმედებით გაამაყებული დღეების განმავლობაში დაცურავდა სანაპიროს გასწვრივ და ქეიფობდა მუსიკის თანხლებით. სახელმწიფო ქონებას სუფელურ პროექტებში ფლანგავდა. ფული რომ შემოაკლდებოდა ძარცვაზე გადადიოდა. მდიდარ რომაელებს აიძულებდა, მემკვიდრეთა შორის იმპერატორიც დაესახელებინათ. შემდეგ მოგონილი ბრალდებით ანდერძის ავტორს დამნაშავედ გამოაცხადებდა

და მის ქონებას მიიტაცებდა. ვილების, სასახლეების, კაშხალების მშენებლობაში არ ფიგურირებდა საღი აზრი. იგივე ითქმის გზებისა და მიუვალ კლდეებში გაჭრილ გასასვლელებზეც.

რომის იმპერატორს რომი არ უყვარდა და დედაქალაქის ანციუმში გადატანა ჰქონდა განზრახული (ანციუმი იყო ძველი ციხე-სიმაგრე ვოლსკების მიწაზე). რომ დასცლოდა, ალბათ ჩანაფიქრს შეასრულებდა. იმპერატორს სხვა ვარიანტიც ჰქონდა, ძალიან მოსწონდა ალექსანდრია და იქაც ცდილობდა გადასვლას. „მარადიული ქალაქი“ შეთქმულების წარმატებით დამთავრებამ გადაარჩინა.

კალიგულა მრავალრიცხოვანი უსარგებლო ნაგებობების გარდა ზღაპრულ თანხებს ხარჯავდა გლადიატორთა ბრძოლების გასამართად. საინტერესოა, რომ შერკინებებში თვითონაც აქტიურად ერთვებოდა, როგორც მებრძოლი და ეტლით მსრობელი. საოცარია, ეს ავადმყოფურად მშიმარა არსება, გაბედულად გამოდიოდა იარაღით ხელში, რადგან ღრმად იყო დარწმუნებული, რომ არაფერი დაუშავდებოდა. მისი გატაცების სფეროს წარმოადგენდა, აგრეთვე, სიმღერა და ცეკვა. მღეროდა დღესასწაულებზე, როგორც მარტო, ისე გუნდთან ერთად. ცეკვავდა თავდაფიცებით ნებისმიერ დროს და ნებისმიერ ადგილას. არ ითვალისწინებდა იმას, რომ რომში სიმღერა არ სარგებლობდა მოწონებით, ხოლო ცეკვა სამარცხვინოდ ითვლებოდა. მაგრამ კალიგულას საზოგადოების აზრი არ აინტერესებდა. მისი გონება მხოლოდ სისხლის ღვრისაკენ იყო მიმართული. ბოროტ სულად დაბადებული კალიგულა თვლიდა, რომ ღმერთი იყო და ამის გამო ყველაფერი ეპატიებოდა.

კალიგულამ უზნეობისა და გარყვნილების ყველა მწვერვალი გადალახა. არ არსებობს სისაძაგლე, მას რომ არ ჩაედინა, თანაც სულ 29 წელი იცოცხლა. ქორწინება და განქორწინება მისთვის არაფერს ნიშნავდა. ავადმყოფური და დამახინჯებული დამოკიდებულება ჰქონდა უახლოეს ადამიანებთან. წყაროების მოწმობით, ამის უტყუარი ფაქტი იყო ის, რომ დანაშაულებრივი კავშირით ცხოვრობდა საკუთარ დებთან. აქედან ორი, აგრიპინა უმცროსი (ნერონის დედა, არანაკლებ უზნეო) და იულია ლივილა გადაასახლა, ხოლო მესამე, დრუსილა, ქმარს წართვა და თავისთან ჰყავდა, როგორც ცოლი.

ის, რაც რეალურ ცხოვრებაში დანაშაულად ითვლებოდა, ბერძნულ-რომაულ პანთეონში ჩვეულებრივი მოვლენა იყო. ოლიმპოს უზენაესი ღვთაება ზევსი და მისი მეუღლე ჰერა, რომაელების იუპიტერი და იუნონა დაძმანი იყვნენ. ძველი აღმოსავლეთის რელიგიურ წარმოდგენებშიც მსგავსი ადრევე დაშვებული იყო. ეგვიპტური პანთეონის ანომალია გავრცელდა რეალურ ცხოვრებაშიც (მხოლოდ სამეფო დინასტიაში). ფარაონების იდეოლოგიით, ფარაონი ითვლებოდა ღმერთის (ამონის) შვილად და მისი მეუღლეც ღმერთის შვილი უნდა ყოფილიყო. ამიტომ ფარაონისა და მისი

დის (ასულსაც) შეუღლება ნორმად ითვლებოდა. ფარაონების ტრადიცია გადაიდეს პტოლემეოსებმა. კალიგულა თავს ღმერთად აცხადებდა და ღვთაებრივ სიმაღლეს ასახიერებდა. აღნიშნული წარმოდგენის გათვალისწინებით, არ არის შემთხვევითი, რომ იმპერატორის საყვარელი ქვეყანა იყო ეგვიპტე და მისი დედაქალაქი ალექსანდრია.

კალიგულას ავხორცობა და ზნედაცემულობა სისხლის აღრევის გარდა სხვა მიმართულებითაც შლიდა ფრთებს. მისმა ამორალობამ რომაული არისტოკრატია ენაჩუარდნილ ბრბოდ აქცია. შიშმა ღირსება მიწასთან გაასწორა. ანტიკური ავტორების თანახმად, იმპერატორი ხშირად მართავდა ნადიმებს და იწვევდა წარჩინებულ ოჯახებს. სტუმარ ქალებს ისე ათვალთვლებდა, თითქოს მონათა ბაზარზე იყო. რომელ ქალსაც აირჩევდა, გაიყვანდა გვერდით ოთახში. ცხოველური ჟინის დაკმაყოფილების შემდეგ დაბრუნდებოდა და მსხვერპლის მეუღლეს უყვებოდა, როგორც იყო მისი ცოლი ლოგინში. დაწერილებით ჩამოთვლიდა, რა ჰქონდა კარგი და რა ცუდი. ლაფდასხმული მეუღლე ყურადღებით უსმენდა და ცდილობდა, წყენა არ გამოეხატა. ცხადია, ამის მომთმენი რომაელები კაცებად აღარ ჩაითვლებოდნენ. იმპერატორი ცდილობდა, ადამიანები დამუნჯებულიყვნენ და დაბრმავებულიყვნენ. ცნობილია, აგრეთვე, ასეთი ფაქტიც, ერთხელ იგი ქორწილში მიიწვიეს. კალიგულას პატარძალი მოეწონა. წართვა ქმარს, წაიყვანა თავის ბუნაგში და მხოლოდ რამდენიმე დღის შემდეგ გამოუშვა, მისი ქმარი კალპურნიუს პიზონი კი გადაასახლა. გადმოცემის თანახმად, პიზონი ვაჟკაცურად მოიქცა, იმპერატორს არ აპატია შეურაცხყოფა და იმ შეთქმულების ერთ-ერთი ინიციატორი გახდა, რომელმაც კალიგულას განაჩენი გამოუტანა.

კალიგულას რამდენიმე ცოლი ჰყავდა. მათ შორის გამორჩეულად უყვარდა ცეზონია მოლონია, რომელიც მეუღლის მსგავსად, ამორალური ქალი იყო. იმპერატორს საყვარელი მეუღლე მუდამ თან დაჰყავდა, ტრახახობდა მეგობრებთან მისი სილამაზით, ზოგჯერ გააშიშვლებდა და ისე აჩვენებდა, რომ დამტკბარიყვნენ მისი მოხდენილობით, თუმცა ცეზონია სილამაზის მხრივ საკმაოდ მოიკოჭლებდა.

კალიგულა ვერ იტანდა დიდების სახელით მოსილ ადამიანებს. განზრახული ჰქონდა ჰომეროსის პოემების განადგურება. ვერგილიუსისა და ტიტუს ლივიუსის წიგნები და ბიუსტები ძლივს გადაურჩნენ მის ავ თვალს. გამოჩენილ რომაელთა ბიუსტები კაპიტოლიუმიდან გამოატანინა და მარსის ველზე ისე დაამტკვრევინა, რომ მათი აღდგენა შეუძლებელი გახდა. განდიდების მანიით შეპყრობილი იმპერატორის ბრძანებით საბერძნეთიდან რომში გადაიტანეს ზევსის ქანდაკება და მის ტანს კალიგულას თავი დაადგეს. წყაროებში დაცულია ცნობა, რომ იმპერატორმა ოლიმპიაში აღმართული, გენიალური ფიდიასის ოლიმპიელი ზევსის (სამყაროს ერთ-ერთი საოცრების)

რომში გადატანაც განიზრახა. შედგომიან კიდევ მკრეხელური ბრძანების შესრულებას, მაგრამ მიახლოებისას ღმერთების მამას ისეთი მჭექარე ხმა გამოუცია, რომ მუშები შეშინებულან და გაქცეულან. ცხადია, ეს ლეგენდაა, მაგრამ კალიგულას მსგავსი სურვილი რომ ექნებოდა, საეჭვო არ არის.

კალიგულა სიდიადეში იუპიტერსაც კი ეჯიბრებოდა, თვლიდა, რომ რომაელთა უზენაეს ღვთაებას აღემატებოდა. მის ავადმყოფურ ფსიქიკაზე მეტყველებს მთვარესთან სასიყვარულო სცენების გამართვა. ღამის დადგომისთანავე იწყებდა მასთან საუბარს და იწვევდა თავის საწოლში. დღისით კი იუპიტერის ქანდაკებასთან განმარტოვდებოდა და იწყებდა მასთან ანგარიშის გასწორებას, ხან ჩურჩულით, ხან ხმამაღლა, ხან უბრაზდებოდა და ემუქრებოდა. სისულელის გასამართლებლად ამბობდა, რომ ღმერთმა თავისთან მიიწვია საცხოვრებლად. ყოველივე ამის შემდეგ, როგორც ღმერთი, მკაცრად მოითხოვდა ღვთიურ თავიანთსაგანს.

იმპერატორს ჭექა-ქუხილის პანიკური შიში ჰქონდა. სიცილიაში ყოფნისას ეტნას კრატერიდან ამომავალი კვამლი რომ დაუნახავს და გრუხუნის გაუგონია, შიშს აუტანია და მაშინვე გამოქცეულა.

რომის სახელმწიფო პოლიტიკა, მსოფლიო იმპერიის საშინაო და საგარეო საკითხები კალიგულას საერთოდ არ აინტერესებდა.

სისხლის მოყვარული ომისადმი მიდრეკილებას არ ავლენდა. ამ კუთხით, მის დროს რომს სერიოზული საომარი მოქმედება არ უწარმოებია. გადამწყვეტ როლს ანიჭებენ იმ ფაქტს, რომ იმპერატორი ბუნებით მშობიარე იყო. თანდაყოლილი ნაკლის მიუხედავად, მაინც გაუჩნდა ამბიცია, თავისი ღვთიური სახელისათვის ძლევამოსილი სარდლის დიდებაც შეემატებინა და თავის გამოჩენის ასპარეზად აირჩია გერმანია. იმპერატორის ბრძანებით, უზარმაზარი არმია შეკრიბეს. ლაშქრობა უჩვეულოდ დაიწყო. გზა, რომელზეც ლეგიონებს უნდა გაეგლო, ადგილობრივ მოსახლეობას უნდა გაესუფთავებინა და მოერწყა, რომ იმპერატორი მტკვერს არ შეეწუხებინა. პირველი დღიდანვე ნათელი გახდა კალიგულას სრული უსუსურობა. ეს იყო უნიჭოდ დადგმული კომედია-სპექტაკლი, რომლის მონაწილეებსაც თავიანთი როლები ბოლომდე უნდა ეთამაშათ. მოწინააღმდეგენი არ ჩანდნენ. სპექტაკლის გადასარჩენად, კალიგულამ რომაელთა რიგებში მყოფი გერმანელი მეომრები გამოიყვანა და ქვეყნის სიღრმეში შესვლა და გარკვეული პერიოდის შემდეგ ხმაურის ატეხა უბრძანა, თითქოს მტერი ახლოვდებოდა. გერმანელებს კვალდაკვალ მიჰყვა რომის არმიაც. კალიგულაც დაიძრა პრეტორიანული არმიით გარემოცული. როგორც მეომრული სულით იყო დაჯილდოებული იმპერატორი, კარგად გვიჩვენებს სვეტონიუსი, რომელიც წერს, რომ როცა ერთ ვიწრო ხეობაში კალიგულამ ყური მოკრა ლეგიონერების ლაპარაკს, მტერი რომ დაგვესხას, მუსრს გაგვაკვლებსო, შიშმა აიტანა, ცხენს მოახტა და უკან გამობრუნდა, მაგრამ

გზა ისე იყო ჩახერგილი, მოძრაობა შეუძლებელი გახდა. პანიკაში ჩავარდნილი იმპერატორი მეომრებმა ხელში აიყვანეს, თავებზე გადაიტარეს და „მშვიდობით“ გადარჩენა მიულოცეს. ასეთი თავგანწირული „ბრძოლების“ ფონზე კალიგულა რომში ინფორმაციებს აგზავნიდა ვრცელი ტერიტორიების დაპყრობის შესახებ.

გერმანიაში ლაშქრობა, როგორც სწრაფად დაიწყო, ისე სწრაფად დამთავრდა. მას არავითარი შედეგი არ მოჰყოლია. სპექტაკლის ფინალით განსაზღვრული იყო გრანდიოზული ტრიუმფი, მაგრამ კომედიას სჭირდებოდა აუცილებელი პერსონაჟები, ტყვეების სახით. კალიგულამ ესეც მოახერხა. შეარჩიეს კარგი გარეგნობის გალები, რომელთაც წვერის მოშვება და თმების წითლად შეღებვა უბრძანეს, რათა გერმანელებს დამსგავსებოდნენ. ამ გადაცემულ „ტყვეებს“ უნდა გაელამაზებინათ გამარჯვების აღსანიშნავი ზეიმი. საბოლოოდ ტრიუმფი ვერ ჩატარდა და კალიგულა რომში ოვაციით შევიდა.


ასე „სახელონად“ დაამთავრა გერმანიაში ლაშქრობა დიდების მაძიებელმა იმპერატორმა. დაბრუნდა რომში და სისხლიანი ტერორი გააგრძელა.

ანტიკურ მწერლობაში კალიგულა გვირგვინდადგმულ ბოროტებადაა მიჩნეული. „თორმეტი ცეზარის ცხოვრების“ ავტორი გაიუს სვეტონიუს ტრანკვილუსი, კალიგულას საქმიანობაში დადებითი ქმედების ერთ მკრთალ სხეულსაც ვერ ამჩნევდა. ბერძენ-რომაელი მწერლების აზრით, კალიგულა, ყოველგვარი გაზვიადების გარეშე, ადამიანების საწამებლად გაჩენილი დემონი იყო.

დამცირებულსა და ღირსებაგათელილ რომაელებში, მრავალრიცხოვანი მსტოვრისა და დამსმენის გარემოცვაში მაინც გაიმარჯვა ღირსების გრძობამ, რომაელებმა დაძლიეს შიში და თავი იმართლეს ისტორიის წინაშე. პრეტორიანული გვარდიის მაღალჩინოსანი კასიუს ხერეი შეთქმულთა მცირე რაზმით, 41 წლის 24 იანვარს შუადღისას, სასახლის ბნელ გასასვლელში თავს დაესხა კალიგულას და სიცოცხლეს გამოასალმა. იმდენად დიდი იყო იმპერატორისადმი სიძულვილი, რომ შეთქმულებმა მისი ცოლი ცეზონიაც და მცირეწლოვანი ქალიშვილიც მოკლეს.

ოთხი წელი და ათი თვე რომში ბოროტება ზეიმობდა. 37 წლის მარტიდან 41 წლის 24 იანვრამდე იღვენებოდა სინათლე და მის ადგილს იკავებდა სიბნელე.

პრეტორიანელებმა იმპერატორის ტახტზე კალიგულას ბიძა, 51 წლის კლაუდიუსი დასვეს.



ბრიგოლ რუხაძე

ვენახის სახისმეტყველება

საკითხი, რომლის საფუძვლიანად გამოძიებასაც შევეცადეთ, ასე დგას: არის თუ არა საქართველოს ეკლესიაში ფართოდ გავრცელებული ღმრთისმშობლის ხატი «შენ ხარ ვენახი» კანონიკურად დაწერილი, ანუ საღმრთისმეტყველო სწავლების მიხედვით, აქვს თუ არა მას ეკლესიაში არსებობის უფლება? მიუხედავად არაერთი ცნობილი სპეციალისტის უარყოფითი შეფასებისა, პრობლემისადმი სერიოზული მიდგომა დღემდე არ შეიმჩნევა. ამიტომ ჩვენ ისევ დაგუბრუნდით წლების წინ დასმულ საკითხს და შეძლებისდაგვარად მოვიძიეთ სანდო არგუმენტები, რომელიც შესაბამის საეკლესიო ინსტანციას გადაწყვეტილების მიღებაში დაეხმარება.

ჯერ კიდევ 2001 წელს ხატმწერი მერაბ ჩაკვეტაძე აღნიშნავდა: „არ შეიძლება ხატზე მაცხოვარი მარტო მარცხენა ხელით აკურთხებდეს. ასეთი რამ არცერთ ტრადიციულ, კანონიკურ ხატზე არ გვხვდება“.¹ — სწორედ ეს დარღვევა გვხვდება ხატზე „შენ ხარ ვენახი“, რომელზეც ყრმა მაცხოვარი მაკურთხებელი მარცხენა ხელით არის გამოსახული. სანამ ამ თემას გავშილდეთ, ხატმწერ დავით ხიდაშელსაც მოვუსმინოთ: „ზოგჯერ საეკლესიო ფერწერაში ახალი საღმრთისმეტყველო თემების შემოტანას და ამდენად ახალი, ჯერ არარსებული შინაარსის იკონოგრაფიის დამკვიდრებას ცდილობენ. ზოგჯერ ასეთი სიახლე ლიტურგურული ტექსტის პირდაპირი ილუსტრაციის გზით არის მიღწეული. მაგალითად, „შენ ხარ ვენახი“ სრულიადაც არ ნიშნავს იმას, რომ ღმრთისმშობელს მაინცდამაინც ყურძნის მტევანი ეჭიროს ხელში. ამ დროს პოეტური მეტაფორა პირდაპირი ილუსტრირების საგანი ხდება, რაც პირადად ჩემთვის მიუღებელია“.² — „შენ ხარ ვენახის“ ხატზე ღმრთისმშობელს მარჯვენა ხელში სწორედ ყურძნის მტევანი უჭირავს, ხოლო ამ მტევნის ყუნწთან ხელოვნურად, არაბუნებრივად მიბმული ვაზის ფოთოლი — ყრმას, ასევე მარჯვენა ხელით.

მამასადაძე, თავისი სახელწოდებითა და შინაარსით „შენ ხარ ვენახი“

¹ «მადლის» 1999-2010 წლების კრებული, I, თბ., 2010. გვ. 324.

² იქვე, გვ. 346.

არის ახალ იდეათა საფუძველზე გამოგონილი იკონოგრაფიის ნიმუში, რომელიც კანონიკისა და ტრადიციის არაერთარ მოთხოვნას არ აკმაყოფილებს. მაშინ, როცა „არც ისტორიული და არც სულიერი რეალობა არავითარ გამონაგონს არ უშვებს, ამიტომ საეკლესიო ხელოვნება, როგორც თავისი იკონოგრაფიული, ისე სიმბოლური შინაარსით, რეალისტურია, ამ სიტყვის სრული მნიშვნელობით. ნამდვილ საეკლესიო ხელოვნებაში იდეალიზაცია არ არსებობს, ისევე როგორც იგი არც წმიდა წერილსა და ლიტურგიაში არ არის, და არც შეიძლება იყოს, რადგან იდეალიზაცია, როგორც შემოტანა სუბიექტური და შემოსაზღვრული ელემენტისა, ამა თუ იმ ზომით გარდაუვალად აზიანებს ან ამახინჯებს ჭეშმარიტებას. ეს გასაგებიცაა, ვინაიდან ადამიანს თავისი თავით რაიმეს უწყება მხოლოდ თავის თავზე შეუძლია. საღმრთო საქმეთა გამოცხადებას, საკუთარი თავიდან გამომდინარე, ვერაფერს შეძლებს.“³

პირველივე საუკუნეებიდან ხატმწერი „ცხოვრობდა და აზროვნებდა სახეებით და ფორმებს იმდენად ამარტივებდა, რომ მისი შინაარსის სიღრმეში ჩაწვდომა მხოლოდ სულიერ თვალს შეეძლო; იგი თავის ნაწარმოებს ყოველივე პიროვნულისგან წმენდდა და რჩებოდა ანონიმად, რადგან მისი მთავარი საზრუნავი ტრადიციის გადაცემა იყო“.⁴ სწორედ ტრადიციის წყალობით ვცნობთ და ვკითხულობთ საუკუნეების წინათ დაწერილ ხატებს და იმიტომაც არის საჭირო იკონოგრაფიული კანონების დაცვა და შესწავლა, რომ იმ ფესვებს არ მოგწყდეთ, რომელიც ჩვენს საერთო ქრისტიანულსა და ეროვნულ-სარწმუნოებრივ ნიადაგზე მდგომ ხატწერის უძველეს კულტურას ასაზრდოებს.

ხატწერის კანონი „განსაზღვრავს არა მარტო ხატის სიუჟეტებს, იმას, რაც გამოისახება, არამედ იმასაც, თუ როგორ უნდა გამოისახოს იგი, რომელი საშუალებებით შეიძლება ჩვენება ადამიანში⁵ დამკვიდრებული სულიწმიდის მადლისა და როგორ გადაეცემა მისი მდგომარეობა სხვებს.“⁶ მართლმადიდებლური სწავლებით, ფერთა და ხაზით ხატზე მოცემულ სიმბოლოებსა და რეალობას, ანუ პირველსავე, შორის პირდაპირი ურთიერთდამოკიდებულებაა; ამიტომ სიმბოლოს შეცვლა იმ რეალობის დამახინჯებას ნიშნავს, რომელსაც იგი ასახავს. „ეკლესიისთვის ხატი მხოლოდ ხელოვნება კი არ არის, რომელიც წმიდა წერილის ილუსტრირებას ემსახურება, არამედ მისი სრული შესაბამისობა, და მაშასადამე, ეკლესია ხატს, ისევე როგორც წმიდა წერილს, იმავე დოგმატურ, ლიტურგიკულსა და აღმზრდელობით მნიშვნელობას ანიჭებს“.⁷

³ Богословие образа. Икона и иконописцы. Антология, сост. А. Стрижев, М., 2002. С. 61.

⁴ იქვე, გვ. 29.

⁵ ხატზე გამოსახულ წმინდანში — გ. რ.

⁶ იქვე, გვ. 46.

⁷ იქვე, გვ. 36.

ზემოთ დასახელებულ პირობათაგან „შენ ხარ ვენახის“ ხატზე არცერთი გათვალისწინებული არ არის, ამიტომ მისი შექმნის იდეის ავტორი, ანუ შემკვეთი, თავს რა მიზეზითაც არ უნდა იმართლებდეს, საკუთარი პოლიტიკური შეხედულებებისა და მორალური შეფასებების ზეცაში გადატანის უფლებას, ბუნებრივია, მას ვერაფერს მისცემდა ერთი უბრალო მიზეზის გამო: „ყველაფერი, რაც ხატზე გამოისახება, ასახავს არა ჩვენი ცოდვიანი სოფლის უწესრიგობას, არამედ ღმრთეებრივ წესრიგსა და მყუდროებას, სადაც არა ამქვეყნიური ლოგიკა და კაცობრივი მორალი, არამედ საღმრთო მადლი მეფობს“.⁸ — აქედან გამომდინარე, „შენ ხარ ვენახის“ ხატი როგორც გამოგონილ სიმბოლოთა გამოყენების, ისე ფსევდო-რეალობის ასახვის მიხედვით მკრეხელურია. იგი მლოცველს არა მფარველობის, შეწყალებისა და შენდობის ნუგეშს აღუძრავს, არამედ შურისძიებით აშინებს.

ზემოთ მისი სახელწოდებაც ვახსენეთ, რომელიც დემეტრე მეფის ცნობილი იამბიკოდან არის აღებული:

*შენ ხარ ვენაჰი, ახლად აღყუაგებული,
მორჩი კეთილი, ედემში დანერგული,
აღვა სულსნელი, სამოთხით გამოსრული,
ღმერთმან შევამკო, ვერაფერს გჯობს ქებული,
და თავით თვისით მზე ხარ განბრწყინებული.*

მიუხედავად პატრისტული და ჰიმნოგრაფიული ნაწარმოებებში ღმრთისმშობლისადმი გამოყენებული უამრავი მხატვრული სახის, ეპითეტის და მეტაფორისა, აქამდე ღმრთისმშობლის ხატისთვის „ვენახი“ არავის უწოდებია. მით უმეტეს, რომ მის ზედწოდებათა შორის „ვენახი“ იმდენად იშვიათად გვხვდება, რომ მისთვის მხოლოდ ვიწრო, ან კერძო მნიშვნელობის მეტაფორა შეიძლება გვეწოდებინა. მის კერძო მნიშვნელობას კი განაპირობებს ვენახის, როგორც მაცხოვრებელი მტევნის გამომდების სახე: „ხე ცხორების გუექმნა წმიდად ქალწული მარიამ და ვენაჰი ჭეშმარიტებისად, რომელმან გამოიღო ტევანი ცხორებისად — ქრისტე, რამეთუ ამან აღმინთო სანთელი დაუშრეტელი“.⁹ — თუნდაც ამ საგალობლის მიხედვით, ქალწულ მარიამს ასევე „ხე ცხორებისა“ ეწოდება, მაგრამ აქედან გამომდინარე არ შეიძლება ამ მეტაფორის განზოგადება და მისი სახელწოდების ღმრთისმშობლის ხატის შექმნა, რადგან მხატვრული სახე გამოცხადების მნიშვნელობისა არ არის, რომ მის საფუძველზე ხატი დაიწეროს. ამასთან, ცნობილია არა ღმრთისმშობლის, არამედ მაცხოვრის ხატი თორმეტ მოციქულთან ერთად სახელწოდებით „ხე ცხორებისა“, რომელიც მეორე

⁸ იქვე, გვ. 49.

⁹ უძველესი იადგარი, გამომც. ელ. მეტრეველი, ც. ჭანკიევი და ლ. ხევსურიანი, თბ., 1980. გვ. 270, 17. — საგულისხმოა, რომ უძველესი იადგარის აღდგომის საგალობლებიდან ც. ჭანკიევის მიერ შეკრებილ ორასზე მეტ ღმრთისმშობლის მხატვრულ სახეს შორის „ვენახი“ საერთოდ არ არის (იქვე, გვ. 896-899).

სახელწოდება ხატისა „ვენახი“ (ბერძ. Η *Ampelo-*), ანუ ვენახი ჭეშმარიტი — ქრისტე. ამ საკითხს ქვემოთ ისევ დაუბრუნდებით.

ამასთანავე, თუ დაუგვირდებით, დიდი დავითის ძე ღმრთისმშობელს ახალაყვავებულ ვენახს კი ადარებს, მაგრამ იქვე ამატებს — მორჩი, ანუ რტო ხარ კეთილიო, რომელიც, ბუნებრივად, იმ ვენახისა უნდა იყოს, რომელიც მანამდე ახსენა. ე. ი. საგალობელში გამოყენებული ღმრთისმშობლის სრულყოფილი მხატვრული სახე არა ვენახი, არამედ ვენახის რტოა. ასე რომ, „შენ ხარ ვენახი“ ღმრთისმშობლის ხატისთვის არასწორად შერჩეული სახელწოდებაა.

მართლმადიდებლურ ხატებს, მათ შორის, ღმრთისმშობლის ყველა ხატს — „მაყვალე შეუწველი“, „ღირს არსი“, „კარის (ივერიისა)“ და სხვ. — სახელწოდება ბიბლიური ან გარდამოცემით ცნობილი საღმრთო გამოცხადების საფუძველზე აქვს მინიჭებული. ამიტომ პირდაპირი მნიშვნელობით ჭეშმარიტი ვენახი თვით უფალი იესო ქრისტეა, რადგან მან თქვა: „მე ვარ ვენახი ჭეშმარიტი, და მამად ჩემი მოქმედი არს“ (ინ. 15,1); „მე ვარ ვენახი, და თქვენ რტონი. რომელი დაადგრეს ჩემ თანა, და მე მის თანა, ამან მოიღოს ნაყოფი მრავალი, რამეთუ თუნიერ ჩემსა არარად ძალ-გიც ყოფად არცა ერთი“ (ინ. 15,5). — აი, საფუძველი იმისა, რომ პირველად ჯერ კიდევ XV ს-ში კრეტელმა ოსტატმა, ანგელოს აკოტანტოსმა შექმნა ხატი „ქრისტე — ვენახი ჭეშმარიტი“, რომლის გარკვეული ალეგორიზმი, სპეციალისტთა აზრით, «უკვე XVI ს-ის რაციონალური ხელოვნების მაუწყებელი იყო».¹⁰ ჩვენი აზრით, შეფასება გადაუჭარბებელია, რადგან იკონოგრაფიაში ალეგორიულ სახეთა იდეალიზებამ, ბოლოს და ბოლოს, იმდენად შემადრწუნებელი სახე მიიღო, რომ ნაწარმოებებმა არა მარტო თეოლოგიური და ესთეტიკური, არამედ ეთიკური შინაარსიც დაკარგეს.¹¹

ანალოგიური სახისაა „შენ ხარ ვენახი“, რომელმაც სახელწოდება მეტაფორის იდეალიზაციის გზით მიიღო და იკონოგრაფიაში არა მხოლოდ ულტრარაციონალური, არამედ ახალი ულტრანაციონალური თემა შემოიტანა.

მიუხედავად ხეშემთ მოცემული კრიტიკული შეფასებისა, მთავარი მკრეხელობა, რომელიც ჩვენს განსახილველ გამოსახულებას ბეჭდად აზის, მაინც მაცხოვრის მარცხენა მაკურთხეველი ხელია. რა თქმა უნდა, „შენ ხარ ვენახის“ გამაგრებლებები მის ამ ნაკლოვანებას ჩქმალავენ, ხოლო მისი შეძენის მსურველთა ყურადღებას სახელგანთქმული კაბადოკიისაკენ მიაქცევენ, რათა ხატის წარმომავლობისადმი ინტერესმა მისი ნამდვილი შინაარსი გადაფაროს.

ერთ-ერთ თანამედროვე ფოლიანტში „ღიდნი საქმენი“ (რომელზეც ვერც გამოცემის თარიღს მიაგნებს კაცი და ვერც იმას გაიგებს, საერთოდ

¹⁰ История иконописи, VI-XX века (კრებული), М., 2002. С. 101.

¹¹ საილუსტრაციოდ იხ.: ჩხენკელი მ., ქრისტეს ჯვარცმა ვეროპულ მხატვრობაში, თბ., 2012.

ასეთ ძვირადღირებულ წიგნებს რა პრაქტიკული დანიშნულება აქვს) მისი რედაქტორის რ. მეტრეველის წერილში დაბეჭდილ ხატზე არის მინაწერი: *ღვთისმშობელი ყრმით კაპადოკიის ფრესკა, რომლის მიხედვითაც შექმნილია „შენ ხარ ვენახის“ ხატი (X-XI საუკუნეების მიჯნა)*, (გვ. 177). ცხადია, თარიღი ფრესკას ეკუთვნის და არა ახალშექმნილ „შენ ხარ ვენახს“ (1997 წ.), მაგრამ მთავარი ისაა, რომ ასლის თაობაზე ცრუ ინფორმაციას ეკლესიიდან საერო მეცნიერებაში გაულწევა და ცნობილი ისტორიკოსის სტატიამაც მოხვედრილა. გარდა ასლისა, ანუ შინაარსობრივი იგივეობისა, სხვას არაფერს შეიძლება ნიშნავდეს გამოთქმა: ფრესკის „მიხედვით“ შექმნილი ხატი. რაიმეს „მიხედვით“ შექმნა — ნიშნავს, რომ შესაქმნელად გამოიყენეს რომელიმე საგნის იდეური ღერძი, სტრუქტურა, ფორმა ან ტიპი, რომლის სახესა და ანაბეჭდს შექმნილი საგანი აირეკლავს. ჩვენს შემთხვევაში, „ღიდნი საქმენის“ მიხედვით, დედანი არის კაპადოკიური ფრესკა, ხოლო ასლი — „შენ ხარ ვენახი“; ე. ი. ხატწერის ენაზე რომ ვთქვათ, ისინი ერთი და იმავე შინაარსის მატარებელი არიან.

სინამდვილეში, კაპადოკიის ეს ფრესკა (იგი ამჟამად საქართველოს საპატრიარქოში ინახება), ღმრთისმშობლის ხატთა შორის, ერთ-ერთ ცნობილ ტიპს „მოწყალე“ (ბერძ. „ელეუსა“) ეკუთვნის, რომელთანაც „შენ ხარ ვენახს“ არაფერი აქვს საერთო. კაპადოკიურ ფრესკაზე ყრმა იესო მოალერსე დედას ორივე ხელით ყელზე ეხვევა, თანაც ისე, რომ მარჯვენა ხელი საერთოდ არ უჩანს, ხოლო მარცხენა — ყელთან აქვს მიყრდნობილი. ცნობისთვის შევნიშნავთ, რომ სწორედ ამ შინაარსის გამო „ელეუსას“ მეორე ბერძნული სახელი არის „გლიკოფილუსა“ (ტკბილადმოალერსე).

მარჯვენის ღრმა ლინგვისტური მნიშვნელობა, განსაკუთრებით ქართველისთვის, ძნელი გასარკვევი არ არის. ძვ. განმარჯუება, გამარჯუება ნიშნავს წარმატებასა და წარმართებას; მარჯუენე — მარჯვენასთან ერთად ნიშნავს მარჯვეს, ყოჩაღს; გამარჯვება, გამარჯობა — მტერთა ძლევას. ამიტომაც, რომ ქართული მისალმების ძირითადი სიტყვა არის „გამარჯობა“, მაშინ, როცა სხვა ერებმა უპირატესობა სხვა სურვილებს მიანიჭეს, მაგალითად, რუსებმა — ჯანმრთელობას, ბერძნებმა — გახარებას, ებრაელებმა — შვიდობას და ა. შ.

მაცხოვარს თვით ეწოდება მარჯვენა მამისა. „იხილეთ, არა სთქუათ, ვითარმედ სიცრუე არს შორის მარჯუენისა ჩემისა“ (ეს. 44,20), — ამ მუხლის კომენტარებისას წმ. გერმანე კონსტანტინეპოლელი ამბობს: «ძე ღმრთისა, რომელიც არის ჭეშმარიტება და მარჯვენა მამისა».¹² აგრეთვე, ღირ. ეფრემ მცირის განმარტებით: „მარჯუენე და მკლავ მამისა და მაცხოვარება მისა ძე სახელ-დებულ არს“.¹³

¹² Деяния Вселенских Соборов, т. IV, СПб., 1996. С. 472.

¹³ შხ. შანიძე, შესავალი ეფრემ მცირის ფსალმუნთა თარგმანებისა/საიუბილეო, ძვ. ქ. ენ. კათ. შრ., 11. თბ., 1968. გვ. 87.

წმიდა წერილში მარჯვენა ხელსა და მხარეს ყოველთვის საპატიო და განსაკუთრებული მნიშვნელობა აქვს. „ხოლო რაჟამს მოვიდეს ძე კაცისა და დიდებითა თვისითა... და დაადგინეს ცხოვარნი მარჯუენით მისა და თიკანნი — მარცხენით. მაშინ ჰრქუას მეუფემან მარჯუენითა მათ მისთა: მოვედით, კურთხეულნი მამისა ჩემისანო, და დაიმკდრეთ განმზადებული თქუენთს სასუფეველი დასაბამითან სოფლისაით... მაშინ ჰრქუას მარცხენითა მათცა: წარვედით ჩემგან, წყეულნი, ცეცხლსა მას საუკუნესა“ (მთ. 25; 31, 33, 34, 41). მაცხოვარმა მეორედ მოსვლა ასე იწინასწარმეტყველა: „ამიერიეთგან იხილოთ ძე კაცისა და მჯდომარე მარჯუენით ძლიერებასა და მომავალი ღრუბელთა თანა ცისათა“ (მთ. 26,64). „ხოლო უფალი შემდგომად სიტყუათა ამათ მათდა მიმართ ამდღა ზეცად და დაჯდა მარჯუენით ღმრთისა“ (მრკ. 16, 19). — ამ კონტექსტში, ეგზეგეტიკა საერთო აზრით, *მარჯვენას* ღმერთთან თანასწორობის აღმნიშვნელი ფუნქცია აკისრია: „დაჯდა მარჯუენით ღმრთისა, ანუ თავისი აღდგომის შემდეგ მიიღო ხელმწიფება თანასწორი მამა ღმერთის ხელმწიფებისა“.¹⁴ იოვანე ღმრთისმეტყველი მოგვითხრობს: „და დადვა მან მარჯუენე მისი ჩემ ზედა და თქუა: ნუ გეშინინ: მე ვარ პირველი და უკანადსენელი“ (გამც. 1,17). „ესე იესუ აღადგინა ღმერთმან, რომლისა ვართ ჩუენ ყოველნი მოწამე; მარჯუენითა უკუე მისითა ამდღა და აღთქუმად სულისა წმიდისა და მოიღო მამისაგან და მოჰფინა“ (საქმ. 2, 32-33) და მრ. სხვ.

უწინარეს ყოვლისა, სწორედ წმიდა წერილის სიმბოლიკის ზეგავლენით უნდა აიხსნას ის ფაქტი, რომ *მარჯვენას* სხვა ენებშიც მხოლოდ დადებითი სინონიმები აქვს. რუსულში მარჯვენა (правый) აგრეთვე ნიშნავს სამართლიანს, მართალს, უდანაშაულოს, უბრალოს, წრფელს, უმანკოს; ძველ ბერძნულში (dextior) — ხელსაყრელს, სასურველს, სასიკეთოს, ბედნიერს, მარჯვეს, მოხერხებულს, მარდს, მკვირცხლს, ჭკვიანს, გონიერს; ლათინურში (dexter) — მარჯვეს, უნარიანს, გაწაფულს, მოხერხებულს, გადამრჩენს, კეთილისმყოფელს, მოწყალეს.

თავისთავად, მარჯვენის სიმბოლური მნიშვნელობა შენარჩუნებულია ხატწერაშიც. ზოგჯერ მას მამა ღმერთის მუნმყოფობის¹⁵ შინაარსი აქვს, ანუ მაკურთხეველი მარჯვენა იმ კონკრეტულ ეპიზოდსა თუ მოვლენაში მამა ღმერთის ყოფნასა და მონაწილეობაზე მიუთითებს, რომელიც ხატზე არის გამოსახული. მაგალითად, მაცხოვრის ნათლისღების, ანუ წმიდა სამების განცხადების, ხატზე ძველი ღროიდანვე გამოისახება თეთრი ღრუბლებით მოცული ცის სეგმენტი, რომლიდანაც ნათელთან ერთად „ვითარცა ტრედი“ გარდამოდის სულიწმიდა და რომლიდანაც გამოწვდილია მამა ღმერთის მაკურთხეველი მარჯვენა აღსანიშნავად იმისა, რომ „კმად

¹⁴ Толковая Библия, т. 9, Петербург, 1912. С. 95.

¹⁵ ტერმინი ნ. ჩუბინაშვილს დავესესხეთ: присутствие, присуший.

იყო ზეცით“ (მთ. 3, 16-17); ხოლო XVI-XVII სს-ის ზოგიერთ ხატზე, მიუხედავად იმისა, რომ მსოფლიო და ადგილობრივ საეკლესიო კრებათა მიერ მამა ღმერთის ჰიპოსტასური გამოსახვა აკრძალული იყო, მაკურთხეველი მარჯვენის ადგილზე, ცის სეგმენტში, ხშირად თვით უფალი საბათის ფიგურა არის წარმოდგენილი. ამასთანავე, ნათლისღების ყველა ხატზე, როგორც წესი, გამოისახება იოვანე ნათლისმცემელიც, რომელიც მაცხოვარს ასევე მარჯვენა ხელს ადებს თავზე. არც იმას სჭირდება ბევრი მტკიცება, რომ წმიდა მამები ხატებზე მაკურთხეველი მარჯვენით გამოისახებიან, რომელთა თითოა წყობა უფალი იესო ქრისტეს სახელის საწყისი და ბოლო ასოებზე მიანიშნებს (Ι̅Χ̅ Χ̅C), ანუ ისინი მვედრებელს უფლის სახელით ლოცავენ და აკურთხევენ.

ყოველივე ამის შემდეგ, ყოველგვარ აპოლოგიას „შენ ხარ ვენახთან“ დაკავშირებით, ძველი ქართული სიტყვა რომ ვიხმართო, მხოლოდ *მარცხენობა*დ, ანუ სიცრუე შეიძლება ეწოდოს.


ჩვენ დაბეჯითებით ვერ ვიტყვით, „შენ ხარ ვენახის“ შემქმნელებმა მკრეხელობის ყველა შედეგი გაითვალისწინეს თუ არა, მაგრამ ამის თქმა კი შეგვიძლია, რომ კურთხევის გამარცხნებით¹⁶ ხატმა თავისი ჭეშმარიტი მნიშვნელობა დაკარგა და მადლის მოცემის მაგიერ წყველის შინაარსი შეიძინა.

ჯერ კიდევ ძველი აღთქმიდან ცნობილია კურთხევის მოკლება (ადკვეთა), ანუ წყველა ღმრთისა, რომელიც მან წარმოთქვა ევას მაცდუნებელი გველისა (შესქ. 3,14) და ძმის მკვლეელი კაენის (შესქ. 4,11) მიმართ; უფალმა ღმერთმა აღუთქვა აბრაამს: „ვაკურთხე მაკურთხეველნი შენნი და მწყევარნი შენნი ვწყევნე“ (შესქ. 12,3). ასევე ცნობილია, რომ ღმრთის ნების საწინააღმდეგოდ წარმოთქმულ წყველას ძალა არა აქვს. მაგალითად, მეფე ბალაკმა თხოვა ბალაამს: „მოვედ და სწყვეე იაკობი და მოვედ და სწყვეე ისრაელი“ (რიცხ. 23,7), რადგან იცოდა, რომ მის კურთხევა-საც და წყველასაც ძალა ჰქონდა (22,6), მაგრამ ბალაამმა უპასუხა: „რად ვსწყევო, რომელსა არა სწყევს უფალი? ანუ რადასა დავწყევო, რომელ არა უწყვეიეს ღმერთსა?“ (23,8). სოლომონ ბრძენი ნათლად ამბობს: „დაუმსახურებელი წყველა-კრულვა არ შესრულდება“ (იგ. 26,2). მაგრამ ძველ აღთქმაში არსებული ეს დაპირისპირება კურთხევისა და წყველას შორის მაცხოვარმა სრულიად გააუქმა და ახალი აღთქმა დაგვიდო: „ვიყუარდეთ მტერნი თქუენნი და აკურთხევდით მწყევართა თქუენთა“ (მთ. 5,44). ამიტომ ჩვენ ის კი არ გვაშინებს, ვის რა განზრახვა ამოძრავებს, არამედ ის, რომ ეკლესიის სიწმინდეს შესაფერისად ვერ ვიცავთ.

დაბოლოს, ხატმწერთა მიერ მოძღვრის კურთხევის უპირობოდ შესრულების შესახებ. სწორად შენიშნავდა ხატმწერი ამირან გოგიტიძე: „როცა

¹⁶ დ. ჩუბინაშვილის განმარტებით *გამარცხება* არის იგივე დამარცხება, поражение.

ხატწერის კანონიკა ირღვევა, ამ დროს მხოლოდ მხატვარი როლი სცოდავს, სცოდავს ტაძრის მოძღვარიც, რომელმაც, შეიძლება ითქვას, თვით ხატმწერზე კარგად უნდა იცოდეს იკონოგრაფიის კანონები და კარგად ერკვეოდეს მათში.¹⁷ ასე რომ, თუ მოძღვარი შესცოდავს, ხატმწერმა უნდა იცოდეს, კანონიკის დარღვევისათვის იგი პასუხისმგებლობას ვერ მოიხსნის. ჩვენს შემთხვევაში, მას არა მარტო კანონიკისა და ტრადიციის ფორმალურად დაცვა, არამედ იმის ცოდნაც მოეთხოვება, რომ სხვა ღრმა შინაარსთან ერთად „მარჯვენა ღმრთისა მართალთა მფარველობის სიმბოლოა“.¹⁸



ნუგზარ ძნელაძე

საგანგებო მდგომარეობა

მესხური მრავალჯამიერი, ანსამბლ „ქალგულოს“ შესრულებით, დარბაზმა რიტუალური გარინდებით მოისმინა და ყურადღება ფეხზე წამოდგარ მუხაკაცს, დათუკი ქვეპირიშიელს მიაპყრო.

— ღმერთმა მრავალჯამიერის მადლი და ძალა არ მოგვიშალოს. ჩვენი ერთხმობა და ერთსულოვნება ყოფილიყოს ამ დიდებული ჰიმნის დამამშვენებელი. შესაფერისი მემკვიდრენი გაუმხდარიყავით მისი შემქმნელი ღირსეული წინაპრებისა.

— ამინ.

— კაცებო, ძმებო, ყველამ იცით ამ მცირე დარბაზში ჩვენი შეკრების მიზეზი. ერთ თვეში უნდა ჩატარდეს საპარლამენტო არჩევნები, მეტად მნიშვნელოვანი ჩვენი ქვეყნისათვის, და ჩვენ, მიუხედავად ჩვენი არაპოლიტიკოსობისა, პასუხისმგებლობა უნდა ვიკისროთ ჩვენი შთამომავლობის წინაშე. საგანგებო მდგომარეობა, რომელიც შესაძლებელია შეიქმნას არჩევნების დროს, გვაიძულებს გვერდზე გადავდოთ ჩვენი პროფესიული საქმიანობა და, ყოველგვარი პარტიული დირექტივების გარეშე, მზად შევხვდეთ ყველა სახის გამოწვევას, რომელიც კი ამჟამინდელმა ხელისუფლებამ შეიძლება შეიმუშაოს.

— ბრძანე, ჩემო პაპა, — დარბაზის თავმა მრავალჭირნახულ, მაგრამ გაუტყეულ, პაპა ბებურიშიელს გამოხედვაზე შეატყო, სიტყვის თქმა რომ უნდოდა, და არც მას დაუყოვნებია.

— ძმებო და მეგობრებო, მნიშვნელოვანი სიტყვა თქვა ჩვენმა დათუკიმ. საქმე ისაა, რომ ჩვენ არავითარი პარტიის წევრები არა ვართ და არც რაიმე პოლიტიკურ კარიერას არ ვეძიებთ, მაგრამ ჩვენ წარმოუადგენთ ქართულ საზოგადოებას, რომელიც საქართველოს მტრებს ქვეყნის გადაგვარებისა და გადაშენების უფლებას არ მისცემს. ჩვენ ვემზრობით ბიძინა ივანიშვილს და, აქედან გამომდინარე, „ქართულ ოცნებას“, მაგრამ ეს არ ნიშნავს ყველა იმ სუბიექტისადმი პატივისცემას, რომელიც ამ გაერთიანებაში არის შეყვანილი. ჩვენთვის ამ ეტაპზე მთავარია ბიძინას მხარდაჭერა, რათა

¹⁷ დასხ. «მადლის» კრებული, გვ. 238.

¹⁸ Кутковой В., Краски мудрости, М., 2008. გვ. 622.

ნაცების ჭირისგან ერთხელ და სამუდამოდ გათავისუფლდეს საქართველო.

— ბოსტა გენაცვალოს, პაპა ბატონო, მაგრამ, როგორც ჩანს, ეგ ჭირი არ არის მთლად აღვილად მოსაცილებელი, — ძველი მოფარიკავე, საბჭოთა კავშირის ჩემპიონი ბოსტა მაჩხანელი ახლაც დარტანიანივით გამოიყურებოდა, ერთი სიტყვით, ნაციონალებისთვის მეტად არასასურველი მოწინააღმდეგე იყო, — მე ვფიქრობ, ერთი ან ორი ჩხვლეტით ეგენი ასპარეზს არ დატოვებენ, მაგათი მოკვეთა გახდება აუცილებელი.

— გახდება და მოვიკვეთოთ. ძმარ ბოსტა, საქართველოს უკან დასახევი გზა აღარ აქვს, ჩვენ უკვე უფსკრულის პირას ვიმყოფებით, — ხმადაბლა, მაგრამ გარკვევით, თქვა შერგილ სატევერიანმა. მის სიღინჯეში იყო რაღაც ისეთი სისპეტაკე და სიღიადე მყინვარწვერისა, რომელიც ყველა მის სიტყვას სიმტკიცესა და უეჭველობას სძენდა. — იქნებ დროა, შევფიცოთ კიდევ ერთმანეთს: სიკვდილი ან გამარჯვება!

— ფიცის დადებას მოვასწრებთ, ჩემო შერგილ, ჯერჯერობით რელიეფურად გამოკვეთოთ ის საკითხები, რომლებიც, საგარაუდოდ, გადაჭრას მოითხოვს. აშოტი გვთავაზობს კონკრეტულ გეგმას, მოვუსმინოთ და შევაფასოთ, — თქვა დათუკიმ და მიმინოსთვლებიან აშოტ კლარჯიშვილს ანიშნა, დაიწყო. ამ მართლაც ჯიშიანი ქართველი ვაჟკაცის შემხედვარს, გაგიკვირდებოდა, რატომ დაკარგეს ქართველებმა წმიდა მეფის, აშოტ კურაპალატის სახელი.

— ჩემო ძმებო და მეგობრებო, უკვე ამ ჩვენს შეკრებასაც კი დიდი მნიშვნელობა აქვს, რადგან საქვეყნო საქმისთვის გონებრივ ღვწაში ღმერთი შეგვეწვევა და მისი მადლი გზასაც დაგვანახებს, თუ როგორ შევასხნათ ზორცი ჩვენს წადილს. ვფიქრობ, ჩვენ მოვალენი ვართ, თეორიულად დასაშვები მოვლენებიც გავითვალისწინოთ. ალბათ, ყველაზე უარესი მათ შორის, ნაცების მიერ არჩევნების გაყალბება და კომენდანტის საათის გამოცხადება იქნება, რომელიც თავისთავად შიშის სინდრომსა და ინფორმაციის ვაკუუმს წარმოშობს. ამ დროს სახლებში შეკეტილი საზოგადოების აქტიური ნაწილი დენტის კასრს ემსგავსება და მხოლოდ იმაზე ფიქრობს, თუნდაც თავგანწირვის ფასად, როგორ გაარღვიოს ჩაკეტილი წრე. აქ არიან ადამიანები, რომელთაც კარგად ახსოვთ ჩვენი ახალგაზრდული აღტყინება. მაშინ, 1989 წელს თბილისში კომენდანტის საათის დროს, ჩვენი პროტესტი იმით გამოვხატეთ, რომ ყელზე შავი ლენტები შევიბით და აკრძალულ დროს მწყობრი ნაბიჯით ქალაქის ცენტრალური ადგილები გამოვიარეთ. მაშინ რუსებმა ჩვენ არ გვესროლეს, მაგრამ ახლა კარგად ვიცით, ვისთან გვაქვს საქმე: ამჯერად შავ ლენტებს სააკაშვილის დაკვეთით ზონდერბრიგადები ამზადებენ ჩვენს კუბოებზე გადასაფარებლად. ცნობილია, რომ ასეთი კუბო ბევრი დაგროვდა „ვარდების რევოლუციის“ შემდეგ და ჩვენ ვერ დავუშვებთ, რომ ნაცებისგან დაშინებული ჭირისუფლები გავამრავ-

ლოთ და შვილის დატირების უფლება არ მივცეთ დედას.

ზემოთ ჩაკეტილი წრე ვახსენეთ და მის გარღვევაში ჩვენ უნდა დავეხმაროთ საზოგადოებას. ამისთვის, ჩვენი აზრით, პირველ სტიმულატორად პროკლამაცია უნდა ვაქციოთ და მის გასაგრძელებლად როგორც ელექტრონული, ისე ნებისმიერი კუსტარული საშუალება გამოვიყენოთ. აქვე გაგაცნობთ ტექსტსაც:

**«სიკვდილის ყველა კარი დარაზეთ»
ქართველნო და მამულიშვილნო,**

ამ განსაცდელის ჟამს, ნამდვილი სიკვდილი არა ფიზიკური გარდაცვალება, არამედ ჩვენი შიში, უნდობლობა და გაუტანლობაა. გვასოდეს: ერთხელ დავიბადეთ და ერთხელ უნდა მოკვდეთ. სასოწარკვეთილება და ფარ-ხმალის დაყრაც არ შეშვენის. მხოლოდ მოქმედება გადაგვარჩენს. ამიტომ ყველაზე ერთგული ადამიანები შემოვიკრიბოთ, პატარ-პატარა ბრიგადები შევქმნათ და ყოველ კონკრეტულ უბანზე შესაბამისი გეგმით ვიმოქმედოთ, რათა რაც შეიძლება მეტი ზიანი მივაყენოთ ნაცორგანიზაციებსა და დაწესებულებებს, მათ სადამსჯელო რაზმებსა და პოლიციას; დაუნდობელი ბრძოლა გამოვუცხადოთ კაზინოებსა და საროსკაოებს, რომლებიც ისედაც გაუბედურებულ ქართველებს საბოლოოდ ყვლეფენ და რყენიან.

ყველამ უნდა დაიბახსოვროს! ვინც ამჟამად სახელმწიფო დაწესებულებებსა და სტრუქტურებთან თანამშრომლობს, იგი საქართველოს მტერია.

ჯარისკაცნო და პოლიციელებნო, დროზე გაეცალეთ თქვენს სამსახურს, რომ შთამომავალთა წყევლა თქვენზე არ მოიწიოს და მოღალატეთა სახელით არ შეხვიდეთ საქართველოს ისტორიაში.

ჩვენთან არს ღმერთი.

გოგო დაიბადაო, რომ იტყვიან, ისეთი სიჩუმე ჩამოვარდა. თითქოს აშოტს მოულოდნელი არაფერი უთქვამს, მაგრამ ტრაგიკული მოვლენის რეალურად ასახვამ, ცოტა არ იყოს, გული შეუკუმშა მსმენელებს. მართალია, ჯაბანი აქ არაფერ იყო, მაგრამ სიკვდილის ხსენებამ მაინც თავისი ბუნებრივი სიციფე შემოიტანა დარბაზში. სიჩუმე დათუკიმ დაარღვია და აზრის გამოთქმა თუთრწვერიან და მშვიდ „მეციხოვნეს“, ბარათა ფარსმანისძეს სთხოვა. ბარათას ეს მეტსახელი მეგობრებმა, ერთი მხრივ, ძველი ციხეების რესტავრირების გამო შეარქვეს, მეორე მხრივ კი, სანამ ბარათა მოიქცეოდა და ჭეშმარიტი ქრისტიანი გახდებოდა, „ვირის აბანოც“ კარგა ხანს ჰქონდა ნახები და ქარაგმულად ამ გაგებითაც „მეციხოვნედ“ იწოდებოდა.

— ჩემი აზრით, სწორია აშოტი, ჩვენ ყველაფრისთვის მზად უნდა ვი-

ყოფილი, მაგრამ მე თქვენს ყურადღებას პრევენციისკენ მივაქცევდი, რაშიც საზოგადოების პოლიტიკურად განათლებასა და მოვლენათა კრიტიკულად შეფასების სწავლას ვგულისხმობ. ვფიქრობ, ჩვენ ჩვენს ხელთ არსებული ყველა საშუალება მაქსიმალურად უნდა გამოვიყენოთ საზოგადოებამდე აღნიშნულ აზრთა მისატანად. ხალხს არ უნდა აეჭვებდეს ნაცემუშაკთა ცრუ აპოლოგეტიკა. მაგალითად, როცა ისინი თავს იწონებენ კრიმინალის აღმოფხვრით, ჩვენ თვით ფაქტი კი არ უნდა დავაყენოთ სასწორზე, არამედ სოციალური ფაქტორების გათვალისწინებით შევადაროთ რიგითი მოქალაქეებისა და ჩინოვნიკების რადიკალურად განსხვავებული ყოფა, გავიხსენოთ ხელისუფალთა ჩადენილი მკვლევლობები, დარბევები და სხვა დანაშაულობანი და ამის მიხედვით შევაფასოთ: „კანონიერი ქურდები“ მეტ საფრთხეს უქმნიდნენ ქვეყანას თუ ნაციონალურ ქურქში გახვეული ქართველთაგანაა; საზოგადოებას კარგად უნდა ჰქონდეს შეგნებული, რომ ნაციონალიზმი ხელმძღვანელობს იმ ევროპულ-ამერიკული ინსტრუქციებით, რომელიც, უპირველეს ყოვლისა, ქართველი ერის ზნეობრივად გადაგვარებას ისახავს მიზნად, რათა ხორციელ ვნებებს დამონებული ადამიანები პურიტა და სექსით ადვილად მართოს; იმიტომ არის მედია-გარემო ასე დაბინძურებული, რომ მამათმავლები და მათი სახესხვაობები განსაკუთრებული პრივილეგიებით სარგებლობენ და, როგორც ეს არაერთხელ დადასტურდა, ხელისუფლება ხელს უწყობს, რომ გეი-აღლუმებიც კი აშკარა პროპაგანდა გაუწიონ თავიანთ ცოდვებს. მეტიც თქმა არც არაფერზე ღირს, რადგან ქრისტიანი ერისთვის არსებობის მნიშვნელობას ღირსება განსაზღვრავს: იწოდებოდნენ ქართველად, მაგრამ არ გააჩნდეს პატიოსნება და სამშობლოს სიყვარული, მაშინ რაღა ფასი აქვს ამქვეყნად არსებობას?

— არავითარი, ჩემო ბარათა, ასეთი კაცის სიცოცხლეს ველზე ამოსული ერთი უბრალო ყაყაჩო სჯობია. ამბობენ, ეს ყვავილი მარტო იქ იზრდება, სადაც ქართველ ვაჟკაცთა სისხლია დაღვრილი. ამით ის მინდა ვთქვა, რომ ამ ყვავილის სიწითლეც კი ღირსეულ წინაპართა ხსოვნას ინახავს, ხოლო უპატიოსნო და უსიყვარულო კაცს არათუ ხსოვნის, არამედ სხვათა ღირსების დანახვის უნარიც წართმეული აქვს. — ბრძანა დარბაზის შემვიდე წვერმა, უმწიკვლოებით ცნობილმა მარტია ბაბურაულმა და ნიშნად იმისა, რომ ასეთი უუნარო ადამიანები სინდისგარეცხილნიც არიან, მაგიდაზე ხელი გადაუსვა. — თუ ასეთმა პერსონებმა თავისკენ გადახარეს საზოგადოების ეთიკური სასწორის ისარი, მაშინ სოციალური და ეკონომიკური დონის არნახული ზრდის პირობებშიც კი საქართველოს, როგორც ტრადიციული ეროვნულ-სარწმუნოებრივი ქვეყნის, კრახი გარდაუვალია. ვფიქრობ, ძველი მეგობრები სწორედ იმან შეგვყარა, რომ ჯერ ერთმანეთს ვუთხრათ და მერე სხვებსაც ვაუზიაროთ ჩვენი მიზანი: ბრძოლა საჭიროა არა მარტო ჩვენი სამშობლოს ფიზიკური გადარჩენისთვის, არ-

ამედ, პირველ ყოვლისა, ზნეობრივი და მართლმადიდებლური სამშობლოს დაცვისათვის.

— ჩვენს სარწმუნოებაზე მეც მინდა ვთქვა ორი სიტყვა, შეიძლება ზოგიერთი ფაქტი თქვენთვის ცნობილი არ იყოს.

— ბრძანე, ჩემო პაპა, ამ თემაზე შენგან, რასაკვირველია, საინტერესო აზრს მოვისმინოთ, — მხარი დაუჭირა დათუკიმ და მაგიდაზე დაწყობილი საქალაქეებიდან ერთი გამოიღო, რომელსაც ქვეყნა: „ეკლესია და სახელმწიფო, 2003-2012 წლები“.

— დღევანდელი მდგომარეობა ძირითადად ყველასთვის ცნობილია. ხელისუფლება ცდილობს, ეკლესიის ავტორიტეტი, კონკრეტულად, კათალიკოს-პატრიარქის ილია მეორესი, საკუთარი პოლიტიკური მიზნებისთვის შირმად გამოიყენოს. სინამდვილეში, არცერთ მის თხოვნასა და წინადადებას (მაგალითად, ბიძინას მოქალაქეობის აღდგენაზე) არ ითვალისწინებს და საჭიროების შემთხვევაში ცენზორის ფუნქციასაც ითავსებს. ასე მოხდა ამა წლის აღდგომის დღესასწაულზეც, როცა, ჩვეულებისამებრ, წმიდა სამების ლავრაში ილია მეორის ეპისტოლეს კითხვის დროს, გამოტოვებულ იქნა აბზაცი, რომელიც ხელისუფლებას გარყვნილების პროპაგანდაში ამხელდა.

უნდა ვიცოდეთ, რომ უცოდველი არც ჩვენა ვართ და ამიტომ ღმერთი უშეებს ამ განსაცდელებს. ჩვენი ქვეყანა არა ჩვენი დამსახურებით, არამედ ღმერთის წყალობით არსებობს და მისი მოწყალების შედეგია ისიც, რომ ზნეობისა და სარწმუნოების სადარაჯოზე კათალიკოს-პატრიარქს ილია მეორეს ინარჩუნებს.

ყოველივე ამის შემდეგ მე ისღა დამრჩენია, ვთქვა, საეკლესიო სფეროში ისე უხეშად შეიჭრა საერო ხელისუფლება, რომ მარტო ამ მიზეზითაც ქვეყნის სამართავ საჭესთან მისი დატოვება გამორიცხულია. წინააღმდეგ შემთხვევაში, ვერავითარი SOS ჩვენ ვეღარ გვიშველის.



— სამწუხაროდ, ასეა, — დადასტურა დათუკიმ და, თავის მხრივ, დარბაზს ნაცების აღვირაზნისილობის რამდენიმე შემთხვევაზე გახეთებიდან ამოკრებილი მასალების მიხედვით მოუთხრო.

ქვეყნის მოჭირნახულენი კიდევ ბევრ საკითხს შეეხენ; მეცნიერების, განათლების, მეურნეობის, ეკონომიკის, ჯარისა თუ პოლიციის პრობლემებზე ისაუბრეს და ბოლოს, აზრის შესაჯამებლად, სიტყვა დარბაზის თავს, დათუკი ქვეპირიშვილს მისცეს.

— როგორც ჩანს, ჩვენ უკვე საგანგებო მდგომარეობაში ვიმყოფებით. ამიტომ, როგორც შევთანხმდით, თუ „ნაციონალურმა მოძრაობამ“ ისევ გააყალბა არჩევნები, ჩვენ და ჩვენი თანამომენი, რომელნიც დღევანდელ შეკრებას არ ესწრებიან, დაუყოვნებლივ ვიწყებთ სამართლებრივ ბრძოლას ჩვენთვის კონსტიტუციით მონიჭებული უფლებების დაცვისათვის. თუ ბი-

ძინა ივანიშვილი ქვეყნის გადარჩენისთვის ამავე გზას აირჩევს, მაშინ ჩვენ უარს ვიტყვით დამოუკიდებლად მოქმედებაზე და უპირობოდ შეუერთდებით მის კოალიციას, რომელიც საერთო მიზნისთვის იბრძოლებს. ჩვენ გვჯერა, ყოველი ქართველი, რომლისთვისაც სულერთი არ არის პატიოსნება და გარყვნილება, ქართველობა და სექტანტობა, შემოგვიერთდება, ჩვენთან ერთად გაიზიარებს სამშობლოსათვის ბრძოლის სიხარულს და იმ პასუხისმგებლობას, რომელიც უფალმა შთამომავლობის წინაშე დაგვაკისრა.

დარბაზი ერთხმად დაეთანხმა დათუკის ნათქვამს და შემდგომი შეკრების თარიღად არჩევნების დღე, 1 ოქტომბერი გამოაცხადა, როცა საქართველოს ეკლესია მთავარმოწამე ბიძინა ჩოლოყაშვილსა და მოწამე ქსნის ერისთავებს, შალვას და ელიზბარს იხსენებს.



თეიმურაზ ფანჯიკიძე

ბურამ ძირაშვილი, ხაზი და მოხაზვები, თბ., 2012

საქართველო, უპირველეს ყოვლისა, მდიდარია თავისი შემადგენელი ულამაზესი კუთხეებით, რომლებიც პოლიტიკურ ერთიანობასთან ერთად ქმნიან იმ დიდ სულიერებას და კულტურულ მრავალფეროვნებას, რითაც ყოველთვის გამოირჩეოდა ჩვენი ქვეყანა.

მართლაცდა, მსოფლიოში, ალბათ, ძნელად მოიძებნება ისეთი ქვეყანა, სადაც ესოდენ პატარა ტერიტორიაზე არსებობდეს ამდენი განსხვავებული ხასიათი, ტემპერამენტი, ტრადიცია, წესი და ადათი, ცეკვა და სიმღერა, სტუმარ-მასპინძლობა, ღვინო და გლოვა, სულიერების სხვა გამოვლინებები და მათგან მომდინარე ცხოვრების წესი.

ეს განსხვავებულობა და ნაირფერობა, ერთი მხრივ, ჭეშმარიტად დიდი სიმდიდრეა, დიდი პოტენციალია ეროვნული ინდივიდუალობისათვის, ორიგინალური შემოქმედებისათვის, საკუთარი მეობის გამოხატვისა და დამკვიდრებისათვის, თუმცა, მეორე მხრივ, იგი ძალზე ართულებს ამ კუთხეთა ერთმანეთთან შეკავშირებას, ორგანიზაციულ ერთობას და, განსაკუთრებით კი, მართვას.

წარსულიდან კარგად გვახსოვს, რომ საქართველოს თითოეულ კუთხეს ოდითგანვე თავისი სპეციფიკა ჰქონდა და თავისებური ელფერი დაჰკრავდა, გამომდინარე მათი ფიზიკური არსებობის პირობებიდან, გეოგრაფიული მდებარეობიდან, გარემოცვიდან, მტრულად თუ მოყვრულად განწყობილი მეზობლებიდან, მათ წინაშე მდგარი თავის გადარჩენის და დამკვიდრების ამოცანიდან.

საქართველოს თითოეულ კუთხეს ადრეული ხანიდან დაწყებული თავისი წვლილი შეჰქონდა ქვეყნის ერთიანი სხეულის არსებობასა და განმტკიცებაში, შემუშავებული ჰქონდა ცენტრალურ ხელისუფლებასა თუ სხვა კუთხეებთან ურთიერთობის და თანაცხოვრების საკუთარი გამოცდილება. საჭიროების დროს თითოეული მათგანი თავის თავზე იღებდა გარკვეულ

პასუხისმგებლობას, იგერიებდა მტრისგან მიყენებულ დარტყმას და ღირსეულად პასუხობდა გარედან მოსულ ყოველგვარ საფრთხეს.

ხევი და მასში მცხოვრები მოხვედები ერთ-ერთი მარგალიტია კუთხეთა იმ თანაზარსკვლავედში, რომლისგანაც შედგება მთლიანად საქართველო. იგი გამოირჩეოდა იმ ისტორიული მისიით, რაც მას მდებარეობის გამო ხვდა წილად ერთიანი საქართველოს სხეულში და საკმაოდ საინტერესო წარსულითაც.

ცხადია, ვერ ვიტყვი, რომ საქართველოს კუთხეები, მათ შორის ხევი, საერთოდ არ იყოს შესწავლილი ისტორიული, გეოგრაფიული, ეთნოგრაფიული, ეკონომიკური თუ სხვა მიმართებით, მაგრამ, მიუხედავად ამისა, თითოეული ახალი წიგნის გამოჩენა ამ თემაზე განსხვავებული იერსახით წარმოაჩენს ცალკეული რეგიონის ისტორიას, ყოფას, წარსულსა თუ თანამედროვეობას.

წინამდებარე წიგნი, რომლის განხილვასაც მკითხველს ვთავაზობთ, ძალზე საინტერესო და გამორჩეული ნაშრომია. მისი ავტორი წარმოშობით მოხვეე — ბატონი გურამ ქერაშვილი, თავისი პროფესიით არც ისტორიკოსია და არც ეთნოგრაფი, იგი უბრალოდ, თავის კუთხეზე და საკუთარ ძირებზე შეყვარებული ადამიანია, სპეციალობით კი შესანიშნავი ექიმი-ქირურგი, რომელსაც ცხოვრების დიდი გზა აქვს გავლილი და საკმაოდ მდიდარი ბიოგრაფიაც გააჩნია:

დაბადებულია 1940 წელს, დაამთავრა თბილისის სახელმწიფო სამედიცინო ინსტიტუტი. არის მედიცინის დოქტორი, ოცამდე სამეცნიერო შრომის ავტორი; წლების მანძილზე მუშაობდა ხელმძღვანელ თანამდებობებზე: იყო ბარისახოს საუბნო საავადმყოფოს, ქ.თბილისის საქარხნო რაიონის სამგორის საავადმყოფო-პოლიკლინიკური გაერთიანების, ბავშვთა მეოთხე კლინიკური საავადმყოფოს, რესპუბლიკის ცენტრალური კლინიკური საავადმყოფოს და რესპუბლიკური კლინიკური ინფექციური საავადმყოფოს მთავარი ექიმი; საქართველოს ჯანდაცვის მინისტრის მოადგილე; წლების განმავლობაში მუშაობდა საქართველოს სახელმწიფო ქონების მართვისა და ეკონომიკური განვითარების სამინისტროებში — ხელმძღვანელობდა სამედიცინო დაწესებულებების მართვას.

მიუხედავად იმისა, რომ მოხვეეა, ბატონ გურამს ხევი მუდმივად არასოდეს უცხოვრია. დაიბადა ღუშეთში და შემდგომ, ძირითადად თბილისში ცხოვრობდა. ცხადია, დროდადრო, უმეტესად ზაფხულობით ჩადიოდა ყაზბეგში და სოფელ ახალციხეში, საიდანაც მისი წინაპრები იყვნენ წარმოშობით.

თავისი წიგნის ჩაფიქრების ისტორიას იგი ასე გადმოგვცემს: ერთ ზაფხულს შეილიშვილები, სალომე და გუგა წაუყვანია ხევის გასაცნობად, რათა მათ უკეთ სცოდნოდათ, საიდან იყვნენ წარმოშობით, სად იყო მათი ძირები, ვისი „გორისანი“ იყვნენ. ბავშვებს მისთვის ბევრი ისეთი კითხვა

დაუსვამთ, რომლებზეც შეცბუნებულ პაპას ვერ უპასუხია და უხერხულ მდგომარებაშიც ჩავარდნილა. ამ ფაქტის შემდეგ, იგი მთელი სერიოზულობით ჩაჯდომია მშობლიური კუთხისა და საკუთარი გვარის წარმომავლობის შესწავლას, რასაც რამდენიმე წელი მოანდომა. წინამდებარე წიგნის ავტორის სასახელოდ უნდა ითქვას, რომ მან კეთილსინდისიერად შეისწავლა ამ თემასთან დაკავშირებული პირველწყაროები, დაამუშავა უკვე გამოქვეყნებული სამეცნიერო თუ მხატვრული ლიტერატურა, გაეცნო ეთნოგრაფიულ მასალებს, საფუძვლიანად იმუშავა საარქივო დოკუმენტებზე და მხოლოდ ამის შემდეგ შეუდგა წიგნის წერას.

ისტორიული და ხალხური გადმოცემებით მოპოვებული ამბების თხრობისას ბატონ გურამს თავისი მიდგომა და ხედვა აქვს. ხევის ისტორიას იგი მართებულად იკვლევს მთლიანი საქართველოს და მისი პრობლემების ფონზე, თუმცა, ცალკე გამოყოფს და კარგად აჩვენებს იმ როლსა და ფუნქციას, რასაც ეს რეგიონი ასრულებდა და ასრულებს ერთიანი საქართველოს ისტორიაში.

საარქივო და სამეცნიერო ლიტერატურასთან ერთად ავტორი ხშირად იყენებს მხატვრულ და ისტორიულ-პოპულარულ წიგნებს. მის შრომაში განსაკუთრებით უხვად არის მოტანილი ფრაგმენტები ისტორიკოსისა და მწერლის ლევან სანიკიძის „უქარქაშო ხმლებიდან“. როგორც ჩანს, გურამ ქერაშვილის განწყობა და პათოსი ზუსტად ემთხვევა „უქარქაშო ხმლების“ ავტორის შეფასებებსა და სულისკვეთებას. ლევან სანიკიძის მსგავსად ისიც უზომოდ ხარობს იმ წარმატებებით, რომელთათვისაც ქართველებს ოდესმე მიუღწევიათ, წუხს განცდილ მარცხზე და წარუმატებლობაზე.

პირველწყაროებზე, საარქივო მასალებზე, სამეცნიერო და მხატვრულ ლიტერატურაზე დაყრდნობით, თუ საკუთარი დაკვირვებების გადმოცემით ავტორი უამრავ საინტერესო ინფორმაციას აწვდის მკითხველს: მიმოიხილავს ხევის გეოგრაფიულ მდებარეობას, საზღვრებს, ტოპონიმებს, გადმოცემებსა და ისტორიას, თქმულებებს; მშვენიერად აღწერს მოხეურ თემს, თემურ ცხოვრებას და მის მართვას; მოხვევთა რელიგიურ რწმენებს და წარმოდგენებს, გაქრისტიანებას და მათ წარმართობანარევ ქრისტიანობას. სწორად ხსნის ხევის დამოკიდებულებას ცენტრალურ ხელისუფლებასთან და ცალკეულ აღზევებულ ფეოდალებთან, რომლებიც მათ დაყმევებას ცდილობდნენ. ვრცელი საუბარი აქვს მოხვევთა მონაწილეობაზე ზოგადქართულ მოვლენებში: ომებში, აჯანყებებში. ამ პროცესების გადმოცემის დროს კარგად იყენებს ფოლკლორს.

ავტორი დიდ ადგილს უთმობს რუსეთთან ურთიერთობას და მის გავლენას მოხვევთა ცხოვრებაზე. განსაკუთრებით გამოყოფს საქართველოს სამხედრო გზის მნიშვნელობას, რომელიც დიდ გავლენას ახდენდა და ახდენს მთელი საქართველოს მდგომარეობაზე. მოგვითხრობს ამ გზას-

თან დაკავშირებულ ამბებს, აღწერს დასახლებებს, ისტორიულ სოფლებს, ხეობებს, ეკლესიებს, ციხე-სიმაგრეებს და ადრინდელ სალოცავებს.

წიგნის მნიშვნელოვანი ნაწილი ეთმობა ხევის ცხოვრების წესს, ტრადიციებს და ადათ-ჩვეულებებს. ავტორი საუბრობს მოხვევთა ურთიერთობაზე სხვა ეროვნების ხალხებთან, კერძოდ ოსებთან და ქისტებთან, მათთან დაკავშირებულ ძმადნაფიცობასა და „ყონალობაზე“; მოხეურ „გორსა“ და „საგორეულობაზე“, სახელის მოხვევების ტრადიციასზე, უფროს-უმცროსობაზე, ქალის კულტზე, ამანათობაზე, მესისხლეობაზე, „სამან-საყუდზე“, დარისხება-დაწყველის და თემიდან მოკვეთის ტრადიციებზე.

ბატონ გურამს მეტად საინტერესო მასალები აქვს მოპოვებული მოხეურ გვარებზე. იგი დაწვრილებით მიმოიხილავს მათი წარმოშობის ისტორიას, განსახლებას, ურთიერთკავშირებს და თემთან დამოკიდებულებას. დიდი სიმპათიით და პატივისცემით მოიხსენიებს ხევის სახელოვან შვილებს. ყურადღებას იმსახურებს გვართა კარგად შედგენილი გენეალოგიები.

წიგნის უდავოდ საინტერესო ნაწილია ხევის დემოგრაფიის აღწერა და ის სქემები, რომლებიც ავტორს ამ მიზნით აქვს გაკეთებული. გურამ ქერაშვილი ყურადღებას ამახვილებს საგანგაშო დემოგრაფიულ ცვლილებებზე, მის ტენდენციებზე და საინტერესო მოსაზრებებს გამოთქვამს; დიდი გულისტკივილით, შემფოთებით საუბრობს ხევის დღევანდელ პრობლემებზე, დაცარიელებულ სოფლებზე, შემცირებულ მოსახლეობაზე, გაუსაძლის სოციალურ ყოფაზე, შობადობის შემცირებაზე, დაკარგულ მიწებზე, მოდარაჯებულ მეზობლებზე, რომლებიც ჩვენი ტერიტორიების მითვისებას ლამობენ და ა. შ.

სხვა ღირსებებთან ერთად წინამდებარე ნაშრომი არის წიგნი-მოწოდება — ვუშველოთ ხევს! ვუშველოთ საქართველოს მთას და სრულიად საქართველოს. განგაშის ამ სიტყვებით ამთავრებს გურამ ქერაშვილი თავის სათქმელს და ნაშრომს, რომელიც, ჩემი აზრით, ერთ-ერთი საუკეთესოა ბოლო დროს აღნიშნულ თემაზე გამოქვეყნებულ შრომათა შორის — თავისი მრავალფეროვნებით, საკითხთა სიუხვით, სიღრმით და პატრიოტული სულისკვეთებით.

წიგნი კარგი ქართულით არის დაწერილი, იოლად იკითხება და უთუოდ მიიქცევს მკითხველის ყურადღებას თავისი შინაარსით, წყობით, აქტუალური თემებით. იგი დააინტერესებს ყველას: დიდსა თუ პატარას, სპეციალისტს თუ უბრალო მკითხველს, რადგან მას შეყავხართ საქართველოს მთიანეთის ცხოვრების მეტად მიშხიდველ სამყაროში.

აუცილებლად წაიკითხეთ ეს მშვენიერი წიგნი და სხვასაც წააკითხეთ!

ჩვენი ავტორები

ზურაბ ლეონტის ძე ცუცქერიძე

პედაგოგიკის მეცნიერებათა დოქტორი. ავტორია მონოგრაფიებისა: წიგნი და საჭრეთული (პროფესიული განათლების პედაგოგიკური ასპექტები, 1985), განათლების ორგანიზაციისა და მართვის მეცნიერული საფუძვლები (1991), ლექციების კურსი პედაგოგიკაში (I ნაწ., აღზრდის თეორია, 1997), ლექციების კურსი პედაგოგიკაში (II ნაწ., განათლებისა და სწავლების თეორია, 1999), ლექციების კურსი სამხედრო პედაგოგიკაში (2001), განათლების თანამედროვე თეორიები (2005), განვითარებული ქვეყნების საგანმანათლებლო კონცეფციების შედარებითი ანალიზი (2009); 500-ზე მეტი სამეცნიერო და პუბლიცისტური წერილისა.

გიორგი ბიძინას ძე გოგოლაშვილი

ფილოლოგიის მეცნიერებათა დოქტორი, პროფესორი, ენათმეცნიერი; ავტორია მონოგრაფიებისა: ქართული ზმნის უღვლილების სისტემა (1988), ქართული სალიტერატურო ენა (ისტორია და თანამედროვეობა), (2009), ბედი ქართული ენისა ათასწლეულთა მიჯნასთან (2009), ქართული ზმნა (2010), იაკობ გოგებაშვილის ღვაწლი და ცხოვრების გზა (2011) და სხვ.; 300-ზე მეტი სამეცნიერო და კრიტიკულ-პუბლიცისტური ნაშრომისა.

თენგიზ ღავითის ძე ქააშუაძე

ფიზიკა-მათემატიკის მეცნიერებათა დოქტორი. 50-მდე სამეცნიერო პუბლიკაციის ავტორი, მათ შორის: „Теоритический расчёт ВАХ р-n-i-n+ с учётом разогрева носителей заряда в электрическом поле“ (1980), “Время жизни носителей заряда в полуизолирующем GaAs:Cr,O” (1981), „Влияние метода компенсации на слоевую неоднородность отоженого iGaAs“ (1988), „Матрица памяти с оптической индикацией записанной информации“ (1999) და სხვ.

თეიშურაზ ანდრიას ძე მირიანაშვილი

ფილოლოგიის მეცნიერებათა დოქტორი. 1978 წლიდან მუშაობდა შოთა რუსთაველის სახელობის ქართული ლიტერატურის ინსტიტუტში. 1992-2003 წლებში იყო საქართველოს პრეზიდენტის მრჩეველი. არის 500-ზე მეტი საერთაშორისო-გაზეთო პუბლიკაციისა და 10-ზე მეტი წიგნის ავტორი.

გვანცა ვახტანგის ასული კოკლათაძე

ფილოლოგიის მეცნიერებათა დოქტორი, პროფესორი, ბიზანტინისტი; ავტორია მონოგრაფიებისა: ლიტერატურისმცოდნეობა არისტოტელეს მოძღვრებაში (1986), ქრისტიანული ეკლესიის ისტორია (მეხუთე გამოცემა, 2012), ცხოვრება და მოქალაქეობა წმ. ილია მართლისა (2006) და სხვ.; მრავალი სამეცნიერო და პუბლიცისტური წერილისა; ძვ. ბერძნულიდან თარგმნილი აქვს სამი ბიბლიური წიგნი და რამდენიმე პატრისტიკული თხზულება.

ანზორ ბაბრატის ძე თოთასაძე

ეკონომიკის მეცნიერებათა დოქტორი, პროფესორი, დემოგრაფი; ავტორია მონოგრაფიებისა: საქართველოს მოსახლეობა მეორე და მესამე ათასწლეულების მიჯნაზე (1999), საქართველოს მოსახლეობის ეთნიკური შემადგენლობა (2009), კავკასიის მოსახლეობა (თანავტ. ინგლისურ ენაზე, ნიუ-იორკი, 2009); მრავალი სამეცნიერო და პუბლიცისტური წერილისა.

თინა ვლადიმერის ასული იველაშვილი

ისტორიის მეცნიერებათა დოქტორი, პროფესორი. 1979-2006 წლებში მუშაობდა ფ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტში მეცნიერთანამშრომლად, 1992 წლიდან დღემდე ახალციხის სასწავლო უნივერსიტეტში მუშაობს. 2000 წელს დაჯილდოვდა ღირსების ორდენით. გამოქვეყნებული აქვს 12 მონოგრაფია და 100-ზე მეტი სამეცნიერო სტატია ქართულ, რუსულ, ინგლისურ და თურქულ ენებზე. მისი კვლევის სფეროა: ეთნო-სოციალური და ეთნო-რელიგიური საკითხები.

იუზა ვვანინიძე

ფილოლოგიის მეცნიერებათა დოქტორი, პროფესორი. ავტორია ხუთი მონოგრაფიისა: ვაჟა-ფშაველასა და გრიგოლ ორბელიანის ცხოვრებისა და შემოქმედებითი ისტორიის საკითხებზე (1977-დან); აგრეთვე შრომებისა: „ნარკვევები ქართული ლიტერატურის ისტორიიდან“ (სამტომეული, 2000-2009) და სხვ.

ბონდო ვალერიანის ძე არაქვლიანი

ფილოლოგიის მეცნიერებათა დოქტორი, პროფესორი, არმენოლოგი; ავტორია მონოგრაფიებისა: „სომხური“ თუ ქართული ეკლესიები საქართველოში? (1996), ქართულ, ინგლისურ და რუსულ ენებზე; ქართული ეკლესიის მისაკუთრება სომეხი მეცნიერების მიერ გრძელდება (2001); როცა უდავო სადავო ხდება (2007); ქვანი კვლავ დაღადაბენ (2005) და სხვ.; სამეცნიერო და პუბლიცისტური წერილებისა.

ნოდარ ივლიანის ძე ლომოური

ისტორიის მეცნიერებათა დოქტორი, პროფესორი, ბიზანტინოლოგი; ავტორია მონოგრაფიებისა: ქრისტიანობის გავრცელება და დამკვიდრება საქართველოში (მეორე გამოცემა, 2009), К истории грузинского Петрицонского монастыря (Бачковский монастырь в Болгарии), Некоторые вопросы истории Грузии в армянской историографии (2009), ქართული საისტორიო თხზულებები როგორც წყარო ბიზანტიის ისტორიისა — „ბიზანტია ქართულ წყაროებში“ (2010), საქართველოსა და ბიზანტიის ურთიერთობა, IV-IX სს. (2011); მრავალი სამეცნიერო და პუბლიცისტური წერილისა.

თეიმურაზ ბიორაძის ძე არბოლიშვილი

უფლებადამცველი, კონფლიქტოლოგი, თბილისის სასულიერო აკადემიის სტუდენტი; 1992 წლიდან მუშაობს დღემდე უფლებების დაცვის და ქართულოლოგიის ურთიერთობების დარგულ ირების მიმართულებით გამოქვეყნებული აქვს 20-მდე სამეცნიერო ნაშრომი ბიოლოგიაში, არის რამდენიმე ცნობარისა და ნარკვევის ავტორი. ამჟამად ხელმძღვანელობს საერთაშორისო ორგანიზაციას „ქართული ალტერნატივა“.

ზურაბ ავთანდილის ძე ჯორბენაძე

იურიდიულ მეცნიერებათა მაგისტრი. დაამთავრა თბილისის ფ. ჯავახიშვილის სახელობის სახელმწიფო უნივერსიტეტი. 1997 წლიდან დღემდე ეწევა პრაქტიკულ საადვოკატო საქმიანობას. 1999-2000 წწ. იყო რედაქტორი ლიტერატურული გაზეთისა „ცხოვრების აზრი“.

მამუკა ავთანდილის ძე ცუხიშვილი

ფილოლოგიის მეცნიერებათა დოქტორი, ფსიქოლოგი; ავტორია მონოგრაფიებისა: დღევანდელი და ქართული ფოლკლორი (2005), ქალის სახე ქართულ ფოლკლორში (2006), ივანე ჯავახიშვილი და საქართველოს საგანძური (2006), ლეო კვაჭაძე — ქართული ენის ამაგდარი (2008), ჩემი პატრიარქი (2009) და სხვ.; მრავალი სამეცნიერო და პუბლიცისტური წერილისა.

ბრანი ვეფლიანის ძე ქაპთარიანი

ისტორიის მეცნიერებათა დოქტორი, პროფესორი; ავტორია მონოგრაფიებისა: ძმები გრაკაშუსები (1990), ჰანიბალი (1979), სამყაროს შვიდი საოცრება (1996), ფარნავაზი (1999), აზონი (2000), ქუჯი (2000), ძველი საბერძნეთი (2005), სერტორიუსი (2003); მრავალი სამეცნიერო და პუბლიცისტური წერილისა.

ბრიკოლ ნიკოლოზის ამ რუსაკამ

ფილოსოფიის მეცნიერებათა დოქტორი, პროფესორი, პატროლოგი; ავტორია მონოგრაფიებისა: ღმრთის შეუქმნელ და შექმნილ ხატთა გაგებისათვის (2000), მსოფლიო საეკლესიო კრებები/დოგმატური ღმრთისმეტყველება (მესამე გამოცემა, 2008), საღმრთისმეტყველო ლექსიკონი-ცნობარი (2010) და სხვ.; სამეცნიერო და პუბლიცისტური წერილები.

თეიმურაზ ივანეს ამ ფანჯიკიკამ

ფილოსოფიის მეცნიერებათა დოქტორი, პროფესორი, რელიგიათმცოდნე; ავტორია მონოგრაფიებისა: ბიბლია გუშინ, დღეს... (1982), რელიგიურ რწმენათა კვალდაკვალ (1986), მუჰამედი, ისლამი, ვაჰაბიზმი და საქართველოს პრობლემები (1999), რელიგიური პროცესები საქართველოში XX და XXI საუკუნეთა მიჯნაზე (2003), ბაჰაი — ახალი მსოფლიო რელიგია? (2010) და სხვ.; მრავალი სამეცნიერო და პუბლიცისტური წერილი.

Научно-общественный журнал
«САМИ САУНДЖЕ» (Три сокровища) №1, 2012
(на грузинском языке)

РЕЗЮМЕ

ЗУРАБ ЦУЦКИРИДZE
**ДЕФОРМАЦИОННЫЕ АСПЕКТЫ
ШКОЛЬНОЙ РЕФОРМЫ В ГРУЗИИ**

Любое целенаправленное действие, которое предусматривает создание, переделку или уничтожение чего-либо, основывается на определенной концепции. Автор, в предлагаемой статье, рассуждает об основных аспектах той концепции, которая лежит в основе текущей реформы системы образования Грузии и в результате которой, вместо реформированной, получили деформированную систему образования.

ГИОРГИЙ ГОГОЛАШВИЛИ
ОБРАЗОВАНИЕ – НАША СУДЬБА

В Грузии всегда понимали, что а) образование для такой малочисленной нации имеет жизненно важное значение; б) осознавали, что образование является непрерывным процессом: дошкольное воспитание – общеобразовательная школа – высшее учебное заведение. После углубленного изучения вопроса, оказалось, что на всех этапах образовательной системы, существуют серьезные проблемы. Единый образовательный процесс, к сожалению, распался. Эта сфера политизирована и наводнена непрофессионалами; все меньше думаем о нравственном воспитании молодого поколения; отмечается наличие и других проблем ...

Серьезные проблемы существуют и перед национальной наукой; если положение не изменится, грузинская наука лишится всякой перспективы развития и прогресса.

ТЕНГИЗ КАМУШАДZE
«ДРУЗЬЯМ ВСЕ, ОСТАЛЬНЫМ - ЗАКОН»

В 2004 году, пришедшая к власти путем «революции роз», молодое правительство Грузии тотчас же встало на путь реформ в экономических, политических и общественных сферах страны. Система образования является столь хрупким и чувствительным феноменом духовной

жизни нации, что требует особо осторожного, взвешенного отношения к каждому изменению, происходящих в ней процессов. Тем более, недопустимо проведение таких реформ на основе личных симпатий-антипатий и эмоций.

Автор, на примере Тбилисского государственного университета, показывает, как был разрушен «белый храм» знаний, строящийся с большим рвением и любовью в течении почти целого века, как исчезли, имеющие большое практическое значение для Грузии, научные дисциплины. По мнению автора, свой вклад в этот процесс внесли все – и сегодняшнее правительство и те оппозиционеры, которые активно участвовали в создании проекта этой бессмысленной реформы.

ТЕМУР МИРИАНАШВИЛИ
ОТКРЫТОЕ ПИСЬМО ПОСЛУ СОЕДИНЕННЫХ ШТАТОВ
АМЕРИКИ, ГОСПОДИНУ РИЧАРДУ НОРЛАНДУ

Автор в письме, написанном на имя посла США, обращается к адресату с вопросом – почему молчит американское государство, имеющее в мире имидж знаменосца демократии, о тех антидемократических действиях и правонарушениях, с точки зрения защиты прав человека, которые внедрила в повседневную жизнь, называемая «маяком демократии», нынешняя власть Грузии.

ГВАНЦА КОПЛАТАДЗЕ
«КТО РОДИНУ ЛЮБИТ, ЖИЗНЬ ДЛЯ НЕГО БОЙ»

В статье проанализированы происходящие в Грузии за последние три десятилетия явления. Автор разделяет мнение Ильи Чавчавадзе, что нация, желающая сохранить самобытность, должна чувствовать веяния времени и уметь давать соответствующие ответы на его требования. В это время особая ответственность возлагается на интеллигенцию, как на мыслящую часть нации и постольку, ее предводителя. Автор статьи называет те причины (неспособность разбираться в политических явлениях, страх потери престижного положения, нерешительность), из-за которых интеллигенция, в основном, не смогла выполнить свою миссию и до сегодняшнего дня не вывела нацию на мирную тропу.

К сожалению, не смогла изменить картину и деятельность нескольких представителей интеллигенции, которые, в создавшихся условиях, обладали и соответствующими знаниями и храбростью говорить правду. Однако большинство смогло легко перекрыть их голос.

«ВРЕМЯ ПРИНАДЛЕЖИТ МНЕ И НАДЕЖДА ВРЕМЕНИ Я»

Тяжелые времена настали для Грузии. Правящая партия, пришедшая к власти путем т.н. «революции роз», за восемь лет своего правления привела страну к пропасти. В статье рассмотрены существующие в стране тяжелые политические и социально-экономические условия, факты, подтверждающие борьбу правящей партии националов против всего национального, духовной жизни нации.

1 октября 2012 года назначены парламентские выборы, где основным противником правящей партии является коалиция «Грузинская мечта», возглавляемая бизнесменом господином Бидзина Иванишвили – известного бескорыстной благотворительностью и любовью к родине и своему народу. В регионах страны на его предвыборных акциях присутствуют по несколько сот тысяч человек, связывающие надежду спасения страны с его именем, что встревожила правящую партию, которая всеми дозволенными и недозволенными методами, безнравственными действиями препятствует предвыборной работе «Грузинской мечты». Доверие народа к господину Бидзине Иванишвили столь безгранична, что он свободно может позволить себе повторить слова известного грузинского поэта Николоза Бараташвили: «Время принадлежит мне и надежда времени – я».

ТИНА ИВЕЛАШВИЛИ
НЕМНОГО ОБ АХАЛЦИХСКОЙ «МЕЧЕТИ»

Историческо-культурный памятник, т.н. «мечеть», сохранившийся до наших дней в крепости архитектурного комплекса города Ахалцихе, имеет весьма интересное прошлое. Существующая с раннего периода (приблизительно с IX века) грузинская православная церковь, а затем (со второй половины XVIII века) надстроенная на нее якобы мечеть, которая в действительности была построена наподобие Айа Софии и только с 1772-го до 1828 года (на протяжении всего 76-ти лет) являлась церковным архитектурным памятником, внешне функционировала как официальное моленное место паш (и не только ахалцихских мусульман). После взятия Ахалцихе Паскевичем, крепость заняла русская армия и мечеть, безо всякой переделки, как православная церковь, превратилась в моленный храм гарнизона. По приказу императора России, в 1850 году, экзархос Исидор благославил этот храм на имя успения божьей матери. В этом статусе он функционировал до 1921 года (целых 93 года).

Исходя из национально-государственных интересов, именно

в Ахалцихе, приграничном регионе недопустима реставрация, надстроенной в XVIII веке на грузинский исторический памятник XI века, т.н. «мечети», как мечети. Если инициаторы и спонсоры реставрации и вправду хотят в историческом виде восстановить памятник, тогда его следует восстановить в своем первоначальном виде – в виде грузинской православной церкви.

ИУЗА ЕВГЕНИДЗЕ
**ГРУЗИНСКИЕ ПИСАТЕЛИ
XIX ВЕКА О НАРОДАХ КAVKAZA**

В статье собраны и проанализированы воззрения грузинских писателей XIX века о народах, живущих в регионах Кавказа. На основе изучения большого количества материала, автор делает объективный вывод о том, что наши писатели, обладающие лучшими качествами родного народа, видели достоинства и нравственные качества даже в тех кавказских соседях, которые на протяжении веков своими непрерывными нападениями не давали покоя Грузии. Именно из-за такой объективности завоевали грузины имя передовой нации на Кавказе и соответствующее этому имени уважение.

Так, что самые лучшие учителя, деятельность которых наглядно показывает, на каких принципах должно строиться сегодня грузинское государство взаимоотношения с соседскими народами Кавказа, наши великие и достойные предки.

БОНДО АРВЕЛАДЗЕ
„АРМЯНЕ – В ПОСЛЕДНИЙ ВАГОН“

В статье рассмотрен сборник статей на русском языке «... Еще и белый геноцид» (2006), гражданина Грузии, кандидата исторических наук Артюш Саносяна и показана превратная видение автора сборника этих статей, истории и настоящего грузинского народа. Арменологу Б.Арвеладзе часто приходится напоминать армянским авторам о тех или иных достоверных фактах, подтверждающих добрососедскую и бескорыстную помощь со стороны грузин бедствующим армянам; несмотря на различия в вероисповедании, беженцы, и не только беженцы, армянской национальности, всегда находили убежище в Грузии.

К сожалению, на добрососедство и доброжелательность груз-

ин, в большинстве случаев, часть армян отвечала и отвечает неблагодарностью. Переселенцы пытаются присвоить грузинские земли и грузинскую культуру и для достижения своей цели не гнушаются применять недостойные методы, будь то нескончаемая клевета или фальсифицирование-изобретение фактов. На необоснованные претензии армянских ученых, в свое время, надлежаще ответил Илья Чавчавадзе. Положение не изменилось, то же самое повторяется и сегодня. Для защиты государственных интересов, грузинские ученые вынуждены ответить соответственно.

НОДАР ЛОМОУРИ
ШИДА КАРТЛИ – НАША РОДИНА И НАША БОЛЬ

Сегодня все больше накаляется обстановка в Шида Картли (или в т.н. «Южной Осетии»), увеличивается агрессивность осетинских сепаратистов. Недавно стало известно, что т.н. правительство планирует уничтожение ряда грузинских селений и даже упразднение их названий. С учетом возрастающей агрессивности, автор еще раз показывает, насколько незаконными и возмутительными являются такие действия. Главным аргументом названы исторические аспекты образования т.н. «Южной Осетии», ведь идеологи осетинских сепаратистов пытаются оправдать свою политику фальсификацией истории именно этого края.

Эта проблема в грузинской историографии изучена всесторонне и на высоком научном уровне. Установлено, что переселение осетин на территорию Грузии началось с XVII века, после того, как монголы и Тамерлан разгромили их объединения, существующие на Северном Кавказе и загнали осетин в горные ущелья Кавказа. Согласно признанию осетинского ученого Василия Абаева, осетины переселились на грузинские территории из-за нехватки земли и крайней бедности. Следовательно, они селились в грузинские сельбища как переселенцы. В первой половине XIX века этот процесс расширяется и в других округах Грузии также появляются поселения осетин. Но это все-таки спорадические, некомпактные поселения.

Проблема возникла после завоевания советской Россией независимой Демократической Республики Грузии. В 1922 году, по постановлению советской власти, в знак благодарности осетинскому населению за поддержку, оказанную в 1920-1921 годах красной армии при вхождении в Грузию, был создан «Автономный Округ Южной Осетии». Однако, для получения статуса Автономного Округа, было недостаточно селений, населенных только осетинами. Поэтому в состав округа

включили и населенные грузинами селения, а столицей АО объявили древний грузинский город Цхинвали, переименованный в 1934 году в Сталинир. И эти проблемы соответственно освещены в грузинской историографии. Не вызывает сомнений тот факт, что создание в свое время на территории Шида Картли «АО Южной Осетии», с исторической точки зрения, было абсолютно неоправданным. На протяжении веков этот край политически, экономически, этнически и культурой являлся и является неотделимой частью Грузии. Таковы те реальные постулаты, которые должны учитывать нынешние осетинские сепаратисты и их единомышленники.

ЗУРАБ ЦУЦКИРИДЗЕ РОДИНА В ОПАСНОСТИ

Невооруженным глазом явно видно, какая массовая атака осуществляется сегодня на грузинское национальное сознание. Автор статьи рассуждает о том, что стараются выкорчевать наши «доброжелатели» из сознания грузин и что собираются внедрять вместо него. Он указывает на нравственные аспекты, чреватые смертельной опасностью для нашего будущего.

ТЕМУР АРБОЛИШВИЛИ ОБЩИЙ АНАЛИЗ ПРОБЛЕМ ВЫНУЖДЕННО ПЕРЕСЕЛЕННЫХ ЛИЦ

Статья касается политики, проводимой грузинской властью по отношению к вынужденно переселенным в своей же стране лицам. Автор выявляет недостатки этой политики, что, в свою очередь, еще больше обременяет и так тяжелое положение беженцев и предлагает предложения, осуществление которых сможет значительно улучшить жилищные условия беженцев.

ЗУРАБ ДЖОРБЕНАДЖЕ РЕФОРМА СУДА И ПРОБЛЕМЫ ПРАВОСУДИЯ

В развитых странах мира на первый план выдвинуты защита прав, свободы, жизни и свободы самовыражения человека. Степень

демократичности страны оценивается в мире именно гарантированной защитой со стороны государства этих прав. Примером можно привести такие высокоразвитые страны, как: Соединенные Штаты Америки, Франция, Германия.

Исходя из вышеотмеченных обстоятельств, мнение о том, что с 1998 года до сегодняшнего дня, реформы, проведенные в системе грузинского суда, не принесли соответствующих результатов, а наоборот, ухудшили существующую ситуацию в системе правосудия, не является спорным. Ввиду того, что действующая сегодня система грузинского суда не отвечает принципам ни справедливости, ни демократичности и ни беспристрастности (что вызывает справедливое неудовольствие граждан, живущих внутри и за пределами страны), со стороны международных организаций, в связи с обозначенным вопросом, было сделано не одно замечание и указание. Об этом свидетельствуют множество исков, внесенных грузинскими гражданами в европейские суды по защите прав человека, большая часть которых, был удовлетворен.

По мнению автора, главной причиной существующего положения в системе грузинского суда является прямое давление и полный контроль со стороны власти на систему суда.

МАМУКА ЦУХИШВИЛИ 10 НАИВЫСШИХ ПРЕСТУПЛЕНИЙ ВЛАСТИ

Автор письма дает квалификацию преступления правлению нынешней власти Грузии и пытается объединить основные направления существующего режима в десяти видах преступлений.

ГРАНИ КАВТАРИЯ ДЕМОНЫ РИМСКОЙ ИМПЕРИИ. КАЛИГУЛА

Подобно стихийному бедствию явился Гай цезарь - Калигула Всемирной империи Рима. Он обладал всеми отрицательными человеческими качествами. Император стоял выше государства и законов. Выше интересов страны стояли воля и желание одного человека. Согласно преданиям античных авторов, Калигула был психически неполноценной личностью, о чем свидетельствуют несколько грандиозных, лишенных практического назначения, проектов, выполненных по его приказу. Император считал себя богом и требовал от подданных подобающему

богу поклонения. Четырехлетнее господство Калигулы было эрой полного беспредела.

ГРИГОЛ РУХАДЗЕ
ОБРАЗНОЕ ОСМЫСЛЕНИЕ ЛОЗЫ

В статье рассмотрен вопрос о каноничности новосозданной иконы божьей матери «Ты есть Лоза» («Шен хар венахи»), на которой младенец Иисус изображен левой благославляющей рукой. По оценке автора, ввиду неправильного и самовольного использования символики, икона «Ты есть Лоза» написана неканонически и следовательно, не обладает церковной функцией.

ТЕЙМУРАЗ ПАНДЖИКИДЗЕ
ГУРАМ КЕРАШВИЛИ, ХЕВИ И МОХЕВЦЫ, ТЬ., 2012

Письмо-рецензия представляет предисловие редактора на весьма интересную книгу Гурама Керашвили «Хеви и мохевцы», в которой охарактеризована одна из древнейших и красивейших сторон Грузии – хеви: ее история, быт, прошлое и современность; описаны географическое расположение, границы, ущелья, исторические селения, храмы, крепости, места ранних молелен, топонимы, генеалогия фамилий, поставлены проблемы, стоящие перед сегодняшним Хеви и в целом Мтианети Грузии.

SCIENTIFIC AND SOCIAL JOURNAL
“SAMI SAUNJE” (THREE TREASURES) №3, 2012
(IN GEORGIAN)

SUMMARY

ZURAB TSUTSKIRIDZE
DEFORMATION ASPECTS OF SCHOOL REFORM IN GEORGIA

Any intentional action which considers creation, alteration or destruction of something is based on a specific concept. In the article, the author discusses the main aspects of the concept that is the basis of the current reform of the Georgian education system. As a result of this, instead of the reformed system, we ended up with a deformed education system.

GIORGI GOGOLASHVILI
EDUCATION- OUR DESTINY

Georgians have always had an understanding that a) Education is vital for such a small nation as Georgia; b) Education is a continuous process: Pre-school education (kindergarten), school (elementary, middle, high) and higher education (college, university). After in-depth study of the issue, it has been established that serious problems are taking place during all stages of the educational system. Unfortunately, the single uniformed system has collapsed. It has been politicized, and unprofessionalism has increased. Less attention is paid to the moral upbringing of the younger generation; other issues are emerging as well.

National science also faces serious problems. If this situation continues, Georgian science will lose any prospect of development and progress.

TENGIZ KAMUSHADZE
EVERYTHING FOR FRIENDS, LAW FOR EVERYBODY ELSE

The young Georgian Government that came to power through the “Rose Revolution” in 2004 immediately embarked on reforms in the economic, political and social spheres of the country. The education system is such a delicate and sensitive phenomenon of the spiritual life of the nation, that the pro-

cesses that occur within it require an extremely balanced approach. Moreover, it is inappropriate to carry out such reforms based on favoritism or emotions.

The author presents an example based on Tbilisi State University. He demonstrates how this type of approach was the cause of the destruction of the “White Temple” that was built with tremendous love and passion for nearly a century. He shows how the scientific disciplines that had considerable practical importance for Georgia have disappeared. According to the author this is caused by everybody; by today’s government and by current opposition who actively participated in drafting this senseless reform.

TEIMURAZ MIRIANASHVILI

**OPEN LETTER TO THE AMBASSADOR OF THE UNITED STATES
OF AMERICA, MR. RICHARD NORLAND**

In the letter addressed to the ambassador of the United States of America the author poses a question – why is United States who carries the image of democracy standard-bearer in the world silent about the transgressions and anti-democratic actions towards the human rights which today’s so called “beacon of democracy” Georgian government has established into everyday life.

GVANTSA KOPLATADZE

HE WHO LOVES HIS HOMELAND, LIFE FOR HIM IS A BATTLE

The article analyzes the events that have taken place in Georgia for the past three decades. The author shares the opinion of Ilia Chavchavadze - the nation that wants to maintain its identity must understand the time and be able to respond to its demands accordingly. At this time, a particular responsibility rests on intellectuals as the thinkers and the leaders of the nation. The author mentions the reasons that have prevented the intellectuals from carrying out their mission and leading the nation on a path of peace: inability to understand political events, fear of losing prestige and indecisiveness. Unfortunately, the situation could not be changed by the activities of a few. Even though they had the relevant knowledge for existing conditions and courage to tell the truth, their voices were overpowered by the majority.

ANZOR TOTADZE

“THE TIME IS MINE, AND I AM ITS HOPE”

Georgia is facing difficult times. The ruling party – national movement that came to power by the “Rose Revolution” has brought the country to the brink of dilapidation during the last 8 years of its administration. The article discusses harsh political and socio-economical conditions that exist in this country. It examines activities carried out by the nationals against the nation’s social and spiritual life.

On October 1st 2012, Parliamentary elections are set to take place. The main opponent of the ruling party is coalition “Georgian Dream” led by businessman Mr. Bidzina Ivanishvili – wellknown for his illustrious, selfless charity and the love of his country and people. Thousands of people attend his pre-election meetings in different regions of the country. He is considered the hope for the country’s salvation. This fact alarms the ruling party. It tries to disrupt “Georgian Dream’s” pre-election activities by inconceivable and immoral means. People’s faith in Mr. Bidzina Ivanishvili is so strong that he can easily quote the words of a prominent Georgian poet Nikoloz Baratashvili: “The time is mine, and I am its hope”.

TINA IVELASHVILI

A LITTLE BIT ABOUT AKHALTSHIKHE “MOSQUE”

The so-called “Mosque” that has been preserved in the architectural complex of the Akhaltshikhe city fortress has a very interesting history. It was built as a Georgian Orthodox church in the early period (at least 9th century). Later, (after the 2nd half of the 18th century) it had a structural addition that resembled a mosque. Only from 1772 to 1828 (76 years) it served as an official prayer hall for Pasha’s court. But it never served as a mosque for the Muslims living in Akhaltsikhe. In reality, the structure was built according to Aia Sofia, and it has always represented an ecclesiastic architectural monument.

After capturing Akhaltsikhe by Paskevish, the fortress was occupied by the Russian army. The so-called “mosque” became a temple of worship for the garrison without any need of alteration as the Orthodox Church. In 1850 by the order of the Russian Emperor, Exarchos Isidor blessed it with the name: “Dormition of Mother of God.” The church functioned in this status till 1921 (93 years).

Proceeding from national and state interests, in the border region, in Akhaltsikhe, it is unacceptable to restore the structural addition performed in the 18th century (the so-called “mosque”) to the 11th century Georgian his-

torical monument as a mosque. If the initiators and sponsors of the restoration want to restore the monument from a historical point of view then they should do it to its original form - Georgian Orthodox Church.

IUZA EVGENIDZE
**19TH CENTURY GEORGIAN WRITERS ABOUT
 THE PEOPLE OF CAUCASUS**

The article is a collection and analysis of the opinions of 19th century Georgian writers about the people living in the regions of Caucasus. Based on extensive research, the author makes an objective conclusion. He states that our writers, who possessed the nation's best qualities, saw dignity and moral characteristics even in those Caucasian neighbors who over centuries haunted Georgia with constant attacks. Because of such objectivity Georgians have been regarded as a progressive nation in the Caucasus and gained the corresponding respect.

So, the best teachings as to what principles Georgian government should build relations with the neighboring peoples of the Caucasus come from our esteemed and noble ancestors.

BONDO ARVELADZE
"ARMENIANS.... IN THE LAST CAR"

The article examines a series of articles written in Russian by Georgian citizen Mr. Artiush Sanosian. Sanosian, Candidate of Science. The article is entitled, "...And the White Genocide", 2006. The article reviews the author's distorted view of past and present of the Georgian people. Armenologist B. Arveladze often has to remind Armenian authors of various established facts according to which Georgians always assisted Armenians during difficult times. Despite religious differences, the Armenian refugees and not only refugees always found sanctuary in Georgia.

Unfortunately, some Armenians have always been ungrateful towards Georgians offering assistance. Armenian settlers try to appropriate Georgian land and culture. They try to achieve this despicable objective by just as despicable methods - endless slander or falsification and fabrication of facts. A century ago Ilia Chavchavadze responded to the unfounded claims of the Armenian scientists. The situation has not changed; the same is taking place today. Georgian Scientists are compelled to respond appropriately to protect the public interests.

NODAR LOMOURI

SHIDA KARTLI - OUR HOMELAND AND OUR PAIN

Today, the situation in Shida Kartli (or so called "South Ossetia") is getting more and more heated. The aggression of Ossetian separatists is escalating. Recently, it became known that the so-called local government plans to eliminate a number of Georgian villages and do away with their names.

Given this increasing aggressiveness, the author once again demonstrates how illegal and outrageous these types of actions are. It is argued that the main cause for this is the historical aspect of creating so-called "South Ossetia. Ossetian separatist ideologists attempt to justify their political moves by falsifying the history of this region.

This problem has been thoroughly studied in Georgian historiography. It has been established that the relocation of Ossetians into the territory of Georgia began in the 17th century after the Mongols and Tamerlane defeated an Ossetian coalition in North Caucasus and drew them to mountain gorges of the Caucasus.

According to the confession of the Ossetian scientist Vasiliy Abayev, Ossetians migrated to Georgian territory due to "shortage of land and extreme poverty". In the first half of the 19th century, the process expanded to other districts of Georgia, but those settlements were scattered and not compact.

The Problem's origin is the result of establishing the "Autonomous Region of South Ossetia". It took place after the conquest of the sovereign Democratic Republic of Georgia by the Soviet Russia. In 1922, by the order of the Soviet Government, the Autonomous Region of South Ossetia was established. This happened in gratitude to Ossetians who supported the Red Army's invasion of Georgia in 1920-1921; however, to obtain the full status of an Autonomous Region, the Ossetian population was insufficient. Therefore, towns and villages occupied by Georgians were included as well. The ancient Georgian city of Tskhinvali was announced as the capital. Later, in 1934, it was renamed as Stalinir.

These issues are properly covered in Georgian historiography. From a historical point of view there is no doubt that the establishment of the Autonomous Region of South Ossetia on the territory of Shida Kartli was totally unjustified. For centuries this area politically, ethnically, culturally and economically has been an integral part of Georgia.

These are the actual postulates that today's Ossetian separatist and their supporters should take into account.

ZURAB TSUTSKIRIDZE

MOTHERLAND IS IN DANGER

Today it is obvious even with a naked eye that a mass attack is carried out against Georgia's National consciousness. The author discusses what our well-wishers are trying to eradicate from the minds of Georgians and what they are trying to implement instead. He points out the moral aspects of deadly threats to our future.

TEMUR ARBOLISHVILI

ANALYSIS OF THE ISSUE OF DISPLACED PERSONS

The article refers to the policy pursued by the Georgian government towards the forcibly displaced persons in their own homeland. The author reveals the shortcomings of this policy which further burdens the already existing conditions of the refugees. The author provides suggestions the implementation of which should result in significantly improving the living conditions.

ZURAB JORBENADZE

COURT REFORMS AND PROBLEMS OF JUSTICE SYSTEM

In developed countries, human rights, liberty, freedom of expression is obvious. The degree of democracy of a country is measured by how well the state guarantees the protection of these rights. A good example of this would be well developed countries like United States of America, France and Germany.

Based on the above circumstances, it is obvious that from 1998 to the present the reforms in the Georgian court system did not yield relevant results. On the contrary, they rather worsened the existing justice system. The current court system does not meet the principles of justice, or democracy or impartiality. This causes fair discontent of citizens living inside and outside of the country. In view of the fact international organizations have rebuked multiple times. This is evidenced by numerous complaints lodged by Georgian citizens in European human rights protection courts; large percentage of complaints has been approved.

The author believes the main reason for the current situation in the Georgian court system is the result of direct pressure and control carried out by the government.

MAMUKA TSUKHISHVILI

10 BIGGEST CRIMES OF THE AUTHORITY

The author of the letter characterizes the administration of the Georgian government as being criminal. He tries to compile the main directions of the current regime in ten types of crimes.

GRANI KAVTARIA

DEMONS OF ROMAN EMPIRE. CALIGULA

Gaius Caesar – Caligula arose like a natural disaster for world Empire of Rome. He possessed every negative human quality. The emperor was above the state and the law. One man's desire and will stood above the interests of the country. According to ancient authors, Caligula was mentally handicapped. The evidence of this is several grand projects carried out by his order that lacked any practical purpose. The emperor considered himself as God and demanded equivalent worship from his subjects. Four-year reign of Caligula (34-41AD) was an era of complete lawlessness.

GRIGOL RUKHADZE

FIGURATIVE INTERPRETATION OF THE VINEYARD

The article addresses the issue of canonicity of newly created Mother of God icon “Thou Art a Vineyard” (Shen Khar Venakhi). It depicts infant Jesus with a left hand a raised in blessing. According to the author due to improper and unauthorized use of symbolism, the icon “Thou Art a Vineyard” is not created according to canonical rules and thus does not possess any ecclesiastical function.

TEIMURAZ PANJIKIDZE

GURAM KERASHVILI, KHEVI AND MOKHEVIANS, TBILISI 2012

The letter-review is an editor's preface to a rather interesting book by Guram Kerashvili: “Khevi and Mokhevians”. The book portrays one of the oldest and most beautiful regions of Georgia –Khevi. It illustrates its history, daily life, past and present; borders, gorges, historic villages, churches, fortresses, early chapels, toponyms and genealogy of last names. It presents the issues that exist in today's Khevi and in Mtianeti of Georgia in general.

სამეცნიერო-საზოგადოებრივი ჟურნალი
„სამი საუნჯე“ №3, 2012

გამომცემელი შპს „სამი საუნჯე“
სამტრედია, დავით აღმაშენებლის ქ. № 409.

ელ. ფოსტა: samisaunje@sinergia.ge
ტელ.: 298-26-34, 599-19-68-23



Научно-общественный журнал
«САМИ САУНДЖЕ» (Три святыни) №3, 2012
(на грузинском языке)



Scientific and social journal
“SAMI SAUNJE” (Three treasures) №3, 2012
(in georgian)



პატეცემულო მკითხველებო,
გთხოვთ გაითვალისწინოთ,
ყოველი გამოწერილი ნომერი ჟურნალის
თანადგომასა და სამი საუნჯის დაცვას ნიშნავს.

ჟურნალზე ხელმოსაწერად დაუკავშირდით
გამავრცელებელ სააგენტოებს —
თბილისში: სს „მაცნე“, საირმის ქ., კორ. №4,
214-74-22; შპს „ელვა.ჯი“, 238-26-73(74);
ხოლო რესპუბლიკის სხვა ქალაქებისა და
რაიონების ფილიალებს — ვებ-გვერდის
www.sinergia.ge საშუალებით.

საცალო ფასი 7 ლ.

ხელმოწერის ფასი 5 ლ.



ISSN 2233-338X

www.sinergie.ge; samisaunje@sinergie.ge